

REVERENDISSIMI  
IN CHRISTO  
PATRIS,

PATRICII ADAMSONI,  
SANCTI-ANDREÆ

*In Scotia Archiepiscopi dignissimi  
ac doctissimi,*

Poëmata Sacra, cum alijs opusculis.

*Studio ac industria* THO. VOLVSENI  
*I.C. Expolita & Recognita.*



LONDINI,  
Apud IOANNEM BILLIVM,  
ANNO M.DC.XIX.

8





MVSEVM  
BRITAN  
NICVM

*Ad Augustissimum & Inuietissimum  
Monarcham,*

**I A C O B V M**

*Magnæ Britanniae, Franciæ & Hyber-  
niæ Regem, Fideiq; Propugnatorem  
strenuum.*

*Eusapius dñi Zm.*



*Vm ante triginta plus mi-  
nus annos, Rex Serenif-  
sime, Patricius Adam-  
sonus Sancti-andreae Ar-  
chiepiscopus, T. Maiesta-  
tis auspicijs plurimas cun-  
in re Theologica, tum ciuili lucubratio-  
nes, & Poëmata ab ipso etiam iuvene cum  
in Scotia, tum Gallijs ante aliquot annos  
conscripta, ac doctissimorum ex utraque  
gente calculis comprobata, publici iuris face-  
re instituisset; ea temporum incidit calami-*

tas (cuius ingratam memoriam vsurpare, & vulnera propè obducta refricare, non est animus) ut Archiepiscopus hic noster, non tam in scriptis edendis, quàm in fama tuenda, & vita anxie toleranda, maleuolorum calumniis, fraudibus, & vi aperta appetitus, laborarit; & morbis diuexatus aegrè respirarit, tandemque oppressus, sacram Deo animam reddiderit. Ne tamen cum caduco corpore, ingenij monumèta interiisse videantur; nonnulla, quæ sola ab inimicorum (qui omnia ipsius opera suppressa voluerunt) improbitate, vindicare licuit; pro ea, quæ generum soceri memoriam prosequi decet, pietate, in publicum dare constitui. Sed cui posthumos auctoris fætus dedicandos putem, dubitare est nefas; ut qui probè sciam, non modò omnes eius, tum stricta, tum soluta oratione vigilas, & opera ab ipso viuo T. Mati destinata, sed omnia insuper ipsius studia, industriam, labores, conatus, fortunas, vitam denique



denique ipsam eidem consecrata, & non sine  
summo discrimine sæpius exposita memine-  
rim. Neque verò *M<sup>tem</sup> T.* latet, quan-  
tum vitæ periculum adierit, cùm Parisiis,  
famâ de augustissimis & felicissimis tuis  
natalibus percrebrescente, Genethliacon, iis-  
dem, quibus nunc *Maestas* tua insignita  
est titulis conscripsit, & quod typis ibidem  
audaciùs commisit; arctiore carcere, velut  
omine eorum, quæ pro sua in *M<sup>tem</sup> T.* ob-  
servantia & obsequio passurus esset, per  
menses senos conclusus est: nec nisi magno-  
rum Principum precibus & intercessione,  
gravius periculum euasit. Taceo (nemini  
mortalium, æquè ac *M<sup>ti</sup> T.* ista sunt nota,) quæ  
in *Antistitum* Ecclesiæ dignitate &  
münere asserendo, ac fundamentis Ecclesia-  
stici regiminis, quod nunc tandem tuis auspi-  
ciis in Scotia viget & floret, iaciendis, insa-  
niâ potius, quàm odio nonnullorum phreneti-  
corum pertulerit; cùm unicum ipsi in tua,

post Deum, *Mate* positum esset præsidium.  
Quo tempore, cum nefariis nonnullorum ar-  
tibus, & flagitiosis consiliis, insani de tua in  
Pontificiam superstitionem propensione, per  
vicinam Angliam rumores spargerentur:  
Archiepiscopum hunc tuum, verè inquam  
tuum, cum amplissima legatione ad Serenis-  
simam Elizabetham Angliæ Reginam  
mittere est visum: Qua in legatione, cum  
Reginæ animum, malè feriatorum hominum  
calumniis præoccupatum penitus denudasset,  
& omnes scrupulos amouisset: concionibus  
in summa omnium ordinum frequentia Lon-  
dini persæpe habitis, cum singularem, in Or-  
thodoxæ Religionis mysteriis explicandis,  
& controuersis diiudicandis peritiam, quin  
& acerrimum in eadem tuenda & amplifi-  
canda studium ac zelum, rarissimâ quæ  
ipsi innata erat, & literis politioribus excul-  
ta, facundiâ, solerter & copiosè exposuisset,  
& à perditissimis Satanae mancipiis dissemi-  
natas

tuam

natas calumnias abundè diluisset; ea ab omnibus qui certatim confluebant auditoribus, tantà gratulatione & applausu excepta sunt, ut templa omnia consonis T. M<sup>ti</sup> fausta & fœlicia cōmprecantium vocibus, velut celeusmate, personarent. Hæc cū Regina, per quosdam, qui concionantem aliquoties audiuerant, tandem innotuissent; ea veritate quantum popularis auræ, adolescenti tum T. M<sup>ti</sup> accresceret, tantum deuergenti suæ decresceret; ex sanctioris consilij sententia missus est Regina nomine, qui Archiepiscopum moneret, ut omni in Anglia concionandi munere abstineret; Nec tamen omni oblata occasione desuit, imperitos multos ius illud quo Angliæ regnum T. M<sup>ti</sup>, secundum Elizabetham debebatur, priuatim edocere, vacillantes erigere, gnaros pronosque confirmare. In Scotiam autem reuersus, cū imperitæ multitudini, fanatici nonnulli, obiecto Religionis & Reipubl. velo, imposuissent



fuissent, & qui tunc rerum erat tam in Ecclesia, quàm in aula status, insectarentur, Libellus Apologeticus T. M<sup>tis</sup> iussu ab ipso est editus, quo consilij tui rationes tam in Ecclesia quàm in Repub. ordinanda explicantur, & fanaticorum hominum furor detectus retunditur. Atque hic quidem pro tempore profuisse non parum est visus. Neque verò M. Tuam fugit, quo subinde periculo versatus sit, frequentibus Regni, & Ecclesiae comitiis, pro Ecclesiae & Reipub. moderamine acturus, Praesertim in Ecclesia & Urbe Edinburgena, ad Proceres & populum verba facturus, dum eos per Jehouam adhortatus esset, ut ex Apostoli praescripto, officij debiti & charitatis norma, obnixè orarent & preces supplices instituerent pro Serenissima matre Regina tunc superstita, aliisque legitimis occasionibus. Et cum id temporis, de Episcoporum dignitate & munere, magna contentione quaestio ageretur

taretur; visum est T. M<sup>ti</sup> in Academia  
Andreana præsente Gulielmo Salustio Bar-  
tassio, quid tuus Archiepiscopus inopinatò  
& ex tempore in hoc argumenti genere con-  
tra Andream Meluinum posset, experiri:  
atque ibi quidem, quantum non modò in hi-  
storia Ecclesiastica & Patrum orthodoxo-  
rum scriptis, sed in reconditis Sacræ Theo-  
logiæ mysteriis, & omni politioris eruditio-  
nis genere potuerit, omnium qui tunc ade-  
rant sententiis est probatum. Non multò  
post, subsequuta sunt ea tempora, quorum  
ipse in suis ad M<sup>tem</sup> T. in Apocalypsin &  
Jeremiæ Threnos præfationibus, suâque ad  
Musam Apostrophe, ac ad M. Tuam  
adhortatione, aliisque suis scriptis disertè  
meminit. Quibus non modò ab incepto in  
restauranda Ecclesia, ac eiusdem hierarchia  
constituenda conatu, est retardatus; sed dig-  
nitate, fortunisque omnibus exutus, vitam  
miserandum in modum tolerare est coactus:

b

vnde

unde, uxore, liberis, & familiâ, in summa  
egestate ac inopia relictis, T. M<sup>tis</sup> fidem &  
opem implorans, morbis & animi angore ab-  
sumptus, sacra Enthysiasmate & carmine  
plane diuino animam Deo commendans,  
vitam hanc mortalem cum immortali com-  
mutauit. Quamobrem, Rex Serenissi-  
me, cum Archiepiscopus tuus, quoad vixit,  
omnes vitæ suæ rationes, tibi tuisque nego-  
tiis addixerit, nihil me absonum, aut à genio  
tuo alienum admissurum spero, dum opera  
ipsius, quæ nunc conquiri possunt, nasutissi-  
mo hoc seculo in lucem emittens, ea M<sup>ti</sup> T.  
consecrauerim. Atqui hoc quidem eò con-  
fidentiùs aggredior, quòd non modò autho-  
rem ipsum dum viueret, variis tempestati-  
bus & procellis iactatum, in tutissimum &  
tranquillissimum T. M<sup>tis</sup> portum recipere  
& fouere, sed patrocínio tuo ipsum, eiusque  
opera dignari, eaque posteritati, pramisso  
Elegantissimo tuo Epigrammate, commen-  
dare



dare non sis aspernatus. Accipe igitur,  
Rex Serenissime, eadem fronte, posthu-  
ma hæc ipsius opera, quâ viuum eorum pa-  
rentem excipere consueuisti, & nostram  
hanc opellam, qua soceri Clarissimi & reue-  
rendissimi memoriæ consulimus, patrocinio  
tuo protege: Necnon miserandos ipsius  
liberos orphanos, qui ex calamitate &  
morte paterna, nil præter orbitatem &  
egestatem retulerunt, tueri ac subleuare non  
dedigneris. Deus ille misericors, tibi vndi-  
que propitius, Augustiss. **M.** Tuam  
Regnis, Reipubl. & Literatis omnibus,  
quàm diutissimè seruet incolumem.  
*Amen.*

M<sup>tis</sup> T.

Observantissimus,

THO. VOLVSENV.S.

Ad eundem Srenifs. Regem.



Ccipe Nectareos, ô Rex Excelse, liquores,  
(Præses Apollinei, Pierijque chori.)

Non hæc Picens in collibus uua pependit,  
Gallia, nec Rhenus, nec Tagus ipse dedit.

Non Thuscis innata iugis, tergoue falerni est,

Massica non illam, Cressaue terra tulit.

Manauit suauis patrijs de vitibus humor,

His poni voluit quas pia cura locis,

Hæc loca si memini, cunctis præferre solebas,

Dicebas ipsos hîc habitare Deos.

Nil mutata loci facies, iidemque penates

Nunc sunt, mens eadem quæ fuit illa prius.

Hæc vatis monimenta tui, Rex excipe letus,

Cæcropiæque sacris debita thura choris.

Quicquid Arabs, Seresque ferunt, & odorifer Indus,

Rubraque gemmiferi deuehit unda maris.

Hæc & purpureos superant, viridesque lapillos,

Quicquid & aurifero gignit in amne Tagus.

Et quanuis numeros tua gloria ducta per omnes

Vlterius nihil est quo ferat illa gradum.

Ille tuas cecinit victuro carmine dotes,

Et toto Nomen clauit Orbe tuum.

Impiger & vestri cultor, Regnique perennis

Gloria; sed veræ Religionis amans.

Atque

Atque sub auspicijs, Rex Augustissime, faustis,  
Hæc prodire iuuat munia parua tuis.  
Maior ut accedat scriptis ex Nomine tanto  
Gloria, quæ nulla stet moritura die.  
Interea dum fila sinunt me currere Parca,  
Nec summi iniussu Regis abire licet.  
Ipse ego tale aliquid modò si promittere possum,  
Castalioque fluit si mea fonte lyra;  
Ingenium mentemque tibi, Rex magne, dicabo,  
Gloriaque eternum perpete laude cluet.  
O nimium tali, Brittannia, Principe felix,  
O Princeps, hominum gloria, cura Deum.

Mtis T.

Obseruantissimus

THO. VOLVSENVS.



The Kingis most excellent Maiestie,  
In commendation of the Author.

**I**N vandering wealth through burbling brooks and bewis,  
Of tripping troupes and flocks on fertil ground,  
In cattell great of syndrie schaips and bewis,  
With hoises all haill, or in a parted round,  
In heapes of gold and riches in all waies;  
As Iob exceld all others might be found  
Of Monarchs great or Princes in his daies:  
So this Translatour merites no les praise  
For giftes of spreit, nor he for giftes of geir,  
And God in grace hath giuen such counterpaise,  
As his translation to the work is peir;  
He did in him his giftes so wiselie mell,  
Whose heuentie wealth Iobs earthlie wealth doeth tell.

Latinè

Latine.

**O**mnigenis gregibus, fuluo niueoque metallo  
Regnorum dominis maior Iobus erat.  
Sic cui nunc sacrum pandunt Heliconæ Sorores,  
Omnibus ingenij dotibus auctus erat;  
Inclutus omnigenis animi virtutibus: ille  
Ditior armentis, mente nec iste minor.  
O quàm Ioua bonus lance hæc librauerit aquâ,  
Vt compar Iobò versio docta foret.  
In quem prudenter confert sua dona Creator,  
Iob: ut terrenas carmine cantet opes.

To

To the enuious , or euill willer.

**T**Hy thoughts, thine hopes, and purposes ar gone,  
Thou buildis on clouds thy pallace all of stone.  
For this Arch'bishop is immortall made,  
By learned Workes that shall not after fade.  
Whom thou and thine did causles euer blame,  
Heere thy reward shalbe great endles shame.

L A T I N E.

In Vappam , siue Zoilum.

**I**Rrita te lusit tua spes, fundamina nubes  
Dum super aërias saxea Mome iacis.  
Præsulis eximij laudes super astra feruntur,  
Cuius iam nequeunt scripta decusque mori.  
Dum tu falsoquæ post tot conuicia linguæ,  
Inuidiæque refers dedecorisque notas.



# IN IOBVM,

A PATRICIO ADAMSONO Sancti-Andræ Archiepiscopo, in medio belli ciuilis, quo Gallia anno 1572. conflagrauit, incendio, Poëtica Metaphrasi illustratum.

THOMAE MORAVII Schediasma.

**G**allia ciuili cū debacchata furore  
Facta est heu! populi carnificina sui.  
Mæstus Adamsonus, flammâque & cæde piorum  
Continuata videns funera funeribus,  
Iam dubius Vita, solum sibi legit Iobum  
Aerumnis comitem, consiliumque suis.  
Hinc & Adamsono cessit benè, cessit Iobo  
Res benè; pro meritis munus vterque tulit.  
Debet Adamsonus Vita solamen Iobo,  
Quodque pius raptas fert patienter opes.  
Iobus Adamsono Latine præconia lingue  
Debet, & exortum nunc sibi Virgilium.  
Debet vterq; Deo, quod flammâ, cæde, rapinis,  
Turbinibus, morbis; carnifices, Satanas  
Nil poterant; vel quod poterant, vtriusque saluti  
Profuit, & nostris fit medicina malis.

c

Nec

*Nec medicina malis tantum: mala nunc bona, Vitæ  
Et pignus fiunt, arrhaque perpetua.  
Perpetuâ nobis Vitâ hac Utique fruique  
Dum liceat, Valeant carnifices, Satanas  
Turbinibus, morbis, flammaque, & cede rapinis  
Cunctaque concutiant, cunctaque disjiciant.  
Se cruciant, sese perdunt; nobisque caducam  
Dum Vitam hanc rapiunt, perpetuam pariunt.*

Magni  
IVLII CÆSARIS SCALIGERI,  
In Iobum

ELOGIVM.

**H***Inc tecum est Dominus, hinc tecum servus, amicus  
Hic fouet: hic fotas atterit hostis opes.  
Ingens præsidium: sed cedunt magna minori,  
Tandem Ut deterior vis potiore ruat:  
Ignoto nimium res est operosa labore:  
Si quateris, quo mox firmior esse queas.*

In

In Authorem, deque eius Scriptis, curâ  
& charitate *Tho. Voluseni*  
excussis.

**V**iribus ingenij nunc se *Brittanna* propagat  
Gloria, cui *Pallas* præuia pandit iter.  
*Personat* eloquio mundi vatesque per axes,  
Perque sonat *Versu* solis *Utrumque* torum.  
*Quod* dedit *Arpinum* *Magna*, quod *Mantua* *Roma*,  
*Stirps* dedit *Adami*, *Scotia* docta tibi.  
*Volseno* *Clerus*, referat quoque *Brittana* grates,  
Quo sine *Adamsoni* *Musa* sepulta foret.  
*Non* finit egregij monumenta perire *Poëta*  
Qui calet à gelida morte superstes amor.

GEOR. BARCLAYVS.



Ad Authorem.

**E**uge Caledoniae decus admirabile, Vates,  
Quem praesens aetas posteritasque canet.  
En sacer ipse chorus, doctae pia thura cohortis,  
Vatis Adamsoni Nomine, digna litat.  
Phaeus & ipse sacer, diuina arcana Tonantis  
Pandit Adamsonus Numine digna ferens.  
Et Vatum referat, prudens Oraclapiorum  
Quam facili Vena, quamque fluente fauo.  
Quale Pericleo manabat nectar ab ore,  
Quale suo recinit funere carmen olor.  
Quale melos Siculo tenuit cita vela profundo,  
Tale refer s carmen, docte poeta, tuum.  
Quas tua non adiit, Vates doctissime, gentes  
Gloria? Patricium quae tacitura dies?  
Leta nouum mundo natura fauentibus astris  
Addidit in Lucem te veniente decus.  
Tu Pater eloquij, trinae praestantia linguae,  
Ingenio priscis equiparande Viris.  
Tu decus Orbis eras, doctae tu gloria gentis;  
Gloria crede mihi nec moritura tua est.  
Vos decuit, Musae, sacro succurrere vati,  
Ille ope, Phaebe, tua viuiere dignus erat.  
Sed tamen & luctu vestro lachrymisque Mineruae,  
Pegaseas undas intumuisse ferunt.

THO. VOL.

Eius-

Eiusdem in eundem.

**N**ostra licet datum careat fautoribus ætas,  
Turbaque Pierios spernat ineptalacus.  
Non tamen in magnâ caligne temporis huius  
Ingenium latuit docte Poëta tuum.  
Ata sed erumpit veluti per nubila Phœbus,  
Formosumque refert luce nitente diem.  
Sic tua se propriâ virtute industria tollit,  
Nec cessit fato succubuitque malis.  
Quinetiam illustres inter, magnosque Poëtas,  
Candida sublimem dat tibi Musa locum.  
Parnassique licet multus verferis in umbris,  
Gratus facundi nec nitor oris abest.  
Quin tua Pegaseos dulcis libare liquores  
Ausu, atque Aonium Musa subire nemus.  
Et tibi conueniunt cytharæ, tibi laureaserta;  
Gloria quæ doctis contigit ingenijs.

De operosis Authoris vigilijs & Lucubrationi-  
bus, malè feriatorum hominum odijs &  
fraude surreptis.

Eiusdem.

**I**n te consumpsit vires fortuna nocendo,  
Nil superest, quod iam possit obesse tibi.

Non tamen ista valent rectam infortunia mentem  
Eripere, & virtus inuiolata manet.  
Candidus ille viget morum tenor, & pia vitæ  
Simplicitas, nullis est labefacta notis.  
Parsque tui melior, rabiem prædonis iniqui  
Despicit, ac diras igniferasque minas.  
Nanque sacros inter celebraberis ecce poëtas,  
Seraque posteritas scripta diserta leget.  
Et clarum toto stabit tibi Nomen in Orbe,  
Donec in æquoreas & Taus ibit aquas.  
Dura fuit rerum iactura (ut constat) at illud  
Triste magis, scripta heu tot perijsse tua.  
Namque bona, & gemmas, nummosque & prædia si quis,  
Perdidit, hæc aliqua sunt reparanda viâ.  
Casus, & indulgens hominum præsentia, multis  
Amiffas duplici fœnore reddet opes.  
Quis tibi restituet, non exemplaribus ullis  
Tradita per longas tot monimenta moras?  
Quò fit, ut indigner doleamque, impunè quod ausus  
In te sit tantum Barbarus ille nefas.  
Ille sacras ædes potuit spoliare, Deosque,  
Qui vertit rabidas in tua damna manus.  
Non illum pudor, aut pietas, aut gratia mouit,  
Nec vindex magni terruit ira Dei.  
Et bona Pieridum dextro tibi Numine parta,  
Sacrilegâ clepsit liuidus ille manu.

Eiusdem



Eiusdem in eundem.

**O**Rnat te, facilis cohors Camæna,  
Ornat Castalidum nemus benignum,  
Nutrit te sapiens Apollo lacte:  
Seculi crede caput colit Minerva.

Eiusdem ad Libellum

APOSTROPHE.

**D**ESPICE parue liber, morsus lioris edaces,  
Regis nanque tibi contigit ore legi.  
Maxima perpetuæ referes præconia laudis,  
Carmina iudicio dum probat ipse suo.  
Semper inextincti diuino carmine vatis  
Quod peritura tulit dextera, viuet opus.



# PROLOGVS,

In Iobum.

**A**ntiquæ laudis, & ineffabilis boni, res est; Oracula diuina, populo orientali Hebræo, Linguâ Hebræâ concredita (unde omnis diuini Verbi Veritas, & certitudo, ad nos propagata est) à Græcis interpretibus inter alias gentes fuisse diuulgata. Æternæ laudis est, Magnum ilium Primitiua Ecclesiæ Patrem, Hieronymum, eadem Oracula ex Hebræo fonte, in linguam Latinam traducta, Ecclesijs Christi Occidentalibus primò reuelasse. Inde, quanta luce Verbum diuinum, consequentibus aliquot sæculis refulsit, tantis postea tenebris obscuratum est, quando linguarum sacrarum, & interpretationis, Diuinum donum negligi cœpit, ac diu admodum cessauit. Tandem Verò, à clarissimorum istorum luminum Sanctis Pagnini, Theodori Bezae, Immanuelis Tremellij, & Francisci Iunij, (præter alios insignes) exortu, cœpit lux Verbi Dei, per ipsorum labores, & utriusq; Paginæ Sacrae, orthodoxas & probatissimas versiones, rursus inualescere, ut quum procedit Sol in robore suo: Quos ob illius immortalis gloriæ memoria prosequuta est, & prosequetur in sæculum. Etenim ex recta Verborum intel-

a

ligen-



\* Bez. Matth.  
16.13 in mag-  
nis annot.

līgētia, rerum cognitio certior dependet: Sic eorundem ignoratio, ceu falsum speculum, res fucatas & falsas menti obijcit, & speculantem eludit, ut inepti planē sint, qui sine huius idiomatis adminiculo, diuinas res tractent, aut se illas enarrare posse praesumunt. Quae opinio, mater est omnium absurditatum; quibus (proh dolor) Christianismus nunc scatet. Vnde omnium auribus dignum est, quod de hoc Vir magnus scripserit. \* Plerique ex veteribus, etiam eruditissimis, sacrarum literarum interpretibus, Hebraeorum idioma, non modò, non tenuerunt, sed etiam contempserunt: quae res fecit, ut plerisq. in locis, miserabiliter sanè cecutierint. Haud dubiè sciunt docti, & qui saniores rei literariae nomina dederunt, idq. ne subleſtâ fide, quàm utilis, imò quàm necessaria sit, etiam in utroque fœdere ac instrumento, sacrarum literarum cognitio. Hoc animadvertere licet apud Chaldaeos, Syros, Graecos, Latinosque interpretes, qui non rarò à genuino verborum Hebraicorum sensu aberrarunt. Verborum nanque intelligentia, rerum cognitionem praecedat necesse est, ne verbis non intellectis, res falsas pro veris comprehendat, & alios secum in errorem ducat; quod multis periculose accidit. Nulla enim rerum cognitio, absq. verborum intellectu, tam certa unquàm esse potest, quin aliquando aut imperfectior, aut dubia, aut certè falsa sit. Hoc, Veritas est, cui pauci in hoc negotio aures aduertunt. Atqui  
ut

Ut pleriq; omnes ad huiusce boni perfectionem contenden-  
tes, singularum vocum proprietatem, & Varieta-  
tem explicare voluerunt; Duo tamen defectus continuò  
mansere, qui hacten<sup>9</sup> nunquam satis dignè sunt expleti:  
Prior, qd. de coniuncti sermonis ratione, et Hebraïsmo-  
rum explicatione, in quibus purior lingua nitor, & vera  
elegàtia percipitur, paucissimi fuerunt solliciti. Alter, qd.  
in solo Biblico sermone explicando substituerunt; neq; in  
alia etià Hebraeorum scripta, & adminicula necessaria  
penetrarunt. Ignorantia, hìc plerumq; comitem contemp-  
tum habuit. In Hebraïsmis quippe, vis & <sup>in</sup> ~~in~~ oratio-  
nis, singularis; vsus insignis, ornatus varius deprehen-  
ditur. Ibi, certa aliqua loquendi proprietas, sæpè mag-  
narum controuersiarum momenta, dextrè diuellit. Ve-  
rùm, vt & virtus, & vir bonus, mensura rerum omniū  
est, (vt scribit Philosophus, Ethic. 9. cap. 4.) Sic Au-  
thor, quasi alter scientiarum, & linguarum sacrarum  
Orbis, in hoc suo lobi volumine, ad veritatis Hebraicæ  
fontem atq; normam omnia dimetiens, sese omnino con-  
formauit; opere, dextrè quidem & scienter exprimit,  
ac vsu publico in aliorum commoda conuertit: In quo qui-  
dem, sermonis coniuncti modos perspicuè illustrat, He-  
braïsmos exulantes explanat, & pœseos Hebraicæ nu-  
meros, Poeticè quidem, grauitè & eruditè imitatur.  
Non tantum enim prosaicè (vt loquuntur) sed & me-  
tricè, aliquot veteris testamenti libri, vt Iobi, Psalmorū  
Prouerbiorum, qui tres libri, Hebraeis חכמה dicti sunt,

sed & alij scripti leguntur, vt Ecclesiastis & Cantico-  
rum; Qui quinq; libri Poëtici, nuncupati sunt, tertiam  
Bibliorum partem complectentes: Quinetiam metricè  
conscripta sunt, Sanctorum quaedam Cantica, vt Israë-  
litarum Exo. 15. Mosi Deut. 32. Debora & Barak,  
Iud. 5. Hanna 1. Sam. 2. Habacuci Hab. 3. & alia, vt-  
pote Dauidis, Esaia, Ezekia, Iirmeia, &c. Quippe  
placuit Deo, quandoq; solutâ, simpliciq; oratione, suam  
voluntatem hominibus, per homines sanctos & prophe-  
ticos aperire, quandoq; numerosâ & concisa, quæ breui-  
tate sua, ingens præstaret memoriæ subsidium, & piâ  
modulatione (quæ ad eam ferè accedebat) ad animos ar-  
denti pietatis studio afficiendos, & suauibus cantionum  
modulis leniter demulcendos & delectandos, adminicu-  
lum suppeditaret efficacissimum. Vnde de poëseos dig-  
nitate & antiquitate, (quæ sane summum quiddam sa-  
crum & diuinum, teste diuino Platone, semper spirat &  
suo ambitu complectitur) non est quod quisquàm querat;  
Quum nihil ipso verbo Dei, scriptis comprehenso (cum  
quo poësis fuit publicata) nihil nobis diuinius, dignius,  
aut antiquius. Neque tamen tunc primum fuit nata;  
Quippe quæ cum ipso sermone populari orta, & vt Ari-  
stoteles loquitur in poetica, Elocutioni iam constitutæ,  
natura ipsa mox proprium adinuenit metrum: sed vsus  
eius, præclaro exercitio confirmatus, & Dei laudibus  
consecratus. Esse autem quaedam scripta Biblica poë-  
tica



tica, præter omnes Hebræos, etiam in Latina Ecclesia;  
B. Hieronymus, Christianorum omnium sui temporis  
Hebraicè doctissimus, in suo, in Iobum prologo testa-  
tur, dum scribit: A principio voluminis, usq; ad ver-  
ba Iobi, quæ tertio capite incipiunt, apud Hebræos, prosa  
oratio est. Inde usq; ad versum septimum capitis ul-  
timi, Hexametri versus sunt, Dactylo spondæoq; curren-  
tes, & propter linguæ idioma, crebro recipientes & alios  
pedes, non earundem syllabarum sed eorundem temporum.  
Interdum rhytmus ipse, dulcis & tinnulus fertur, nu-  
meris pedum solutis, quod metrici magis, quàm simplex  
lector intelligunt. A supradicto autem versu, usq; ad  
finem libri, paruum comma quod remanet, prosa oratio-  
ne contextitur. Quod si cui videtur incredulum, metra  
scilicet esse apud Hebræos, & in morem nostri flacci,  
Græciq; Pindari, & Alcei & Sappho, vel Psalterium,  
vel lamentationes Ieremiæ, vel omnia fermè scriptura-  
rum Cantica comprehendere, legat Philonem, Iosephum,  
Originem, Cæsariensem Eusebium, & eorum testimonio  
me verum dicere comprobabit. Hac ille. Iosephus, in  
fine libri secundi Antiq. Iud. de cantico Moysi & Israeli-  
tarum, scribit: Moyses, carmen, laudes Dei, & ob præ-  
sentem fauorem, gratiarum actiones continens, hexame-  
tro versu composuit. Præter hæc, idem non obscure  
demonstrat ipsum genus orationis, ab omnibus alijs  
libris diuersum, concisum scilicet & breuibus membris



conclusum, sublimè, allegoricum, hyperbolicum, & quibuslibet figurarum luminibus illustre, qualè ferè poeticum in omnibus linguis esse solet. Deniq; accentuum specialis, in libris istis & Canticis usus, id euidenter euincit. Sunt enim ad metron & cantum ita accommodati, ut modulationem & numerum poeticum, singulari artificio olim regerent; qua in re sanctam Hebraeorum antiquitatem, optimè exercitatam fuisse credendum. Quanto verò scientiùs, prisca Hebraeorum sedulitas, in vero tam variorum accentuum usu exercendo versata fuit; tanto negligentius posterior Rabbinorum aetas, ab eo remisit, quæ vniuersum accentuum usum, penè insuavis cantillationis arte conclusit. Si quæ autem alia dimensionis ratio in hac sacra poesi fuit, quàm fortasse occulta accentuum dispositio indicarit, ea inde à prisca illa vetustate, cum sapientibus Hebræis in obliuione sepulta iacet. Fuerit ergò hæc quasi infantia quædam poeseos istius sacrae, solo syllabarum numero circumscripta, quam popularis usus, suauitate rhythmici & accuratiore dimensione expoliuit. Sic sanè & in alijs quibuslibet gentibus animaduersum est, primitiuam poesin, sine vlla longarum vel breuium dimensione, solo rhythmico definitam fuisse. Vnde Quintilianus lib. 9 ca. 4 scribit, rhythmum, aurium mensurâ, & similiter decurrentium spatiorum obseruatione, esse generatum, mox in eo repertos esse pedes; Ante enim

enim carmen ortum est, quàm observatio carminis: indeq;  
illud, — Fauni vatésque canebant.

Sed cùm metri sacri modus, numerusq; artificiosus, post  
prophetarum tempora negligi cæperit, ac tandem decre-  
scente magis, magisque priscâ Hebræorum sapientiâ,  
heu pudendâ nimis apud eos obliuione sit deletus, Totâ  
illa poësis sacra, ac prosodia planè diuina, quâ Iudæo-  
rum vetustissimi in synagogis et sacris decantandis vsi  
sunt, situ et squalore prorsus obducta iacuit; vimque,  
vsum, et ornatum peculiarem penitus ferè amisit. At  
ne quis putet accentuum vsum, solùm metricum esse,  
& poëtica peculiarem; Sciendum est, Accentuum vsum  
in sacris literis vniuersalem esse, neque tantùm poeticis,  
sed Pentateucho, Prophetis, alijsque solutâ simplici que  
oratione conscriptis libris Biblicis, vsui esse maximè  
antiquo & pernecessario. Quanquam enim puncta  
vocalia, à Masoritis non ita pridem inuenta esse, ex Elia  
intelligitur, annis nempe à Christo quadringentis sep-  
tuaginta sex; ad tollendam illam vetustam confusionem  
trium istarum literarum א, ו, ה, quæ apud Hebræos olim  
pro omnibus vocalibus fuere, (vnde etiam Hebræis ma-  
tres lectiones appellatæ sunt) & consonis etiam notandis,  
nihilominus seruiebant; iuxta illum Latinarum litera-  
rum, I. & V, abusum hodiernum: longe tamen alia est  
Accentuum apud Hebræos ratio & dignitas, vsus ve-  
tustis-

tustissimus, et maximè necessarius, quorum mysticam  
illam, sacram & arcanam dispositionem, Moses ipse  
& Propheta uno consensu adscripserunt, ac si vna &  
eadem hora additi essent; imo cum ipso Decalogo & tota  
sacra Scriptura, ab origine nati sunt & exorti: Vnde  
celebris illa sapientis, Aben Ezra, Rabbinorum omnium  
longè doctissimi ac prestantissimi sententia; Quaecumq;  
expositio non fuerit iuxta rationem accentuum, ne ac-  
quiescito, neque audias eam: Author enim accentuum,  
nouit expositionem melius quàm ipse. Et alibi: Momen-  
tum magnum est, obseruare rationem accentuum, Ies.  
1. 9. Sic R. Salomon Iarchi, in commentarijs suis Bibli-  
cis, plurimis locis scribit, Accentus scripturae euincit hoc,  
cùm scilicet, accentuum distinctione pressus, coactus fuit  
hoc vel illo modo exponere. Sic Ezech. i. ad v. 11. scribit:  
Nisi vidissem accentum Sakeph gadol punctatum super  
vocem וּבְנִיהֶם non sciuissem exponere eam: accentus  
enim iste docuit me, secernendā istam vocem à sequente,  
&c. Hoc etiam Hebraei, à Mose, primo suo in lege diui-  
no praeceptore, institutum esse scriptis testantur:  
Vnde & in hodiernum diem, cùm Sacra, diebus Sab-  
bathinis, atque alijs festis agunt, Paraschas & Haph-  
taras, id est, sectiones, siue lectiones Mosaicas, & Pro-  
pheticas, iuxta accentuum rationem modulantur et can-  
tillant, nunquam moderatè legunt. De genere autem  
Carminis



Carminis, quo Iobi liber iste, ut & reliqui libri אבנא  
dicti, (Psalmi nempe & Prouerbia) conscripti sunt, &  
quodnam in illis metri genus sit; id deprehensum est,  
non in Versibus ipsis, sed in horum singulorum mem-  
bris comparatis, consistere. Versus vero omnis ple-  
runque bimembris est, rarò trimembris. Et in mem-  
bris, numerus tantum syllabarum, (teste doctissimo  
Schindlero) non quantitas, nec rhythmus, nisi is ca-  
su insit, consideratur. Ac scheua mobile, sicut &  
patach ascititium, pro syllaba computatur. Duo igitur  
sunt carminum genera: Vnum, quando in Versu bi-  
membri, aut trimembri, membra sunt aequalia, hoc  
est, numero syllabarum conueniunt. Et hoc genus, à  
membrorum numero, bicolon, aut tricolon; ab eorun-  
dem aequalitate, Isosceles, metaphorà geometricà, &  
à numero syllabarum, heptasyllabum, octosyllabum, en-  
neasyllabum, decasyllabum, sicut hendecasyllabum po-  
test appellari. Nec me quidem fugit, quosdam esse ter-  
rae filios, Edomitas potius quàm Iacobaeos, hoc est verè  
Israëlitas, qui poesi omnem, quàm quid diuinius? aut cor-  
rupto suo iudicio prorsus spernant, aut saltem, proph-  
narum rerum admiratione capti, nullum carmen aptum  
existiment, si desint Thespiades, Ioues, Veneres, Ieda,  
& fabulosa id genus Graecorum commenta. Sed ne  
Iupiter quidem ipse (ut in prouerbio est) omnibus  
b placet.



placet. Et cur non etiam, diuinum poemā, poemate  
reddi conuenit? Hæc autem poësis sacra, si rem ipsam,  
dignitatem, prudentiam, constantiam, patientiam &  
admirabilem Dei gloriam, ac omnipotentiam spectes,  
singularis est, & prorsus diuina; utpote creationis,  
redemptionis, resurrectionis, et administrationis Di-  
uinae prouidentia sacra et cælestis Epitome, in Ecclesiæ  
& membrorum eiusdem bonum et oblectamentum sua-  
uissimum, contra omnes eiusdem afflictiones, misérias et  
ærumnas quantumuis graues. Continet autem insignia  
multa, Christianæ religionis et Doctrinæ capita; ut-  
pote de piorum afflictione, de prospero, hypocritarum  
(pro tempore) et impiorum statu, de secretissimis  
Dei iudicijs, de singulari prouidentia, rerum omnium  
moderatrice, de infinita clementia et misericordia Dei,  
de benigna piorum restitutione ab ærumnis, et ad æter-  
nam vitam resurrectione. Quæ omnia manifestissime ar-  
guunt, Christum Seruatorem diuo lobo agnitum fuisse.  
Quem enim Iudiciorum Dei metus non opprimeret, nisi  
in Christo bene sperare disceret? Cui clementia illa infi-  
nita innotesceret, nisi agni sanguine esset delibata? Re-  
surrectio autem nullo modo constare posset, nisi Serua-  
tor uiuificam vim resurgendi, mortuis corporibus no-  
stris indidisset. Et capite, de morte, triumphante,  
membra ipsius non sunt interitura. Quæ omnia, tam  
accuratè

accurate, tamque erudite, tot comparationibus appositis,  
 tanquam flosculis dicendi describuntur; Ut in ea sen-  
 tentia fm, quanuis hac reuera gesta sint, ac non per pa-  
 rabolam proposita; Librum tamen hunc ab ipso Iobo,  
 aut ab aliquo alio, prophetico spiritu inspirato, post re-  
 cuperatam Iobi Valetudinem, concinnatum fuisse,  
 strictoque sermone, & numeris, in Dei gloriam, fuisse  
 ligatum: Quæ omnia, ex tempore loquentibus, usu-  
 uenire non solent. Quare, cum tota celestis Theologia,  
 in Vera Dei, nostriq; cognitione sita sit; Habemus hic  
 thesaurum (Ut inquit Ambrosius) virtutum omnium,  
 Speculum naturæ diuinæ, administrationis, & gratiæ,  
 cum Vanitatis, tum officiorum nostrorum omnium in-  
 dicem & πύχην συνάβην: in quo explicatam cernas, to-  
 tius hominis & ψυχῆς, & spiritualis anatomen, hortum  
 animæ Christianæ & odoramentorum omnium instru-  
 ctissimam παραίτων, medicamentorum officinam, certissi-  
 mumque (Ut Epiphany verbo utamur) παραίτων. Quam-  
 obrem (Ut cum Arnobio loquamur) hunc sacræ Scrip-  
 turæ laticem haurientes, eos omnes qui Spiritu Sancto  
 videntur ebrij, & qui re ipsa participes sunt celestium  
 donorum eius, obnixè rogamus, obsecramus ac per San-  
 ctissimum Nomen Domini nostri Iesu Christi, & glo-  
 riosum ipsius aduentum, ut nulla tamen sitientibus im-  
 pedimenta patiantur inferri, Authoris studium gratiosè

Et beneuolè probent, tanquam à Deo inditum, labo-  
rem lubenter accipiant, Ut Deo Sacrum, rem denique  
ipsam religiosè ac indefinenter colant, vt diuinam ortu,  
argumento Et fructu venerandam, ac alienis industriis,  
quoad eius fieri potest, parcant; quodq; sibi nolint,  
alteri ne fecerint. Hunc animum, Deus  
omnibus nobis largiatur, qui sanctimo-  
niæ et charitatis officijs, ex promif-  
so benedicturus est in Christo.  
Iesu. Amen.

---

Leſto

*Leſori Pio & Beneuolo.*

**I**Obi librum, metro conſtrictum, Au-  
thor primus conſcripſit, Biturigibus  
Gallorum (vbi iuri ciuili tunc operâ da-  
bat) ante annos quadraginta ſeptem,  
in ipſo belli ciuilis furore & incendio, in cana-  
culo (vt ferripſe) apud hōſpitem Biturigenſem,  
quotidiano vitæ periculo ſeptem menſes deliteſ-  
cens, dum Martyrij Pariſienſis rabies conſla-  
graret, miſitque Lugdunum ad Rouillium, typis  
excudendum, vnâ cum tragædia illius Herodis,  
qui ab Angelo percuſſus, teterrimè expirauit, ſub  
eodem etiam tempore ab authore conſcriptâ at-  
que aliud exemplar, apud veterē amicum Lam-  
binum, Pariſijs prælectorem Regium, amicè de-  
poſuit. At cum temporis iniuriâ, & ſumma Reg-  
ni rabie in orthodoxos Chriſtianos, non licuit  
ibidem vltèrius conſiſtere, nec Lugdunum, Lam-  
binum, aut Rouillium inuiſere, chartis omnibus,  
ſchediſque, rebus deſperatis, vrgente neceſſitate  
relictis, & vaſibus (quod aiunt) minimè con-  
clamatis, in patriam, non ſine ſummo vitæ diſcri-  
mine, conſeſtim & oportunè ſe contulit. Inde  
haud multo poſt, de mortuo vtroque, Rouillio,  
ſimul-



simulatque Lambino, schedisque hinc inde omnibus, eadem communi calamitate diliectis, vtrunque haud dubiè exemplar periisset, nisi multis post Lambini mortē annis, Henrici Blacuodæi, Scoti, doctissimi medici operâ, inter diliectas Lambini schedas, liber hic repertus, ad Authorem, amicissimâ atque optimâ fide, saluus & integer in Scotiam transmissus foret. Quo quidem libello apud eum quotannis reseruatō, donec occasio suppeditaret oportuna, ut cum alijs authoris operibus prelum subiret, hucusq; publicum nondum accepit. In hoc autem argumento, author primus fuit, nec ante hunc quisquam (quod sciam) tentauit; vtcunque alij fortassis, non ita pridem hūc insequi conati sunt. At in re poëtica quis sit, quantusue, res ipsa loquitur. Hoc vnum audeo affirmare, Neminem nec Theologiæ scientiâ, fidei Christianæ analogiâ, Sacræ paginæ notitiâ, neque linguæ sanctæ genuinâ ac orthodoxâ versione, ex idiomatis proprietate, nitore ac puritate (quod citra cuiusquam contumeliâ dictum velim) simile quid tentasse. Hunc natura *φύσις*, hoc est pulchri & honesti studiosum finxit; cui vera insidebat *ἀθροῦσα*, animi scilicet tranquillitas, in quo virtutis omnis bractea,

bractea, & seminariū quoddā; naturali sua indole,  
medullitus quidē (vt plautina voce vtar) & diui-  
nitus inhærebat; cūctis animi & corporis dotib⁹  
præditus, & iuxta M. Tulliū, naturæ munerib⁹ a-  
deò ornatus, vt nō natus, sed à Deo fictus videat-  
ur, & cui arte benigna (vt fert Iuuenalis) & melio-  
reluto, finxit præcordia Titan: Diuinus Theo-  
logus, linguæ sacræ sui temporis Coriphæus,  
Orator summus, suadendo aptissimus; Poeta in-  
signis; fœlix in eo calor, cultus non inuisus, tem-  
peratum iudicium, dictio candida, numeri non  
affectati; vsu rerum, prudentiâ & experienciâ plu-  
rimum pollens, & quasi alter scientiarum & lin-  
guarum orbis, nihil hominem latuit; immo quod  
omnium maximè mirum & rarum est, rei semel  
lectæ seu auditæ, obliuisci nunquam potuit. O  
quæ profusissimæ lachrymæ, tantum literarum  
decus, gentis suæ illustrissimum lumen, tantam  
prudentiæ affluentiam, morte, in vno illo extinctâ,  
satis dignè vnquam deflere possunt! Hunc Iobi  
libellum, constantiæ & patientiæ ὁποῦτος, ad veri-  
tatis Hebraicæ fontem atque normam dimetiens  
Author, poëtice conscripsit, & Iobi poëma di-  
uinū, sacro primitus idiomate, metricè & poëtice  
scriptum; poëmate (vt par est) & numero sty-  
lo

lo reddidit, quasi illam Hesiodi *παρθένω*, ipsumque  
eiusdem *μεγαλειᾳ*. In quo, poëseos Hebraicæ nu-  
meros, numerosè quidem, artificiosè & eruditè  
imitatur. Quod si legentium animis morositas  
absit & *αὐθάδεια*, auribus suis minimè indignum  
existimamus. Hunc igitur, quasi Iobum ipsum  
loquentem exaudiamus, & ea qua meruit dig-  
nitate excolemus. Adieci etiā huic operi, ne  
quid ad euidentiore rei subiectæ notitiam de-  
esset, libri & singulorum capitum argumenta ex  
optimis quibusvis scriptoribus deprompta; ad-  
scriptis etiā cuiusvis paginæ frontispicijs, rei  
subiectæ, paginā tractatæ, Epigraphis. Vale,  
pie Lector, & alieno labori parce. Regiâ Regni  
nostri, Edinoduno, Pridie Cal. Augusti 1617.

*Tui Studiofissimus,*

Tho. Volufenus.

## Breuis Libri Summa .

**S**umma huius Libri, hæc esse videtur. Eos grauer in Deum peccare, qui de hominum iustitia, vel iniustitia, ex felicitate aut infelicitate, ipsis à Deo immissa, iudicium faciunt. Nam quemadmodum sæpè fit, Deo ita volente, ut mali, hominum iudicio prosperè agere videantur: Sic etiam Deum, suos aliquando, licet ceterorum comparatione iustos & innocentes, grauer affligere, non ut eorum peccata & iniustitiam vlciscatur, sed potius ut eos probet, & suam in ipsis gloriam manifestet. Sed & bonos, quamlibet afflictionibus oppressos, non debere cum Deo, de iniuria expostulare, etiamsi iustitiam suam & innocentiam coram hominibus tueri possint: nec idè minus iustum esse Deum, quod vult ne sciant homines, quare id agat quod sibi visum est; quippe ipsi iustitiæ suæ rationem constare, quam nulli reddere teneatur: item, licet calamitates plerunque, mentes hominum, de rationis sede deiciant, & ad impias voces & querellas quodammodo adigant, si tamen postea erroris panituerit, misereri Deum protinùs, & ablata in duplū restituere. Denique, Deum tam facile ignoscere eorum imbecillitati, qui inter aduersa labuntur, quàm impatienter eorum fastum & arrogantiam fert, qui de alijs temerè iudicant, & quasi dominicarum rationum calculum inneunt.



## De Patientia : Sacrae Scripturae Testimonia.

*Patiens Deus, Exod. 34. Rom. 15.*

*Patientia sua, prouocat Deus ad penitentiam. Rom. 1.*

*Patientia Dei, erga Paulum. 1. Tim. 1.*

*Patientiae exemplum, Prophetæ. Iacobi. 5. cap.*

*Patientia Iob. Iobi. 1. vers. 20. 21. 22. Iobi item 12.  
vers. 1. 2. 3. 4.*

*Patientiae commendatio. Prou 16.*

*Patientes simus. 1. Thes. 5. cap.*

*In Patientia fructum referentes, Luc. 8.*

*Patientia in tribulationibus. Heb. 10.*

*Vt patiamur exemplo Christi, Vocati sumus. 1. Pet. 2.*

*& 4.*

*Pati propter iustitiam. 1. Pet. 3. c.*

*Patientes, imò miseri simus, Ut felices efficiamur.*

*Iob. vnde dictus, eiusque descriptio.*

*Iobivita, & Acta.*

*Iob. gemens, dolens. d. nominis Etymologia describitur :*

*(Cuius vita, & acta describuntur è Libro ipsius,  
quem imitari debemus in patientia. Iacob. 5.*

Testi-

*Testimonia, à Christo & Apostolis, de  
Iobo citata.*

*S. Iacobus, cap. i. vers. 12.*

**B**Eatus est vir, qui sustinet tentationem : quoniam probus compertus, accipiet coronam vite, quam promisit Dominus ijs à quibus ipse diligitur. Nemo quum tentatur, dicat, à Deo tentor : Deus enim non tentatur in malis, & ipse hominem non tentat. Sed quisque à concupiscentia sua tentatur, & allicitur & attrahitur. Iob. 5.

*Eiusdem B. Iacobi, cap. 5.*

**P**atiente igitur animo estote, Fratres, usque ad Domini aduentum. Ecce, agricola expectat pretiosum fructum terræ, patienter animo eum expectans, dum accipiat pluuiam matutinam & serotinam. Patiente animo estote & vos, & stabilite corda vestra, quoniam aduentus Domini appropinquat. Ne suspirate alius aduersus alium, fratres, ut ne condemnemini. Ecce iudex ante fores adstat. Sumite, fratres mei, pro exemplari vexationis, ac patientis animi, Prophetas qui loquuti sunt in nomine Domini. Ecce beatos predicamus eos, qui aduersa sustinent, tolerantiam Iob

*audistis, & finem Domini vidistis. Nam abundat  
intimâ misericordiâ Dominus, & est miserator.*

*Cor. I. cap. 3. vers. 19.*

*Sapientia mundi huius, Stultitia est apud Deum.  
Scriptum est enim. Carpit sapientes in versutia ipso-  
rum. Iob. 5. vers. 13.*

*Timoth. priore cap. 6. vers. 7.*

*Nihil intulimus in hunc mundum, videlicet nec ef-  
ferre quicquam possumus. Iobi. 1. vers. 21.*

*Iob. 1. Iob 5. Iob. 13.*

*Corripit Deus iustos, in bonum.*

*Iob. 13.*

*Homo, folium impulsum & stipula arida.*

*Iob. 26.*

*Deo nihil est ab homine adiutorij.*

*B. Hieronymus.*

**V**eteris Testamenti Libros, Christus Iesus,  
in Legem, Prophetas, & Psalmos, simplicis-  
simè partitus est, Matthæi septimo, vndecimo,  
&

& vicesimo secundo, ac Lucae ultimo. Hæc sunt, inquit, verba, quæ locutus sum ad vos, cum adhuc essem vobiscum; quoniam necesse est impleri omnia quæ scripta sunt in lege Moïsis, & Prophetis, ac Psalmis, de me. Quam distinctionem sequuti sunt Apostoli, Patresque nostri Latini. Nec ab hac aliena est Hebræorum distinctio; Thorath, vocantium legem: Nebjim, Prophetas; Chetubim, Hagiographa: Inter quæ, Iob, & Psalmi Dauid numerantur. Iob autem in terra Husitidi habitasse fertur, in finibus Idumæe & Arabiæ, cui erat ante nomen Iobab. Et Accepit uxorem Arabissam: & genuit filium, quem vocavit Ennon. Erat autem ipse filius quidem Zare, de Esau filijs, filius: de matre verò Bosra; ita ut sit quintus ab Abraham. Et hi sunt Reges qui regnauerunt in Edom, in qua & ipse regnavit: Sed primus in ea regnavit Bela, filius Beor: & nomen ciuitatis eiusdem Denaba. Post hunc autem Bela, Iobab, qui vocatur Iob. Post Iob autem, Husam, qui erat Dux, ex Themanorum regione. Et post illū regnavit Adad, filius Badad, qui excidit Madian, in campo Moab: & nomen ciuitatis eius Auith. Iob verò, exemplar patientiæ, quæ non mysteria suo sermone complectitur? Prosa incipit, versu labitur, pedestri sermone finitur: omnesq; leges



Iob. 14. vers. 13.  
Iob. 19. vers. 25.  
26 27.

Dialectica; Propositione, assumptione, confirmatione, & conclusione determinat. Singula in eo verba, plena sunt sensibus. Et (vt de cæteris simileam) resurrectionem corporum sic prophetat, vt nullus de ea vel manifestius, vel cautiùs scripserit. Scio, (inquit) quod redemptor meus viuit, & in nouissimo die, de terra surrecturus sum: & rursus, Circundabor pelle mea, & in carne mea videbo Deum, quem visurus sum ego ipse, & oculi mei conspecturi sunt, & non alius. Reposita est hæc spes mea in sinu meo.

*Idem S. Hieronymus.*

**M**Emini me ob intelligentiam huius voluminis, Lyddæum quendam præceptorem, qui apud Hebræos primus haberi putabatur, non paruis redemisse nummis: Cuius doctrinâ, an aliquid profecerim, nescio: Hoc vnum scio, nō potuisse me interpretari, nisi quod ante intellexeram. A principio itaque voluminis, vsque ad verba Iob, apud Hebræos, prosa oratio est. Porro à verbis Iob, in quibus ait, Pereat dies, in qua natus sum; & nox in qua dictum est, Conceptus est homo: vsque ad eum locum, vbi antè finem voluminis scriptum est: idcirco ipse me reprehendo, & ago pænitentiam in fauilla & cinere: Hexametri versus sunt, dactylo, spondæoq; currentes,

rentes: & propter linguæ idioma crebrò recipientes & alios pedes, non earundem syllabarum, sed eorundem temporum. Interdum quoque rhythmus ipse dulcis & tinnulus fertur, numeris pedum solutis: quod metrici magis, quàm simplex Lector intelligunt. A supradicto autem versu, vsq; ad finem libri, paruum comma quod remanet, prosa oratione contextitur. Quod si cui videtur incredulum, metra scilicet esse apud Hebræos, & in morem nostri flacci, Græciq; Pindari, & Alcæi: & Sapphus, vel Psalterium, vel lamentationes Ieremiæ, vel omnia scripturarum cantica comprehendere; legat Philonem, Iosephum, Originem, Cæsariensem Eusebium; & eorum testimonio me verum dicere comprobabit.

*Eiusdem ad Tobiam cap. I r.*

**H**anc autem tentationem ideo permisit Dominus euenire, vt posteris daretur exemplū patientiæ eius, sicut & Sancti Iob. Nam cum ab infantia semper Deum timuerit, & mandata eius custodierit, non est contristatus contra Deum, quod plaga cæcitatis eueniret ei, sed immobilis in Dei timore permansit, agens gratias Deo omnibus diebus vitæ suæ. Nam sicut, beato Iob insultabant Reges; ita, isti parentes & cognati eius, irridebant vitam eius, dicentes: Vbi est spes tua,  
pro

pro qua eleemosynas & sepulturas faciebas? &c.

*Eiusdem Diui Hieronymi Ad Latam. Tom. 2.*

*De Sacra Scriptura lectione.*

**D**ilcat primò Psalterium; His se canticis auocet: & in Prouerbijs Salomonis erudiatur ad vitam. In Ecclesiaste consuescat, quæ mundi sunt calcare. In Iob, virtutis & patientiæ exempla sectetur, &c.

*Idem, in cap. 6. Epist. ad Galat.*

**I**N præsentis sæculo scimus, siue orationibus, siue consilijs inuicem posse nos adiuuari. Quum autem ante tribunal Christi venerimus, nec Iob, nec Daniel, nec Noë rogare posse pro quoquam, sed vnumquemq; portare onus suum.

*Idem, in Iob. cap. 26. De vera Catholica Ecclesia.*

**I**PSA Ecclesia, quæ est Sanctorum omnium congregatio, pro æterna sibi in Domino stabilitate, Columna & Firmamentum dicitur veritatis.

*Clemens Alexandrinus.*

**Κ**αίτοι καὶ τὰς ἐκκλησίας καθολὰς, καὶ πίστεως καθολὴν, πῶς μὲν ἐκ πλυσίου ἀπαιεῖ ὃ  
ἐξ ἐσθλῶν, αἰσθὲς ὃ ἐκ καλῶν, καὶ νοστήσας ἐξ ὑγιανῶν γλυκύμυρος, ἡμῶν τίς ἐστι παροξυσμὸς  
ἀποκαταστατικός· συσσωπῶν τὸν πικρὸν οἶνον. ὁλοκαῖναι τὸν πλάσσαντα· φέρον ὅτι τὰ δυνάμεις  
αὐτῶν καὶ τὰ φερόμενα· διδάσκοντες εὖ μάλιστα τοῖς ἀπαιεταμένοις ἀποσιναῖοντες ἐν καρδίᾳ χρηστῶν  
τὸν γινωσκόντων.

Q. Se



*Q. Septim. flor. Tertul. lib. De Patientia.*

**O** Fælicissimum illum quoq; , qui omnem patientiæ speciem, aduersus omnem Diaboli vim expunxit : quem non abacti greges, non illæ in pecore diuitiæ, non filij, vno ruinæ impetu adempti , non ipsius denique corporis in vulnere cruciatus, à patientia, fide Domino dedita, exclusit; quem Diabolus totis viribus frustra cecidit. Neque enim à respectu Dei , tot doloribus auocatus ille est, sed constitit nobis in exemplum & testimonium, tam spiritu, quàm carne, tam animo quàm corpore , patientiæ perpetrandæ : vt neque damnis sæcularium , nec amissionibus carissimorum, nec corporis quidem conflictationibus succidamus. Quale in illo viro feretrum, Deus, de Diabolo extruxit? Quale vexillum de inimico gloriæ suæ extulit, quum ille homo ad omnem aceruum nuntiorum , nihil ex ore promeret, nisi Deo gratias, quum vxorem iam malis delassatam, & ad praua remedia suadentem execraretur? quid? ridebat Deus. quid? difficabatur malus; quum Iob, immundam vlceris sui redundantiam, magna æquanimirate distringeret, quum erumpenteis bestiolas in eisdem specus , & pastus foraminosa carnis renoueret. In quo op-



rarius ille victoriæ Dei, retusis omnibus iaculis  
tentationum, lorica clypeoque patientiæ, & in-  
tegritatem mox corporis à Deo recuperavit, &  
quæ amisit, centuplicata possedit. Et si filios quo-  
que restitui voluisset, pater iterum vocaretur: sed  
noluit in illo die reddi sibi tantum gaudij; secu-  
rus de Domino, distulit. Sustinuit tam volun-  
tariam orbitatem, ne sine aliqua patientia viue-  
ret. Adeò satis idoneus patientiæ sequester  
Deus.

*D. Cæcil. Cyprianus lib. De bono Patientia.*

**S**ic Iob examinatus est, & probatus, & ad sum-  
mum fastigium laudis, patientiæ virtute pro-  
uectus. Quanta aduersus eum, Diaboli iacula e-  
missa? Quanta admota tormenta? iactura rei fa-  
miliaris infligitur, numerosæ sobolis orbitas irro-  
gatur: diues in censu dominus, & in liberis pater  
ditior; nec dominus repente, nec pater est. Ac-  
cedit vulnerum vastitas, & tabescentis ac flu-  
entis artus, edax quoque vermium pœna con-  
sumit. Ac ne quid omnino remaneret, quod  
non Iob in suis tentationibus experiretur; armat  
Diabolus & uxorem, illo antiquo nequitia suæ  
usus ingenio, quasi omneis per mulierem deci-  
pere posset & fallere, quod fecit in mundi ori-  
gine:

gine: nec tamen Iob, grauibus ac densis conflictationibus frangitur, quò minus inter illas angustias & pressuras suas, Dei benedictio, victrice patientiâ prædicetur.

*D. Augustinus, lib. 18. cap. 47. De Cinit. Dei.*

**N**Ec ipsos Iudæos existimo audere contendere, neminem pertinuisse ad Deum, præter Israëlitas, ex quo propago Israël cepit esse, reprobato eius fratre maiore. Populus enim reuera, qui propriè Dei populus diceretur, homines autem quosdam, non terrena, sed cælesti societate, ad veros Israëlitas, supernæ ciueis patriæ pertinentes, etiam in alijs gentibus fuisse, negare non possunt: quia si negant, vincuntur de Sancto & mirabili viro Iob, qui nec indigena, nec proselytus populi Israël fuit, sed ex gente Idumæa genus ducens; ibi ortus, ibidem mortuus est: qui diuino sic laudatur eloquio, vt quod ad iustitiâ, pietatemq; attinet, nullus ei homo suorum temporum coæquetur. Quæ tempora eius, quamuis non inueniamus in Chronicis, colligimus tamen ex libro eius, quem pro sui merito, Israëlita in auctoritatem canonicam receperunt, tertia generatione posteriorem fuisse quàm Israël. Diuinitus autem prouisum fuisse non dubito, vt ex hoc vno sciremus etiam per alias gentes esse

potuisse, qui secundum Deum vixerunt, eique placuerunt, pertinentes ad spiritalem Hierusalem.

*Sulpitius Seuerus, lib. 1. Historiæ Sacræ.  
Cum Hebræorum in Ægypto ser-  
uitutem descripsisset.*

**H**Oc, inquit, tractu temporis Iob fuit, lege naturæ & agnitionem Dei, & omnem iustitiam complexus: prædiues opibus, atque eo illustrior, quod ijs neque integris corruptus, neque amissis deprauatus est. Nam cum per Diabolum exutus bonis, filijs etiam esset orbatus, ad extremum diris vlceribus esset affectus, non potuit vinci, vt præ doloris impatientia, aliqua in parte peccaret. Mercedem denique diuini testimonij consecutus, sanitati redditus, omnia quæ amiserat, in duplum recepit.

*B. Theodoretus Quæst. in Genesim.*

**Ο** Ιωβ πάλιν κλέβει τὸ γένος ; ἀπὸ τοῦ Ησαῦ. τὸτο γὰρ ἡ κατὰ αὐτὸν ἰσχυρία διδασκῶν ἀνδραγαθίας γὰρ ἡ, φησὶν ἐν χεῖρσι τῇ ὑπὸ πῶδι. διδάσκωσι δὲ τὸτο καὶ ὁ μακάριος Μαυσῆς. τῆς γὰρ ἐκ τοῦ Ησαῦ βασιλευσσομένης τῆς διαδοχῆς συγγένειον ἕως ἔργου ἀπὸδοῦναι δὲ Βαυδάμ, καὶ βασιλεὺς αὐτὸς αὐτοῦ Ιωβὰς υἱὸς Ζαρά ἐκ βοσκίας. συμφωνεῖ δὲ ταῦτα τῇ τῷ Ιωβ ἰσχυρίᾳ.

Gre-



*Gregorius Turonensis, lib. 1. Histor. Francor.*

**A** Braham, cū centum esset annorum, genuit Isaac. Porro Isaac, sexagesimo ætatis anno, nati sunt filij gemini de Rebecca. Primus Esau, qui & Edom, id est, terrenus, qui propter gulam vendidit primogenita sua. Ipse, pater est Idu-mæorum, de cuius generatione quarta, natus est Iobab, hoc est, Esau, Raguel. Zara, Iobab, qui & Iob. Is vixit annos CCXLIX. Octogesimo nono, ab infirmitate liberatus est: post infirmitatem autem CLXX. annis, restituta in duplum omni facultate, cū tot, quot perdiderat, filiis iocundatus est. Locus est Genes. cap. XXXVI.

*Gregorius cognomento Magnus.*

**B** Eatus Iob, Sancto Spiritu affatus, potuit sua gesta, quæ erant videlicet, supernæ aspirationis dona, quasi non sua scribere: quia eò alterius erant, quæ loquebatur, quò homo loquebatur quæ Dei sunt: & eo alter, quæ erant illius loquebatur, quo Spiritus Sanctus loquebatur, quæ hominis sunt.



*Eiusdem, in cap. 16. Iobi lib. 13. cap. 8.*

**R**edemptoris nostri sanguinem, quem persecutores sæuientes fuderant, postmodum credentes biberunt, eumque esse Dei filium prædicarunt: Sicut & malefici exprobratus, & in Ludibrium traductus, Beatus ac Sanctus Iob, ab ijs immeritò, qui ob id, reatus iudicio, à Iehoua damnati sunt, & suę conscientię testimonio conuicti.

*Idem in 39. cap. Iobi, lib. 31. cap. 21.*

**S**anguinem lambere, est Passionis Dominicę infirma venerari.

---

---

## De Authoris scriptis & lucubrationibus.

**N**E te lateat ( Pie Lector ) quas lucubrationes ac operosas vigilias Author conscripserit, has in usum tuum subiungere visum est. Scripsit autem complura. Ac primum aduersus Papisnum, in crassiores eiusdem abusus; ac de superstitionis papicolarum ineptijs. Catechesin etiam, <sup>τα εὐαγγέλια καὶ τὰς πέντε</sup> completentem, Ecclesia bono, in pietatis studiosorum gratiam, latino carmine redditam; una cum Augustiss. Ma<sup>ti</sup>, Iacobi, Magnae Britanniae, Franciae, & Hyberniae Regis &c. Genethliaco, sub iisdem quibus nunc titulis, ab authore prudentissimo, ac verissimo veri vatis insignito vaticinio, apud Gallos Parisiis conscripto, & ibidem tunc typis audacius commissso. Scripsit etiam Biturigibus Gallorum, in ipso belli civilis furore & incendio, in cenaculo (ut fert ipse) apud hospitem Biturigensem, quotidiano vitae periculo septem menses delitescens, dum Martyrij Parisiensis rabies conflagraret, Iobi illam Historiam praeclaram, patientia & constantia <sup>ὑπομένων</sup>, cum Tragædia illius Herodis qui ab Angelo percussus, teterrimè expirauit. Vbi maximas persecutiones perpeffus vir pius, & per omnes Galliarum prouincias, quasi summus Papicolarum hostis strictissima indagine indagatus, indies extremo vitae dispendio vixit: Hospite interea septuagenario è summitate turris suae, ob hospitium miserè deiecto & precipitato: Quod praeceteris, pium virum anxie tenuit. Tandem ad suos reuocatus, & ad fanum Andrea (qui Regni Primatus est) Archiepiscopatu insignitus; ubi grauioribus laceffitus curis, sex de Politia Mosaïca libros, cum Ecclesiae orthodoxae hierarchia, solutâ oratione disertè conscripsit. Ex quibus lucidè constat, quantum civili scientiâ & Sacrarum literarum studijs polluerit. Scripsit etiam limato carmine Apocalypsin B. Iohannis, ac <sup>ἰερωνίμου</sup> seu scrutationem in eandem, quam commentaria vulgò vocant. Solomonis Ecclesiasten, de summo hominis bono concionem complecten-

plectentem; quæ de vera beatitudine & rectis vita officijs præcepta continet. Vaticinia etiam Danielis, Ioëlis, Amosi, Abdiæ, Ionæ, Habaccuci, Haggai: Complura etiam Poëmata sacra, aliâq; fragmenta, utroque idiomate conscripta. Scripsit etiam de Politia, & disciplina Ecclesiastica: De veneranda Antistitum dignitate, & cum B. Paulo, Orthodoxa Episcopali authoritate. De eiusdem B. Pauli peregrinatione. Prælectiones etiam doctissimas, in utranque ad Timotheum Theologicas, unâ cum scrutationibus in reliquas omnes Paulinas. Psillum, siue Psyllion, cum animaduersionibus in sectas Meluinianas. Apologiam, seu Libellum Apologeticum, pro Augustiss. Regia Mat' anno 1584. aduersus pertinaces sue Mat' obtrectatores mordacissimos, & male feriatos. Apologiam contra suos emulos. Orationes etiam Apologeticas, & funebres Illustriss. Matris Mariæ Reginae, & insignium Regni Procerum. Regni etiam, totiusque Britannia Annales candidè conscripsit; quos ad extremum non perduxit. Scripsit etiam & alia complura, tam ad Religionem, quàm ad Reipub. statum pertinentia. Vltimò verò cum Threnis Ieremiæ carmine redditis, (ut quæ de calamitoso Sanctæ urbis statu prodidit Propheta, suis nostrisque temporibus minimè aliena) & sacro simul enthysiasmate ac carmine planè diuino animam suam Deo commendans, diem feliciter clausit extremum. Quæ nisi summa temporis iniuriâ, & maleuolorum hominum odijs atque inuidiâ, huc illuc disiecta, in varias forent manus discerpta; iampridem in lucem prodijissent omnia: ac nunc demùm, Regiæ Mat' auspicijs felicissimis & autoritate fretus, Numine bene propitio, quot quot apud nos sunt aut ad manus nostras deferri contigerit, prope diem apparebunt; & quod ipsi nostro Præsuli superstiti non licuerit, iusto penso, memoriæ eius, cum bono Deo persoluendum statui. Vale, pie lector, & Authoris industriæ, ac operosis vigilijs ingenue Fare.

Tui Studiosissimus, THO. VOLVSENVs.

Quæ



*Quæ hoc volumine continentur.*

1

IOBVS,

SIVE

De Constantia. lib.

---

2

THRENI,

Ieremiæ. F. Elciæ. lib.

---

3

APOCALYPSIS,

Beati Ioannis Theologi.

---

4

GENETHLIACON

Augustiss. Regis, Iacobi Magnæ Britanniæ  
Fr. & Hybernæ Regis, fideiq; assertoris  
& propugnatoris Strenui, &c.

---

5

CATECHESIS,

Religionis Christianæ, Augustissimo Regi,  
ab ipsa infantia Sacrata.

---

6

CONFESSIO FIDEI CHRISTIANÆ

Apud Scotos, per ordines & Regni status re-  
cepta,



cepta, ac publicis (vt aiunt) Regni comitijs  
approbata, solutâ oratione conscripta.

---

7

EPIGRAMMATA,  
Authoris, quædam Selectiora.

---

8

9

10

EPIGRAMMATA.

Quædam Thomæ, ac Florentij Voluseni Se-  
lectiora. Cum Florentij Voluseni vi-  
ta & morte, &c.







# IOBVS: SIVE, DE CONSTANTIA.

ARGVMENTVM LIB.

**I**OB, Sanctum exemplum patientiae, plurimis & grauiſſimis calamitatib. probatus à Deo, & omni ope deſtitutus: duriorib. adhuc tentationib. ab uxore & amicis petitur. Nam illa quidem infanis ludificationib. exagitat virum: Hi verò à prouidentia & iuſtitia Dei ſapientiſſima & potentiſſima; à peccatrice hominum natura, atq; à prima illa Iobi perturbati oratione coniecturam facientes; ſtatuunt in ſingulis ſuis rationib. Iobum, aut maleficientiſſimè vixiſſe apud homines, aut hypocritam fuiſſe coram Deo: alioquin nunquam futurum fuiſſe, vt à Deo iuſtiſſimo tam graues plagae infligerentur ipſi, Hac ſumma propoſitionis illorum: ſtatus coniecturalis. Iob verò, etſi interdum plus aequo, infirmitate carnis exardeſcens, criminationes amicorum ita refellit, vt neq; iuſtitiam Deo, neq; ſibi adimi patiatur: ſed duab. rationib. vtitur ad defendendum ſe: vna, quod iudicia Dei, vtcunq; iuſta ſint, hominib. ſunt incognita; ac proinde temerè amici de ipſo iudicant: altera, quod Deus ipſe com-

B

muni



*muni experientia, contra ostendit quàm illi asserant, etiam in hac vita bonis sapius malè esse, quàm malis. Ita ad se ipsum veniēs, primò utitur testimonio conscientia sua, cui aliquando lacesitus, aspergit murmura: deinde per <sup>circumspiciam</sup> suae criminis translationem, amicos reprehendit, quod causam Dei (ut sibi videbatur) suscipientes, ipsum iniuste criminarentur. His sermonibus ultro citroque habitis, Elihu velut comparans animos dissidentes ad reuerentiam; Documenta exponit de iustitia, & misericordia Dei, utrosque reprehendit, & docet Iobum humilitatem, à comparatione maiestatis Dei cum humana sorte. Postremò, Deus idem documentum confirmans ab operum suorum exemplo, Iobum primò ad silentium, deinde ad Confessionem & resipiscen-  
tiam, amicos verò eius ad reconciliationem adducit: restituto denique Iobo amplius quàm antè, benedicit.*

## C A P. I.

*Iob pius, operâ Satanæ, à Deo exercetur, amissis facultatibus & liberis: quâ calamitate pressus, in pietate permanet; & seipsum consolans, benedicit Deo.*

**E***rra est, Vream prisci dixere parentes,  
Cultor ubi recti, & vita, degebat Iobus  
Integer; ante oculos cuius, pietasque, metusque  
Numinis, & sceleris malesuadi, serius horror.*

*Septem illi nati, dilecta pignora tædæ:  
Fæmineæ tres sortis erant: Quid ruris honores  
Commemorem? lâtis armenta errantia campis;  
Lanigeræ pecudes, septênis millibus ibant;*

*Millia*

Millia complebant robusti terna Cameli,  
Mille boues curuis, solers iungebat aratris,  
Letaque quingentæ carpebant pascua, asellæ:  
Crebri aderant famuli, nec quis possederat alter,  
Latius, Eois quâ Sol se porrigit oris.

Septem inter sese, fratres, de more solebant  
Exercere epulas, charasque ad festa sorores  
Poscere, & alternis mulcebant pectora mensis.  
At Pater ut primum conuiuia mutua vidit  
Impleuisse vices, misit qui protinus omnes  
Expiet, & munda lustret libamine lymphæ.  
Ipse autem primò supplex, se manè ferebat  
Ante aras, sacris adolens Holocaustaque flammis,  
Pro numero sobolis: Nam si mea forsitan inquit  
Progenies, interque epulas, interque læum,  
Quid temerè effudit, factoue, aut voce tonantem  
Læserit, offensi placabo numinis iras.  
Inq. dies talem, se matutinus agebat;  
Iamque aderat tempus, quo, Iouæ celsa frequentes!  
Atria, Celicolæ celebrant ante ora parentis.  
Ecce autem Satanas: cui sic moderator Olympi,  
Fare, age, Tentator, quibus huc adueneris oris?  
Ille autem, magni circum pomæria mundi  
Erro fui, & vastæ peragraui iugera terræ;  
Pars orbis nulla est, nostri non plena laboris.  
Cui Pater omnipotens. Nusquam ne in spectus Iobus

*Est tibi, Vir nostri metuens, quo iustior alter  
Non manet in terris, aut observantior equi?  
Scilicet, ille pius, nulla mercede tonantem  
Suspicit, inuictō circum munimine septus  
Undique, cui pleno demanat copia cornu  
Calitūs, aduersis nunquam tentata procellis:  
Verte vices rerum, fortunæ nixa beata  
Terga dabit pietas, inque os conuitia fundet  
Liber a, blasphemisquē lacesset te maledictis.  
Talia Tentator. Cui mox immittit habenas  
Omnipotens, quicquidque bonus possedit Iobus,  
In Satanae dedit esse manu; tantū imperat, ipso  
Abstineat: non hæc hosti concessa potestas.  
His monitis, sese subducens, iussa capeſſit.*

*Et iam tempus erat, quo, natū primus Iobi  
Excepit fratres epulis, charasque sorores,  
Vinaque libabant læti, genioque fauebant.  
Ecce autem, celeri accurrens velocius Euro  
Nuntius exclamat, populantes arua Sabeos,  
Intentos operique boues, asinasque per herbam  
Pascentes, caesis ferro custodibus, omnes  
Diripuisse; & se solum superesse furori,  
Qui Iobi tantam cladem perferret ad aures.  
Vix ea fatus erat, sese cū nuntius alter  
Intulit, é cælo flammanti turbine tactos  
Esse greges, sese de tot pastoril us, vnum*

*Crudeli*



Crudeli ereptum letho, qui vera referret  
Flammivori monumenta ignis; Subit inde loquenti  
Tertius, & terno partitis agmine turmis  
Chaldaeos, secum raptos egisse Camelos  
Commemorat, caedem late, stragemque dedisse,  
Nec famulum superesse refert, se ex hostibus esse  
Elapsum, Dominum clades ne tanta latéret.  
Iamque aderat quartus, qui verba loquentis ab ore  
Arripit, & maestâ sic voce affatur Iobum:  
Dum nati natæque tuae, conuiuia leti  
Concelebrant, fratrisque sui subiére Penates  
Primæui, extremis deserti à finibus, ingens  
Incubuit ventorum agmen, iunctasque resoluit  
Compages, parte ex omni, concussa quæ sæuo  
Turbine, tecta ruunt; subitâ, heu, tua pignora clade  
Strata iacent; misero soli mihi dura negarunt  
Fata necem, tanti ut luctus tibi nuntius adsim.

Tum verò exurgit, vestemque à pectore Iobus  
Diripit, abraditque comam, tum numen adorat  
Pronus humi, ac infit: nudum me in luminis oras  
Edidit infantem genitrix, nudusque reuertar  
In cineres, generis quondam primordia nostri.  
Ioua mihi largitus opes, mihi rursus easdem  
Abstulit, eius honos semper, laudésque manebunt.  
Sic fatur; nec vocem illi scelerata resoluit  
Impietas, Numenue, iniusto murmure læsit.



## CAP. II.

Iob constanter pergens in pietate, per Dei voluntatem à Satana, corpore suo grauissimè affligitur : ab vxore deridetur, & ab amicis inuisitur.

**I** Amque iterum Angelicæ præstó venere cohortes  
Ante Deum, summi expectantes iussa parentis;  
Nec Satanas aberat, fraudisque, dolique magister :  
Cui Pater omnipotens; dic quæ te, perditæ, nobis  
Aduexit regio, aut unde hæc ad limina tendis ?  
Ille autem, Vastæ linquo circumdata terræ  
Mania, & ambitum Varijs erroribus orbem.  
Quem sic affatur, nutu qui temperat axem,  
Vidistine, inquit. Iobum? cui nulla per orbem  
Par pietas puram recto qui tramite vitam,  
Ingreditur, nostri metuens, fugiensque malorum ?  
Haud ille abstinuit rectos insistere calles,  
Immeritum contra quamuis odia aspera frustra  
Moueris, & verbis nos Irritaris iniquis,  
Perdere iam diues quicquid possedit Iobus.  
Tentator contra, non hæc ego magna putarim  
Argumenta p̃ij, quis enim se funere demens  
Seruare alterius, quis opes, cunctasque pacisci  
Diuitias, dulcis nollet pro munere vitæ!  
Sint tabo ipsius carnes, atque ossa medullis  
Contigeris, quantas contra te colliget Iras?

Tum

Tum Pater excelsas Cæli qui condidit arces  
Lora manu demens, dilecti corpus Iobi  
Permittit Satanae, tantum, inquit stamina vite  
Nolo seces, vite, moneo, parcatur Iobi.  
Haud mora, pallenti pestes mox euocat Orco  
Tentator, Stigiâque lue, en liuentia membra  
Inficit, & toto diffundit corpore virus.  
At constans, patiensque mali, degebat Iobus  
In cinere, & durâ radebat vulnera testâ.  
Quæ simulatque oculis couiunx percepit iniquis,  
Siccine, ait, moriens, & clade oppressus acerbâ  
Integer es, louamque illum laudasque, colisque?  
At Iobus, muliebri, inquit, te more loquentem  
Arguit imprudens sermo, nos rebus optimis  
Ditati quondam diuino munere, Numquid,  
Aduersos æquâ toleremus mente labores?  
Sic ait, & nullotemerauit crimine linguam.  
Et iam per cunctas rumor penetrauerat orbes,  
Atque Themaniten Eliphan, Bildadque Subitem,  
Et Naamathiten Sophoar, quos sanguis Iobo  
Iunxerat, & miseri casus commouit amici,  
Euocat, ut rebus consolarentur in arctis.  
Quem procul ut cernunt oculis, ignotaque discant:  
Ora viri tandem, ruptam de pectore vestem  
Diripiunt, fædantque suos in puluere vultus.  
Prostratique iacent, dum septima lumina Phæbus

*Perdit, & assiduo pascunt ieiunia fletu,  
Nec voce appellant ullâ, sic improbus illum  
Urgebat dolor, & totos infederat artus.*

## CAP. III.

Iob ex Angustiis, diei ortus sui maledicens, contra Naturam & contra Deum, propter vitam acceptam & conseruatam contendit.

**T***Um Iobus emissâ sic voce silentia rumpit,  
Natalésque suos, & primos deuouet ortus.  
O Utinam, ethereas qui me produxit in oras,  
Ille dies, fatâ quæque efformauit in aluo  
Effinxitque marem, tantæ nox conscia cladis,  
Dispereat: lux illa atris immersa tenebris,  
Ignoret sine fine diem, sit nulla supernè  
Cura Deo, nunquam Phæbo splendeat ortu.  
Atra dies, tristi sed morte, & noctis opacæ,  
Horrificis semper deuota expalleat umbris.  
Nocti illi, densus cæcâ caligine nimbus  
Incubet, infæustusquæ æternum obnubilet æther.  
Infælix, solisque vias, lunæque labores  
Perpetuò, & menses redeuntis nesciat anni.  
Sit desolata, illatabilis, vndique luctu  
Perstrepât, ingratos vitæ quicunque labores*

*Ingemit,*



*Ingemit, hæc illi nox excrabilis esto.  
Nec matutinos vquam eius Lucifer ignes  
Induat, & toto pallefcent sydera cælo;  
Expectentque diem, qui nullo mobilis ævo,  
Infortunata cupiat succedere nocti.  
Scilicet illa mihi misera primordia vitæ  
Attulit, atque vsum lucis monstravit acerba.  
Eheu, cur nostros vterum patefecit in ortus,  
Nil sobolem miserata parens! cur vbera suxi  
Lactea, cur genibus sedi, cur lumina vitæ  
Prima videns, plures auxi infelicitèr annos!  
Me nunc alta quies, tacitum sub nocte silenti  
Conderet, & magnis fœlix par Regibus essem,  
Principibusque viris, qui solis ardua campis;  
Tecta struunt, seclis olim monimenta futuris,  
Aut ubi tutæ locent argenti pondera & auri.  
Meuè mori miserum fatâ genitricis in aluo  
Non potuisse, ipsouè animam hanc effundere in ortu?  
Fata ibi crudeles æquali sorte tyrannos  
Pauperibus miscent, nec iniquus creditor vrget  
Fœnora, nec famulos nexorum vincula terrent.  
Et paruus magno, & captiuus libera colla  
Æternum, nullo læthi discrimine distant.  
Sed quorsum Pater omnipotens, mortalibus vsum  
Largitur vitæ, quos semper dura malorum  
Exercet series, & mors optata quietem*

C

Inuidet,



*Inuidet, & surdâ clamantes despicit aure?  
 Utque actis scrobibus, defossam queritur aurum,  
 Haud aliter gens pressa malis, tellure sub imâ  
 Scrutatur mortis foveas, gaudetque sepulchro.  
 Cur, inquam, dat vitam homini, cui semita vitæ  
 Nulla patet, cecos obducunt nubila gressus?  
 Antè cibum ex imo duxi suspiria corde,  
 Assiduos gemitus, qualis vis turbida aquarum  
 Defluit, aut rabidos cernas rugire Leones.  
 Quippe istos metuit semper mens agra dolores,  
 Heu veri presaga nimis: menè ulla quietum  
 Securumvè dies, carpentem gaudia vidit?  
 Aduenit tamen, heu vènit commotio grandis,  
 Mæsta dies nobis, & ineluctabile tempus.*

## C A P. IV.

Eliphaz, Iobum fracti animi arguens, iustitiam iudiciorum Dei, quam Iob reprehendisse videbatur, multis argumentis asserit, & homines peccati damnat, deinde omnes ad Dei misericordiam, suo exemplo reuocandos esse docet. Postremò concludens, Iobum dehortatur à peccato: & hortatur ad fidem & obsequium, propositis promissionibus.

**M**ox Eliphaz, Iobum tali est sermone sequutus.  
*Non ingrata tuas si fortè accedit ad aures*

*Vox*

*Vox mea, pauca tibi conabor dicere; Sed quis  
Temperet à fando? tu qui sub pondere pressas  
Firmasti vires dextrâ, & genua agra trahentes  
Fulsisti auxilio: nunc primo in turbine rerum  
Gressibus incedis dubijs, & limine in ipso  
Das victas sub fasce manus, ubi fortia quondam  
Pectora, & afflictis constans patientia rebus,  
Et pietas laudata, & mens sibi conscia recti?*

*Quin age perpetuos annorum euolve labores;  
Nùm iusti periëre unquam, sinceranè cuiquam  
Attulit exitium pietas, at perdita contrâ  
Impietas, letis quanuis concredita sulcis,  
Germinat in pœnas; tristesquè educit aristas,  
Cultori ingratam messem: cùm infrenduit ore  
Omnipotens, iustasquè animum commouit in iras.  
Cùm rugiunt crudi, sæuâ feritate Leones,  
Accenditquè fames rabiem, catulique minaces  
Prædæ inbiant, dentesquè acuum, gens impia frustis  
Commolitur, perditque immanis bellua campi.  
Hæc equidem vidi, sed nondum cognita nobis  
Causa fuit, donec rerum monstrauerat auctor.*

*Nam dùm grata quies mortalia pectora somno  
Occupat, & placida spirant obliuia noctes,  
Ecce repentinus ventus pernicibus alis,  
Præsentis dat signa Dei, mihi protinus horror  
Incubuit, gelidosque tremor penetravit in artus.*

Tum non visa prius per noctem effulsit imago,  
Et venti posuere animos, molliq; susurro  
Aura levis, tacitâ hæc nobis immurmurat aure.  
Num poterit quisquam mortali è semine cretus  
Iustitiâ præstare Deo, rebusuè creatis?  
Ile opifex cedat, qui factum temperat orbem?  
At non ipsi audent illo consistere coram  
Cælicolæ, velatque suos gens conscia vultus.  
Quin quosdam scelus ante alios immane parantes  
Nocte sub obscurâ dedit atra in Tartara quondam  
Precipites; quisquamne igitur quem terrea cingit  
Congeries, putrisque expectat blatta Sepulchri;  
Audebit posthæc tanto se attollere fastu?  
Nam veluti verno surgunt qui germine flores,  
Quos matutinus tepido Sol elicit ortu,  
Sole sub occiduo prima moriuntur in herbâ:  
Sic generi humano breue, & irreparabile tempus:  
Principium finemque adfert, vitæque caducæ  
Hora brevis, multo turbarum fluctuat æstu.  
Et nisi diuinæ clementiæ prouida dextræ  
Obstaret, certè æternum sine fine perirent.  
Nec sapiens vitare vllus fatalia possit  
Tempora, cum mentis truncum vis viuida corpus  
Liquerit, & gelidis abit excellentia claustris.



## C A P. V.

Dehortatur Iobum Eliphaz à peccato, malo, & contentione cum Deo, tacitam includens reprehensionem dictorum Iobi, hortaturque tum ad officium erga Deum, tum ad doctrinæ comprehensionem, præmijs & promissionibus propositis.

**Q**uin tibi sectandos potius proponis, Iobe,  
 Insignes pietate viros, iustosque, probosque  
 Consulis, an sancto quicquid dignetur in albo  
 Respondere tibi? stultos si forte rogâris,  
 Exemplarque illud placeat, diuina repente  
 Ira premet, zelusque, ac indignatio Iouæ.  
 Vidi equidem quos nulla tenet reuerentia summi  
 Numinis, assiduo rerum ditescere luxu.  
 Non aliter quàm quæ lato se germine tollunt  
 Pampineæ vites, & pleno palmite turgent.  
 At subito execrata domus, deuotaque diris  
 Corruit infelix, nec spes super ulla salutis  
 Affulsit soboli, nullo quæ vindice penas  
 In portis luit, & matura præmia messis  
 Prædoni cecidit rabido, nec culta labore  
 Semina, nec græuidas autumnus colligit vuas.  
 Non hæc, crede mihi, cæco fortuna rotatu  
 Aduerhit, aut casu quicquam sine numine nobis



*Euenisse potest, cultæ uè è puluere terræ  
 Proueniunt ærumna homini: sed Rector Olympi  
 Addidit has vitæ comites; & præmia culpa  
 Certa dedit, nec certa minus, quàm pruna sub altum  
 Scintillas vomit, & leuibus petit æthera flammis.*

*Ergo erit ille mihi semper Deus, illius arctis  
 Perpetuò in rebus numen, nomenque vocarim.  
 Innumera illius passim miranda per orbem  
 Facta patent, pluuijs, qui fidens æthera nimbis,  
 Fecundat terræ gremium, cui diuite Venâ  
 Flumina profiliunt latis errantia campis.  
 Ille salutiferam miseris in tempore dextram  
 Porrigit, atque humiles excelsâ in sede reponit.  
 At quoties prauos coiens gens impia cætus  
 Infidias struit innocuis, scelerata coerctet  
 Consilia, & vanas reddit sine viribus artes  
 Prouidus, vt proprijs sese versutia technis  
 Induat, & cæcis erret deprehensa tenebris.  
 Non aliter luce in media, quàm nocte profundâ  
 Palpet, & incerto titubet vestigia gressu.  
 At Pater insontes cælo miseratus ab alto  
 Eripit omnipotens, non illis hosticus ensis,  
 Aut vis vlla oberit, minitantis sæua tyranni.  
 Spes illos nam certa fouet, Sed perdita contrâ  
 Impietas, mutòque filet malè conscius ore.*

*O fortunatos nimium, clemensquè bonusquè*

*Quos*

Quos Deus affligit, non illa afflictio, verum  
 Dulce rudimentum, & patriæ correptio dextræ,  
 Non spernanda tibi, seu te quippe dolore  
 Sauciat, & doctâ rursus medicabitur arte.  
 Sex cladem patiêre vices, totidemq; salutis  
 Propitius monstrabit iter, sed septima nunquam  
 Innocuæ ærumnis turbabit tempora vitæ.  
 Nec tibi seu famis rabies, nec Martius ardor  
 Adferet exitium: nec portentosa timebis  
 Omina, nec fædæ metues conuicia linguæ.  
 Sed cùm damnarent steriles ieiunia campos,  
 Vbertim largo pascet te copia luxu,  
 Nec lapidi plantam impinges, nec bestia ledet  
 Noxia, sed stabili coniunges fædere agrorum  
 Saxa tibi, tutamque colet fera bestia pacem,  
 Pacem, inquam, domui, ventura in sæcla perennem,  
 Perpetuamque tuæ, quæ tu spectacula Lætus,  
 Seposito tecum quondam mirabere fastu.  
 Instabisque viam recti, callesque beatos  
 Iustitiæ, sanctoque preme vestigia gressu.  
 Vtque vides gratos flores sub vere repenti,  
 Gemmantes passim latis herbescere campis,  
 Sic tua progenies in sacula sera nepotum  
 Fælici crescet serie, & longæua senectus  
 Effæto ostendet numerosæ gaudia prolis.  
 Vtque suas messor segetes spem colligit anni,

16 Iob amicos reprehendit: I O B. suas ærumnas narrat.

*Et gravidis flauam Cererem componit aceruis:  
Exaturatum annis, sic te expletumquè dierum  
Excipiet tumulo tellus, gremioque fouebit.  
Certa quidem sunt hæc, vsuque edocta magistro.  
Quæ si fortè sapis memori sub mente repones.*

## C A P. VI.

Iob reprehensis grauiter amicis neglecti officij, & confutatis Eliphazi rationibus, causam suam de integro constituit coram illis. Quam deinde explicat, narratione ærumnarum suarum, & indignationis, in quam, ex tantarum ærumnarum sensu, animus eius abripiebatur vehementissimè.

**T**ùm Iobus, O trutinæ, si quis moderamina rectæ  
Sustineat, questusque meos, sæuósque dolores  
Quos patior, iudex equato examine penset!  
Námque meâ leuior plagâ vasti esset arena  
Oceani, & totis pelagi præponderet aruis.  
Nec verbis æquare queo; mortalia quippe  
Sollicitum me nulla tenent, sed tela veneno  
Imbuit, & siccas exhaurit sanguine venas  
Omnipotens, trepidisquè infert terroribus arma,  
Conglomeratque aciem, & multo me turbine vexat.  
Anne rudis teneris onager benè pastus in agris?

*Aut*



*Aut bos mansuetus plena ad præsepia mugit:  
Cui placitura albugo, salis si copia desit?  
Me cum dira lues tabo consumat inertī,  
Ingratumq; cibum præstent languor que, dolor que,  
Mirum est transuersam rapiar si à cardine mentem?  
Quis dabit, vt, voti compos, cælestibus armis  
Obruar, & posito mitis solamine dextræ  
Irarum laxis in me grassetur habenis  
Omnipotens, tantos vt mors extrema labores  
Finiat? O nobis, inquam, mors vltima rerum  
Optatâ, ventura, die, dum lingua recusat  
Nostræ nefas, vitæq; mihi benè conscius actæ  
Celarim nunquam diuinæ encomia laudis.*

*Sed cui tam valida superant in corpore vires  
Hæc vt ferre queat? non sic adamantina nobis  
Ferro corda rigent, nec duro pectora abeno,  
Vt valeam tantos tolerando æquare labores.  
Num mihi nulla meæ superest defensio causæ?  
Num penitus fugit ratio, mentemq; reliquit?  
Nec quisquam est, adeò pietas mortalia liquit  
Pectora, qui miseri casus soletur amici?  
Nanq; vt præcipiti torrens delabitur aluêo;  
Sic noti subitò, & cuncti fugère propinqui.  
Ac tanquam tellus hyberno tempore multas  
Sudat aquas, cælo supra quam, plurimus imber  
Irrigat, vt passim vastis exæstuet agris,*

D

Nix



18 Iob amicos reprehendit I O B. suas ærumnas narrat.

*Nix tegit, & pigro torpescunt marmore fossæ.*

*At qui Sabbææ fessus sitientis arenas,*

*Siccæq; Themaneæ peragrat deserta viator,*

*Flumineos haustus, sæui sub sydere Cancri.*

*Faucibus expectat siccis, tamen arida potum*

*Vnda negat, calidisque exhausti solibus amnes:*

*Haud aliter subitâ tacti formidine, Vanam*

*Ostentastis opem, & me spe lusistis inani.*

*Cur quæso vos terror habet? num munere Vestro,*

*Pauperiemque grauem, duræq; incommoda vita*

*Solari volui, num collo hostilia vincla*

*Excutere, immitis uè iugum exitiale tyranni?*

*Quin potius rectum si quo me deuius error*

*Abripuit, monstratis iter? nec vera loquentem*

*Arguite, aut fictis vltra contendite verbis?*

*O quàm acris, fundoque animum mihi Verberet imo*

*Sana salutiferam spirans reprehensio vocem.*

*Cur technas struitis proli genitore carenti?*

*Et foueam Insoniti nequicquam aptatis amico?*

*At nunc quæso isthac animis, atque auribus æquis,*

*Accipite, haud nostro sermo manabit ab ore*

*Futilis, & nostras iterumquè, iterumque querelas,*

*Conuersi iustâ tandem perpendite lance.*

*Non iniusta peto, nunquid vox impia linguam*

*Polluit? insipidum uè palatum infecit amaror,*

*Vt nequeam sano ærumnas discernere gustu?*

C A P.

## C A P. VII.

Narratio ærumnarum Iobi, & indignationis in quam ex earundem sensu animus eius vehementer & acriter abripitur, cùm commiseratione præsentis conditionis.

**S**Tat sua cuique dies, & meta extrema laborum,  
Nec semper trepidis miles Mauortia campis  
Bella fremit, placidisq; subit pax aurea pennis.  
Atque æstum fugiens seruius se recreat umbrâ,  
Et pretio, & gratâ solatur nocte laborem.  
At mihi amara dies, & noctis amarior umbra,  
Mutua sollicitis producunt tempora curis.  
Nox ubi pallenti cingit caligine terras,  
Sic aio, seros segnis cur Phosphorus ignes  
Occulit? at niueo postquam iubar extulit orbe  
Excrucior, donec sero decedat Olympo.  
Est furtim nobis lento durantia tabo  
Viscera, sordescit què imo sub pectore virus,  
Dissoluitque cutem, & putri carnem vlcere findit.  
Non citius cuiquam radijs decurrit acutis  
Trama levis, nostræ quàm spes deperdita vitæ.  
Sis memor, ut nobis fugitiui flaminis auram  
Indideris, rerum Genitor, si lumina vertas,  
Illicò succedent tenebræ, nec tecta subibo  
Terrea, nec charis vltrâ spectabor amicis.

D 2

Sed

*Sed veluti nubes, celeris vis concita venti  
Dissipat; haud aliter supremo tempore nobis  
Vita perit, non hos iterum inuisura penates.*

*Ergo ego cur parcam vociq, ireq, doloriq,  
Amplius, afflictoue premam sub pectore questus?  
Neue putes pelago, tanto quem turbine per fles,  
Assimilem, videorue immanis bellua ponti  
Esse tibi, ut tali custode, & carcere franes?  
Forfitan afflictos, lectus mihi molliet artus,  
Quum, dixi, tacitam portenta obiecta quietem  
Terrificant, dirisq, agitant insomnia monstros,  
Fessaq, mens toto suspirat pectore lathum.  
Ne me afflige, precor, cui non in secula curem  
Viuerē, sed vanæ detestor tædia lucis.*

*Sed quæ laus hominis miseri, quæ gloria tanta est,  
Ut Pater omnipotens semper mortalia corda  
Aurorâ monstrante diem, exploresq, probesq,  
Et fragilis vitæ inquiras momenta per horas.  
Quin finis humentem saltem absorbere saluam.  
Non ego me immunem culpæ, & sine crimine vitæ  
Profitetur, Sed quâ culpam mercede piabo.  
O hominum custos, cur tot me hostiliter armis  
Aggrederis, nullusq, inimicâ finis in irâ est?  
Quin potius scelus omne aufers, & crimina deles  
Nostra, Deus, tutum ut cognato in puluere somnum  
Edormire queam, plagarum expersque, metusque?*

CAP.



Bildad Iobum grauitè reprehendit, quasi obloquentem iustitiæ Dei: eam Testimonijs & exemplis probat, & Iobum minis detertere conatur, promissionibusque reuocare.

**H**Is dictis Bildad soluens mox ora Subites,  
Siccine, ait, trepidi tanquam vis concita venti,  
Verba amens studio semper iactabis inani?  
Num Pater omnipotens, celsi qui flammea Olympi  
Templa colit, iustisque orbem moderatur habenis,  
Iudicio cæli solium sedabit iniquo?  
Quid? tua cum nuper nec opinâ pignora clade  
Perdidit, & letho natos inuoluit acerbo,  
Immeritas numquid vindex exarsit in iras?  
Sin tu cum primos aurora infecerit ortus,  
Integras supplex tendens ad sydera palmas  
Voce humili fidens poscas in vota Tonantem,  
Audiet ex templo, & pleno tibi copia cornu  
Affluet, & firmis stabunt tua tecta columnis.  
Iustitia fundata manu: tibi gloria surget  
Inclita, & è paruis tollet se prospera rebus.  
Quin æui tecum recolis monumenta prioris,  
Maioresque tuos, & priscos consulis annos?  
Non sic immisissis trepidant à solibus umbræ,  
Quàm vitæ brevis hora fugit, momentaque parua.  
Nos planè expertes rerum, ignarosque relinquunt.



Plurima sed nobis prudens exempla vetustas  
Suggeret, & docto te sic affabatur ore.  
Iuncus ut humenti crescens Oligine turget,  
Et carex elegit aquas, tamen utraque marcet  
Ante alias, primâque arens flaccescit in herbâ:  
Talis erit quicumque Dei præcepta monentis  
Spreuerit, aut fictâ pietatem ostenderit arte.  
Non citius telam, quam pendula texit Arachne  
Æolus aduersi proturbat murmure cauri,  
Quam perit impuræ spes, & fiducia gentis.  
Quid struit incassum? subitâ inclinata ruinâ  
Corruet, & nullis stabit domus impia fulcris.  
At tanquam pigris, quæ primùm innascitur aruis,  
Et duro damnata solo, cui noxia fibras  
Saxa premunt, lapidosa inter vix rudera surgit;  
Ast illam postquàm prudens solertia docti  
Agricolæ, terrâ imbutam meliore recondit,  
Tollitur in Cælum ramis fœlicibus, arbos;  
Nec soles curat, medio nec deficit æstu,  
Miratur fontes, & ameni iugera campi,  
Et subeunt sterilis gaudentem obliuia glebæ:  
Sic Pater omnipotens humiles è paupere tecto  
Eriget, & multo pietatem ornabit honore.  
At contra impietas, sese malè conscia nunquam  
Tollet humo, nunquam diuinæ munera dextræ  
Sentiet, ut lapsa possit consurgere gressu.

Tuque

*Tuquè adeò letam solues in gaudia mentem  
Et labra, & largo satiabis pectora risu,  
Oscres, hostesque tuos, cum dedecus atrum  
Induerit, tetròque horrens infamia vultu,  
Et cernes deiecta imò tentoria fundo  
Impia, né euerfis restent vestigia tectis.*

## CAP. IX.

Iob agnita & celebrata iustitia, sapientia, ac potētia Dei, inficiatur criminationem vitæ suæ, sibi ab amicis obiectam; & iustitiam suam asserens, docet ex præsentibus Dei iudicijs non esse de hominibus iudicandum. Postremò quærimonias suas repetens; à Deo, multis argumentis adductis, mala sua deprecatur, & concludit flebili optato.

**Q***Væ postquàm effatus, fluit; respondit Iobus.  
Non obtuso adeò, Bildad, me pectore finxit  
Omnipotens, quenquam ut polluto é semine cretum  
Iustitiâ credam perfectâ equare Tonantem.  
Quippe homini patrata, Deus, si crimina mille  
Imputet, an quisquam sese purgauerit vno?  
Illi cor prudens, & fortis robora dextra,  
Non illi iniustus quisquam se impunè rebellem  
Præbuerit, montes qui imis radicibus altos*

Verrit, nec modica apparet tamen impetus ira.  
 Qui labefacta manu trepidæ fundaminat terræ  
 Concutit, & simul ac celsi de Vertice Olympi  
 Annuerit, cæcis Titan caput occulit umbris,  
 Et fraudat splendore diem, signatæque claudit  
 Sydera, qui nitidi solus tentoria cæli  
 Explicat, & tumidas sicco pede permeat ondas.  
 Arcturum, paribus somnum qui diuidat horis,  
 Atque diem, gelidæ rursum sub tempora brumæ  
 Imbriferi madidos, pluuiosque Orionis ignes,  
 Verè renaſcentis gratam spem Pleiadas anni  
 Euocat ætutùm, septem ornamenta trionis,  
 Et quæcunque alter nobis intercipit orbis  
 Australi distincta polo: tam grandia facta  
 Exuperant laudum cumulos, mirandaque virtus  
 Illius, haud numero, poterit nec fine teneri.  
 Non illum celeri quum præterlabitur aurâ  
 Cernere fas, & cum pigro se tramite sistit,  
 Consilij quisquam norit secreta latentis?  
 Num prædam eripiet quisquam? Num poscere causas  
 Audeat, iratum contra subsistere numen  
 Num vis vlla potest? forti sub pondere tanto,  
 Genua labant, fractisque superbo corde tyrannis.  
 Quid mihi tum misero verbis contendere frustra  
 Proderit, aut numen dictis incessere amaris?  
 Quod si pura mihi, nullique obnoxia culpæ



Vita foret, supplex tamen ante aduoluerer ora  
Iudicis, & quanuis leni bonus annuat aure,  
Haud equidem credam Vocem exaudisse precantis.  
Quippe atro cæcæ correptum turbine noctis  
Implicuit tenebris, pronusq; in vulnere nostra  
Immeritas cumulat clades, nec mollia nouit  
Interualla furor, litem finire duello  
Quid potero inualidus? dicam illi, vt polleat armis,  
Iure diem quis tam audaci præfiniet ore?  
Si me sincera vestigia carpere vitæ  
Profitear, proprio damnatus protinus ore,  
Non alio sub teste cadam; sin vitæ vacaret  
Crimine, non ausim tamen hoc inducere mentem  
Ignaram, & misera spernentem tædia vitæ.

Vnum id me torquet, quonam discrimine iustos,  
Iniustosq; viros mundi distinxerit auctor?  
Vtraque nonne vides paribus gens quomodo pænis  
Fungimur, & similis patimur compendia lathi.  
Vtque suâ omnipotens Rector securus ab arce,  
Innocuæ ridens spectet tentamina vitæ?  
Nonne orbis dedit immani feritate tyrannis  
Fræna manu, & mundi passim præfecit habenis,  
Artifices scelerum? quorum velamine vultus  
Obtegit, vt caco titubent per deuia gressu,  
Ignorentq; æqui leges, turba in scia recti;  
Hæc Deus, anne alius quisquam præfinijt auctor?

E

Non



*Non citius summas, qui vix pede ledit arenas  
 Cursor abit, ventouè ratis delata secundo,  
 Aut pauidas aquila in campis sectata columbas,  
 Quàm nostri fugère dies, nec gaudia vitæ  
 Carpsimus, aut miseri letis indulsumus annis.  
 Sæpe mei, dico, venient obliuia luctus,  
 Atque iræ statuat finem, positoque furore  
 Mulcebunt placidam tandem solatia mentem.  
 Sed dirus circum ærumnarum exastuat horror,  
 Percellitque animum, nec tu me crimine mundum  
 Decernes: Quorsum vana hæc me cura fatigat?  
 Quòd mihi si niueo candor certaret oloři;  
 Inuoluet cano, & lutulentos protinus artus  
 Polluet, & nullo sordes calabit amictu.  
 Nec nostri est similis, cum quo contendere possim,  
 Omnipotens, nobis nec se interponere quisquam  
 Audeat, arbitrio licem qui terminet æquo.  
 Virgam aufer, Deus alme, & me terroribus istis  
 Exime, tum vitæ farer benè conscius actæ  
 Intrepidus, timido nec me sermone tuèrer.*

## CAP. X.

Quærimoniæ Iobi repititio, qua tertia respon-  
 sionis & pars in mediū affertur, ~~in~~ indignati-  
 onis quærimoniæ; propositione, confirma-  
 tione, confutatione & conclusione constans;  
 hinc mala sua deprecatus à Deo, flebili optato  
 concludit,

concludit, descriptione Sepulchri tetri, lethalis,  
& tenebricosi, periphraſticâ.

**A**T nunc, inuiſa quoniam me tadia vitæ  
Sollicitant ſæuo iuuat indulgere dolori.  
Ne me condemnes, quaſo, Verum æde roganti,  
Iudicio mecum cur experiaris iniquo?  
Siccine cura tibi eſt, ambages neſtere fraudum  
Innocuo, propriaq; effictum munere dextra  
Perdere opus, prauosque inter tibi nobile catus  
Nomen, & egregias hoc pacto acquirere laudes?  
Num tibi quæ humanas obducunt nubila mentes,  
Mortales hebetant oculos? num tempora vitæ,  
Atque tui fluxis decurrunt menſibus anni,  
In noſtram ut vitam, & peccata inquirere pergas  
Sedulus, & panis inſontem affligere tentes?  
Non ignota tibi eſt pietas mea, nec tamen uſquam  
Apparet, tantam vindex qui auerterit iram.  
Cur me diſperdis, propria plantaria dextra,  
Quemque tuæ quondam mirâ feliciter arte  
Vndique perfecere manus? quin mente reuoluis  
ut generi humano limoſe è puluere terræ  
Corpora limaſti, utque iterum collapſa redibunt  
In cineres, generis quondam primordia noſtri?  
Num me ceu niuei libamina mollia lactis  
Eudiſti in matris gremium? num caſeus ut fit

E 2

Muſteus,

Musteus, haud aliter tepidâ concreuimus aluo?  
Num superinductam per te cutis arida carnem  
Vestyt, & toto distentos corpore neruos,  
Ossaque formasti solidas firmantia vires?  
Æthereosq; haustus, corpus ne informe iaceret  
Naribus accepit, generosa semina vitæ?  
Quod viuo & vegetus, quod spiritus hos regit artus  
Sola tua est bonitas, Domine, & clementia sola.

Intereâ, tantos occulto corde dolores  
Cælasti tecum, nec me sententia fallit.  
Num quoties pecco, memori mea crimina semper  
Mente notas, nec me delicto absolvere curas?  
Væ mihi, si vitæ fuero peruersa sequutus,  
Non impunè feram: sin ipso tramite recti  
Ingrediar, non ullam ausim sperare salutem,  
Me mala tanta premunt, tot vexant undique clades.  
Nam veluti rabidus pecora inter inertia seuit  
Ingluue stimulante, Leo; sic irruis in me  
Hostili, Deus, ense ferox, & vulnera victor  
Congeminas, semperque nouas insurgis in iras.  
Cur eduxisti miserum, genetricis ab aluo  
Seruatum in penas, nec nobis fata subire  
Ante diem, & latho licuit præuertere lucem?  
Ecce mihi subitò miseri mors terminus æui  
Aduolat, intereâ seuâ paulisper ab irâ  
Define, dum modico recreem solamine mentem,

Parua.



*Parua mora est, cæci subeam quin limina dit is  
 Non iterum calcanda mihi, caligine regna  
 Æterni, q̃ horrent tenebris, quæ semper opacat  
 Terrificâ mors atra vmbra, nox incubat illic  
 Perpetuò, nusquam se ordo, nec lucida monstrant  
 Sydera, sed tristis pallor, sed liuida squalet  
 Effigies, cæcumque æternum obnubilat antrum.*

## CAP. XI.

Tzophar sermonem Iobi, à comparatione Maie-  
 statis diuinæ refellens, docet vnicam salutis vi-  
 am esse, fidem & resipiscentiam, ad quam Io-  
 bum hortatur.

**T***Vm Naamathites Sophoar, sic ora resoluens,  
 Siccine, ait, quisquam patientem accommodet aurem  
 Spermologo, tua nec prudens mendacia fando  
 Arguat, & nugas solers confutet inanes?  
 Scilicet illa tua, vt iactas, oratio munda est  
 Ante Deum, vel te tua garrula reddet, Iobe,  
 Lingua pium, culpâque vacas & crimine vitæ?  
 Ast Utinam arcanos genitor recludere fontes  
 Consilij velit omnipotens, & tollere nubem  
 Mortales hebetantem oculos, vt conscia cernas  
 Pectora nequitie, & duplo maiora mereri  
 Supplicia, inq̃ tuis numen mitescere panis.  
 Sed quæ te tandem regio in penetralia ducet,*

E 3.

Secretosque



Secretosque adytus, & magna arcana Tonantis?  
Ille etenim immenso longè spatiosior orbe est,  
Latior Oceanicampis, supra ardua cœli  
Eminet, infernoq; patet declivius antro.  
Ille simul iubeat, totius machina mundi est  
In priscum reditura chaos nutuq; morientis,  
Ex nihilo, rursumq; novus coalesceret orbis.  
Nec quisquam impediat, nec facta immensa moretur,  
Nec nostra impietas diuinos fallit ocellos.  
Qualis enim solis natus lalisio campis  
Brutum animal, stolidum, indocile, indomitumq;, ferumq;  
Talis homo, nisi naturâ rationis egenus,  
Cordatus fiat diuino munere, rectè  
Incipiat sapere, & cœli mysteria discat.  
Quintu igitur mentem sacros accingis in usus,  
Exilioque scelus damnas, & crimine tendis  
Ablutas in vota manus? tunc integer ore  
Sublimi, erectos tolles ad sydera vultus,  
Firmâque securo figes vestigia gressu  
Intrepidus; nusquam facies aduersa laborum  
Immemori occurret, rapidi sed fluminis instar:  
Sic tibi præteritos condent obliuia luctus?  
Sol tibi sublimis medio fulgebit Olympo,  
Restituetque diem tuque almæ lucis amictu  
Splendidus, aurora gratos imitabere vultus,  
Et tibi firma dabit fiducia nixa Tonanti,

Securos

Iob amicos redarguit    C A P. XII.    Dei administratio.

*Securos habitare lares, expersque pericli  
Nil metuens, dulces carpes in gramine somnos:  
Quippe hostis tibi nullus erit, sed plurima supplex  
Turba, fidem dextramque tuam, implorabit egenis  
Rebus, & ut tuto sese committat asylo.  
At contra impietas, speratam tempore nullo  
Sentit opem, nullo finit sua tædia luctu.*

C A P. XII.

Iob, confutatis amarulenter, ab experientia & communi rerum creatarum testificatione, argumentis Tzopharis, & reliquorum mendacibus sermonibus repudiatis, omnes iniuriæ in Deum arguit.

**T***Um Iobus, nec vos solos prudentia rerum  
Erudit, nec me stolidum, & rationis egentem  
Obscurâ inuoluit cæca ignorantia nocte,  
Nec vobis cedo, nec vulgo ignota refertis.  
Sed simplex quoniam studium me detinet æqui,  
Et recti sincerus amor, ludibria mente  
Voluitis, & sannis misero insultatis amico  
Qui Dominum inclamat, facilem qui commodat aurem.  
Sic lampas, quæ nutantes in paupere gressus  
Dirigit, & modicâ solatur luce tenebras,  
Diuitibus sordet: multo hæc gens ebria luxu  
Vi potitur rapto, ac opibus confisa superbis*

Pauperiem, & tenuis rident incommoda vite.  
 Quos lentas Domini patientia seruat ad iras.  
 Nec tamen, ut spero, cuiquam tam cornea fibra est,  
 Conditâ quin olim caelesti sæcula dextrâ  
 Nouerit, & vastam mundi subsistere molem.  
 Hinc pecudes, armenta, viri, genus omne ferarum,  
 Quæque secant liquidum stridentibus æra pennis,  
 Et quæ marmoreo spirant sub gurgite ponti,  
 Plantæq, & duris nascentia robora syluis,  
 Arcessunt tenuis genitalia semina vite.  
 Nos equidem fidam tantum dimissa per aurem  
 Percipimus, sani vel gustu experta palati,  
 Aut quæ canicies prouectis attulit annis.  
 At rerum genitor, fortis, prudensq, bonusq,  
 Cuncta potest, nouitque simul, nutuque gubernat.  
 Eruit ille arces, fundoque exterminat imo  
 Heroum monimenta, & stringit compede fontes,  
 Nec reparare iterum fas, aut recludere cuiquam;  
 Ille simul iubeat vacuos subsistere fontes,  
 Protinus exhaustum tellus absorbeat æquor.  
 Et nisi vim ponti modicâ compescat arenâ,  
 Effusis terram videas immergier undis.  
 Nam Pater omnipotens æternæ robore dextræ  
 Consilioque valet, prudentique omnia secum  
 Expendit trutinâ, & iusto moderamine frænat.  
 Ille malos vates, sua qui deliria spargant

Excitat,



*Excitat, auscultatores erroribus afflans.  
Iudicibus sanam mentem prudentibus aufert,  
Consilijque inopes, & inertia pectora reddit.  
Quin ipsis rerum dominis, Regalia sceptræ  
Eripit, & famulis præcingit colla catenis.  
Insignes spolijs satrapas, prædator, opimis  
Exuit, & valido subuertit robore fortes.  
Et quos commendat fandi vis aurea, balbos  
Efficit, ut comptis discedat gratia labris.  
Et quos prudentes seris facit usus ab annis,  
Deliros reddit senio, crudelesque tyrannos  
Excutit è solio, quos turpis dedecus æui  
Insequitur, tetroque horrens infamia vultu.  
Quid memorem ut solus tenebris immersa profundis  
Eruat, & cæcâ sub nocte, & morte reposita  
Proferat in lucem, & patulas educat in auras?  
Utque auget numero populos, auctosque repente  
Hostili metat ense ferox, fecundaque rursum  
Suppeditet sobolis reditura semina genti.  
Dat fatuos populo Reges, & sceptræ rebelles  
Impia, qui summo turbati culmine rerum  
Per loca senta situ, nostroque imperiæ cultu  
Errabunda legunt vestigia, perque tenebras  
Cymmerias palpant, solisque, & lucis egeni  
Incertò titubant, tanquam gens ebria, gressu.*

F

CAP.



## CAP. XIII.

Iobus redintegrans constitutionem causæ suæ, ex-  
postulat cum Deo de illatis calamitatibus, et  
que argumentis aliquot deprecatur.

**H** Aud ignota loquor, sed visa, auditaque tantum,  
Et longo nobis usu comperta recordor,  
Nil vestrum inferior quoquam, nunc voce Tonantem  
Aggrediar, summoque Deo certare iuuabit.  
Non ego vobiscum vanæ certamina linguae  
Instituam, quippe impurâ mendacia fronte  
Fingitis, & medicas frustra prætenditis artes.  
Quin potius præbete aures, atque ore silenti  
Quæ dicam, accipite, ut vobis prudentia honorem  
Conciliet, quoniam hoc ambitis nomine laudem.  
Argutâ nunquid sese vult fraude tueri  
Omnipotens, fictosue innoxia caussa patronos  
Postulat, ambages nectant qui, & retia fraudum?  
Siccine vobiscum, ut sub iniquo iudice, regnat  
Gratia, personamque Dei spectare lubebit?  
Siccine tentatis numen, vobisue putatis  
Vtile, si vestras inuestigauerit artes,  
Nil homini similis? pro quo mendacia fingi  
Expediat, num ficta animi secreta latentis  
Proferet in lucem, sceleratosque arguet ausus?

An

*An nullâ trepidas vobis formidine mentes  
Territat eterno, qui temperat omnia nutu?  
O modò limosa fragilis de pulvere terræ  
Progenies, quo te vexat vesania fastu?*

*Vos lingua cohibete nefas, sed nostra filere  
Lingua nequit, de me rerum prouiderit auctor.  
Cur laniata cutis, putri caro rancida verme,  
Exosam horrentes dentes inuitat in escam?  
Assiduoquè animam lethi discrimine vexat?  
Me licet occidat, non desperabo, nec ipsâ  
Discedet nobis unquam fiducia morte.  
Speque salutiferâ plenus, si in morte recumbam,  
Illa mihi victâ statuit de morte triumphum.  
Intereâ, vitæ recolo delicta peracta;  
Nam cur dissimulem? Num iudicis ante tribunal  
Impietas ausit sceleratos sistere vultus?*

*Arrigite, hic surdas sermo non postulat aures:  
Non ego iudicio cuiquam certare recuso,  
Nec quin absoluar dubito, laudemque reportem  
Iustitiæ; sed quis mecum contendere porrò  
Audeat, emoriar iustam quàm liquero causam  
Ora premens, mutoquè filens malè conscius, ore.  
Tu tantùm, Pater omnipotens, ne territa turbes  
Pectora, & assiduo finem largire dolori.  
Non ego tum metuam fidens, actoruè, reusue  
Esse velis, cedò nobis quo crimine vitæ,*

Quo numero, merui tantas exolvere penas?  
 Cur faciem cœlat, cur me sibi comparat hostem  
 Omnipotens? laudem egregiam, & spolia ampla parabis  
 Scilicet, attrito folio, quod turbine cæco  
 Aura levis rapidis torquet ludibria ventis.  
 Ergò, dicam nobis cur sic inscribis acerbam,  
 Et memor oblita recolis delicta iuventæ?  
 Duraquæ conclusis circundas vincula plantis?  
 Insculpisque tui pedibus Pestigia cippi?  
 Ne quoquam aufugiam, nec spes soletur eundi.  
 Sed quis ego vilis, qui sum putredine trunci  
 Vilior, & veteri, quam rodit tinea veste?

## C A P. XIII.

Adferuntur argumenta & loci contentionum ad  
 captandam misericordiã, cum conclusione pa-  
 thetica, ex comparatione seueritatis iudiciorum  
 Dei, cum infirmitate rerum omnium creatarum,  
 nominatim verò miseri hominis, transeundo à  
 thesi ad hypothesin.

**G**ens humana equidem duris obnoxia fati  
 Nascimur, ac natos brevis infortunia vitæ  
 Excipiunt, tanquam verno flos germine letam  
 Pingit humum, tenero primùm qui carpitur ortu.  
 Non citius pereunt umbræ, quàm futilis æui  
 Flabra silent; & te tantâ mortalia curâ

Sollicitant!.



Sollicitant ! hominesque tuis dignaris ocellis  
Scilicet, & miserum tot me in certamina poscis!  
Quis, primos semen patrum cui polluit ortus,  
Expertem reddet sceleris ? si stamina vitæ  
Dimensis currunt spatijs, vitæque, necisque  
Arbitrium à te uno pendet, moderare furori  
Paulisper, miseros donec mors finiat annos,  
Mors optata diu, mercesque extrema laborum.

Ecce arbos succisa, nouis sefrondibus ornat,  
Et veteri quanuis putris radice senescat,  
Læta tamen rursus, rediuiuo germine surgit  
Stillanti perfusa polo, ramisque superbit :  
At pereunt, ipsæque velut radice reuulsi  
Intereunt homines, & ubi post funera degunt ?  
Vtque neget si fortè suas in flumina vires  
Oceanus, fontesque undâ recreare perenni  
Negligat, arenti disparet gurgite torrens :  
Sic hominis tenues vitæ euanescent in auras,  
Et longos gelido dormit sub marmore somnos,  
Exspectaturus nunquam, dum tecta nouentur  
Calica, & istius facies mutabitur orbis.

O vtinam Iouæ donec pertranseat ira,  
Securam tumuli carpam sub mole quietem,  
Præscribatque diem, nostri nec desinat ille  
Esse memor, clemensque in me sua lumina vertat.  
Sed num mortalis uiuet post funera quisquam ?

Illam sollicitâ semper mihi pectus anhelat  
Mente diem, quâ me supremâ voce ciebis  
E tumulo, dextramque dabis, promptusq; vocantis  
Parebo imperio, & noctu immutabor ocelli.  
Interea sæuo nè quid via ducat ab hoste,  
Dinumeras gressus, nec paruo tempore differs  
Supplicium, memoriquè tenes signata libello  
Fasciculisque, meæ compacta volumina culpæ.  
Ac veluti rupe excelsâ, cùm fragmina magna  
Precipitata cadunt, & celsos fluminis iræ  
Irruerint montes, atque ardua culmina pulsan;  
Aut cùm vorticibus rapidis se spumeus amnis  
Explicat, & tumido depascit littora fluctu,  
Saxa cauans, voluensque, sinu latè obuia cuncta:  
Sic homines perdis, sic spem mortalibus aufers  
Fortior, & validæ metuendus robore dextræ.  
Mutabitquè illis, tristes mors lurida vultus.  
Haud illos tanget viuentis cura nepotis,  
Seu felix degat, miser osuè inglorius annos  
Exigat, istius tanta est obliuio sæcli.  
At caro putrescens ingenti afflictâ dolore  
Ingemit, & magno mens se marore fatigat,  
Dum colit infirmos moribundi corporis artus.

## CAP. XV.

Eliphaz, altera hac oratione, Iobum, insipientiæ & proteruiæ in Deum nomine, obiurgans, reuocat ad agnitionem peccati sui, per comparationem iustitiæ Dei: deinde iustitiam Dei commendans à manifesto exitio impiorum in hac vita, Iobum ab ista fiducia sua dehortatur.

**A** St Eliphaz illi obiurgantia verba retorquens.  
*Tenè, inquit, frustra prudentem dicere quisquam*

*Audeat, Æolijs turgent cûi pectora ventis,  
 Vanaque mendaci fundis conuicia linguâ?  
 Nec satis est læsisse homines, ipsumque Tonantem  
 Voce petis, nec te summi reuerentia tangit  
 Numinis, & sacro decet ascultare timori.  
 Non ego nunc testis, Iobe, in tua crimina veni,  
 Sat lingue impietas, & subdola labra prophanum  
 Euincunt, damnantque: rudi num primus in orbe  
 Extiteras, cernens facti incunabula mundi?  
 Scilicet assessor fueras cum surgere montes  
 Iusserat, & patulis valles subfidere campis.  
 Secretosque aditus calles, arcana Tonantis!  
 Aut alit occultas in te prudentia vires?  
 Num paucis tecum prudentia canuit annis,  
 Nos longo rerum fatui stultescimus vsu?  
 Nam tuus haud nobis genitor certauerit æuo.*



Cur sic diuinæ spernis solamina vocis?  
Quid tibi transfuersam rapuit de cardine mentem?  
Cur fastum signant oculi, nutuque rebelli  
In Dominum ferris, blasphemæque polluis ora?  
Scilicet est quisquam peccati aspergine liber,  
Mortali exceptus gremio? non incola cali  
Immunis degit sceleris, nec tegmina mundi  
Labe carent; quàm fœda & detestabilis ergò  
Colluies impuri hominis, nanque arida tellus  
Ceui bibit humentes undas, sic semina culpæ  
Sugimus, & totos penitus perfundimur artus.

Pauca tibi fabor, memorem si aduerteris aurem,  
A priscis accepta atavis, qui regna tenebant  
Iustitiæ studio, quæ rectas figere leges  
Cura fuit, populosque aquis assuescere sceptris,  
Nec quisquam externis pacem violauerat armis.  
Ut cruciata diu, multoque enixa dolore  
Famina, perpetuò tali sub sorte laborat  
Impietas, vitæque tremuit malè conscius actæ,  
Ignorant quæ diem subitæ quæ nuntia cladis  
Aduolat, ut nequeant ultra sequire tyranni.  
Horrida vox illis trepidas circumsonat aures,  
Vastatorque repentinus, nil tale timentes  
Exitio premet, & sulcât clade obruet hostis.  
Perpetuas metuet tenebras, lucemque, diemque  
Oderit, ut strictus semper si impendeat ensis,

Emendicabit

Emendicabit victum, caligine tectus  
Cymmeriâ, & tristis semper vexabit erynnis.  
Ac voluti firmâ Regem stipante coronâ,  
Classica cum bello insonuere, globoque cohortes  
Confertæ iunctas acuunt in prælia vires:  
Sic illos vallo, fossâque, ac aggere circum;  
Et metus, & cingit trepidis angustia curis.  
Vtque Deo forti toto conamine bellum  
Indixere, illis fractâ ceruice vicissim  
Irruet in collum, & quâ pars densissima parmæ est,  
Per clypei iaculum figet septemplex oras.  
Ecce nitet, multâ splendens pinguedine vultus,  
Et lateri fallax aruina incumbit obæso,  
Magnificasque Urbes vacuis instaurat in agris.  
At subito labentur opes, peiusque peribunt  
Parta male, instabili tandem deuota ruina.  
Nec fibras aget impurus, radicibus altas,  
Nec primo veris gemmantes tempore ramos  
Proferet in lucem, quippe eius germina carpit  
Flamma vorax, flatuque Dei spirante peribit,  
Perpetuas palps cecâ sub nocte tenebras.

At vix vana tamen (sic Vanus fascinat orbis  
Luxus opum, & nostros sic ludit gloria sensus)  
Esse putat; donec serô vana omnia tandem  
Senserit, & fluxis discat diffidere rebus.  
Ante diem subito, nec opinâ morte peribit,

G

Nec

*Nec patulâ virides frondebunt arbore rami.  
 Ac veluti sterilis viti sua germina ventus  
 Inuidet, ac Euro mites nudantur oliuæ,  
 Flos cadit, & nullo sequitur vindemia fructu :  
 Siciacet impietas, sic spe frustratur inani,  
 Et desolatas deserta per auiâ terras  
 Inolet, & vastus latè populabitur ignis  
 Impuras arces, summa ad fastigia tecti;  
 Restingui in reliquis poterit nec flamma fauillis,  
 Nulla illis æqui ratio, iura omnia vendunt  
 Dorophagi, produnt quæ bonam pro munere caussam,  
 Parturiunt quæ dolos, & fraudem in pectore versant.*

## C A P. XVI.

Iob, increpatis grauissimè amicis, ostendit quàm indignè ab ipsis exagitetur, quàm grauitèr manu Dei prematur, & quantoperè se ipse abijciat: deinde confirmationè, grauissimâ reprehensione redorsus, patronum & cognitorem à Deo sibi dari petit, ad tuendam gloriam Dei, & innocentiam suam coràm omnibus. Postremò amicos ad resipiscentiam hortatus, concludit sibi tantum de morte cogitandum esse.

**T** *Alia iactantem, Iobus sic ore repressit;  
 Frustrâ istis nostræ surdescunt vocibus aures,  
 Nec toties repetita placent: semper nè molestos*

*Esse*



Esse iuuat, vanæ nec fræna imponere linguae?  
Quid vobis tales animum firmavit in ausus?  
O mihi si liceat vel parui temporis usu  
Vobiscum mutare vices! conuicia numquid  
Eloquerer, quateremue caput probrisque, minisque?  
At vobis nostro robur manaret ab ore,  
Augeremque animi vires, morbumque furentem  
Lenirem, & grato plagas sermone leuarem.  
Nunc mihi seu taceam, tacitâ iactata quiete  
Membra carent, & cum fandi me ceperit ardor,  
Nulla quies, sic me cunctorum lerna malorum  
Exagitat, fractosque dolor sic dissipat artus.  
Adducitque cutem macies, nec corpore succus  
Vllus inest, rugaque in me testantur inanes.  
Me Pater omnipotens, infestæ more lænæ  
Dilaniat, sequiturque odijs, frendetque minaci  
Dente ferox, oculosque truces scintillat in iras.  
Heu quibus opprobrijs petimur, quæ vulnera linguae  
Exacuunt, certantque meis impingere malis  
Dedecus, & magnâ pergunt comitante cateruâ.  
Me Deus impuro seruandum tradidit hosti,  
Auertitque meos recto de tramite gressus.  
Fortunatæ olim carpenti gaudia vitæ  
Prosperitas mihi grata fuit, nunc rebus acerbis  
Pressus humi iaceo, nunc me ceruice reflexâ  
Conterit imbellem, & validis circundedit armis.

*Ac veluti iaculis freti, qui figere metis  
Signa solent, sic aetherei moderator Olympi  
Contortis in me direxit brachia telis,  
Perque mihi renes, atque ilia venit arundo,  
Effusique bibit fellis, terra atra cruorem.  
Quin etiam insultat misero, fortisque, potensque,  
Vulnera vulneribus cumulat, meque obruit armis.*

*At non his actis furis, mihi corda rebellem  
Nostra unquam sumpsere animum, sed corpora vili  
Præcinxi sacco, summoque à vertice crines  
Aspersi cinere, & fædatos pulvere vultus  
Immersi limo, lachrymisque humentia laui  
Lumina, palpebrasque ipsa sub morte natantes.  
Quid puras servasse manus, caeloque supinas  
Proderit, innocuæ si sunt hæc præmia vitæ?  
Ne nostrum, tellus, celes ingrata cruorem,  
Quæque ob vindictam iustorum ad sidera clamas,  
Ne fileas, si sortè mihi malè conscius erro.  
Vtque neget tellus, celsi qui culmina cæli  
Possidet, & summâ tellurem despicit arce,  
Testis erit, cordisque, & vitæ baud inscius actæ.  
Vos socij, comptæ delectet gratia linguae,  
Sannisque, & probris, miserum irridetis amicum.  
At mea perpetuis decurrunt lumina riuis,  
Assiduoque madent luctu, lachrymisque profusis  
Quæsuere Deum, ut clementi exaudiat aure.*

*O mihi*

*O mihi fas fuerit, rerum certare parenti  
Ut socio, liceatque æquâ contendere lege.  
Nam brevis aduenit fugitiui terminus æui,  
Atque iter ingrediar mox irremeabile lethi.*

## CAP. XVII.

Confirmatio, cùm grauiſſima reprehensione, adhortatus amicos ad resipiscentiam, concludit sibi tantum de morte cogitandum esse.

**I** Amque adeò tenues noster rareſcit in auras  
Spiritus, & rigida nobis nent fila ſorores,  
Extremâ ſub parte coli, ſpes ſola ſepulchri  
Permanet, Ut buſto ſummos ſoluamus honores:  
At vos in ſontem interea ridetis amicum,  
Qui ſannâs gemit aſſiduò irritatus acerbis;  
Quis mihi ſponſor erit pro te, quo pignore nobis  
Obſtringis, Deus alme, fidem, qui neſcia veri  
Iſtorum nunc corda facis, nec tollis honore  
Qui ſocio blanda tendunt venabula dextræ?  
Inque ipſos vindex punis delicta nepotes.

Ipſe ego nil equidem meritus, iam fabula vulgi:  
Conſtituor, gemitûq; meo obſcurata fatiſcunt  
Lumina, & affecto marcent in corpore vires.  
Vmbra inſtar, primo Titan quam territat ortu.  
Reſ miranda pijs, cùm prauis proſpera cedant.



*Omnia, quæquæ illos sanctas accendat in iras.  
At non hæc quæcunque pijs sunt tædia vitæ,  
Iustitiæ nobis studium, & Virtutis amorem  
Ex animis delere queunt: sed ficta labascit  
Impietas, agitata malis, fiducia contrâ  
Iustorum, assiduis crescit firmata procellis.  
Non equidem Vestrum cûiquam prudentia curæ est,  
Huc aures ergò, & memores conuertite mentes.  
Iam vitæ exegi spatium, præcordiâque imis  
Deficiunt fibris, extremaquæ munera claræ  
Lucis habent oculos, mox atro vellere mortis  
Iuduar, & tristi pallens circundabor Umbrâ.  
Si mihi spes restat solius certa sepulchri,  
Et lectum sternam tenebroso mortis in antro,  
Ac foueæ dicam, genitor dulcissime rerum,  
Et vermi, soror, & mater carissima, salve,  
Tum quorsum promissa cadent, quæ maxima nobis  
Fingitis, & mundi spes ostentatis inanes!  
Cum mors cuncta simul lethali vulnere sternet.*

## CAP. XVIII.

Bildad, Iobum grauissimè increpat, velut omnia  
sibi arrogantem, & amicorum monita, iudiciaq;  
Dei damnantem: deinde elegantissimis allego-  
rijs, improborum statum infœlicem percurrit.

**T** *Um his offensus, Bildad, sibi proxima fandi  
Iura capit; nunquam nè tibi iactantia finem  
Inueniet, monitusquè sacros sub pectore figes  
Indocili, & charis aurem præbebis amicis?  
Cur, ceu bruta tibi, pronas spectantia terras  
Despicimur, vilisque instar sordescimus algæ?  
Fare, quis indomitas tantus furor excitat iras?  
Num solido inpellas stabilem fundamine terram?  
Et firmâ poteris rupes è sede mouere?  
Et cælum terræ, & terrum miscebis Olympo?  
Lux impuri hominis, multo si splendeat igne,  
Mox exstinguetur, tenuis sine lumine flamma,  
Lux sese in tenebras vertet: nec lampadis usus  
Vllus erit, cæcæque tegent tentoria noctes.  
Deficiet robur, nec mens improuida cernet  
Exitium, propriâquè cadet, quam texuit, arte.  
Retibus impediet timida vestigia plantæ,  
Nec sese expediet, laqueisque, & casse dolosâ  
Excipient pedicæ, & validius multo impete prædo.  
Decipula tellure latent, callesque per omnes*

Funiculi, neruoque pedem fallente tenentur.  
Vndique pulsabit terror, subitamque capeffet  
Erro fugam, pedibusque inerit spes nulla salutis.  
Absumetque fames robur, laterique recumbet  
Pernicies, nec mors parcat senissima membris,  
Depascetque artus, firmasque in pectore vectes,  
Robora, spesque domus multo terrore labascent,  
Horrificique ipsum deducet ad ora tyranni.  
Quòd si fortè suâ tutus videatur in arce,  
(Sed quid dico suâ, quam iam terrorque, metusq;  
Incolit?) ambustis subitò consumpta fauillis  
Corruet, excipietque auidis incendia Venis  
Aspersum sulphur, non ipsâ condita radix  
Tellure effugiet flammæ, ramosque per omnes  
Fructusque, & frondes Vulcania sæuet ira.  
Perpetua ingratum tenebris obliuio nomen  
Obruet, & splendore procul, procul orbe repulsus  
Exul erit, cæcæ æternum sub tegmine mortis.  
Nullus ei natus, nulli post fata nepotes:  
Nec reliquus quisquam desertos incolet agros.  
Hæc olim pauidi, memorabunt fata nepotes,  
Adque hæc attoniti stupeant spectacula viui.  
En tibi quo miseras tandem gens impia terras  
Fine colat, monitus spernens securæ Tonantis.



## CAP. XIX.

Iob, reiectis superioribus contumelijs, amicos explicatione suarum ærumnarum, ad misericordiam hortatur: fidem & innocentiam suam palàm fieri optat, testificatione Dei, & beneficio resurrectionis vitæque æternæ se consolatur: postremò illos dehortatur ab insectatione sui.

**A**T non hæc tacito passus conuicia Iobus  
Ore insit, non sat, credo, me magna malorum  
Exercet series, nisi nostra in vulnera amici  
Arma ferant, sæueque acuant opprobria lingue,  
Iam decies posito perfrictâ fronte pudore.  
Si vitam addixi sceleri, me pena merentem  
Digna manet, verbis non exagitanda superbis;  
Nanque Deus solus, nobis hæc vulnera fecit.

Me Pater omnipotens fallacibus undique cingit  
Retibus, & nostras auersâ negligit aure  
Iudicio cessante preces, cœlestia quanuis  
Atria, perpetuo supplex clamore fatigem.  
Ille iter, ut nusquam nobis loca tuta relinquat,  
Sepfit inaccessum tenebris, capitique coronam  
Abstulit, ut degam reliquos inglorius annos.  
Destruxitque ferox, tanquam radicibus arbos  
Vulsa iacet, steriles deflens sine pondere ramos.  
Quinetiam hostili contrâ me incanduit irâ,

H

Tur-

Turmatimquè suas cogens in bella cohortes,  
Undique metatur castra, & tentoria circum  
Nostra, fremit pugnæ, & firmis obsidet armis.  
Ecce mihi charos quondam solatia fratres,  
Reddidit infestos animis, notosque reinôuit,  
Ne quisquam mihi ferret opem, nec sancta propinqui  
Iura colunt, fictique aduerso tempore amici  
Potauère simul lethei obliuia fontis.  
Nec vernæ auscultant Domino, nec iussa parati  
Accipiunt famuli, seruum si fortè rogaro,  
Conticet, & tacitus ius dedignatur herile.  
Ipsa uxor, miserum spernitque ac horret anbelæ  
Vocis iter, putri fætor sic defluit ore,  
Nec sobolis curat coniunx communis amorem.  
Me pariter risu excipiunt, iuuenesque, senesque,  
Consilij pars magna mei; quosque ordine primo  
Præcipuos inter quondam amplectebam amicos.  
Iam caro dirigit macie, vixque ossibus hæret  
Pellis, & arenti dependent in cute dentes.  
Vos, si qua est pietas, miserandi casus amici  
Commoueat, qui nunc diuinæ subiacet iræ.  
Cur plagas inferre nouas, affligere fortis  
More Dei, nostrasque placet depascere carnes,  
Nec satiari esu, nec crudo parcere denti?  
O Utinam eductum plumbo mea verba volumen  
Ærato excipiat calamo, sculptorque peritus

Quæ

*Quæ dicam, nunquam perituro in marmore figat !  
 Credo equidem, sine fine perennem degere vitam  
 Seruatorem orbis, qui me de puluere tandem  
 Eruet, vt letus rediuiuo germine surgam.  
 Ipse ego cùm caries renouatos liquerit artus  
 His oculis cernam Dominum, propriâque videbo  
 Carne Deum, quamuis defecto corpore renes  
 Putrescant nobis, certæ spes illa salutis  
 Haud dubium monstrabit iter, seuosque dolores  
 Leniet, & victa statuet de morte triumphum.*

*Ergo hæc vobiscum ; cur insectamur Iobum ?  
 Cui radix pietatis inest, quæ germina tandem  
 Proferet, & folijs tellurem vmbrahit opacis ?  
 Nunc autem vobis acri à mucrone cauendum est,  
 Et ferri metuenda acies, nam feruidus ensis  
 In scelera, & vindex diuinæ stringitur iræ.  
 Vt vobis constare queat, iustum esse tribunal  
 Iudicis, & recto ferri libramine mundum.*

## CAP. XX.

Tzophar, occasione ex verbis Iobi sumpta, eandem  
 propositionem de misero improborum exitu  
 repetit : & à iustitia Dei, exemplis ordinarijs,  
 atque authoritate orbi diuini confirmat.

**V**ix ea factus erat, Vocem cùm Sophoar vltro  
 Præcipitat. Cui sic gelido sub pectore torpens

H 2

Sanguis



Sanguis hebet, tacito vt ferat hæc conuicia vultu?  
Quin animo tecum memori momenta reuoluís  
Alta vetustatis, postquàm concessa creato  
Est tellus habitanda homini, nùm perdita semper  
Impietas, primis scelerum defecerit ausis?  
Vtque petat Cœlum, & caput inter nubila condat,  
Immundas feriet resupino pondere terras:  
Stercoris instar erit, quod feda excreuerit aluo;  
Quique illum rebus quondam vidêre secundis,  
Dicent, quo tanto decessit gloria luxu?  
Vtque intempestâ volitant insomnia nocte,  
Quæque graues somno turbant phantasmata sensus:  
Sic spes tota eius tenues vanescet in auras,  
Nec cernent oculi, nec tecta antiqua videbunt.  
Fraude Pater crescit, patrio dat crimine penas  
Natus, & iniusto reparat vi raptâ parenti.  
Indulget vitij iuuenis, penitusque medullas  
Est tabes, non ossa priùs putredo relinquet,  
Quàm simul extremo carpant in puluere somnum.  
Ac veluti linguae, medicatum melle venenum  
Dulce sapit, cupidisq; tenet lethalia labris  
Toxica, quæ gratâ fallunt dulcedine gustum:  
At cibus vt stomacho, primùm descendit hianti,  
Vertitur in virus, sæuæ fel dixisse esse  
Astidis, & subitâ turgent præcordia morte:  
Talis diues opum, quem mundi blanda voluptas

Fascinat

Fascinat, & feruor sceleratus vexat habendi.  
 Nulla illi satias, plenôque absorbuit ore  
 Dinitias, auidusque aurum sub viscera condit:  
 At miseri subitò turbatum nausea pectus  
 Aggreditur, vomit ille ingrato gutture quicquid  
 Hausit opum, fortisque illi Deus ilia pulsat.  
 Mortifera infelix lathalia pocula suget  
 Aspidis, ardentisq; extinguit Vipera morsu.  
 Butyri haud riuos, nec flumina euntia melle  
 Cernet, & assiduo bullantes nectare fontes.  
 Reddet opes raptas, alieno parta labore  
 Restituet, quisquam nec deglutisse putaret  
 Que citò cum rebus prædomutarit egenis.  
 Nam triuit tenues, miserosque è paupere tecto  
 Exuit, haud stabiles instauraturus in aedes.  
 Nulla quies ventri, optatis fraudabitur alius  
 Delicijs, nullâque famem medicauerit esca.  
 Nec reliquus cibus ullus erit, victum vigor omnis  
 Deferet, utque illi non desit copia rerum,  
 Pauper erit, spoljs prædo potietur iniquis.  
 Cumque ineat letus festæ conuiuia mensæ,  
 Numinis offensi trepidis furor irruet armis.  
 Comminus ense cadet, ferratoque eminus arcu  
 Tela venenatâ spirabunt cuspidè mortem.  
 Inuadet terror, splendent spicula felle,  
 Quâcunque ingeditur per claustra occulta viarum

Occurrent tenebrae, vel missus cœlitus ignis  
 Scuiet, vt tantâ nemo de clade super sit.  
 Sentiet hostiles cœlos, inimicaque tellus  
 Nequitiam tribulo, & sterili ulciscetur auenâ;  
 Et fortuna domus, celeri ceu flumina cursu  
 Defluet, irati sic stat sententia Iouæ.  
 Hæc sors impuri est hominis, hæc portio prauis  
 Conuenit, haud aliud nequam possederit hæres.

## C A P. XXI.

Iob, aculeis Tzopharis stimulatus, grauius amicos increpat: propositionem ipsorum, de infœlicitate improborum confutat ratione, exemplis, & auctoritate Dei: quæ deinde nominatim sibi accomodat, & amicorum consolationes responsaque arguit.

**Q**Uæ contra, non hoc, inquit, solamine Iobus  
 Tempus eget, præbete aures, solaminis instar  
 Illud erit, iustam sannis nec ledere caussam  
 Pergite, dum verum patienti accipitis aure.  
 Non ego mortali vanæ certamina linguae  
 Institui, mundi mentem mihi territat auctor.  
 Quin mea perspicitis nunc infortunia cæci,  
 Et stupidi dextras taciturno apponitis ori?  
 Nam quoties memini, totos exterreor artus  
 Horrescuntque pili, & trepidanti carne tremisco.

Cur



Cur rerum assiduo superat gens impia luxu,  
 Prosperitasque illis seros arridet ad annos?  
 Grata illis colitur tellus, atque ubere crescit  
 Gleba solo, steriles succo nec fraudat aristas.  
 Leta domus, nunquam aduersis obnoxia fatis.  
 Non vaccae abijciunt fœtus, armentaue campos  
 Plena terunt, sobolisque suæ fœcunda propago  
 Exultat cytharis, numerosaq; tympana pulsat.  
 Cùmque diu ærumnis vacuum transegerit æuum,  
 Momento optatâ claudit sua lumina morte,  
 Impia nec tamen hæc gens, imo in pectore mussat;  
 Omnipotens, procul à nostrâ secede cohorte,  
 Nobis nulla tuos cura est cognoscere calles,  
 An frustra ignotum numen dignemur honore?  
 Fundemusque preces ad surda altaria nostras?  
 Odi equidem impuras voces, procul illa facessant  
 Consilia, haud stabili quicquam gens impia dextrâ.  
 Possidet: ab quoties extinctâ lampade noctem  
 Ingemit, instantem ignarus vitare ruinam.  
 Aut Pater omnipotens, palea & pulueris instar,  
 Turbineq; & rapidis ventorum dissipat alis.  
 Sæpè luunt nati prauis delicta parentis,  
 Agnoscitq; Deum cùm pocula plena furoris  
 Eibit, & Domini accensâ se proluit irâ.  
 Scilicet extinctus, victuri damna nepotis  
 Vlla timet, curatue suos post fata nepotes.

Quis tua, summe Deus, tacitis arcana tenebris  
Eruet, humana non vnquam peruiamenti?  
Hic opibus diues fœlices munere vitæ  
Fungitur, & pleno despumant ōbera lacte,  
Irriguisq; madent semper solida ossa medullis.  
Ast ille in luctu miserando carmine mortem  
Sollicitat, tristisq; exōsus luminis ōsum,  
Gaudia nulla capit mæstas solantia curas.  
Et tamen aqua pari tandem mors funere ōtrumque  
Mergit, & ærosam proponit Vermibus escam.

Non me allata quidem nuper, quæ captio vestra est,  
Argumenta latent, ōbi nunc excelsa tyranni  
Mænia, magnificis ōbi nunc domus inclytate tectis?  
His aliquis melius reddet responsa viator,  
Hæc documenta notans. Sed sese substrahit iræ  
Impius, & sæuos euitat sæpe furores.  
Quis scelus obijciat, quis reddet digna tyranno  
Supplicia, & pœnas crudelibus exigat ausis?  
Illum deducit per amænæ semita vitæ  
Ad tumultum, assiduóque illâ sub mole quiescit.  
Dulcis ei vallis; dulces in puluere glebæ,  
Innumeras post se gentes, atque agmina ducet,  
Innumera gentes, atque agmina præcesserunt.  
Cur ergò Vanæ instruitis solamina linguae,  
Vester iners fœdis putet nam sermo cauillis?

C A P. XXII.

Eliphaz, Iobum à contentione aduersus Deum reuocans, iustitiam Dei asserit, iniustitiæ, & impietatis Iobum arguit, exemplo diluuij deterret, & ad seriam resipiscentiam, ac tempestiuam reuocat, adiunctis Dei promissionibus.

**M**Ox Eliphaz lingue Themanites claustra resoluit.  
Num Iouæ quisquam forti, multumque potenti  
Mortalis prodesse queat? si tramite recto  
Sinceram carpis vitam, num iustior inde  
Omnipotens, prauos si contra insistere calles  
Eligis, an iustas metuet deposcere pœnas?  
At tu, nè simulem, non vlllo fine ruebas  
In facinus, durum sub iniquo pignore fœnus  
Fratribus extorquens, & nudos vestibis artus  
Dispolians, non te pauper miserante ferocem  
Ore famem pepulit, nec grato munere quisquam  
Tædia longa viæ modicis compescuit vndis.  
Quinetiam insigni tellus captiua tyranno  
Colla dedit, nunquam caussâ te iudice, diues  
Succubuit, nunquam viduæ, nunquam orphanus infans  
Liquerunt tua gaudenti subsellia vultu.  
Et mirum est, si te terror, si retia cingant  
Cæca pedes, tenebræq, & præceps fluminis ira  
Ante oculos Furias, & sæuam sistat Erynnin!



Nec tamen interea credis mortalia quenquam  
Procurare Deum, tenet alti culmina cœli  
Scilicet, & summis nequicquam præsidet astris.  
Neuè acie terras possit spectare patentēs,  
Impediunt nebulae, & chaos ætheris interfusum.  
In gyrum, vacuasque poli circum ambulat oras.  
Sicne exempla tibi statuis sectanda prioris  
Nequitiae, sic trita placet tibi semita mundi?  
Nec memor es quando effuso luit æquore pœnas  
Tellus, & grauidi vastarunt æthera nimbi?  
Gens secura Dei, rebusque elata secundis,  
Ante diem, procul hinc, procul hinc, discede, ferebant,  
Omnipotens, nec enim nos verba minacia terrent  
Deliri vatis, nec tali à clade timemus.  
At tam peruersis semper mihi pectus abhorret  
Consilijs, gaudentq; ista ad spectacula iusti,  
Et sancto rident zelo, dum funera cernunt  
Impia, dum præceps quicquid non læserat unda,  
Flammiuoro iustus iudex consumit hiatu.  
Qualis erat quondam Sodome, cum sulphure cœlum  
Depluit, atque ignis miseras exhausserat vrbes.  
Iudicij interea iustos spes certa supremi  
Sustinet, ac alæ diuinæ protegit umbra.  
Ergò, si vlla tuæ tan git te cura salutis,  
Promptus adi Dominum; pacem, veniamque precatus:  
Disce lubens sacrae perfectæ oracula vocis,

Et

Et memori praecepta eius sub pectore versa.  
Ille simul videat versa penetralia mentis,  
Sufficiet vires soboli, scelerisque nefandi  
Illuiem arcebis teētis, arxque aurea surget  
Protinus, haud flauis ophiræ cessura caminis.  
Instar rupis erit valido fundamine turris,  
Argenti, ac auri cumulis, quos india mittet  
Diues opum, nec opem celsi moderator Olympi  
Abstrahet, argentoque, auroque ut puluere replens.  
Solus delitiae, suauis tua sola voluptas  
Ioua erit, erectoque coles haec numina vultu.  
Orabisque Deum, patulaque exaudiet aure,  
Votaque persolues, succedent omnia recte  
Quae statues, gressus semper tibi praeuia lampas  
Diriget, & clara fulgebit semita luce.  
Nec mala te tantum duris pressere periculis  
Elatum, tumidumque animo; quem tollet honore  
Ioua, humiles oculos, dimissaque lumina cernens.  
Nec sese seruat solum, qui tramite recto  
Ingr editur, saepe illi & noxia turba salutem  
Debet, & innocuae seruator munere dextrae.

Nec tamen interea credis mortalia quenquam  
Procurare Deum, tenet alti culmina cæli  
Scilicet, & summis nequicquam præsidet astris.  
Neuè acie terras possit spectare patentes,  
Impediunt nebulae, & chaos ætheris interfusum.  
In gyrum, vacuasque poli circum ambulat oras.  
Sicne exempla tibi statuis sectanda prioris  
Nequitiae, sic trita placet tibi semita mundi?  
Nec memor es quando effuso luit æquore pœnas  
Tellus, & grauidi vastarunt æthera nimbi?  
Gens secura Dei, rebusque elata secundis,  
Ante diem, procul hinc, procul hinc, discede, ferebant,  
Omnipotens, nec enim nos verba minacia terrent  
Deliri vatis, nec tali à clade timemus.  
At tam peruersis semper mihi pectus abhorret  
Consilij, gaudentq; ista ad spectacula iusti,  
Et sancto rident zelo, dum funera cernunt  
Impia, dum præceptis quicquid non læserat vnda,  
Flammiuoro iustus iudex consumit hiatu.  
Qualis erat quondam Sodome, cum sulphure cælum  
Depluit, atque ignis miseras exhausserat vrbes.  
Iudicij interea iustos spes certa supremi  
Sustinet, ac ale diuinæ protegit vmbra.  
Ergò, si vlla tuæ tan git te cura salutis,  
Promptus adi Dominum; pacem, veniamque precatus.  
Disce lubens sacra perfecta oracula vocis,

Et



*Et memori praecepta eius sub pectore versa.  
Ille simul Videat versa penetralia mentis,  
Sufficiet vires soboli, scelerisque nefandi  
Illuuiem arcebis tectis, arxque aurea surget  
Protinus, haud flauis ophiræ cessura caminis.  
Instar rupis erit valido fundamine turris,  
Argenti, ac auri cumulis, quos india mittet  
Diues opum, nec opem celsi moderator Olympi  
Abstrahet, argentoque, auroque ut puluere replens.  
Solus delitiae, suauis tua sola Voluptas  
Ioua erit, erectoque coles hæc numina vultu.  
Orabisque Deum, patulaq; exaudiet aure,  
Votaque persolues, succedent omnia rectè  
Quæ statues, gressus semper tibi præuia lampas  
Diriget, & clarâ fulgebit semita luce.  
Nec mala te tantum duris pressere periclis  
Elatum, tumidumque animo; quem tollet honore  
Ioua, humiles oculos, dimissaque lumina cernens.  
Nec sese seruat solum, qui tramite recto  
Ingr editur, sæpè illi & noxia turba salutem  
Debet, & innocua seruatur munere dextra.*

## CAP. XXIII.

Iob ægrè ferens obiurgationem amicorum, sibi iudicium constitui à Deo petit; fidem suam, & integritatem profitetur in medijs calamitatibus. Deinde propositionem aliorum conuellens, docet improbis in hac vita plurimum benè esse, Deum verò, tempus iudiciorum sibi asseruare, & quomodo, & quando decreuit, ea demùm in improbos, familiamque eorum exequi.

**I**obus ad hæc, *tristi defixus pectora curâ,  
Non ulla affulget requies, maioraque sumit  
Incrementa dolor non enarrabilis ulli.  
O utinam liceat me iudicis antè tribunal  
Sistere, & innocuerationem reddere causæ!  
Non tamen ille velim toto conamine vires  
Exerat, & iustum nobis in prælia robur  
Suppeditet, qualis suëvit, quantusque videri  
Cum claris vitæ merito, & pietate decoris  
Ius reddit clemens, & iniquis liberat ausis.  
Ast ego quas cingam solers indagine terras?  
Vertar ad Eoi redeuntia lumina Phæbi  
Nusquam est, occiduis nec quâ sol cingitur undis,  
Nec Boreæ in campis, nec quâ sol feruidus axem  
Iuduit in flammis, & solis æstuat aruis.  
Non illi, qui cuncta videt, nostræ orbita vitæ*  
*Displicuit,*

Displicuit, quippe erecto vestigia calle  
 Institui, nec me carpentem deuia vidit  
 Vlla dies, sacraue oblitum oracula legis.  
 Vtque aurum multâ purgant fornace recoctum;  
 Aduersis me sic explorat Ioua, Caminis,  
 Exeam vt è flammâ obrizo purgator auro.

Ille ferox in me solum sua spicula torquet,  
 Quis tela auertet, quisnam illius irrita fraudet  
 Consilia, & Vanas reddet sine viribus iras?  
 De me perfecit quicquid decreuerat olim,  
 Et forsan grauiora manent, (arcana Tonantis  
 Quippe latent homines,) hinc illius horreo vultus  
 Aspicere, & multus vexat mihi pectora terror.  
 Et mihi ceu ferrum diuturno molliyt ictu  
 Corda Deus, replet que sui tremefacta pauore.  
 Menè mori miserum tam diras ante tenebras  
 Non potuisse, nec hos letho praeuerrere luctus!

CAP. XXIV.

Conuellit aliorum propositionem, & docet quis  
 sit improborum status in hac vita; Deum verò  
 suo tempore oportuno, iudicia exequi in eos eo-  
 rumque familiam, vti volet.

**C**Vr series rerum, mundi cur tempora norit  
 Ioua, suis non hæc seruis mysteria pandens?  
 Cernimus vt sæuis mundus det colla tyrannis,



Qui neque legitimè diuisos limite campos  
 Esse volunt, adeò latè discrimine nullo  
 Omnia vi complent : aliena armenta gregesq;  
 Diripiunt, patulis nec cessant pascere campis.  
 Pupillòq; asinum, & tenuis solamina vitæ  
 Abducunt Vaccam viduæ, quam pignore seruent.  
 Obuius haud prodit pauper; per deuia tutum  
 Carpit iter, caciq; abdit se hæc turba latebris.  
 Vtique onager dubiæ expectans confinia lucis  
 Inuigilat prædæ desertos bellua campos  
 Incolit, ad crudum assuescitque lalisio victum :  
 Sic inhiant illi rapto, natisq;, sibiq;  
 Prospiciunt, multâque exercent strage rapinas.  
 Seminâque alterius frustra sudata labore  
 Falce metit, nunquamque suâ se proluet vna  
 Impius, ac prædo in iustos vindemiat agros.  
 Nec vestem linquit miseris, dum frigore bruma  
 Seuit, & effusis humoribus ingemit æther,  
 Diluuijque metu per montis summa vagantur,  
 Pignora diripiunt inopi, non orphana pubes  
 Tutalacet, pendens lactantis ab vbere mammae.  
 Quique famem raras post messem ut pellat, aristas  
 Colligit, ereptis luget sine pane manipulis.  
 Quique oleum prælis, & torcularia calcat  
 Assiduò, haud æstum modicâ leniuerit vna  
 Sedabitue sitim, quamuis labor improbus illum

Urgeat,

*Vrgeat, & plenis spumet vindemia labris.  
 At miseri intereâ replent clamoribus vrbes,  
 Et luctu ingenti cæli conuexa fatigant  
 Atria ne quicquam, innocuôque imbuta cruore  
 Ætherium frustra tellus implorat Olympum.  
 Et tamen impietas vmbra se noctis opacæ  
 Occulit, accensæque odit confinia lucis.  
 Manè latro iugulat, sub lucem occidit egenos,  
 Luce notat quas fur sub noctem perforet ades,  
 Se furuis credens tenebris, his mollis adulter  
 Vertitur ad facinus, vicinaque lumina mortis  
 Instar habens, fœdum in tenebris delibat amorem.  
 Mox ubi res patuit, fugit ilicet ocyor undâ  
 Precipiti trepidans, incultaque sentibus arua  
 Occupat, errantem passim vestigia terrene  
 Omnia, quâ multo purgatur vinea cultu.  
 Ac tanquam gelidus, canis in montibus humor  
 Loquitur, & calidos metuens nix frigida soles.  
 Terra bibit sitiens, avidæque ingurgitat undas:  
 Carnea sic subito putres se gleba resoluit  
 In cineres, vires præstant peccata sepulchro.  
 Nec memor est eius genitrix, obliuia cunctos  
 Alta tenent, gratâ pascunt dulcedine vermes.  
 Frangitur & putris tanquàm succiditur arbor.  
 Ille etenim affligit steriles, viduasque relinquit  
 Parcus opis, fortique viro, multumque potenti*

*Instruit exitium, si quis consistere contra  
 Audeat, hunc propria cogit diffidere vita,  
 Illum fidentem Iouæ indulgentia reddit.  
 Qui tamen assiduo peruersos lumine gressus  
 Perspicit, intentisque vias perlustrat ocellis.  
 Sublimes tollit subitò, subitòque premuntur  
 Exitio, sicuti summis qui culmen aristis  
 Demetit, & grauidas succidit arundine spicas.  
 Quis me mentiri, quis verbis dicere contra  
 Audeat, aut sese tam iustæ opponere causæ?*

## CAP. XXV.

Bildad, Iobum confirmantem integritatem suam,  
 ex comparatione Maiestatis diuinæ, cœlestiumq;  
 corporum reprehendit.

**I** Amque adeò vocem vacuo collegerat ore  
 Bildad, & hæc infit: superi quem cernimus Orbis  
 Concentum nunquid constanti pace ligauit  
 Omnipotens, rerum soli cui summa potestas?  
 Nùm quæ eius cingunt solium, laudantque cohortes  
 Angelicæ, constant numero, nùm lumina mundo  
 Perspicuâ solus fundit radiantia luce?  
 Et tamen impuro quisquam de semine cretus,  
 Iustitiâ audebit sese conferre Tonanti?  
 Tanta est humanæ fiducia turgida mentis!  
 O scelus infandum, non illi candida Phæbe

Luceat,



*Luceat, aut rutilis palleſcant ignibus aſtra.  
Et quæ laus hominis miſeri, quem dicere vermem  
Poſſis, & vilis pollutum reptile terræ!*

## CAP. XXVI.

Job reiectis ironice ſermonibus Bildad: ampliùs prædicat omnipotentiam & ſapientiam Dei, à rerum cognitione, creatione, & adminiſtratione.

**F** Inierat, quem mox alterno excepit lobus  
Alloquio; quàmam preſſas ſub pondere vires  
Arte leuas Bildad? quis te ſecreta magiſtro  
Ardua, & immenſi diſcat miracula mundi?  
Semina ſub terris rediuiuo germine ſurgunt,  
Squamigeriq; greges, & valde immania cæte,  
Æquorei ſolùm norunt cunabula ponti.  
At rerum æternus genitor, Cocytia latè  
Regna videt, nullis tenebrarum imperuia velis.  
Ille ſui per inane altùm tentoria cæli  
Explicuit, ſolidæque appandens pondera terræ  
In medio, nullis docuit ſuſſistere fulcris.  
Ille etiam liquido ſuſpenſas fornice lymphas  
Comprimi, effuſo vaſtent ne gurgite terras,  
Flammiferumquè arcet nebulis volitantibus æſtum.  
Neuè ſuâ Nereus turgeſceret altiùs ondâ,  
Præſcriptô rabiem ponti compescuit aluèd,  
Altaquè vel nutu ſolo concuſſa tremiſcunt

K

Atria,

*Atria, & attonitæ cælo titubante columnæ.  
Nunc sese attollit, iactatquæ ad sydera fluctus,  
Et mox horrissono subfidit murmure pontus,  
Tanta Dei virtus mundi se corpore miscet.  
Quin & mirando calos sua tecta decore  
Imbuit, & tortum stellas formavit in anguem.  
Ille inter geminas Ursas septem implicat orbes,  
Et spiras septem, & sinuosa volumina torquet,  
In gyrumq; Ursa circumdat signa minoris,  
Et caudâ sese à maiori separat Ursa,  
Ornamentum infigne poli: quis cætera fando  
Explicet, aut Iovæ exhorrenda tonitrua pandat?  
Ad nos vix horum tenuis perlabitur aura.*

## CAP. XXVII.

Iob, Deum testem adhibens, amicos reprehendit, probos & improbos, usu afflictionum docet innotescere: ac postremò, sapientiam Dei, hominib<sup>9</sup> quantumvis sagacibus, imperuestigabilem, & Deo soli ab æterno cognitam fuisse ostendit.

**C**onticuit, ruptoque hæc insuper addidit ore;  
*Vt vivit Deus, utque eius nunc numina testor,  
Qui me Iudicio miserum circumdat iniquo,  
Nec nostros ullo dignatur sine labores,  
Æthere dum vescar, dum spiritus hos reget artus,  
Iniusto nunquam temerabo crimine linguam.*

*Absit*

*Abfit ut à recto declinans tramite, vestrum  
Ingrediar periturus iter, sunt conscia nobis  
Pectora iustitiæ, diro nec mollia vinci  
Hortatu scelerum, & prauis imperuiat elis.  
Sit, quicumque in me dictis insurgit iniquis  
Impius, & prauus quicumque inuaserit hostis.  
At quæ spes homini nequam, si copia rerum  
Affluat, ereptâ subito de corpore vitâ?  
Nam nec pressa malis sceleratæ factio turbæ  
Ad Iouam sua vota facit, nec victa procellis  
Spectat opem Cæli, nec si se voce fatigent,  
Omnipotens illis rebus succurreret arctis.  
Me contrâ, quis sim diuinæ tempore plagæ  
Cernitis, & planâ non cesso voce fateri.  
Vosque hortor vanis vltra desistere verbis.  
Namque hæc iniustis sors est præscripta tyrannis,  
Hæredi hæc patrio succedit portio iure.  
Illis si fuerit sobolis numerosa propago,  
Crudeli cunctos cernas occumbere ferro,  
Aut rabies inopes consumet tabida edendi,  
Aut ipso lethi iugulo, sub morte sepultos  
Haud unquam viduo deflebit nenia cantu.  
Quod si larga beet pictâ vestis, & auri  
Copia, quàm multæ Oceano numerantur arenæ,  
Vtraque iustitiæ cedent, partisque fruetur  
Innocuus, rerumq; pio ditabitur usu.*



Ille suas ades, æuo sua tecta perenni  
Extruit, & sæclis sperat monumenta futuris.  
Non aliter quàm quæ decussâ tineæ veste  
Decidit, aut aruis condit mappalia pastor.  
Aut quæ maturos seruant umbracula fructus.  
Nocte cubat diues, non illi copia maior  
Affluxisse potest, deterso pollice somno  
Indiget, horrorumque atris circumdatur umbris.  
Diuinæ præceptis tempestas ingruit iræ,  
Abripit turbo, & violentior irruet Euris,  
Turbabitq; loco, concussa q; murmure tellus  
Eijciat de sede virum, plagasq; repente  
Ingeminans, iusti rector non parcat Olympi.  
Ille fugam, si quâ possit vitare, capeffens,  
Diuinæ nunquam vindictam effugerit iræ.  
Quis non applaudat, cernit cùm tale tyranni  
Exitium, exerta illudit cui sannio linguâ?

## C A P. XXVIII.

Sapiencia Dei imperuestigabilis homini, Deoque  
soli cognita.

Ferri, æris, fuluicque auri, argentique metalla,  
Scindimus è terræ venis, doctâsq; sequuntur  
Artificis liquefacta manus, arcanaque pandit  
Naturæ secreta labor, lucemque reuisunt

Ætheream

*Ætheream, infernis altè subducta cauernis.  
 Exundat torrens, terræquè illapsa meatus  
 Præbet iter tutum, sed subterranea lympha  
 Ingenio cedit, doctâque educitur arte.  
 Est vbi flaua Ceres excultis nascitur aruis,  
 Sulphureis subtùs spirans incendia Venis.  
 Illic sapphirus lapis est, ramentaquè flaua  
 Suppeditat puluis, generosum ut disparet aurum.  
 Non illas Volucris, quæ sulcant æthera, pennâ  
 Cognouère vias, nec solis vulturis aruis  
 Sentit iter, rabido tellus ignota Leoni,  
 Et quæcunque terit desertos Ungula campos.  
 Quinetiam montes imâ à radice reuellit.  
 Subuertitque ferox, durisque è cautibus amnes  
 Elicit, & filicum prorumpunt flumina Venis,  
 Et cohibet ripis, & fontibus obligat ora.  
 Ille videt quicquid pretioso occulta reseruat  
 Terra sinu, ac imis Acherontia regna lacunis.*

*Sed quibus in terris eius prudentia fixit  
 Ignotas homini sedes, quo comparet illam  
 Mercator pretio, quæ non has incolit oras?  
 Quæris abyssum vbi sit, sese nouisse negabit,  
 Ignorant alto demersi gurgite campi,  
 Nusquam eius Venalis honos, argentea sordent  
 Pondera, nec flauis Ophyre confisa caminis  
 Lactat opes, non hanc Sapphiro aut Onyche quisquam,*

*Crystallonè paret, puro est præstantior auro,  
Sardius haud æquet, non ipsa est unio tanti,  
Nec qui perspicuo splendet Carbunculus igne,  
Nec se Smarragdus, nec ipse Topazius æquet  
Æthiopum, nec quod gemmarum maximus orbis  
Illachrymat, Tethysuè suis irrorat arenis.  
Ast ubi secretas fixit prudentia sedes,  
Ignorat quicquid mortali carpitur aurâ,  
Nescit iter leuibus cælo quæ remigat alis,  
Perditio, & mors ipsa, imis defossa latebris,  
Fama, aiunt nostras tantùm peruënit ad aures,  
At Pater omnipotens, rerum cui summa potestas,  
Secretos nouit calles, arcanâque teçta.  
Namque illi totum Nereûs, quâ personat orbem,  
Et cæli conuexa patent, qui pondera nimbis  
Ventorumque alis statuit, libramine iusto  
Mensus aquas, superâ seu pendent fornice lymphæ,  
Seu pelagus vastum conclusis æstuet undis.  
Cumque suas pluuiæ, fulgur, tonitruque tremendum.  
Acciperent leges, illic prudentia visa est;  
Exeruit vires, factas res ordine cunctas  
Omnibus aptauit numeris, penitusque reposita  
Consilia, atque aditus peruestigauerat imos:  
Ast hæc scire hominem voluit; sapientia summa est  
Ex Animo metuisse Deum, & prudentia prima  
A vitio fugere, & rectos insistere calles.*



## C A P. XXIX.

Iob, pristinae amplitudinis pluribus recordatus, exoptat redintegrationem illius, praesentium calamitatum vim, ex comparatione illius fœlicitatis, grauissimè amplificat: studium suum in colenda humanitate, pietate, officijsque omnibus in Deum, & homines profitetur: propter quod in praesentis mali indignationem irrumpens, dira sibi imprecatur, si contra quàm debuit, fecerit, Deum prouocat, & iudicium constitui petit.

**P**Errexerit lobus, linguae sic claustra resoluens.

O mihi praeterita referat si tempora vitae  
 Omnipotens, qualis primae sub flore iuuentae  
 Numinis auxilio fueram, cum praeuia lampas  
 Dirigeret certos nobis per inhospita gressus.  
 Non eius nostros tum dedignata penates  
 Cura fuit, numerosa mihi cum luderet aula  
 Progenies, Oleoque meae vestigia plantae  
 Abluerem, & rupes succos stillaret oliuae,  
 Cumq; vrbis peterem portas, solioque vocatis  
 Iura darem populis, tunc inconsulta luuentus  
 Condere se latebris, assurgere cana senectus  
 Suenerat, intenti Proceres tacita ora tenebant,  
 Nec quisquam soluit nocituram in murmura linguam.  
 Me, quicunque aderant, vno simul ore ferebant

Ad cœlos, quoniam pauper me iudice tutam  
Sensit opem, & nullo pubes defensa patrono  
Patris egens, linguis nobis, animisque fauebant  
Afflicti, & vidui deflentes tœdia lecti.  
Undique conspiciuum circumradiabat amictus  
Iustitiæ, & recti cinctus diademate vertex.  
Pro pedibus claudis fueram, pro lumine cæcis,  
Atque orbis genitore, parens; mihi sedula cura  
Adfuit, ignotas studio perquirere lites.  
Cumque inopes tererent, dispersos ore molares  
Illisi, & fracto prædam de dente recepi.

Tum mihi fœlicis promisi sæcula vitæ,  
Extremumque diem fati, ceu fessa senectam  
Morte nouat Phœnix terris Oriente Remotis.  
Ac veluti irrigua quæ consita margine ripæ est  
Arbor ero fœcunda diu, cœlique perenni  
Rore fruar, nomenque meum, laudesque manebunt  
Perpetuò, nullis fortunæ obnoxia telis.  
Accrescent firmæ renouato robore vires.  
Parebat populus, cupidâque exceperat aure  
Dicta mea, & muti me consultante filebant;  
Nec mea prudentium quisquam responsa refellit:  
Interea totus nostro pendebat ab ore,  
Dura siti tanquàm tellus, cui roscida stillat  
Undapoli, & lymphis arentia temperat arua.  
Si me fortè ioci caperent, & gaudia Risu,

Vix

*Vix me credebant vultus liquisse seueros,  
Offensa timidi, semper primaria sedes  
Catibus in medijs cessit mihi, regius Uni  
Est delatus honos, ceu rex, cingente coronâ,  
Solatur luctum verbis, & pectora mulcet.*

## CAP. XXX.

Irrumpit in indignationem præsentis mali, & miseriarum suarum, calamitatum commemoratione flebili, altius repetito.

**N**unc me ludibrio iuuenes, vilisque popelli  
Quisquiliæ excipiunt, quorum vix ante parentes  
Dignatus catulis fueram præponere nostris,  
Aut armenta sequi, sordes, & inertia terræ  
Pondera, quos male suada fames, & turpis egestas  
Damnatos sceleris procul in spelæa ferarum  
Compulit, assiduo terras ubi vomere nunquam  
Taurus arat, nullos damnant sua vota colones  
Sed vitam vorticis tolerant, spinosaque carpunt  
Arbuta, Vulcanumque fouent in stipite raro  
Iuniperi: medias si fortè intrauerit urbes,  
Ut furem exsibilant, coguntque excedere portis.  
Ille subit fossas alto torrente cauernas,  
Et scopulos vipreta inter, frigusque famemque  
Ingeminat, rabidos credas rugire leones.

L

Fax



Fæx vulgi, genus impurum, ignauoque parente  
Progenitum, limi ac telluris inutile germen,  
In me decantant Satyras, ac carmina dicunt.  
Elongant sese, & leuo procul omine vitant,  
Nec cessant sædare suo mea tempora sputo.  
Quippe Deus nostri neruum iam discidit arcus,  
Afflixitque malis, & frænum his depulit ore.  
Insurgunt in me pueri, dextrâque iuuentus  
Irruit, impellitque pedes, vestigia calcat  
Exitij, tritoque premor, ceu semita, calle.  
Diruta nostra via est, quanuis nil hostibus ista  
Profuerint, ruptoque hostiles tramite turmæ  
Irrumpunt castra, & victâ statione triumphant.  
Vndique circundat terror, ventique ruentes  
Abripiunt animam: ceu concita turbine nubes  
Fracta salus perijt totis emarcida neruis.  
Nec mihi nox curas minuit, iactataque vastat  
Ossa dolor, fædum virus mihi sordida vestis  
Imbuit, & cingit polluto tegmine corpus  
Infectum triuijs, & multo puluere mersum.

Tutamen intereâ celestis conditor aulæ  
Nusquam ades afflictio, sed multâ voce rogatus  
Vota finis leuibus ventorum errare procellis:  
Ipse quoque hostiles animos, inimicâque spiras  
Pectora, & infestis contra me accingeris armis,  
Sublimemque altis ventorum subuehis alis,

Diffluat,

Diffuat ut tenuis consumpto corpore Vita.  
 Non equidem ignoro tandem quin debita fatis  
 Persoluenda mihi, sed nunquid meta laborum  
 Certa manet vitâ functum, vel vindicis ira  
 Sciet in mortem, & cineres affliget inertes?  
 Lugebitque suis cacâ sub mole querelis?  
 Menè unquam siccis quisquam conspexit ocellis  
 Cùm gerneret pauper, rebusque attritus egenis  
 Suspiraret opem? sed me tum proflera cuncta  
 Sperantem, aduersa excipiunt, lucemq; tenebræ  
 Eripiunt, regnatque imo sub pectore, nullo  
 Fine, dolor: nigrum, solis non reddidit ardor.  
 Auscultat magnâ clamantem concio voce,  
 Miraturque nouas voces, lamenta draconis,  
 Aut quales vacuos terret cùm Struthio campos:  
 Decolor ecce caro est, calidôque exæstuat intus  
 Ardens ore vapor, cytharæq; & nablia cantum  
 Mutarunt lachrymis, & fletu pectora pulsan.

## CAP. XXXI.

Iobus, integritatem suam, diris imprecationibus  
 profitetur: prouocans Deum, & iudicium con-  
 stitui petit.

**I** Pse ego cùm proprijs, quondam sum pactus ocellis,  
 Accepique fidem, nè me treret vlla videndo  
 Fæmina, & arcanum virgo spiraret amorem:

L 2

Nam

Nam quæ spes nobis superis restaret in oris.  
Si vitij sectarer iter, quod tramite vasto  
Ducit ad infernas, pallentia regna, tenebras?  
Ante oculos, pater alme, tuos nostræ orbita vitæ  
Totâ patet, binas æquato examine lances  
Sume manu, quo se sceleris contagio nostri  
Deprimat, innocuæ vergant quo pondera vitæ.  
Si me peruersos calles, oculiq; sequuntur  
Illecebras, patulæ macularunt munera dextræ:  
Tunc quæcunque seges nostris adolescit aristis  
Me fugiat, cedatque nouis transcripta colonis.  
Si cuiquam infidijs, obsedi limen amatæ  
Coniugis, aut castas violauî crimine tædas,  
Crimine quo nullum sæuas magè concitat iras  
Iudicis, atque imâ populatur sede penates.  
Per me nulla mora est, nostri quin fœdera lecti  
Polluat, & mollis stupro se iactet adulter.  
Non ego Iudicio famulos crudelis acerbo  
Oppressi, memor ut fragilis conceperit vlua,  
Humanam effigiem, & similis primordia vitæ.  
Sic se propitium summi clementia patris  
Præbeat, excelsâ cùm maiestate tribunal  
Iudicis ingressus trutinæ moderamine rectæ,  
Urgebitq; hominum vitas, & præmia ponet.  
Si fera pauperies, nostram indignata repulsam  
Ingemuit, viduisuè auerti quæstibus aurem.



Si sine pupillis cerealia munera fessus  
 Indulsi genio, teneris nam primitus annis  
 Accreuit mecum, & sensit gens orba parentem.  
 Si mihi de spectus pauper, sub frigore quisquam  
 Vestis inops iacuit, nostræ nec vellere lanæ  
 Cessit hyems tergo, & nobis bona multa precatus  
 Cinxerat exultans; si me sub iudice iniquo  
 Orphana succubuit pubes, luxata lacertis  
 Brachia, & attritis marcescant ossa medullis.  
 Quippe imo semper sedit mihi pectore terror  
 Numinis, & celsæ metui fastigia dextræ.  
 Si mihi mentem vnquam fului fiducia nummi  
 Extulit, aggesti quamuis superauerat auri  
 Congeries, si me illexit Titania Phæbe  
 Accensum radijs, vel qui sol temperat orbem,  
 Oscula si iunxi dextræ, per sydera iurans,  
 Infandum scelus & iustâ mercede piandum,  
 Quodque nefas Iouam gentili more negassem.  
 Si mihi cum fractis hostis dissideret armis,  
 Gaudia tentarunt mentem, si vindice linguâ  
 Impuras ultus voces maledicta rependi,  
 Si non abstinui famulum, cum nomine nostro  
 Exigeret pœnas, odio irritatus acerbo.  
 Hospitij mihi cura fuit, nè clausa Diator  
 Limina, & obstructas defleret cardine portas.  
 Si quando ocului commissæ crimina culpæ,

*Et tacui vano nostri occaecatus amore,  
Qualis Adam, primi suxit cum mala veneni,  
Sylvarum densâ sese caligine texit;  
Posteritas sequitur tristis malè conscia culpa.  
Quod si fortè fuit, populo turbante, coorta  
Seditio, impavidum medio me concio catu  
Vidit pacificis mulcentem pectora dictis.  
Nulli vim feci, nec lesi ignobile vulgus,  
Sed iuste patulo resonabant cardine portæ.*

*Ô mihi si liceat iusto sub iudice causam  
Dicere, si calamo vitæ momenta peractæ  
Digerat, & dicam nobis inscriberet hostis!  
Illa meis monumenta humeris, & vertice celso  
Obuiagestarem cunctis, & principis instar  
Ingrededer tali fulgens sublimis amictu.  
Si mea ludenti tellus defleuit aratro,  
Si sulci gemuere mei, si dura coloni  
Conditio, nullâ Cererem mercede ministrat:  
Tum generosa licet committam semina terræ,  
Carduus, & spinis surgat paliurus acutis.  
Hæc Iobus, & factò sic tandem fine, quieuit.*

## C A P. XXXII.

Elihu, silentio Iobi amicorumque, velut occasione  
vtens, & partim illius verbis quibusdam, par-  
tim horum taciturnitate offensus, sermonem ag-  
greditur:

greditur : & ab excusatione orsus , necessitatem dicendi, sibi afferri docet à spiritu Dei , illorum silentio & testificatione suæ conscientiae : tùm verba Iobi repetens , pluribus argumentis redarguit : ac postremò , Iobo copiam respondendi, si velit, facit.

**A** Tres non vltra pergunt contendere amici,  
Quod sese nullo maculatum crimine vitæ  
Crederet, idque vltrò verbis iactaret Iobus.  
Quæ postquàm Elihu vidit, Barachelia proles,  
Qui Buzen numerabat avum, Ramitide clarâ  
Stirpe satus, calidos irarum concipit æstus.  
Hinc indigna virum iactantia movit Iobi,  
Qui sese auderet rerum præferre parenti.  
Illinc ardebat furijs, quòd muta tenerent  
Ora omnes, & quem firmâ ratione nequibant  
Vincere damnantes, animos auxisse superbos.  
Non tamen indulgit linguæ, veritusq; senectam,  
Canitiem merito prudens affecit honore.  
Sed cùm nulla illis pulsarent murmura linguas,  
Iratius tales diffudit ab ore loquelas :  
Hâc me nostra tenus, primæ lanugo iuventutis  
Terruit, auderem canæ nê nostra senectutis  
Sensu loqui, nanque attritis prudentia ab annis



*Visa mihi, seròq; usu pendere magistro.  
At Pater omnipotens, sacri spiramine flatus  
Imbuit humanos animos, & calica pandit  
Dona viris: sapiunt diuino munere parui,  
Desipiunt multi, quos spargunt tempora cani.*

*Audite, expendi vestra certamina Vocis  
Alternásque vices fandi, nec Victor Iobum  
Arguit, aut rectâ quisquam ratione refellit.  
Nam ratio vobis hæc prudentissima visa est;  
Non illum mortale aliquid, sed concita terret  
Ira Dei, iustisq; luit sua crimina pœnis.  
Ipse illum, quoniam potior sub pectore nobis  
Sermo sedet, prior aggrediar, iusteq; mouebo.  
Terror habet reliquos, tacitâque silentia signant  
Ora manu, mutèque hærent in gutture voces,  
Quid moror? ipse meo promam de pectore verba,  
Pectore quod multo iam dudum murmure claustris  
Æstuat, & patulas certat proferre sub auras:  
Non aliter conclusa cadis, bullantibus undis  
Musta gemunt intus, spumat vis ignea Bacchi.  
Ergo iter expediam linguæ, grauidóque leuabo  
Fasce animum, nec personam, aut discrimina vultus  
Respiciam, nec me mutato nomine quenquam  
Compellare iuuat, fictis præfatio verbis  
Displicet; Utentem, subitâ me morte Creator  
Perderet, & tristi Æternum consumerer igne.*

CAP.

## C A P. XXXIII.

Altera Oratione Iobum aggreditur Elihu, cuius partes sunt quatuor: Exordium, Propositio, confutatio, & Conclusio. Exordium scz. vsque ad versum 8. Propositio, vsque ad versum 12. Confutatio vsque ad 31. versum, & conclusio.

**N** Vnchis, quæ dicam memorem te aduertere mentem  
Iobe precor, puro quoniam de pectore ducam  
Sinceram nullo fucatam crimine vocem.  
Me sacer effinxit fragilis de puluere limi  
Flatus, & accendit Vegetam spiramine vitam.  
Responde, & promptis contra me accingere verbis.  
Quid metuis? quin nostra vides, interritus, ora?  
Figmentum mortale times, non aspera nobis  
Verba sonant, quamuis meritis sis aspera verba.  
Annon ista meas nuper vox perculit aures?  
Immunem sceleris vitam, sine labe peregi,  
Oppugnat me fraude Deus, Mauortia frendens  
Ora ferox, neruòque pedem, atque obsessa viarum  
Claustra tenet, nonne agnoscis Vestigia vocis  
Iniustæ? quid enim diuina potentia cedit  
Iobe, tibi, tollésque animos, cælumque laceesses,  
Si tecum omnipotens verbis certare recuset?  
Sed quibus ille modis humanas, accipe, mentes  
Erudiat; nam vel sese sub nocte silenti

M

Cum

Cum tacitos voluit Phæbe Titania currus  
Exhibet, inque sonum sinuosas explicat aures,  
Informâtque animum monitis, quid quemque sequi fas,  
Quæ via declinet recto, quàm dirare rebelles  
Pœna manet, tùm quâ possint ratione supremum  
Exitium, ferrique acris vitare furorem.

Aut quatit affectos labefactis ossibus artus,  
Immittitque luem, non illum pocula Bacchi  
Vlla iuuant, sordet Cereris genialis arundo.  
Carnea marcescit moles, flaccetque medullis  
Omnis honos, superest mortis nisi nomen inane.

Tùm si quis pietate valens, cûi pectore suada  
Infidet, interpres diuini, & nuncius oris,  
Iustitiæ pandat calles, veniamque precatus,  
Vota ferat Iouæ: afflicti miserere redemptor,  
Interitu serua, spes in te sola recumbit:  
Propitium nobis Christi te victima reddat,  
Restituet primæ quondam ceu flore iuuentæ;  
Ille colet Iouam supplex, & pectore toto  
Diliget, & vultu letus gaudebit amano.  
Gratuito reddet miseratus Ioua fauore  
Iustitiam, tunc ille altâ per compita Voce,  
Peccaui miser, & recto de tramite flexi  
Infelix, iter, haud istos infistere calles  
Profuit, heu nostræ sensi infortunia culpa.  
Ille meam medijs animam de faucibus Orci

Erui,



*Eruit, atque nouâ dignatur luce redemptor.  
Hæc fortis sunt facta Dei, bis terque monentis,  
Qui seruat foueâ, qui viuâ lampade lustrat.  
Ausculta, attentas hic sermo postulat aures.  
Si quid habes dignum profer : sed, lobe, filere,  
Profuerit, nostro prudentia manat ab ore,  
Seruandi mihi namq; tui, primaria cura est.*

## CAP. XXXIII.

Elihu, Iobi tacentis superiora verba repetens, absurditatem eorum demonstrat à iustissima naturâ, & operibus Dei ; præfractos perdentis, & seruantis calamitosos inuocantes ipsum : tum ad misericordiam Dei eum reuocans, à superioribus obmurmurationibus dehortatur, & Deum postremò orat, vt illud iudicio suo præstare velit.

**C**onticuere alij, ruptòque hæc insuper ore  
Addidit Elihu; vos O quibus abdita rerum  
Scire datum, rectique vias callere latentes,  
Huc adhibete animos, studio explorata fidei  
Eloquar, occultasque æqui tentabolatebras.  
Auris sermonis iudex, gustusque palatum est.  
Immunem sceleris sese proponit Iobus,  
Iniustas clades, & iniquas numinis iras  
Arguit, afflictamque omni sine crimine vitam.  
Mentiar haud, inquit, quum sim sine crimine, telis

Obrutus, & spirent lethalia spicula mortem.  
Num par impietas Stygio sese extulit antro?  
Inventusue lobo similis, ludibria tanta  
Qui voret, innocua ceu dulcia munera lymphæ?  
Séque illis addit socium, quos nulla Tonantis  
Cura tenet, nullis Virtus compescit habenis?  
Quorsum, inquit, studio quisquam ducatur inani,  
Et gratam curet Iovæ traducere vitam?  
Vos, O cordati, appello, scelerata faceffant  
Verba procul, nec enim novit celeste tribunal  
Flagitium, arbitrio mundum quod temperat æquo,  
Et pœnas sceleri, & virtuti præmia ponit.  
Annè alium quenquam terræ præfecit habenis,  
Immensouè præest alter, quem condidit orbi?  
Ille simul flatum vasti quo machina mundi  
Tota agitur, spirantque istis animantia terris,  
Euocet ad sese, subito exanimata fatiscunt  
Omnia, & informi soluet se tabe cadauer  
In cineres, generis quondam primordia nostri.  
Damihite facilem, si quid tibi mentis, Iobe,  
Restat adhuc, tantumnè tuo scelus excidit ore,  
Æternum rerum Dominum, Cœlique perennem  
Regnatorem, odisse pios; indicere bellum  
Iustitiæ, & sanctum maculari labe tribunal?  
At non hæc impunè sinit patrare per orbem,  
Iniustosque duces populi, Regesque superbos

Magna-

Magnatésque, inopesque æquo discrimine penſat.  
Cùmque furor vulgi facem populatur inertis,  
Nulla à clade regent iniuſtos ſceptra tyrannos,  
Sed ſine Vi pereunt media ſub tempora noctis.

Ille etenim intentis orbem perluſtrat ocellis,  
Obſeruatque Vias hominum, tenebroſa profunda  
Mortis clauſtra ſubit, ne quo ſe condat in antro  
Impietas, fidatue vllis occulta latebris.  
Nec tamen immeritâ quenquam iuſtiſſimus ultor  
Clade petit, fortésque viros, multùmque potentes  
Conterit, vt ſolio iuſtus ſuccedat iniquo.  
Facta iniuſta patent; nam noctis protinùs umbras  
Diſcutit, & clarâ reſplendent omnia luce.  
Ac veluti inflatos quiſquam comploſerit utres,  
Sic ille in propriâ tumidus ſtatione peribit:  
Namque Dei ſpreuit leges, & noluit eius  
Pacta ſequi, gemitusque inopes, & triſtia verba  
Pauperis, excelsas Iouæ deduxit ad aures.  
Ille ſimul pacem dederit, quis territa turbet  
Pectora, quis vultus ruruſum condente ſerenos  
Pandat opem miſeris, an non offenſus iniquo  
Dat fatuos reges populo, ruruſumque rebelli  
Immites frænat populo turbante tyrannos?  
Ergo Deum implora fortem, cui parcere cordi  
Infidet, inuitus ſeſe conuertit ad iras.  
Quod video, ſcelus agnoſco, me criminat eccla



*Instrue, nam posthac semper peccare recusem;  
Ex animo hæc numquid profers? clemensque rependet  
Ioua tibi, sed si porrò contendere pergas,  
Elige, nam talem nequaquam elegero sortem;  
Quin loqueris, quæ fert animus? prudentia posco  
Pectora, nùm stolidis violarit vocibus aures  
Iobus, & indigno fædarit crimine linguam?  
Alme parens, priùs his Iobum ne desere pœnis,  
Quam victas dedat palmas pro talibus ausis,  
Ne scelus accumulet sceleri, ludibria iactet  
In socios, ipsi indicat certamen Olympo.*

## CAP. XXXV.

Elihu, Iobum ad peccati agnitionem hortatus, ostendit neque iustitiam efficere, neque iniustitiam officere Deo, sed oportere, vt omnes afflictionibus edocti, se abijciant coram Deo, ac proinde Iobum ad agnitionem sui, & spem in Deum hortatur.

**P**romit adhuc tales Elihu de pectore voces,  
Siccine te vanæ tollit fiducia mentis,  
Vt pietate parem credas non esse Tonantem?  
Quid mihi profuerit, dices, quòd talia passus  
Supplicia, & tantas exoluo corpore pœnas?  
At te nunc, Iobe, admoneo, sociosque per orbem  
Quos hic error habet, sinuosi tegmina Cæli

*Aspice,*

*Aspice suspensasque altâ sub fornice lymphas.  
Si sceleri indulges, nunquid nocitura Tonanti  
Arma geris? contra, si recto tramite vitam  
Dirigis, an poteris quicquam prodesse Tonanti?  
At tua te seruat pietas, Vicinia tota  
Sentit opem, sceleris contra contagio latè  
Serpit in exitium, luctûque inuoluit acerbo.  
At dices, gemit assiduo plebs multa tyranni  
Fracta iugo, & largo ducit suspiria luctu,  
Nec tamen attingunt inopum caelestia curæ.  
Haud equidem inficior, sed non ea turba potentem  
Ritè vocat Dominum, Deus O mihi conditor adsis,  
Ut te nocte canam: nam sunt mihi plurima laudis  
Argumenta tuæ, pronas spectantia terras  
Bruta, fugit ratio, nec aus quæ præpete penna  
Ingreditur didicit prudentis dogmata vitæ.  
Sed quonam vanas pacto vocésque, precésque  
Audiat, auscultetue tibi, qui cernere summum,  
Nec contemplari, credis mortalia Iouam?  
Iobe hanc expendas, ipso te iudice, causam.  
Expectésque Deum; nam quod neglexeris illa,  
Ignorans quàm munificus, clemensq;, bonusq;,  
Quanta illi largo distillet gratia fonte,  
Hinc plagæ, & tantas Iouæ furor induit iras.  
At tu dilatas sceleratis ora querelis,  
Nec facinus cessas verbis augere superbis.*

## CAP. XXXVI.

Elihu proponit Iobo omnipotentiam, bonitatem, iustitiam, ac misericordiam Dei, iisque confirmatis, ab exemplis recentibus ac priscis; & ab operibus Dei ordinarijs atque extraordinarijs, Iobum excitat, ad comparandam ignorantiam, & infirmitatem suam cum infinita notitia, potentiaque Dei, & reuocat eum ad misericordiam gratuitam illius.

**A**ccipe quæ dicam, non longa silentia posco,  
 Nec mihi vox deerit, causam quæ iudicis æqui  
 Afferat, ipsa suos pandet prudentia fontes.  
 Non equidem omnipotens, fortis qui robore dextræ  
 Præualet, afflictos rebus despectat egenis:  
 Propitium ué videt sceleratæ factio turba;  
 Aut quoquam à iusto flectit sua lumina cætu:  
 Sed tandem extollit solijs, & Regibus æquat.  
 Quod si compedibus vincti, strictæque ligati  
 Pauperie fuerint, illis commissæ repente  
 Indicat, & causas diuinæ nunciat iræ.  
 Hortatur retrò à vitijs vestigia flectant.  
 Si corde inducat, Iouæ parère monenti,  
 Illum tarda dies numerantem gaudia vitæ  
 Imponet tumulo; sed si parère recuset,  
 Non aciem ferri, aut mortem vitabit acerbam.

Nam



Nam fallax animi, & pœnis gens nescia flecti,  
Thesauros iræ cumulat: primâque Iuuentâ  
Occumbet, viles inter sua scorta cynædos.

At pater insontes, & opis miseratur egenos  
Omnipotens, nec te, si certa in vota vocaris,  
Despiciet, trepidique ereptum è faucibus Orci,  
Luxificis latum faciet discumbere mensis.

At tu iudicio es totus repletus iniquo,  
Peruertisque æqui leges, quibus omnia fulcit.

Hinc iras spirat, te sæui verberare flagri  
Auferet, & nullo seruabis munere vitam.

Quid tibi diuitiæ, quid fuluum proderit aurum?

Quid vires? nè mortem opta sub nocte silenti,  
Innumera cuius clauduntur tegmine gentes,  
Nec mentem addicas sceleri, quo te effera ducit  
Paupertas, suadetque suis afflictio telis.

Ecce Deus, cunctis virtute et robore præstat.

Illi quis doctor similis, præscribere leges

Qui recti queat, & Iouam incusabit iniquis?

Sis memor, ut magni miracula plurima mundi

Facta Dei nostros circumfulgentia sensus,  
Magnificis verbis, & multa laude celebres.

At Iouam immensum qui cuncta hæc condidit auctor

Vix nouisse datum est, æternæ tempora vitæ

Quis numeret, noritque dies, annosque perennes?

Ille simul calido euectos à sole vapores

N

Colligit

Colligit in pansas tanquam tentoria nubes,  
 Et facit arenti discurrere nubila vento,  
 Aut lauat ætherco demersos gurgite campos.  
 Franguntur nubes, multo terrore resultant  
 Fulmina, collucent accensâ lampade campi;  
 Mox piceâ nubes pontum caligine celat.  
 His modò terra luit pœnas, modò pascua rura  
 Irriguis saturantur aquis, modò lumina soli  
 Obtegit, & currus Phœbæos inuidet Orbi.  
 Hoc intercedunt diuini tempore vates,  
 Placaturque Deus, solioque exaudit ab alto.

## C A P. XXXVII.

Pergit Elihu, infinitam Dei potentiam prædi-  
 cans, & inde desumptis argumentis, & à Dei  
 operibus, Iobi infirmitatem extenuat.

**I** P se animi quoties rerum admiratio versat,  
 Destituor, quatorque imis terroribus artus.  
 Mugitu tonat horrendo, vis ignea flammæ  
 Emicat, ingenti miscetur murmure Cælum  
 Voce boans Domini, mistâ cum grandine nimbus  
 Insequitur, fugit omne genus pecudumque, hominumque,  
 Attonitique imis subeunt sua tecta cauernis.  
 Turbine perflantur campi, sata leta tepenti  
 Excipiunt lymphas gremio, stat marmore pigro  
 Vincula palus, Boreæ horrificis calcata pruinis.

Facta

*Facta equidem miranda Dei, qui temperat orbes  
Æthereos, totumque regit liberrimus axem:  
Seu placidas vultu terras prospectat ameno,  
Seu seuam immittit meritis mortalibus iram:  
Arrige nunc aures, & mundi arcana patentis  
Disce lubens; num te comitem sibi legit, Iobe,  
Cum statuit legem vacuo, cum figeret arcum  
Qui bibit innumeros aduerso sole colores?  
Num caluit quondam tepesfacto vestis ab austro,  
Austro quo ponunt sedati turbine venti?  
Adfuera snè illi, celsi cum tegmina Cæli  
Explicuit, solido tanquam conflata metallo?  
Nos equidem obruimur tenebris, tu si quid, Iobe,  
Prouida mens alto secum sub pectore versat,  
Pande mihi rerum causas, cur nubila Cælo  
Nunc solem impediunt, Borea nunc flabra minacis  
Diffugiant, redeatque iterum lux aurea mundo:  
Scilicet hac rerum solus sibi vendicat auctor,  
Iustitiâ, Virtute potens, & robore multo  
Conspicius; quales non ulla afflictio vires  
Vel sentit, vel ferre queat, penetrata mentis  
Novit, nec dubijs opus est inquirere rebus:  
Nec sibi qui sapiunt, cordatique esse videntur,  
Respicit, aut dignos prudentium nomine censet.*



## CAP. XXXVIII.

Deus, Iobum increpans, ac velut in aciem prouocans, euincit de sapientia, potentia, & bonitate sua, argumentis creationis, & administrationis vniuersæ, atque singularis, in res creatas omnes, Cælo, aëre, terra, mari & abyssu: quamobrem, Iob interrogatus à Deo, cedit auctoritati eius, & se inferiorem causâ confitetur.

**A**T Pater omnipotens rapido de turbine Iobum  
 Appellans, capiant, inquit, certamina tandem  
 Vestra modum, & promptis contrà me accingite lumbis.  
 Quæ te habuit regio, solide fundamenta terræ  
 Cùm iacerem, & primus mundi consurgeret axis?  
 Quis rexit rubricam oculis, Orbisque profundum  
 Mensus iter, statuit suspensæ pondera terræ  
 In medio, aërijs tantum suffulta columnis?  
 Quis Cæli conuexa procul tentoria flammis  
 Imbuit, æternumque melos, laudesque parentis  
 Ætherij, angelicis docuit decurrere plectris?  
 Quis rabiem ponti, rudibus quum ferueret undis  
 Continuit, mulcens animos? retinacula furenti  
 Quis dedit, & certas vetuit transcendere metas?  
 Anné vnquam roseum linquens aurora cubile  
 Est monitus experta tuas, vt lampade terras

*Viseret,*

*Viseret, alternis iterum observanda tenebris?  
Tempore quo impietas densis sese occultit umbris,  
Brachia frangunturq; elati seu tyranni.  
Dic si mensus iter pelagi es, quo gurgite Nereus  
Altior, ima petens lethæos misceat amnes?  
Vidistine domos Ditis, regna inuia luci?  
Quàm longa est tellus, quàm largo in Tartara cliuo  
Præcipitat, quanto circus se colligit orbe?  
Sin te scire vias rerum, momentaque mundi  
Nosse putas, paucis ne dedignare rogantem.  
Quas habitant terras tenebræ, quo limine lumen  
Exeat, vnde atrâ rediens nox palleat umbrâ?  
Utque hæc cognoris, numquid primordia vitæ  
Ceperunt tum prima tuæ? nunc cana senectus  
Ascribit tibi tot numeratis mæssibus annos?  
Copia quanta niuis, quàm largo militat æther  
Grandine quo sese tollunt è tramite venti,  
Fulguraque, & duras motura tonitrua mentes?  
Ecquis fecundos, gravidis è nubibus imbres  
Diuidit in terras, ne desolata querantur  
Arua sitim, & letis tellus arrideat herbis.  
Quis pluuiam genuit, rorem, canamque pruina,  
Horrentemque gelu glaciem, quâ turbida aquæ vis  
Sistitur, & pigro torpescunt marmore fluctus?  
Quis super alta poli flammantia temperat astra?  
Arcturum, pluuiasque hyadas, sydusque Orionis,  
N 3 Virgiliaſque*

*Virgiliaeque suâ virtute, atque ordine pandit?  
 Num simul increpitet tua vox è nubibus altis,  
 Præcipitem dabit vnda gradum, num fulgura parene  
 Imperio subiecta tuo? quis tanta repente  
 Scire dedit, sôphiamque animis accenderat auctor?  
 Quis nubes docuit sapphiri ritè colorem  
 Expressere, & sudo volitantia vellera Celo?  
 Vtque vtres alto suspensas æthere lymphas  
 Diffluere in terras, sparsus per compita puluis  
 Cogitur in glebas, fœcundaque recreat arua.*

## CAP. XXXIX.

Pergit Iehoua aduersus Iobum, Argumentis ductis ab administratione singulari animantium terrestrium & volatiliū, ac ferarum: quo in genere duo singularia adducit exempla, Onagri & Rhinocerotis seu vnicornis, tandem interrogatus à Deo, cedit causæ, & Creatori Iehouæ.

*S*ed quorsum ætherij curas speculamur Olympi,  
 Fare mihi solūm, quo docta leena magistro  
 Infidias struit, ut catulos soletur hiantes?  
 Vnde cibus manat coruis, cūm flebile pulli  
 Ingeminant, poscuntque suo clamore Tonantem?  
 Nostin' rupicapra, & ceruæ quo tempore primum  
 Concipiant, quotus absumat fastidia mensis?



Illæ vi multâ partum nituntur in auras  
 Edere, qui pinguis detondens pabula campi  
 Luxuriat, missâque colit deserta parente.  
 Vincula quis soluit? qui sunt qui libera colla  
 Restituere onagro? solus campestria iussi  
 Tecta colat, sterileque agros, desertaque salsa;  
 Delicias Urbis ridet, Vocemque tyranni  
 Non metuit, montana illi sunt pascua, gramen  
 Sectatur viride, incultis per inhospita terris.  
 Rhinocerosne vlli domitus sub pondere aratri  
 Ingemet, aut rastris glebas perfringet inertes,  
 Sulcabitur viam Cereri, aut spem colliget anni  
 Plaustra ferens dorso, non hos robustus in usus  
 Ornasti pavonem alis, quibus ille superbit?  
 Aut tibi depictis decorata ciconia pennis?  
 Aut struthius pansis nequaquam inglorius alis?  
 Hac fatua est Volucris, medijs sua negligit aruis  
 Oua, nec incertus metuit, nè fortè viator  
 Conterat, aut vacuos depascens vngula campos:  
 Oua mihi curæ, calidoque fouentur ab æstu:  
 Dura illa est genitrix; sed rerum prouidus auctor  
 Noluit esse piam; Voluit cum surgeret alis  
 Temnere equum cursu, & Volucres sefforis habenas.  
 Sed quis equo robur tribuit, qui hinnitibus auras  
 Territat? accendunt rabida spiramina nares,  
 Insurgitque iubis, vastum quatit vngula campum,

*Voce ciens Martem? non illum spicula terrent  
Gnosia, nec rutilis ardens mucronibus ensis,  
Exardetque animis, & Martia concipit arma  
Terribilis clangore tubæ; nūm fecit Iobus  
Accipiter calidos ut cursu inuaderet aëstros,  
Et rabidos aquila auderent contemnere soles?  
Ille super celsas deserta cacumina rupes  
Ardua tectacolit, notasque cadaueris auras  
Haurit, & intentis prædam speculatur ocellis,  
Iamdudum crudos assuescens sanguine natos.  
Et Dominus Iobo, hæc illum fecisse necesse est  
Qui dubio mecum subeat certamine Martem.  
At Iobus, nimium, fateor, temeraria nobis  
Lingua fuit, tacitus posthæc tua iussa Verebor.*

CAP.

## C A P. XL.

Deus, Iobum reprehendit, docens non satis esse ut  
desistat à causa, nisi gloriam omnem ipsi tribu-  
at: propterea in superiore argumento pergens,  
iustitiam & omnipotentiam, sibi duobus illu-  
strissimis exemplis vendicat.

**A**T Pater omnipotens vocem de turbine pandit,  
Tune es quem studium commendat amabile recti,  
Nos vitio intenti pollutum degimus æuum?  
Nùm tibi stant æquæ firmo sub pectore vires,  
Aut tali vox ore tonat? Sume ardua, quæso,  
Sceptra manu, auricomis plaudat tibi gloria pennis.  
Vndique cingat honos solium, dent seua superbi  
Supplicia, afflictis iaceat gens impia terris.  
Non ibo inficias, propriæ quin munere dextræ  
Seruari, innocuamque queas producere vitam.  
Ecce tibi Behemoth, nostri pars una laboris,  
Tondeat ut fœnum campis, fortissima lumbis  
Robora habet, virtus magna insidet Umbillico.  
Cauda instar cedri est, nervoso tegmine testes  
Occulit, assurgunt validis firmata medullis  
Ossa, velut ferri rigidis conflata caminis.  
Excellens opus est Iouæ, nec ferrea desunt  
Arma illi, gladium pro boscis, & arma ministrat.  
Et tamen innocuis Elephas sua pabula campis

O

Carpit,



Carpit, & alludunt letas armenta per herbas.  
 Illa sub vmbroso producit tegmine somnos,  
 Et salicum quærit latebras, subsistere credas  
 Flumina cùm medijs ingens sese abluit vndis,  
 Quòd si fortè sitim sedet, non ebria, quamuis  
 Iordanem vacuum totis absorbeat vndis.  
 Ast illi Valida tendens venabula dextræ  
 Omnipotens, laqueis nares præfigit acutis.  
 Nùm Balena tibi fallaci pendeat hamo  
 Ore trahens funem, maxillâsque ære rigentes  
 Perfodies spinæ stimulo, monstrumq; domabis  
 Indocile, iratum verbis, vt leniat hostem?  
 An tibi perpetuâ tradet se lege ministram  
 Seruitij subitura iugum, vel passeris instar  
 Delitias faciet pueris, conuiuaque mensæ  
 Appositas libabit opes, cautusue redemptor  
 Diuidet in partes? non harpagonibus vti  
 Piscanti prodest, nec acuto fuscina dente.  
 Siste manum, durâ bellum nam sorte capeßis:  
 Spes capiendi eius mendax, terrorquè repente  
 Deijciet, tantis quis non frustabitur ausis?

## CAP. XLI.

Superiorum exemplorum <sup>exemplorum</sup>, siue accommodatio ad præsentem causam, argumentis ductis à potentia, à iustitia, & iure: & in superiore argu-  
 gumento

gumento progrediens, iustitiam & omnipotentiam sibi vendicat, duobus illustrissimis propositis & adductis exemplis.

**I**lla soporifero cùm dat sua membra cubili,  
Quis leuet è somno, quis sese opponere nobis  
Audeat, inuicta est cui magna potentia soli;  
Omnia cui parent? Sed paucis ora resoluam.  
Quum decus & firmis ornet compagibus artus,  
Nam vestis quisquam strictæ patefecerit oras,  
Et docili fræno patulos constrinxit hiatus,  
Nil veritus multâ seuos formidine dentes?  
At veluti iuncto irrumpunt umbone phalanges,  
Sic sese impediunt squamæ, clypei què teguntur  
In morem, & tutos arcant à cuspide morsus.  
Nec tenues villo penetrant spiramine venti.  
Naribus eructat sparsæ vaga lumina flammæ;  
Purpurei radiant oculi, Vulcania tædas  
Ora vomunt, fumus flagrantibus æstuat auris.  
Ardua colla iubis, quâcunque immania verrit  
Æquora, crudelis latè comitatur egestas.  
Stat solidâ compage caro, sub pectore cautes  
Possidet, obductoque rigent præcordia ferro.  
Illa, immane simul tumidis caput extulit vndis,  
Diffugiunt omnes trepidi, quèis gloria laudem  
Conciliat bello, nec enim subsistere contra

*Ferri acies, thoraxue potest ex ære rigenti.  
 Mucro instar paleæ est, glacies ceu futilis æra  
 Dissiliunt, fundæ ridet Balearis habenas.  
 Nec catus arcitenens, nec stridula terret arundo :  
 Lancea cum multo vibratur robore ridet.  
 Feruescit velut olla undis bullantibus æquor,  
 Spumæa quâ graditur canescit semita ponto;  
 Non illi vastis viget æqua potentia terris,  
 Terrorisque, metusque expers, cui rector Olympi  
 Imperium tribuit supra genus omne ferarum.*

## CAP. XLII.

Iob, Maiestatem diuinam, & ignorantiam suam  
 confessus, se docendum tradit Deo, & resipiscen-  
 tiam suam protestatur: quâ probatâ, Deus alios  
 reprehendit, reconciliationis viam ostendit, ad-  
 ministro Iobo, & huic omnibus modis bene-  
 dicit.

**T***U*m Iob respondens conuerso pectore dixit;  
 Non equidem ignoro tandem, quin summa potestas  
 Sit, pater alme, tibi, motus quem corda latentes  
 Non fugiunt: fateor, cæcâ mea pectora nocte  
 Caligasse diu, fateorque ignota fuisse  
 Et neglecta mihi facta excellentia Iouæ.  
 Cælestes crebrò monitus his auribus hausi,  
 Audiuique lubens diuinæ oracula Vocis :

At



*At non ante datum manifesto in lumine Iouam  
Perlustrasse oculis : nunc me & mea putida facta  
Detestorque, odique, & abominor, Undique nobis  
Luctus erit; testésq; mihi saccusq;, cinisq;,que,  
Et fœdum multo conspersum puluere corpus.*

*Tunc sic Ioua Elipha; Calidâ mens aestuat irâ  
In te Elipha, contrâque duos feruescit amicos:  
Non etenim puro vobis de pectore sermo  
Processit, qualisque meo manauit Iobo.  
Nunc grege de toto taurorum corpora septem,  
Balantes totidem numero, mactare repentè  
Profuerit, scelus hæc vobis holocausta piabunt  
Immensum, ipse meas Iobus proiectus ad aras  
Vota simul, veniamque feret: nec tetricus aures  
Dilecti potero precibus diuertere serui.  
Haud mora, festinant omnes, & iussa capeffunt.  
Nec duro clemens vultu respexit Iobum  
Omnipotens, auxitque bonis, fortunaque risit  
Blandiùs, & dupla letum cumulauit opum vi.  
Quæ simulac rumor vicinis attulit aruis,  
Accurrunt subito fratres, & leta sororum  
Concio, nec paucis epulæ celebrantur amicis.  
Munus quisque suum, cultoque monilia collo  
Attulit, & verbis animum solantur amicis.  
Interea pleno diffusa est copia cornu  
A Ioua, duplicique accreuit gloria luxu.*

*Ferri acies, thoraxue potest ex ære rigenti.  
 Mucro instar paleæ est, glacies ceu futilis æra  
 Dissiliunt, fundæ ridet Balearis habenas.  
 Nec catus arcitenens, nec stridula terret arundo :  
 Lancea cùm multo vibratur robore ridet.  
 Feruescit velut olla undis bullantibus æquor,  
 Spumæa quâ graditur canescit semita ponto;  
 Non illi vastis viget æqua potentia terris,  
 Terrorisque, metusque expers, cui rector Olympi  
 Imperium tribuit supra genus omne ferarum.*

## CAP. XLII.

Iob, Maiestatem diuinam, & ignorantiam suam  
 confessus, se docendum tradit Deo, & resipiscen-  
 tiam suam protestatur: quâ probatâ, Deus alios  
 reprehendit, reconciliationis viam ostendit, ad-  
 ministro Iobo, & huic omnibus modis bene-  
 dicit.

**T**Uum Iob respondens conuerso pectore dixit;  
 Non equidem ignoro tandem, quin summa potestas  
 Sit, pater alme, tibi, motus quem corda latentes  
 Non fugiunt: fateor, cecâ mea pectora nocte  
 Caligasse diu, fateorque ignota fuisse  
 Et neglecta mihi facta excellentia Iouæ.  
 Cælestes crebrò monitus his auribus hausi,  
 Audiuique lubens diuinæ oracula Vocis :

At

*At non ante datum manifesto in lumine Iouam  
Perluſtraſſe oculis : nunc me & mea putida facta  
Deſtorque, odique, & abominor, Undique nobis  
Luētus erit; teſtēsq; mihi ſaccuſq;, cinisq;,  
Et ſædum multo conſperſum puluere corpus.*

*Tunc ſic Ioua Elipha; Calidâ mens æſtuat irâ  
In te Elipha, contrâque duos ferueſcit amicos:  
Non etenim puro vobis de pectore ſermo  
Proceſſit, qualiſque meo manauit Iobo.  
Nunc grege de toto taurorum corpora ſeptem,  
Balantes totidem numero, maētare repentē  
Profuerit, ſcelus hæc vobis holocauſta piabunt  
Immenſum, ipſe meas Iobus proiectus ad aras  
Vota ſimul, veniamque feret : nec tetricus aures  
Dilecti potero precibus diuertere ſerui.  
Haud mora, feſtinant omnes, & iuſſa capeſſunt.  
Nec duro clemens vultu reſpexit Iobum  
Omnipotens, auxitque bonis, fortunaque riſit  
Blandiùs, & dupla letum cumulauit opum vi.  
Quæ ſimulac rumor vicinis attulit aruiſ,  
Accurrunt ſubitò fratres, & leta ſororum  
Concio, nec paucis epulæ celebrantur amicis.  
Munus quiſque ſuum, cultoque monilia collo  
Attulit, & verbis animum ſolantur amicis.  
Interea pleno diſfuſa eſt copia cornu  
A Ioua, duplicique accreuit gloria luxu.*



*Et iam bis septem balantes millibus ibant,  
Nec iuga mille boum deerant; sex mille cameli,  
Mille asinae errabant campis, septemque beatæ  
Fulcra domus genuit natos, ternasque propagat  
Faminese sortis; quarum quæ maxima natus,  
Iemima nomen habet; quæ proxima, kezia dicta est;  
Clara kerenhappuch, postremo est edita nixu:  
Præstanti nymphae formâ, nec talia vidit  
Corpora, quâ latum radijs sol temperat Orbem.  
Illas iure pater voluit cum fratribus æquo  
Sortiri, quæcunq; sibi post fata manerent.  
Ipse quæ post cladem centum superaddidit annos,  
Et bis Vicanos: tandem matura senectus  
Exaturata annis, seriem mirata nepotum,  
Lumina composuit, tumultoque excepit auito.*

FINIS.







THRENORVM SIVE  
LAMENTATIONVM  
IEREMIÆ PROPHETÆ

F. ELCIÆ

Libellus, Latino Carmine redditus,

A PATRICIO ADAMSONO, *Scoto,*  
*Sanctiandrea Archiepiscopo. Et nunc denuò per*  
THOMAM VOLVSENV M. C.  
*recognitus & expolitus.*



LONDINI,  
Apud IOANNEM BILLIVM.

Anno 1618.



LONDON:  
Printed by J. G. & J. H. Smith,  
11, Abchurch Lane, E.C. 4.

MAGNI  
IVLII CAESARIS SCALIGERI  
Hieremias.



*Q*uoniam flerem Solymæ mortalia fata caduca;  
Ad flendum, certâ sede, fuere loca.  
At ubi nunc sedeam? nonne hæc sunt funera nostræ  
Extremumue dies ultimus ante diem?  
Quomodo læta patri, meretrix euadere, Virgo?  
Et non sollicitant perdita monstra Deum?  
Quis tibi carnifici fœdissima vulnera dextrâ?  
Hostis? an infanti tetrior hospes acro?  
Ne repete, Oceani genitor, diffundere fluctus:  
Utricis flammæ hos altera regna manent.

---



## In Ieremiæ threnos.

**T**ristia sibi vates cecinit sua tempora, nostri  
Temporis ut cernas præcuisse mala.  
Nec mirum, vigeant scelerum quæmonstra per orbem,  
Peccatis, penas esse pares, paribus.  
Certa sed & nobis præbet solatia Vates,  
Præsentem extremis rebus adesse Deum.  
Ergo non Solymis frustra hæc monumenta supersunt,  
Quæ nos erudiant, ac mala nostra leuent.  
Rebus in aduersis digna illa, & digna secundis,  
Quæ nocturna manus, quæque diurna terat.

Aliud.

**N**on hic excidium Troia, Aeneæque labores,  
Aut canitur fictæ Pallados ira Deæ.  
Non Venus, aut Iuno, vel nomina ficta Deorum:  
Ponitur hic ~~ficti~~ fabula nulla ioci.  
Hic Solymæ excidium canitur, quæ funditus olim  
In cineres, dextrâ vindice versa Dei est.  
Hic disces, Domini quàm sprete iniuria legis,  
Atque nefas alta mente repostâ manent.  
Quò præstant igitur, Patrici, sacra prophanis,  
Hoc cedit musæ, musa prophana, tue.

AD

AD AVGVSTISSIMVM  
ET INVICTISSIMVM PRINCIPEM,  
IACOBVM SEXTVM

SCOTORVM REGEM.



Værenti mihi (Rex Augustissime) in his domesticis nostri mali calamitatibus, ex alieni comparatione leuamentum, commodum se obtulit in sacris libris, excidij Hierosolymitani, quod sub Ioacimi, & Sedecie temporibus, post Iosæ mortem accidit, Historia ab Ieremia descripta, & flebili carmine, libro singulari deplorata: quam, dum crebra Læctione & meditatione, altius in animum infigo, multa in ea haut absimilia nostris temporibus reperio, pleraque grauiora multo & calamitosiora. Quare hos <sup>plures</sup> aliqua mea industria illustratos, Sacræ tuæ Maiestatis nomine apparere volui, vt & vestram Maiestatem, & omnes bonos, qui Regnum hoc, & cum regno religionem saluam cupiunt, externi mali exemplo, ad proprium propulsandum cautiore & incitatiores redderem: mihi interim priuatum aliquod solatium compararem. Vale Rex Illustrissime. Fañe Andree Cal. Ian. Anno Sal. clæ Ic. Lxxxx.

*Maiestatis vestræ*

*Seruus, & Orator addictissimus*

Pa. Adamsonus.

P 3

AD

AD REGIAM MAIESTATEM,

In Threnos Ieremiæ carmine redditos

Iani Calendis, 1590.



Accipe Iirmijæ, PRINCEPS, lamenta Prophetæ,  
Fatidico Vates quæ pius ore canit.  
Accipe, quas patriæ lachrymas, Orbiq; parêtat,  
Flebile diuini carmen olorîs habe.

Cum Solymen cecidisse vides, mortalia nulla  
Crede diu stabili posse manere loco.

Cum perijt Solyme, scelerati ruderamundi,  
Mirum est peccati mole perire sui?

Altera sed Solyme est, quæ Christi Ecclesia fertur,  
Sæua procelloso quam quatit unda mari.

Quam contra insidijs, sinuosus dimicat anguis,  
Regnaque Tartareo commouet ima lacu.

Illam inuicta fides, clypei munimine sacri  
Protegit, & Galeam cristâ salutis amat.

Thorax iustitiæ est, veri sunt cingula lumbis,  
Verbi acies sacri, bellicus ensis adest:

Gestantur pedibus lætæ sandalia pacis,  
Quæ crucis in ligno cuderat arma Deus.

His Satanae furias, his iras despicit Orci,  
His semper victrix, in sua castra redit.

Hanc Regem nutrire æquum est, dextrâque tueri,  
Propitium regno qui cupit esse Deum.

Huc



*Huc contende Heros, solida hac & gloria sola est;  
Quæ dederat, Christo subdere sceptrâ duci.  
Est etiam Solyme sublimibus alta columnis,  
Quâ via stelliferum lactea sulcat iter.  
Hanc tibi ne optarem, vetuit fausto omine Ianus,  
Tempora qui retrò, quique futura videt.  
Dum famâ impleris terras, virtutibus astra,  
Iunctaque sint sceptris utraque regna tuis.  
Dum felix soboles numerosâ gestiat aulâ,  
Et spes perpetui longa nepotis erit.  
Dum numeres multos generoso Marte triumphos,  
Nestorijque æques tempora longa senis.  
Dum Solyme vindex quæ terrâ militat oris,  
Cælestis Solyme civis adesse velis.  
Sic bifrons, Phæbique novæ fulsere Calendæ,  
Et flammâ exarsit candidiore dies.*

*Maiestatis Tuz*

*Observantis. & humillimus Orator*

*Pa. Adamsonus.*

**LECTO.**

## LECTORI PIO.

**H**renos hosce Ieremiæ, metro constri-  
ctos, ante annos viginti octo Author  
conscripsit, & Augustissimo nostro Regi  
sacrauit: In quibus constringendis adeò religio-  
se versatus est, vt ad Hebraicæ veritatis fontem  
genuinum & orthodoxum contextus sensum cun-  
cta reuocauerit, ab eoque vel pilum deficere, ne-  
fas duxerit. Quare non est quod mirere (pie Le-  
ctor) sicubi authoris stilum numerosum & Poëti-  
cum vndiquaque non redoleant, vtpote qui huic  
prorsus palo alitriectus foret, quod secus, numero-  
sius multò reddere potuisset. Adieci etiam, ne  
quid ad Lectoris captum deesset, libri & singulo-  
rum capitum argumenta, vnâ cum Epigraphæ, rei  
cuiusuis paginæ, subiectæ frontispicio adscripta.  
Vale, pie Lector, & hisce, vt & alijs mecum vtere,  
& boni consule. Regia Regni nostri Edinoduno  
pridie Cal. Augusti. 1617.



THRENORVM SIVE  
LAMENTATIONVM  
IEREMIÆ PROPHETÆ  
F. ELCIÆ

Libellus Latino Carmine redditus.

---

ARGVMENTVM.

**L**iber Lamentationum, querimonias lugubres continet de miserabili Iudæorum statu, inde à morte Ioschiæ Regis, quo tanquam calamitatum omnium primordio, Iirmeia adductus est ad desflendum præsentis & instantis Ecclesiæ Regniq̃ue totius miseriae. Quapropter ipse tum suo, tum piorum omnium nomine conqueritur de malis grauißimis acceptis, peccata publica, priuatæq̃ue confitetur: omnes ad resipiscentiã, fidem & orationem reuocat; Iram Dei deprecatur, gratiam petit, & misericordiam implorat ex fædere.

Q

CAP.



## C A P. I.

Ecclesia, extincto Ioschija, & regno Iudææ per  
 AEgyptios diuexato, de calamitatibus suis  
 conqueritur, quas peccatis suis acceptas fe-  
 rens, Deum orat pro remissione peccatorum  
 & salute sua : Deinde, sermone ad Gentes  
 conuerso, ostendit omnia à Deo profecta esse,  
 ipsarum fuisse vt afflicti populi misererentur,  
 Deumque orat, pro earum excidio ad glo-  
 riam ipsius.



*Quomodò sola sedet, tot nuper ciuibus orba  
 Vrbs, inter cunctas quæ populosa fuit?  
 Vt quæ triste gemit defuncto coniuge coniunx,  
 Et vidui deflet tempora mæsta thori.*

*Quomodò, quæ gentes supracaput extulit omnes,  
 Victa, tributorum fert patienter onus.  
 Nec luctum minuunt cecà sub nocte tenebra,  
 Et grauido madidas depluit imbre genas.  
 Nec quisquam ex priscis miseram solatur amicis,  
 Bellaque crudeli sæuius hoste gerunt.  
 Quomodò sic patrijs migrat de finibus exul  
 Iuda, sui fugiens limina chara soli?  
 Nec spes est inter gentes iucunda quietis,  
 Augustumque atrox obsidet hostis iter.*

*Quo-*

Quomodo mæsta Sion, deserto tramite luget,  
 Et populus regni sabbata rara colit?  
 Et desolata deflent sine iudice portæ,  
 Et vacua à mystis atria sola gemunt?  
 Squalida virginitas, tundit sua pectora palmis,  
 Nec sibi amara unquam desinit esse Sion.  
 Nam rerum potitur, miserescere nescius hostis,  
 Letaque tranquillâ gaudia pace colit:  
 Scilicet ardescens offensi numinis ira,  
 Artifici scelerum tristia fata tulit.  
 Hinc captiua phalanx, iuuenilibus exulat annis;  
 Eximium amisit nata Sione decus.  
 Territa nobilitas nullo discrimine belli  
 Venit in hostiles deditione manus.  
 Utque volant trepidi campis per pascua cerui,  
 Sic illi, cerui more fugacis eunt.  
 O Solyme, deflens inimicæ vulnera dextræ,  
 Num subeunt animum gaudia prisca tuum?  
 Cum populi turmas hostilis demetat ensis,  
 Et toruo festos rideat ore dies.  
 Peccauit Solyme, impuris ceu mensibus uxor  
 Abstinet à casti fœdere sola tori;  
 Nuda sinus, latas ostentat fimbria sordes  
 Vilis, amatori despicienda suo.  
 Ingeminat luctum, tristemque auersa dolorem,  
 Mercedem hanc sceleris vix memor esse sui.

Nec cùm corruerit, mirando perdita casu,  
 Solamen miserae qui ferat ullus adest.  
 Adsis ô mihi, Ioua, fauens, nam turgida cristas  
 Tollit, & hostilis colla superba furor.  
 Prædantur gentes prætiosa, & sancta prophanant  
 Atria, barbarico non adeunda choro:  
 Assiduo populus pascit ieiunia fletu,  
 Nec modicam pellit res pretiosa famem.  
 Alme parens, miseram clementi respice vultu,  
 Nec vilis serui despice vota Deus.  
 Huc aduerte animum, transis quicumque viator,  
 Esse pari quicquam posse dolore putas?  
 Ioua furens, in me feruenti exæstuat irâ,  
 Ossâque deiecto calitus igne coquit.  
 Intendit pedibus, cecâ, venabula, fraude,  
 Né possim tortos arte cauere dolos.  
 Transuersum meretrò agitât, terræque supinum.  
 Alligat, & totos langueo sola dies.  
 Utq, gemunt fortes torto sub vimine tauri,  
 Sic, iuga me scelerum crimine texta premunt.  
 Nec superant vires, nec fracta in corpore virtus,  
 Nec disiecta iterum tollere membra licet.  
 Conculcat pedibus, præstantem robore pubem,  
 Et cecidit validâ, fracta iuuenta manu.  
 Atque ut torcular, maturas exprimit uvas,  
 Sic virgo, Iudæ filia trita fuit.

Hinc



*Hinc mihi perpetuis decurrunt lumina riuus,  
 Et madidi ex oculis flumina roris eunt.  
 Nec spes affulget reduina parua salutis,  
 Pignoraque hostiles diripuerunt manus.  
 Mæsta Sion tendit pansas ad sidera palmas,  
 Suppetias nusquam, qui ferat, Vllus adest.  
 Finitimos omnes, sunt hæc præcepta Tonantis,  
 Iussit Iacobo bella ciere suo.  
 Immunda est Solyme, & iustus sine crimine vindex;  
 In mea crudeli crimina Marte furit.  
 Huc oculos populi, & nostras aduertite clades,  
 Quas capti iuuenes, quas mea Virgo luit.  
 Cum posco auxilium, spes me frustratur amantiũ,  
 Enecuit mysten cum seniore famas.  
 Me conclamatis tandem, Ioua aspice, rebus,  
 Cor mihi ceu medio fluctuat vnda mari.  
 Et tanquam Pelagi, tumidis vexata procellis,  
 Viscera sunt crasso turbida nostra luto.  
 Deflexi, fateor, nec par sit pœna rebeli,  
 Ense foris pereor, mors mihi certa domi est.  
 Nec cum lugubri resonant mea pectora planctu,  
 Quisquam est qui molli leniat ore malum.  
 Interea, festis celebrant Pæana choræis,  
 Letæque sit plagis gens inimica meis.  
 Quin Deus à sanctis olim prædicta prophetis,  
 Vertis in hostiles tristia tela greges?*

*Conspectum subeant inimica crimina gentis,  
Parq; pari crimen conditione luant.  
Me scelus afflixit, pauido cor pectore languet,  
Solvit & in luctus squalida membra dolor.*

C A P. II.

Propheta, lamentum facit de everso populo, regno, cultu Dei, & regione tota: gravitatem malorum, & indignitatem amplificat: Iudæosque instituit quomodo sint imploraturi Dei misericordiam.

**Q**uomodo nata Sion, piceâ caligine tecta est,  
Sublimisque ruit de statione poli?  
Nec memor est scamni, (sic feruens aestuat irâ,)   
Quod pedibus suberat, motus Ioua, suis.  
Quomodo munitas, Iudæ fundo eruit arces,  
Ne reliquas habitet gens Iacobæa domos?  
Abiecit regnumque simul, proceresque potentes,  
Et cum principibus, sceptrâ prophana suis?  
Quomodo diuino perijt sic impete robur,  
Visque Israël tota repente ruit?  
Et retrahit dextram, dextram ne conserat hosti,  
Flamma Iacobæas undique pascit opes:  
Quomodo more hostis, tensoque minaciter arcu,

Diri

*Dirigitur celeri certa sagitta manu?  
Electos perimit populi, lethalis arundo;  
Ignis edax, vasta teſta Sionis habet.  
Quomodò ſic vultus hoſtiles vertit in iras,  
Nec firmas arces, nec loca culta finit?  
Et multo Iudæ conſeſta eſt filia luctu,  
Triftia perpetuo lumina rore lauat.  
Ut que hortus, rupto firmæ munimine ſepis,  
Contra ſylueſtres non habet arma feras.  
Conuentus ſpernit, vileſcunt Sabbata, Regem  
Deſpicit, Antiſtes ſentit abeſſe Deum.  
Quomodò reiecit ſacris altaria flammis,  
Reſpnit & templi teſta verenda ſui?  
Ac vrbis muros, & cellas octupat arces,  
In Iouæ & reſonat gens inimica domo?  
Quomodò diſruptis admota eſt linea muris,  
Ac æquata ſolo mœnia celſa ruunt?  
Languescunt firmæ circum pomæria turres,  
Nec retrahit dextræ vulnera Ioua ſuæ.  
Quomodò conuulſis, miſerandum, veltibus alto  
Sublimes portæ, ſic cecidere loco?  
Vates, Rex, Princeps, peregrinîs gentibus errant,  
Hi ſine lege, illum viſio nulla monet.  
Quomodò cana cohors ſeniorum ætate verendâ,  
Et cinere, & ſacco corpora ſtrata ſilent?  
Dimiſſo graditur Solyme tua lumine virgo,*

*Nec*



Nec lachrymas oculi suppeditare queunt.  
 Viscera sunt lutulenta, & putri turbida cæno,  
 Ex iecore immensi sanguinis vnda fluit.  
 Metristes populi casus, nil conscius infans,  
 Et media lactens obrutus vrbe mouent.  
 Appellant pueri dulces cognomine matres,  
 Sed nulla est vini copia, nulla cibi.  
 Mors triuijs regnat, genitrix miserabilis artus  
 Excipit, & gremio tabida membra fouet.  
 Quos testes tibi, nata Sion, quæ exempla requiram,  
 Vt te consoler, par tibi qualis erit?  
 Non pelagus tumido Boreas cum turbine perflat,  
 Tanta procellosis verbera sentit aquis?  
 Quis medicam præstabit opem, cum futile vates  
 Somniet, & vano te grauet ore nimis?  
 Nec reducem, vt par est, peregrinis euocat oris,  
 Sed noua captivæ semina gentis alit.  
 Complodit manibus, læuo caput omine quassat,  
 Sibilat, hoc gradiens quisque viator iter.  
 Hæcine ait cunctas inter præcelluit vrbes,  
 Causâque lætitiæ gentibus vna fuit?  
 Effundunt hostes toruo conuitia rictu,  
 Dentibus infrendit turba prophana suis.  
 Hæc optata dies, albo signanda lapillo,  
 Hæc aiunt nostri meta laboris erit.  
 Ioua olim præcis à se decreta diebus,

*Consilij præstat firma statuta sui.*  
*Quod te destruxit, quòd cornu erexerit hosti,*  
*Eius solius dextera sola fuit:*  
*Interea tumido turgent præcordia fastu,*  
*Clamat & in Iouam gens inimica nefas.*  
*Nata Sion, fac ut muris noua flumina currant,*  
*Et riui ex oculis nocte, diéque fluant.*  
*Nox precibus sit parua tuis, confinia lucis*  
*Testentur vigiles in pia vota manus.*  
*Nec te cor pudeat, liquida ut libamina lymphæ*  
*Fudisse in Iouæ pectora nuda sinum.*  
*Respice, Ioua, meos clemens mea pignora natos,*  
*Tabida quos mediâ conficit vrbe fames.*  
*Respice palmares pueros, quos languida mater*  
*Cogitur ingratis mandere delitijs.*  
*Siccine qui sacris operantur mystica templis,*  
*Et cadet ante aras ipse Propheta tuas?*  
*Nec Virgo, paruusque puer, iuuenesque, senesque,*  
*Euadunt ensis vulnera cruda tui.*  
*Concilium Vocitas, passim terrorque, metusque,*  
*Aduolat, & cogens agmina multa pavor?*  
*Nec quisquam est reliquus qui tantâ è clade supersit,*  
*Barbarico lactens concidit ense puer.*

R

CAP. .

## C A P. III.

Eccleſia Iudæorum , de malis grauiſſimis à Deo immiſſis expoſtulat : certamina ſua ſpiritua- lia exponens , declarat ſe fide in Deum ex re- bus præſentibus , antecedentibus exemplis, naturâ & promiſſis Dei in ſpe ſalutis viuere : ac poſtremò confitens peccata ſua, & pœnas præ- ſentes amplificans , Deum ſupplicat pro ſalute ſua & aduerſariorum exitio.

**I**lle ego ſum, tanto qui ſic diſcrimine vexor,  
Edidit in quem iræ tot documenta ſuæ.  
Inuoluit tenebris, cæcâ caligine merſit,  
Nec lux eſt oculis ullarelictâ meis.  
Inſtar me aduerſum crudi ſe comparat hoſtis,  
Ingeminans iræ fulmina ſæua ſuæ.  
Oſſa quatit, frangitq; imis concuſſa medullis,  
Trita caro eſt, marcens & ſine carne cutis  
Extruxit vallum, foſſâque ac aggere cinxit,  
Obſidet & caſtris dira cicutâ ſuis.  
Vtique colunt tenebras, vitæque & lumine caſſi;  
Sic me mortiferâ nox tegit atra domo.  
Vndique me ſepſit, ne ſpes mihi reſtet eundi,  
In laqueosque chalybs ingenioſus erat.

In-



Inclamo numen, leuibus sed vota procellis  
Credimus, & surda negligit aure preces.  
Inuia facta via est, cæsi munimine saxi,  
Per salebrosa meum, deuia flectit iter.  
Insidias urisque instar, crudique leonis  
Comparat, ut lacerum vexat ouile fera.  
Contra me tenso torquet sua spicula cornu,  
Lethalis renes transit arundo meos.  
Me rident gentemque meam, me pascit amaror,  
Illita lethifero pocula felle bibo.  
Deprimit in cineres, fractos in rudera dentes  
Euomo, pax animæ nulla relictæ meæ est.  
Penè omnis Lethæa boni me obliuio cepit,  
Et dixi, robur, spes mea tota perit.  
Cum plagas recolo, planctus, absynthia, mentem  
Lurida cum subeunt toxica pota meam.  
At postquam hæc alto rursus sub pectore verso,  
Spes rursus nobis pectora mæsta fouet.  
Summa Dei est bonitas, summa est clementia Iouæ,  
Quod superest, nostri gratia sola fuit.  
Certa fides dictis, factis constantia summa est,  
Solut ut Eo qui vehit axe diem.  
In te Ioua mihi, fiducia tota recumbit,  
Esque animæ tu sors illa beata meæ.  
Ioua bonus, si quis spe non confidat inani,  
Aque salutifera pendeat eius ope.

Felix ô nimium teneris qui assueuerit annis,  
 Sub ferula Domini sustinuisse iugum!  
 Felix qui tacitus, læuo sine murmure perfert,  
 Ora gerenstri sti puluerulenta situ.  
 Felix qui feda patitur conuicia lingue,  
 Et plagis lato porrigit ore genas.  
 Scilicet expectant Dominam, qui tempora signans,  
 Auxilio nunquam desinit esse suis.  
 Mæstitiâ affecit, sed qui modo vulnera fecit,  
 Ille idem medicam mox tibi reddet opem.  
 Inuitus fateor, tales se accinxit in iras,  
 Nec propria quenquam sponte perire cupit.  
 Quod calcant inopes, crudi iuga sæuat tyranni,  
 Iuraque peruertunt infidiosa pjs.  
 Quod nalli est æqui ratio, flectitque tribunal  
 Gratia, vel munus; num probat ista Deus?  
 Vnde hæc sunt dices, si loua haud fecerit auctor?  
 Num bona, nonne eius prodit ab ore malum?  
 Cur contra louam, dictis insurgit iniquis,  
 Qui pro peccatis vix leue sentit onus?  
 Quin nosmet potius trutinæ moderamine rectæ  
 Pendimus, & verso fundimus ore preces.  
 Alme Deus, qui templa colis procul ardua Olympi,  
 Respice nunc pansas in pia vota manus.  
 Nos eheu curuos sequimur per deuia gressus,  
 Externæ procul hinc orbita legis abest.

Defectrix gens nostra fuit, populusque rebellis,  
Non impunè tamen res scelerata tulit.  
Persequeris nos more hostis, atque obtegis irâ,  
Nec finem cladis bellicus ensis habet.  
Te Ioua interea, rube & caligine Vela,  
Ne nostræ penetrent in tua Vela preces.  
Nos viles animas, fædæ ut purgamina terræ,  
In medio istius gentis inesse finis.  
Dilatant patulis contra nos rictibus ora,  
Nec mors, nec clades, nec pavor ullus abest.  
Hinc lachrymæ largis humectant lumina riuus,  
Maxima de paruis fontibus Vnda fluit.  
Nec prius arrescent flentes in flumina Vena,  
Vulnera quàm clemens viderit ista Deus.  
Afficiunt oculi turbatam in pectora mentem,  
Nata Sion, causa pectora mæsta tui.  
Immeritò me contra, hostis venabula tendit,  
Ut solet immites, qui capit arte feras.  
En iaciunt lapides, & saxa minantia torquent,  
In foueam subito mors truculenta rapit.  
Supra me exundant multis Vaga flumina riuus,  
Ut me nil aliud quàm perijisse putem?  
Inclamo numen Iaccho me Ioua profundo  
Audijt, atque omnem iussit abesse metum.  
Ioua mihi patronus erit, quo vindice fretus,  
Vita mihi in medijs est mea tuta malis.



*Cerne Deus, iudexq̃, æquo moderamine libra,  
Quæ mala pertulerim, quanta ferenda mihi.  
Non te quæ tacito secum sub pectore mussat,  
Nec fugit illa oculos ultio sæua tuos.  
Probra audis, nostique animi secreta latentis,  
Cognita quæ dicunt, quæ meditantur habes.  
Seu surgunt, placidoue locant sua membra cubili,  
De me perpetuò quod modulentur habent.  
Redde vices, meritâsque luat gens impia pœnas,  
Et referant factis præmia digna suis.  
Tu defende pios, & forti protege dextrâ,  
His animi inuigilet cura benigna tui.  
Ast illos dira, & crudelis vexet Erynnis,  
Atque ardens furijs torua Megæra suis.  
Quantum iræque, odioque potes, tot concipe flammæ,  
Ne rideant cæli tegmina celsa tui.*

---

## C A P. IIII.

Propheta, Ecclesiæ & populi mala deplorans,  
causam eorum narrat, positam esse in iudi-  
cio Dei, qui contra Iudæos propter pec-  
cata, ipsorum vanitatem, obfirmationem-  
que exarserit: postremò aduersarijs exitium,  
pijs liberationem suo tempore venturam præ-  
nuntiat.

**Q**uomodo sordescit rutilis fulgoribus aurum,  
Et templi lapides compita cuncta terunt.

Nata Sion quondam obriso pretiosior auro,  
Facta est ut vilis terrea testa luti.

Ecce, phocæ lactant catulos atque vbere pascunt,  
Nata Sion, dura cor Struthionis habet.

Quomodo adhærescit lactentis lingua palato,  
Nec datur infanti quâ leuet, esca, famem.

Quomodo delicijsque fluens, Vestit aque cocco  
Gens inter cineres stercore fæda iacet.

Nec subito Sodome flagrans à sulfure pænas,  
Quàm longo Solyme fracta furore dedit.

Non lac candidius; nec nix est pulchrior alba,  
Formosus quondam quàm Nasareus erat.

Non sic effulget rubeo carbunculus igne,

Pul.

*Pulchraque Sapphiros Vincere forma potest.  
Quomodo nunc nigra vultus fuligine pallet,  
In vicis faciem lurida membra negant.  
Vtque arens lignum, sic imis ossa medullis,  
Carne carens tenuis vix tegit ossa cutis.  
Quomodò, quos rabies consumit tabida edendi,  
Hostili cupiunt oppetiisse manu?  
Et satius ducunt effusam in vulnera vitam,  
Quàm victum sterilis prata negare soli.  
Quomodo maternos genitrix oblita fauores,  
Sic sua funestâ pignora clade vorat?  
Ioua furens, laxas irarum effudit habenas,  
Nata Sion, auido funditus igne perit.  
Quis regum Solymam, quis totius incola terræ,  
Vastatam hostili crederet esse manu?  
Sic vates peccata luunt, delicta sacerdos,  
Et gens innocuo sanguine tincta manus.  
Cum cæci plateis errant, aspergine vestis  
Sanguinis, & fluido tincta cruore madet.  
Hinc tamen impuri clamant procul este profani,  
Ne tangas tetro fæda cruore, caue.  
Interea celeres sparsis in gentibus errant,  
Exilij dicunt parua futura mora est.  
Quos facies Iouæ peregrinis expulit oris,  
Quos vultu non est intuitura suo.  
Cum neque trux senibus, nec mystis parserit hostis,*



*Momento Solymem posse redire putas.  
Interea auxilij nos spe lætatur inani,  
Ægypti frustra cùm specularum opem.  
Impediunt quâcunque imus, venabula, gressus;  
Mæsta dies, summus iam mihi finis adest.  
Pernices superant aquilas, hostesque sequuntur,  
Ærios montes, seu loca sola petant.  
Spes quæ sola fuit, quâ vitæ traximus auram,  
Quæque inter gentes latior umbra foret.  
Iouæ vnctus, sacrâq; caput perfusus oliuâ,  
Nunc etiam hostiles incidit in foveas.  
Gaude Hutzi tellus, plaudens lateris Idume,  
Pocula letifero mutua felle bibes.  
Ebria eris, discincta sinus, nudataque corpus,  
Vix mentis compos terra futura tua.  
Cùm tua, Ioua, Sion, tandem delicta piarit,  
Tunc postliminij ius habitura tui es.  
At te cum patrijs Edom reiecerit oris,  
Nulla dies longi meta doloris erit.*

## CAP. V.

Ecclesia Iudæorum, de malis suis cum Deo expostulans, confitetur peccata sua: de illis, de supplicijs, & sua euerfione gemit: iram Dei deprecatur, & implorat misericordiam.

**I** Oua memor nostri, tristes aduerte querelas,  
 Quæque ferunt hostes probra pudenda vide.  
 Ecce peregrinus nostras nouus aduena sedes  
 Occupat, & culti iugera lata soli.  
 Pupuli sumus, & soboles orbata parente,  
 Et vidua mater tadia sortis habet.  
 Ne gra. is fruimur currentis munere Lymphae,  
 Inque focum gratis cedere ligna nefas.  
 Incumbit collo qui nobis infidet hostis,  
 Et veluti indomiti terga fatigat equi.  
 Cum panem supplex posco nos accola Nili  
 Negligit, Assyrius nil mea vota facit.  
 In tua peccarunt nostri mandata parentes,  
 Nos iræ luimus fulmina sæua tuæ,  
 Imperium patimur crudi seruile tyranni,  
 Sed quis seruili liberet imperio?  
 Pauxillum victus multo discrimine vitæ  
 Querimus, & sterilis non caret ense locus.

Atra

*Atracutis calido ceu furui obduruit antro,  
Præstaret dicas enecuisse fame.  
Vim patitur Virgo, nec fædis abstinet ausis,  
Inuita impurum femina passanefas.  
Suspendunt teretis, procures, ex arbore trunci,  
Canities illos nil reuerenda mouet.  
Deduntur iuuenesque mole, pistrinaque versant,  
Succumbunt pueri, sic graue vexat onus.  
In portis legesque silent, cessatque senatus,  
Lugubri Iuuenes Carmina voce fremunt.  
Nec ludunt choreis, nec ducunt ordine saltus,  
Heu capiti cecidit lata corona meo.  
Va peccasse mihi, scelere irritasse Tonantem;  
Hinc oculis tenebræ languida corda pauent.  
O mihi chara Sion, non parni es causa doloris,  
Cum vulpes habitent per sacra templa fera.  
Tu Ioua alterni vicibus non subderis aui,  
Qui fueras; idem tu quoque semper eris.  
Tu Iudex aquis Orbem moderaris habenis,  
Fixaque sunt solij, iuraque, fasque tui.  
Redde iterum me, Ioua, tibi, ut mea pectora vertam;  
Et renoua nostros ceu fuit ante Dies.  
Num nos omnino spernes, sic concitus æstues,  
Æternum ut nullo sæuiat ira modo?*

F I N I S



11-07-2011 2:01 PM

APOCALYPSIS  
S. IOANNIS THEOLOGI,  
Latino Carmine reddita.

PATRICIO ADAMSONO, *Scoto,*  
Sanctiandreae Archiepiscopo  
*Authore.*



LONDINI,  
Apud IOANNEM BILLIVM.  
Anno 1618.

APOLLYSIS

OF THE

REPUBLIC

OF THE

UNITED STATES

OF AMERICA

IN

THE

YEAR

1864

AND

THE

MONTH

OF

THE

YEAR

1864

AND

THE

MONTH

OF

THE





AD AVGVSTISSIMVM  
ET INVICTISSIMVM PRINCIPEM,  
IACOBVM SEXTVM  
SCOTORVM REGEM.

**C**Vm post tuum in Noruegiam disces-  
sum (Serenissime Rex) eò fundi nostri  
Scotici calamitas serperet, vt scelerati  
isti & nefarij homines, Ecclesiæ & pa-  
cis publicæ conturbatores, id vnum sedulò age-  
bant, cum sua factiosorum turba, vt Regno &  
Reipub. faces accenderent, & in medijs hisce tur-  
binibus, ne ego saluus essem; qui ad Regni misce-  
rias ab illis iniectas ingemiscerem; è re duxi, me-  
cum interea habitare, & cum amicis viuere, vt ad  
meliora tempora, Ecclesiæ & Reipub. saluus fo-  
rem. Interim, ne hac rerum perturbatione nihil

agerem , reuoluere cæpi Apocalypsin , superiore  
anno à Ma.<sup>re</sup> tua, paraphrasi illustratam, & ad me  
delatam, accuratâ sane & eleganti; cuius perlectio,  
animum mihi addidit , vt in tam præclarum opus  
aliquid auderem ; Itaque primùm constrinxi car-  
mine ; In quo sum ita religiosè versatus , vt cum  
scribat Hieronymus , tot in libro mysteria quot  
verba esse ; penè verba ipsa expresserim : Adie-  
ci etiam *ἱερουργίῃ* ; Nam cum iubeat seruator, Nos  
scrutari scripturas , Cur non industriæ nostræ  
fructus , scrutationem potius sacram appelle-  
mus , quàm commentaria , arroganti & pro-  
phano nomine? Pfillum etiam in hoc eodem  
otio conscripsi ; Nam cum plerique ministri,  
Meluino auctore , hoc est , seditiosorum ante-  
signano , me damnassent hæreseos , quòd legi-  
timam & orthodoxam Episcoporum authorita-  
tem , aduersus eorum ineptias tuear , & suum in  
Ecclesia locum Principibus tribuam ; Pfillum  
conscripsi , in quo , quæ factionis istius vene-  
na sparserunt , Pfilli instar exugenda curo , Vi-  
cinamque Angliam admonco , vt sibi ab ijs  
scopulis caueant , ad quos rationes nostræ im-  
pegerunt. Viuimus enim hîc in ea rerum con-  
fusione , qualem ne accerimus quidem hostis  
no-

nobis optaret : Non diffido tamen , quin Ma-  
iestas tua , rebus omnibus bene pensatis , & of-  
ficijs meis erga Maiestatem tuam ritè examina-  
tis , honorificam sit mei , meorumque ratio-  
nem habitura. Bene vale , cum Serenissi-  
ma ac lectissima Coniuge tua , Deus-  
que multa vos reddat prole bea-  
tos. Sanctiandreae Cal.

Maijs 1590.

*Maiestatis tuae humillimus &  
observantissimus Orator*

Pa. Adamsonus.

---

T<sub>2</sub>

EPI-



## Prologus in Apocalypsin.



**L**IBER hic Apocalypseos, dictante & reuelante Sancto spiritu (ex veterum doctissimorum indubitata sententia) à magno Ioanne Apostolo & Euangelista, (qui & idem Theologus cognomento dictus est, καὶ ἰερωδὴς à veteribus sic appellatus, quòd de Christi diuinitate nemo unquam hominum apertius aut diuinius scripserit, quo cognomento nihil dici potest augustius) idque in Pathmo insula (ut ipse profitetur) quâ, exilio relegatum, veteres summo consensu tradunt, mirâ quidem sanctimoniâ & integritate conscriptus est; utcunque de libri huius authore, authoritate ac styli Apostolici dignitate & grauitate, veterum nonnulli, iam pridem non minus dubium & variū iudiciū statuerunt, quàm de Canonica olim B. Pauli Epistola ad Hebræos, quòd pro Nouatianis facere videretur. In hoc diuino Libello vetustissimo, ac preciosissimo, Spiritus Sanctus, Apostolica quidem dignitate ac grauitate, de rebus futuris agit, & quidem præscriptis verbis: In quo Spiritus Prophetici nomē ubique eminet, & veterum Prophetarū non tantū vestigia, sed sententiæ, ipsaq; verba & Characteres apparent, quum manifesta & magnificentissima ubique cum diuinitatis Christi, tum nostræ redemptionis testimonia, in eodem perspicuè extent; immò tantæ Maiestatis plenæ prophetiæ, non uni alicui Ecclesiæ, sed (quod Apostolica planè dignitatis est) Asiaticis ipsis Ecclesijs, de earundem Ecclesiarum excidijs conscriptæ ac denuntiata, & scorti illius septē collibus insidentis, regno, prædictiones. Adeò ut pro certo statuendum sit, Spiritum Sanctum, hic congerere voluisse, quæ ex superiorum prophetarum prædictionibus implenda, post Christi aduentum supererant: ac nonnulla etiam addidisse, quatenus nostrâ interesse

teresse cognouit. Et, ut Danielis prophetiâ, manifestè continentur prædictiones malorum & afflictionum Ecclesie, à deportatione Babylonica usque ad Christi aduentum; Sic hac Prophetiâ & Apocalypsi reuelantur afflictiones, & mala Ecclesie destinata, à Christi aduentu ad consummationem seculi, & eiusdem reditum in iudicium. Mystera quidem arcana continet, eaque maximè abstrusa & obscura; at minimè noua in Prophetarum (ac præsertim Ezechielis) scriptis. Et quod pro uerbo fertur ταυγά χαῖστα, difficilia scilicet quæ pulchra. Verum nouit Dominus quid quatenus nosse expediat, Ideoque Prophetarum lucem, pro sua infinita sapientia, non aliter iam olim temperauit, quàm Ecclesie utile fore præsciuit. Et de arcanis scripturæ piæ quidem dictum est. Bonæ sunt in Scripturis S. mysteriorum profunditates, quæ ob hoc teguntur, ne uilescant: ob hoc queruntur, ut exerceant: ob hoc autem aperiuntur, ut pascant. Sentent. 87. Ista tamen Spiritus Sancti mystera, utcunque arcana & abstrusa, si ea quæ sanctos & sinceros decet, pietate & integritate, sobriè & citra fastum scrutentur, & cum scripturis sacris & Propheticis studiosè ac diligenter conferantur, lucem adferent haud dubiè manifestam. Ceterum expedit, ut mystera hæc sacra, Sancti Dei homines, cum timore & religione, quatenus fas & utile est, scrutentur: Omnes verò, siue quæ nouerint, siue quæ non nouerint, hoc Libro comprehensa Dei mystera, veneranda potius & admiranda, quàm fastuosis & prophanis suis commentis fadanda & curiosius indaganda existiment. In hoc verò libro, metro constringendo, planè quidem (quod in tanto mysterio magnum est,) perspicuè & dilucidè, ab authore explicantur omnia: In quibus adeò religiose (ut fert ipse) versatus est Author, ut cum scribat Hieronymus, tot in libro mystera quot uerba esse, penè uerba ipsa expresserit: & qui à Prophetarum, qui Hebraicè scripserunt, ne uerbis, nedum

*dum Caractere, cum genuino & Orthodoxo textu, ipso Sancto Spiritu dictante, conscripto, discedere voluerit. Qui nisi huic palo, & inseparabili quasi vallo alligatus esset, multò quidem numerosius & artificiosius in hoc argumento poëtico, quod voluit, efficere potuisset. Adieci praterea huic operi, ad dilucidiorum eiusdem intellectum, cum hoc Prologo, libri etiam & singulorum Capitum Argumenta, ex optimis scriptoribus deprompta; adscriptis etiam cuiusvis pagina frontispicijs, rei subiectæ paginâ tractatæ, Epigraphis. Edinoduno  
pridie Cal. August.  
1617.*

---

**APO-**



## A R G V M E N T V M   L I B R I .



*Hoc* Ac diuinâ Prophetiâ continentur, quæ Spiritu Sancto dictante ac reuelante, conscripsit Apostolus, & Ecclesiæ Christianæ patefecit, de rebus futuris vaticinia: Ac primum visiones duæ mysticæ; Quarum prior est mysterij septem Candelabrorum aureorum, hoc est, septem Ecclesiarum Asiaticarum (In quorum medio, consistere visus est Filius hominis; Saluator, & Dominus noster Iesus Christus) & septem stellarum, hoc est septem Angelorum, seu earundem Ecclesiarum ministrorum, ad quos scribere iubetur Apostolus. Ephesiorum scilicet, Smyrnearum siue Smyrnensum, Pergamenorum, Thyatirensium, Sardiensum, Philadelphiensium, & Laodicensium. Posterior Visio, Diuinæ Maiestatis gloriam continet, quæ à quatuor animalibus & viginti quatuor senioribus celebratur. Hinc librum, septem sigillis obsignatum, quem nemo aperire potuerat, Agnus ille Dei purus & castus, solus qui aperiat dignus, omnium cælestium voce decantatur. Dein, liber apertus, ab Angelo nube amictus, Oraculi iussu, Ioanni deuorandus traditur. Templum metiri iubetur: Duo testes à bestia interfecti, in vitam reuocati, ad Cælum euocantur: Terrentur impij: Bestia multiceps describitur; Eiusdem Character & numerus. Septem diuini furoris phialas effundunt septem Angeli: Quarum effusionem, plagæ septem ultimæ consequuntur. Bestia mysterium; Excidium Babylonis; Mercatorum terra luctus. Christi descriptio. Bestia comprehensa, cum Pseudopropheta. Angelus, Satanam vinculis ad mille annos constringit; quibus solutus, & exacto tempore, Gogum atque Magogum, hoc est occultos et apertos Ecclesiæ hostes, cum cæteris terræ gentibus à Satana seductos, in

*Sanctos Dei concitat; quorum tamen insolentiam, Domini  
vindicta coercet. Vltimum denuò apparet iudicium, quo ape-  
riuntur libri conscientia, operumque nostrorum indices ineluc-  
tabiles, & nostri quasi rationales, ex quibus indicantur viui  
& mortui. Hierusalem noua describitur. Aqua vina fluius  
& arbor vita. Vltimò denique, Prophetia huius veritas  
& certitudo indubitata, diuino testimonio ap-  
probatur; Cui quiduis addere, vel dimi-  
nuere, nefas, interminatione  
magna, & sacro anathema-  
te stricte cauetur.*

---

APO-



I  
APOCALYPSIS  
S. IOANNIS THEOLOGI;  
Latino Carmine reddita.

---

C A P. I.

Indicat doctrinæ genus quod hic tractatur: nempe illius, qui est principium & finis : Deinde septem candelabrorum & stellarum mysterium explicat.

**E**cce Relegatus per teſqua Imperia Patbmi  
Magnus Ioannes, quâ Chriſtus luce reſurgens  
Perdomuit mortis furias, Orcumque ſubegit:  
Extra ſe raptus, dum ſacras pectore flammâs

V 2

Conci-



2 Reges & Sacerdotes, Io. Apocal. septem candelabra.

Concipit, hæc hausit diuina oracula Vates.

Quæ rerum pater omnipotens, quæ Christus Iesus,  
Qui fuerat, semperq; idem est, & temporis expertus  
Tempore præscripto Veniet, qui cuncta gubernat  
Imperio, Regum Princeps, sobolesque subactæ  
Prima necis, memori Iussit committere chartæ.

Vix ea fatus erat, cum me conuertere cœpi,  
Percipere ut cuius mihi vox post terga sonaret;  
Et iam conuerso, septem sese aurea monstrant  
Candelabra mihi, mediòque in tramite, Christo  
Persimilis, lambens deducto syrmate terram  
Vestis erat, cingens victrices aurea mammas  
Zona, relucebant niuei candore capilli;  
Et rutili flammis oculi, pedibusque politi  
Effigies aris, calido candentibus igne:  
Vox multas referebat aquas, septemque tenebat  
Astra, manu dextrâ; gladium vibrabat ab ore  
Ancipitem, facies, quali Titania lampas  
Lumine, cum medium scandit sol aureus axem.  
Obstupui, visu exanimis, pedibusque voluto;  
Imponens dextram, sum primus & ultimus, inquit  
Pone metum, qui nunc æterna in sæcula viuo,  
Expertus tristes quondam sub morte dolores.  
Inferæ regna mihi parent, mortisque tenebris  
Impero, Tu calamo tantum committe fideli  
Quæ cernis, quæ sunt, quæ postera viderit ætas.

Stella-

*Stellarum nomen, (typicis vis mystica verbis  
Namque subest) claros vitâ, & pietate decoros  
Pastores verbi fulgentes lampade signat:  
Aurea candelabra, Greges, quæis purius aurum  
Nullum est, & Christi radiantes sanguine puro.*

## CAP. II.

Iubetur Ioannes scribere quæ Dominus necessaria nouerat Ecclesijs Ephesiorum, Smyrnen-  
sium, Pergamenorum, & Thyatirensiû, vt quæ  
ab Apostolis acceperunt, teneant.

**P**Astori hæc Ephesi scribas, qui sydera septem  
Gestitat, in medio candelabra aurea lustrans;  
Sic inquit; nec me factorum obliuio cepit,  
Nec duri, quos tu pateris, fugere labores;  
Sed mihi nota tua est constantia, nescia virtus  
Ferre malos, illos ritè explorâsque, probâsque?  
Quisquis Apostolico mendacia nomine velat.  
Sed contra te pauca habeo; nam pristinus ille  
Cessat amor, fugere procul dilectio chara,  
Et feruor tuus ille olim, quo sidera adibas:  
Nunc memori perpende animo, quo culmine præceps  
Excideris: resipisce ergo, & tua ritè priora  
Facta obeas, sed si nolis parere monenti,

Mox adero iudex, candelabrumque mouebo  
 Sede ſua, ingratâ vt Chriſti grex exeat urbe.  
 At laus iſta tua eſt, quod fœdæ peſſima ſectæ  
 Nicolai conſtans odiſti crimina ſemper  
 Deteſtanda pijs: Victori, ex arbore vitæ  
 Quam medio Paradifus alit gratiſſimus horto,  
 Menſa erit: arrectas hic poſcit Spiritus aures.

Smyrneo paſtori hæc, primus & vltimus, inquit,  
 Qui viuuit, paſſus tristes ſub morte dolores:  
 Non ignota mihi tua facta, afflictio dura,  
 Pauperieſque grauis, quanuis tibi copia cornu  
 Affluat, & verâ diteſcas pauper opum vi.  
 Blaſphemas voces ſcio, quas Iudeus Apella  
 Euomat, haud Iudæ illius generoſa propago,  
 Sed Satanae Synagoga, cohors & degener Orci.  
 Crux vobis toleranda grauis, padorque ferendus  
 Carceris, hæc in te ſtatuit Tentator acerba,  
 Sed breue tempus erit; decimâ nam luce procellas  
 Finiet, haud metuas conſtanti peſtore mortem;  
 Præmium erit, nunquam peritura gloria vitæ;  
 Arrigite huc aures, hæc Sanctus Spiritus inquit:  
 Victorem ſemel, haud iterum mors altera ledet.

Paſtori hæc Aſia ſcribas, qui Pergama celfa  
 Incolit, hæc, gladius dicit cui militat anceps,  
 Cui dubia eſt acies; noui tua facta, fidemque  
 Egregiam, nec te fidi mors martyris olim



Terruit Antypæ, meme, vt noménque fidémque  
Abnueres; ſtabilis, nixus fundamine petræ.  
Sed contrate pauca habeo, nam nouimus iſtū  
Sectantes Balaam, Balaácum hūc ſcandala Regem  
Iſraëliticæ docuit proponere genti,  
Maſtata idolis ederent, & corpora pulchris  
Polluerent ſcortis, irritamenta Tonanti.  
Sic tibi Niccolao haud deſunt auctore proſecti,  
Oſa mihi retinent fædæ qui dogmata ſectæ:  
Tu reſpiſce ergo; quod ſi non feceris, ecce  
Mox veniam, gladioque mei pugnabitur oris:  
Arrigite huc aures; hæc Sanctus Spiritus inquit.  
Victori ſtatuum confeſti præmia belli  
Manna occultum illud; dabitur quoque calculus albus  
Innocuo, noménque nouum, quod neſciat ullus  
Inſcriptum, tanto præter qui munere gaudet.  
Hæc verò Thyatirenſi reſcribe Miniſtro;  
Sic ſatus ille Deo, rutilis cui flamma coruſcat  
Luminibus, cui pes puro purgatioꝝ ære;  
Noui operam, quantòque fides tua præſtet amore,  
Subſidioque pijs, dubijs patientia rebus  
Enituit, videoque tuos increſcere fructus:  
Sed Iſabelem falſo ſub nomine vatis  
Scortari, pateriſque meos ſeducere ſeruos,  
Vt ſcortis operam nauent, maſtataque veſci  
Idolis, diſcantque illorum accumbere menſæ.

Illam

Illam ego, si nostris monitis parere recusent,  
Infamésque simul machos sub tegmine lecti  
Conijciam, Væ quanta illos afflictio, quàmque  
Dura manet, quantâque luent mihi morte nepotes?  
Me tunc esse illum diuina Ecclesia noscet,  
Cui cordis pateant adytus, secretâque renum  
Scrutor, pro meritis iusto libramine pensans  
Facta hominum: at reliqui Thyatiræ ex Urbe fideles,  
Qui Satanae occultas nequaquam agnoscitis artes,  
Dogmatis expertes huius, non durius Vllum  
Tanget onus, tantum quod habetis, firmiter illud  
Seruate, adueniam certo dum tempore iudex.  
Victori mea qui constans mandata tenebit,  
Quæ Pater ipse Deus me quondam in regna vocauit,  
Imperium in gentes tribuam, quas ferrea sceptrâ  
Comminuent, tanquam fragilis Vas fictile terræ.  
Auroræ primo sydus quod lucet Eo,  
Et matutinam gratus dabo præmia stellam.  
Quisquis habes aures, quæ dicit Spiritus, audi.

## CAP. III.

Sequitur epistola quinta ad Pastores Eccles. Sardiensium, Philadelphiensium, & Laodicensium, ne tepidi sint, sed gloriam Dei promouendi operam dent.

*S*ardibus hæc scribas pastori, pneumata septem  
Illa Dei qui habet, & totidem qui sidera gestat,  
Sic inquit; noui te nomine viuere solo,  
Cum sis exanimis, cum sint tua mortua facta:  
Sed vigila, lacerosque artus moribundaq; membra  
Collige, confirmaque, ac obseruare memento  
Quæcunque audieris, perfecta semita vitæ  
Non est trita tibi; respisce, & peruigil esto:  
Sin nolis, mediæ veniam sub tempora noctis,  
Tanquam fur veniam quâ non speraueris hora.  
Sed sunt nonnulli, quos nunquam sordida vestis  
Polluit, hos albo mecum dignabor amictu:  
Victorem albato circum velamine cingam,  
Nec vitæ illius nomen delebitur albo,  
Verum id Patre meo coram cætûq; fatebor  
Angelico, patulas quin huc aduertitis aures,  
Quod Gregibus Christi mandatum Spiritus effert.

X

Pa-



Pastori ista tuo, sanctus, Philadelphia, dicit  
 Et verax, cui Davidica custodia cesserit  
 Tota domus, clavesque tenens, quique ostia pandit  
 Et claudit nemo, clauditque, & nemo recludit.  
 Omnino tua facta patent, patuli, que reclusi  
 Ostia liminibus, quae nemo occludere possit,  
 Et tibi magna mea est oblata occasio laudis.  
 Scintillas virtutis habes, nostraeque tenacem  
 Doctrinae praestas animum, nec tempore duro  
 Doctrinamque, fidemque meam, nomenque negasti.  
 Ecce tuos faciam Satanae Synagoga ut adoret  
 Ante pedes, qui se mendaci nomine Iudae  
 Progeniem, & sancta iactant e stirpe creatos:  
 Cognoscentque tibi quanto coniungar amore;  
 Et quoniam nostri servasti oracula verbi,  
 Temporibus dubijs patiens, tentatio nulla  
 Est nocitura tibi, totum quae gentibus orbem  
 Affliget, populosque ipsum explorabit ad vnguem.  
 Ecce cito adueniam, sinceri dogmata verbi  
 Pura tene, tua praeipiat ne praemia quisquam;  
 Victori tribuam firmam, stabilemque columnam,  
 In templo remanere Dei: nomenque beatum  
 Inscribam, Iouaeque, ac quam Ioua incolit, urbis  
 Quae noua sublimi Solymae descendit Olympo.  
 Et nostra inscribam calamo noua nomina viuo.

Quis-

*Quisquis habes aures, quæ dicit Spiritus audi.*

*Hæc Laodicensi scribas mandata Ministro.*

*Sic tibi dicit Amen, verax testisque fidelis,*

*Principium diuini operis, cui cuncta creata*

*Esse suum debent, nascentis tempore mundi.*

*Facta tua agnosco, nec friges ipse, calesce:*

*O utinam aut feruens zelus te, aut frigus adurat!*

*Sed quoniam es tepidus, totum mihi nausea pectus*

*Occupat, & nostro mox eructaberis ore:*

*Affluis, ut speras, opibus, nullius egenum*

*Esse putas, nec te miserum, ærumnosum, inopemque,*

*Et cæcum, & nudo gradientem corpore, nosti.*

*Consulo emas aurum de me, quod septimus ignis*

*Coxerit, ut veris possis ditescere nummis.*

*Quam superinducas vestem mercaberis albam,*

*Dedecus ut cæles nudum, medicamina ocellis*

*Nostra para, quæ te lippusque, & cæcus inungas.*

*Quos amo, castigo; quos acriter arguo, amore*

*Prosequor; ô igitur respisce, ac emula præsta*

*Pectora, diuino feruens super omnia zelo:*

*Ecce fores peto, sto patiens, atque ostia pulso,*

*Si faciles præsent aditus, hic hospita mecum*

*Iura colet, cenabo unà, mecumque vicissim*

*Hospes celestis cenabit fercula mensæ.*

*Victori tribuam celesti in sede sedere*

*Sede meâ, Pater ut solio residere paterno*

*Conceſſit mihi, ducenti de morte triumphum:  
Quisquis habes aures, quæ dicit Spiritus, audi.*

## C A P. IIII.

Alia narratur visio diuinæ maieſtatis gloriam continens: quæ à quatuor animalibus, & viginti quatuor ſenioribus celebratur.

*P*Anditur interea domus omnipotentis Olympi,  
Voxque audita meas è cælo perculit aures  
Clangentis de more tubæ, quin ocyus istas  
Scande arces, Ventura vide, quid tempora portent.  
Iamque animo abreptus, positum cæleste tribunal  
Aspicio, gratâ splendebat Iaspide seſſor,  
Et viridis, quali collucet Sardius ore.  
Circum, iris, solium pacato ambiuerat arcu,  
Smarragdum aspectu referens, sellaque ter octo;  
Sunt totidem posite ſenibus, quos candida Vestis  
Circuit, ac auro geſtabant fronte coronas.  
Prædibant solio fulgur, tonitruque tremendum;  
Voces, quæq; ardent septenâ lampade flammæ.  
Ante thronum, magni sunt septem hæc Pneumata Iouæ.  
Illic & pelagus Vitreum, & crystallina cerno  
Æquora, tum quatuor ceu bruta animantia circa,  
Inq; throni medio multâ radiantia luce,

Plena



Plena oculis ante & retrò : primum ore leonem  
Prætulerat, vituli fert altera bestia formam,  
Tertia, vultu hominem, sublimi expresserat ore,  
Quarta, aquila similis, panſis per inania pennis.  
Senas quæque alas habuit, nec nocte quietem  
Indulgent oculis, Sanctus sed voce perenni  
Terque canunt, sanctus Deus es, cui summa potestas.  
Semper eras, semperque idem es, qui tempore iudex  
Præscripto venies toti iustissimus orbi.  
Cumque Deo viuo tribuere animalia laudem,  
Tum longæua cohors seniorum etate verendâ  
Procidit ante pedes, & cali numen adorat,  
Sessorémque throni qui in secula perennia viuet.  
Ante thronum abijciunt, quod gestant frontibus aurum,  
Sicque aiunt, Domine, ô soli tibi gloria, honosque  
Conueniunt, Virtusque omnis, tu cuncta creasti  
Arbitrio, placitôque tuo, tua sacra Voluntas  
Conseruat mundi molem, nutuque gubernat.

---

## C A P. V.

Liber ſeptem ſigillis obſignatus, quem nemo aperire poterat: Agnus ille Dei, dignus qui ipſum aperiat, omnium cœleſtium voce decantatur.

**T**um vidi ad dextram ſolij, ſoliôque ſedentis,  
Intus, & à tergo deſcriptas vndique chartas,  
Signatum clauſit quod ſeptima cera volumen.  
Angelus exclamat fortis, quis ſoluere Librum  
Dignus, & arcana reteget ſignacula chartæ?  
Nec quiſquam inuentus celi ſuper atria cœli,  
Nec terræ in gremio, nec per regna infera ſubtus,  
Soluere qui librum, poſſitque aperire ſigilla.  
Tum lacrymis maduere genæ, fletuque profuſo  
Quæſtibus indulſi, quòd nullus idoneus eſſet  
Aut librum legere, aut myſteria pandere ſacra.  
Tum ſenior, ne flecto, inquit, Leo ſtirpis Iudæ,  
Dauidicæque domus vicit, ſeptémque Sigilla  
Soluēt, & arcano reſerabit ſcripta libello.

Ecce inter ſolium, quatuorque animalia, & ipſa  
Maieſtate ſenes, tanquam cecidiſſet ad aras,  
Agnus, cui ſeptem ſindebant cornua frontem,  
Septem lucebant oculi, ſunt pneumatæ magni  
Iſta Dei, totum à Iouâ dimiſſa per orbem.

Tunc

Tunc Agnus ſolium acceſſit, dextrâque ſedentis  
Accepit librum, quatuorque animantia prona,  
Procumbuntque ſenes agno, cytharæque ſonabant  
Ex auro laudes agni, phialasque replebat  
Suffitus, ſunt hi grati, libamina cordis,  
Sanctorumque preces: tandem noua carmina cantant  
Non audita prius: Tu librum ſoluere dignus,  
Tu ſeptem clauſum ceris aperire volumen;  
Nam tua mors cunctos nos trifti ex morte redemit,  
Quamcunque incolimus gentem discrimine nullo;  
Noſque Sacerdotum, decoras & nomine Regum,  
Regali ſceptro in terrâ regnabimus ipſâ.  
Tum verò aſpexi, vocésque his auribus hauſi,  
Circa ipſum ſolium, circâque animalia, circa  
ſpectatoſque ſenes, Iouæ illic militat ingens  
Angelicâ de gente cohors, numeróque teneri  
Nescia; quid memorem decies centena canentum  
Millia, vel millies centum millena recorder?  
Et ſic voce canunt, Ille eſt digniſſimus agnus,  
Maieſtatus quondam effuſo qui ſanguine viuit.  
Illi debetur virtus, ſapientia, robur,  
Diuitiæque, & laus, benediſtio, gloria cuncta.  
Quinetiam audiui cunctas res ordine factas  
In cælo, aut facie terræ, aut tellure ſub imâ,  
Et quæcunque fouet ſpatioſo gurgite pontus,  
Omnia ſeſſorem ſolij laudantia, & agnum.

Illi



*Illi debetur benedictio, gloria, honosque,  
Et robur, cui nect per secula cuncta diebus.  
Tunc, Amen, quatuor recinunt animalia, proni  
Procumbuntque senes, viventem in secula adorant.*

## C A P. VI.

*Aperit Agnus primum Libri sigillum, secundum,  
tertium, quartum, quintum, & sextum. Qui-  
bus apertis, cædes, fames, pestis, sanctorum  
querelæ, terræ motus, & varia cœli prodigia  
oriuntur.*

**T***unc demum aspexi, primumque aperire sigillum  
Vidi Agnum, primumque animal me voce vocabat,  
Ceutonu ingenti niueo mox concolor ore  
Prodit equus, toto exornat quem corpore candor.  
Cuius terga premens intenso fulminat arcu,  
Gestabatque suo victricem crine coronam,  
Ipse triumphanti similis; victoria nanque  
Certa fuit; tum vidi aliud referare sigillum,  
Exclamansque, secundum animal me cernere iussit.  
Inde rufus prodibat equus, qui insederat illi  
Sustulit è terrâ pacem, bellumque repente  
Miscuit, & multo fœdavit sanguine terras,  
Accinxitque ensem femori magnum, atque cruentum.*

Tertia



Tertia cera iterum referanti paruit agno,  
Tertiaque admonuit me cernere bestia, equumque  
Cerno nigrum, trutinam sefforis dextra tenebat.  
Voxque audita mihi, pretium denarius esto  
Chaenicis tritici, totidem mercabere nummis  
Hordea, mensurisque tribus; sed vina caueo  
Atque oleum ladas, horum tibi nulla potestas.  
Iamque agnus quarta pandit signacula cera,  
Inuit atque animal quartum me, ut cernere possim;  
Pallidus exit equus, cui mors infederat, illam  
Infernus sequitur, pars illis credita terra  
Quarta fuit. seuo seu mallet perdere ferro,  
Seu fame tabifica, vel pestibus verere nigris,  
Seu pradam placeat rabido obiectare Leoni.  
Postquam agnus quintam patefecerat ordine ceram,  
Vidi illorum animas, qui sacra oracula vitæ  
Prætuleraut propriae, quos seuâ morte tyranni  
Affecere Dei caussa, verbique beati;  
Altari suberant animæ sic voce precantes;  
Vsq' uenê, Sancte Deus, mortem patieris inultam,  
Iustaque cessabit nostri vindicta cruoris?  
Tunc stola cuique data est, prælonga & candida vestis,  
Et mandata illis requies, quæ tempore duret  
Exiguo, donec simili quem victima morte  
Grata manet, numerum perfecto impleuerit albo,  
Conseruos, fratresque eadem mactauerit ara.

.Y

Hinc

Hinc sextum patuit signum, caua viscera terræ  
Dant fremitum, nutant terrâ titubante columna.  
Sol niger obduxit tetrâ fuligine vultus,  
Expauitque diem, saccus velut horridus atris  
Contextus de more pilis, tum candida Phæbe  
Sanguineâ rubuit facie, cecidêreque cælo  
Sidera, ceu ficus ventorum turbine grossos  
Abijcit, & teneros fructus violentia venti  
Concutit; expansum conspexi abscedere cælum,  
Inque plicas volui compacti more libelli.  
Tum montes cessêre loco, non in sula ponti  
Tuta fuit, Reges terræ, proceresque potentes,  
Ingenui, & serui speluncis abdere sese  
Montibus attoniti, & cæcis latuêre cauernis.  
Affanturque illos, in nos descendite montes,  
Obruite ô Petra, nos irâ abscondite ab Agni,  
Sessorisque throni, nam tandem maximus ille  
Terribilisque dies diuinæ apparuit iræ.  
Et quis stare queat, quem non absorpserit horror?



## CAP. VII.

Grassantes in Orbe Angeli inhibentur, donec Electi Domini ex omnibus Tribubus signentur. Deinde eorum qui Christi causa persecutionem sustinuerunt, foelicitas & gaudium describitur.

**T***Um quatuor stabant, totidemque in finibus orbis  
Angelicae gentis, queis ventos sistere tantum  
Cura fuit, terris flaret ne gratior aura,  
Ne mare perfluent venti, prodè, seque possent  
Arboribusque, satisque, & terrae è viscere natis.  
Angelus ecce alter campis veniebat Eois,  
Portabatque sigillum illud, quo fronte notare  
Assuevit, vitae quo, cunque ascripserit albo.  
Spiritusque, inquit, quatuor quèis laderet terram  
Et mare veliferum fuerat concessa potestas;  
Ne mare, ne terras, ne fructus laderet terrae,  
Dum Iouae electos patulà signauero fronte.  
Millia signauit centum Israël profectos,  
Atque quater dena, & quatuor duodenaque gentis  
Singula signabat; Iudà, Rubèneque nati  
Gadditæ, ac Aseris proles, & Nepthalis, atque  
Manassæa domus, complebat millia Leui,*

Y 2

Et

Et Symeon, totidem Zabulon, stirpisque Iosephi,  
 Issachar, & minimo gaudet qui Benjamin ortu.  
 Ponè sequebantur cunctis è sinibus orbis  
 Innumerae gentes, populorum maxima turba  
 Ante thronum, ac agnum stabant, stola candida cunctis  
 Vestis erat, palmas victricis gloria palmae  
 Ornabat, sicque ore canunt; Tibi, maxime Ioua,  
 Nostra salus, solij sublimi in sede sedenti  
 Debeturque agno; tum quæ circa ordine cingunt  
 Angelicae mentes solam, sanctumque senatum,  
 In facies cecidèrè suas & numen adorant.  
 Ioua, tua est virtus, sapientia, gloria, honosque,  
 Roturque, & grates, benedictio. secula cuncta.  
 Inque æuum sine fine, Amen, sic omnia fiant.  
 Tum senior, qui sunt isti quos candida vestis  
 Circuit, unde domo? cui pauco murmure rursum  
 Respondi, me scire nihil, sed posse latere  
 Te nil tale puto, qui sic est ore loquutus.  
 Hi sunt quos pressit duris afflictio telis,  
 Erepti crucis è flammâ, vestesque lauabant,  
 Atque dealbarunt agnini in sanguinis ondâ.  
 Iccirco ante thronum semper, noctesque diesque  
 Divino inuigilant templo, quique infidet alto  
 Sublimis solio Ioua, unas incolet ades.  
 Non illos malesana fames, non sæua per æstum  
 Urgebit fitis; aeternæ nam ad pascha vitæ

Agnus

*Agnus, & ad viuos fontes deducet aquâi,  
Et lachrymas omnes vdis absterget ocellis.*

## CAP. VIII.

Septimo sigillo aperto, offeruntur Sanctorum preces per suffitus. Procedunt septem Angeli cum tubis : & quatuor primis clangentibus, ignis decedit, mare turbatur, aquæ amarescunt, & stellæ obtenebrantur.

*Septima cera patet tandem, mediâque filebant  
Fermè horâ in cælo septem qui astare solebant  
Spiritus coram Iouâ, concessa potestas  
Terribiles inflare tubas; Ecce Angelus alter  
Thuribulum ex auro gestans, redolentia thura,  
Suffitusque dati, precibus quæ iuncta piorum  
Idque altare super puro quod fulgetrat auro,  
Ante thronum offerret grati mox fumus odoris,  
Sanctorumque preces, summi subire parentis  
Conspectum Iouæ, & placidum ascendere tribunal.  
Et iam thuribulum altaris repleuerat igne  
Angelus in terram vibrans, tonitruque tremendum  
Insequitur, vocésque sonant, & fulgur a flammis  
Eijciunt, titubâtque suo concussa tumultu  
Tellus, nec propriâ potis est se sede tueri.*



Clangere tum capere tubæ, primûsque canoro  
 Angelus ære sonat, mistus cum grandine sanguis  
 Atque igne, in terram cecidit; pars tertia adusta  
 Arboribus, fœnûmque omne, & viridantia prata.  
 Tunc alius clauxit, tanquam mons igneus altum  
 In mare præcipitat sese, pars tertia ponti  
 Sanguineo rubuit fluctu, quæque incolit undas  
 Bellua, quæque cauæ pelagus secuere carina,  
 Tertia pars harum perijt: mox tertius ære  
 Angelus insonuit, vidi descendere cælo  
 Permagnum flagrans ardenti lampade Sidus:  
 Tertia pars dulcis lymphæ, fontèsque cadentem  
 Excepere undis stellam, quas protinus omnes  
 Pestifero infecit gustu lethalis amaror.  
 Nanque dabant stellæ nociturum absynthia nomen.  
 Mox quartus clauxit, clari pars tertia solis  
 Inuoluit niueos cæcâ caligine currus,  
 Tertia pars lunæ latuit, pars tertia stellis,  
 Et lumen terris, noctûque diûque negarunt.  
 Angelus inde alter, mediûmque secabat Olympum  
 Clamabâtque volans, væ, væ, mortalibus ægris,  
 Væ quàm dura manent, perituram afflictio gentem  
 Cùm clangent reliqui tres, & tuba septima cunctas  
 Finierit plagas, plausûque impleuerit orbem.

## CAP. IX.

Quinto Angelo clangente, locustæ vastatrice  
prodeunt. Sextus autem clangens, equites edu-  
cit humanum genus deuastantes.

**V**T primum magno quintus clangore refulsit  
Angelus, en summo vidi de tegmine cæli  
Præcipitem stellam in terras cecidisse patentes.  
Cui clauæ imo putei qui stagnat abysso  
Concessæ fuerant, reuerenti maximus exit  
Fumus, ut ardenti fornax cum exæstuat igne.  
Nigruit obductus tetrâ fuligine Titan,  
Desperatque diem, fumoque obnubilus ær,  
Nec solis radios, nec lucida sidera vidit.  
Exierant fumo numerosâ gente locustæ,  
Scorpius ut pungit, talis concessa potestas  
Est illis, vetitumque fuit ne gramina terræ  
Depopularentur, virides ne ledere campos,  
Arboribusque nocere velint, sed damna rependant  
Tantum homini, quicumque Dei signacula fronte  
Non gestat, verum non illis tollere quenquam  
Morte licet, cruciant menses sed quinque locustæ.  
Utque venenato ledit quem scorpius ictu,  
Talis eis dolor est, optatæ funera mortis

Sæpe

Sapè petent, sed mors illis optata, quietem  
Non dabit, & surdâ clamantes negliget aure.  
Qualis equus se ad bella parans cùm fortia voluit  
Prælia, cum stimulos addit sub pectore Maiors,  
Effigies talis, talisque figura locustis  
visa est, hæque auro, gestabant crine coronas  
Per similes, facies humana expresserat ora;  
Crimibus ut mulier referebat dente leonem,  
Loricâque humeris ex ferro aptabat, & alæ  
Dant sonitum, tanquam currus in bella ruentès.  
In cauda vis omnis erat, caudatâquetanquam  
Scorpius, ingentes spirabat aculeus iras.  
Quinque nocent menses, regali prædita sceptro  
Angelus est, imo nequam qui præsidet Orco.  
Nomen Abaddon habens Hebræo idiomate; Græco,  
Nomen Apollyon, per dentis cuncta tyranni.  
Væ nunc Unum abijt, duo adhuc ventura supersunt.  
Tum sextus clauxit, quatuorq; è cornibus aræ  
Illius ex auro, quam Iouæ aspectat ocellus,  
Vox subitò mandat, vinctos Euphratis ad undas  
Solueret, Angelicâ quatuor de gente Ministros:  
Illi autem partâ mox libertate, parati  
Inq; horamque, diemque, & menstrua tempora lunæ  
Semper erant, ternâque hominum disperdere partem.  
Iamque equites vidi, numeri ûnque his auribus hausi,  
Millia bis milies centum, circum igneus illos

Ve-



*Vestit, & constans hyacintho ac sulphure thorax,  
 Assimilabat equus rabidi capita alta leonis,  
 Sulphureoque ferox vomit atra incendia ab ore,  
 Tertia pars hominum caesa est, violentia flammæ  
 Sustulit, & fumus sulphurque quod exijt ore.  
 Ore nocent, caudæque simul, vis omnis in illis:  
 Caudâ serpenti similes, mortalibus istæ  
 Nil plagæ mouere animos, vt Demonis artes  
 Abijcerent, simulachra auro constantia, & ære;  
 Et ligna, & lapides, nostræ ludibria dextræ  
 Ne colerent, quanuis surda, & nil cernere possint.  
 Sed neque latrones effuso sanguine quicquam  
 Penituit, nec quæ saga imis manibus instat,  
 Nec mollis qui se stupro oblectabat adulter,  
 Nec fur peruerso flexere è tramite calles.*

## CAP. X.

Alius apparet Angelus amictus nube, libellum  
 apertum tenens, inclamat: & Ioanni Oraculi  
 iussu, deuorandum tradit.

**A**ngelus ecce alter fortis descendit olymbo,  
 Nubis ei velamen erat, pacatior Iris  
 Insedit capiti, facies solaria vicit

Z

Lumi-

Lumina, flamma pedes, ignita more columnæ  
 Effigiat, librumque manu gestabat apertum;  
 Inq, marè dextrum vidi, terrâque sinistrum  
 Imposuisse pedem, magnâque hæc voce profantem,  
 Clamantemque simul, rabidi vox visa leonis:  
 Insequitur fulmen, septemque tonitrua, voces  
 Emisere suas, quas omnes scribere nobis  
 Cura fuit, sed vox memori committere chartæ  
 E cælo Detruit, iussitque includere signis.

Angelus ille idem, sua qui vestigia fixit  
 Inque mari, & terrâ, tollens ad fidera dextram,  
 Iurauitque Deum viuum, & quæcunque creauit,  
 Per cælum, & terras, & vastis æquora campis,  
 Quæque illis infunt, tempus non amplius ullum  
 Fluxurum mundo, sed cum tuba septima clanger,  
 Accipient tandem Iouæ mysteria finem,  
 Quæcunque à sanctis fuerant prædicta prophetis.  
 Tum Vocem audiui, quæ me affabatur, eandem  
 Dicentem; vade, & librum quem cernis apertum,  
 Angelicâ deprome manu; nec segniter ibam,  
 Poscentique dedit librum, iussitque vorarem.  
 Dulcis in ore, inquit, nec mel tibi dulcius ullum,  
 Venter amarus erit: subitò mandata peregi,  
 Exhausique librum; mihi dulcor melleus ore  
 Magnus erat, sed Ventrem ingens torquebat amaror.  
 Tum dixit, quanuis magnis defuncte periclis,

*Te grauiora manent, nam coram Regibus ipsis,  
Et populis, linguis, & gentibus, ire necesse est:  
Vulgabisque iterum nostri praeconia verbi.*

## CAP. XI.

Templum metiri iubetur. Dominus testes duos excitat, quos à bestia laniatos, nemo terræ mandat. Deus autem in vita reuocatos, ad cœlum euocat. Terrentur impij, & septimi Angeli tuba, resurrectionis, & iudicij nuntia, describitur.

**T***Vm calamum accepi, quiq; adstitit Angelus, inquit,  
Ocyus exurge, & sacri penetralia templi,  
Cultoresque illic, qui cœli numen adorant,  
Mensura, sacrâque iubet dimetiar aram,  
Atria mensurare caue, nam gentibus illud  
Attribui, sanctam calcabunt insuper urbem,  
Pérque quater denos menses, lunisque duabus.  
Ast subito eripiens, binis dabo testibus illam,  
Quique prophetabunt bis centum, mille diebus  
Atque duodenis lustris, & corpora vili  
Præcincti sacco, urgebunt resipiscere gentes.  
Hi sunt illæ oleæ binæ, & candelabra bina,  
Illius ante oculos, terræ qui sceptrâ gubernat.*



Si quis eis noceat, tum protinus ignis ab ore  
Exit, & hostiles consumet flamma cateruas.  
His indurandi cælum concessa potestas  
Ne pluat in terras, hi lymphas reddere possunt  
Sanguineas, plagasque velint quasunque nocentes  
Inferre in terras; dum vatum munera præstant.  
Ast ubi finierint, imo mox bestia abysso  
Exiliet, bellumque geret, victosque necabit.  
Inque vrbis magnæ plateis inhumata iacebunt  
Corpora, quam possis AEgyptum dicere verè,  
Et Sodomam; nam noster ibi Servator Iesus,  
Affixusque cruci fuerat, mortemque subiuit.  
Spectabunt ternis populi, linguaque diebus,  
Dimidiâque necem, nec cæsa cadauera condi  
Tellure, aut ullos tumuli patientur honores.  
Gaudebunt homines, & mutua munera mittent,  
Vatibus occisis, qui tristibus undique plagis  
Afflixere orbem nequam, Iouæq; rebellem.  
Sed cum condiderit sese lux tertia mundo,  
Et medium alterius cernas abysse diei,  
Spiritus ecce Dei rediuiuos corporis artus  
Restituet, rectosque pedes incedere vates  
Cernere erit, gelidus mortalia pectora terror  
Pulsabit, timidumque animum, & trepidantia corda.  
Tum vox audita è cælo conscendere vates  
Iusserat, accepit nubes, hostesque videbant

Diuiuos

*Diui nos testes celesti in sede locari.*

*Insequitur terra motus, motumque, ruina  
Vrbis, parte sui decimâ cecidisse recordor.*

*Et terræ oppressit motus, septena virorum  
Millia, sed reliquis concussit pectora terror,  
Et celebri Iouæ cecinere encomia laude.*

*Væ superest vnum tantum, duo transuerunt.*

*Septimus insonuit clangor, vocésque supernè  
Auditæ in cælo, capiunt terrestria finem*

*Imperia, & solus rerum potietur habenis  
Omnipotens, Christusque eius per secula cuncta.*

*Protinus in facies, viginti quattuor vnâ  
Procubuerunt senes, & proni numen adorant.*

*Dicentes, grates, imo de pectore grates.*

*Nos agimus, tibi celsæ Deus, qui semper es idem,  
Qui fueras, & quem venturum oracula pandunt.*

*Namque potestatem magnam, regnumque perenne  
Victoris inis, tumidas tempus compescere gentes,*

*Iudicij tempus, quo sanctis læta prophetis  
Præmia, quo cunctis nomen metuentibus alium,  
Paruisque, & magnis, æquali lance rependas.*

*Et perdas cunctos, cupiunt qui perdere terram.*

*Tum patuit templum in cælo, tum fæderis arca*

*In templo visa est, vidique micantia flammis*

*Fulgura, & audiui voces, tonitruumque tremendum,*

*Et terræ motum ingentem, cum grandine magnâ.*

## C A P. XII.

Mulieris parturientis signum apparet, cuius partui insidiatur Draco, qui à Michaële deuictus, deijcitur. Et quo magis vincendus excluditur, eò acrius pijs imminet.

**I** Amque aliud signum cælo apparebat aperto;  
 Femina quæ claro solis radiabat amictu,  
 Sub pedibus Lunam calcans, capitique coronam  
 Bis senæ stellæ aptabant, utrumque ferebat;  
 Exclamans, multo, prolem paritura, dolore.  
 Tunc aliud vidi signum, magnûsque, rufusque  
 Ecce Draco, cui longa decem sunt cornua fronti  
 Et septem capita; inque illis diademata septem.  
 Stellarum ternam partem caudâque trahebat,  
 Inque ipsam proiecit humum, nec destitit vnquam  
 Horridus ille Draco paritura assistere, donec  
 Prolem absorpsisset, carissima pignora matri.  
 Illa enixa marem, cui ferrea sceptrâ, rebelles  
 Pacabunt gentes, subitoque ad sydera raptus,  
 Adque thronum louæ, serpentis fugerat iras.  
 At mulier loca sola petit, sedemque paratam,  
 Tutò vbi pascatur bis centum, mille diebus,  
 Et sexagenis, rabidi secura Draconis.

Tum



Tum magnum in cælo vidi incrudescere bellum:  
Ex vnâ celsus pugnabat parte Michaël,  
Angelicaque eius gentes quæ castra sequuntur:  
Ex alia Dracomagnus erat, quique incolit Orcum  
Spiritus immundus, latis multa agmina campis,  
At subito Draco deuictus, cælestia nunquam  
In loca successit, sed magno pondere victus  
Pressit humum, comitésque vnâ cecidererebelles.  
Hic ille est Satanas, mundi seductor, & ipsum  
Illecebris totum vanis qui fascinat orbem.  
Tum vox audita in cælo, partam esse salutem;  
Virtutem, regnūque Dei, Christi que perenne  
Imperium, pulso Satanâ, qui nocte, diēque,  
Detulerat fratres in crimina ficta fideles.  
Ast illis Agni victoria sanguine parta est,  
Et veri fuerant constanti pectore testes,  
Prætulērātque sua diuina oracula vitæ.  
Propterea capiant leti noua gaudia cæli,  
Quique colunt cælos: sed vae qui terrea tecta  
Incolitis, vae qui degit vagus incola ponto.  
Ad vos descendit Satanas, atque æstuat irâ.  
Et quoniam exigui nouit sibi temporis vsum  
Concessum à Ioua, feruentius instat in iras.  
At Draco deiectus, sequitur vestigia semper  
Feminea, illius nuper cui mascula proles  
Edita, cui bina concessa cælitus ala,

Per-

*Pernicisque aquila, quibus in deserta viarum  
Auolet, illa petens solis arua inuia campis,  
Et propriam repetens sedem, diuinitus escam  
Pascitur ad tempus, per tempora, dimidiūque  
Temporis, & rabidi viuit secura Draconis.  
Tum Draco delusus, flumen post terga volantis  
Eiecit vomitu, rapidis vt mergeret vndis.  
Sed miserata illam tellus, tota æquora ficcis  
Faucibus excepit, gremioque absorpsit aperto;  
Et magno serpens irarum fluctuat aestu,  
Deseruitque illam, semper cum semine Sancto  
Bella gerens, quicumque Dei mandata verentur,  
Et pelagi extremis vestigia fixit arenis.*

## CAP. XIII.

Describitur bestia illa multiceps, quæ maximam  
mundi partem in idololatriam seducit, quæ ab  
alia bestia ascendente confirmatur.

**B**estia tunc ingens pelagi ascendebat ab vndis,  
Hæc septem capitum fuit, & bis quinque ferebat  
Cornua, dena super vidi diademata, cornu  
Quodq; suo; capitique inerat Blasphemia nomen.  
Vr finis animal pedibus fuit, ore leonem  
Prætulerat, reliquo similabat corpore pardum.

*Illi virtutem seuus Draco detulit omnem;  
Imperium, sceptrumque suum, viresque, thronumque.  
Tunc unum ex denis lethali vulnere vidi  
Afflictum caput, at subito de vulnere tanto  
Conualuit, totusque orbis miracula cernens  
Attoniti coluere animal, magnumque Draconem,  
A quo suscepit tam magnas Bestia vires.  
Dicebantque, pari num quis se robore iacet;  
Aut animali ausit magni certare Draconis?  
Osque datum est illi, magna & blasphema loquendi,  
Perque quater denos menses, lunisque duabus.  
Bestia mox ore in numen baccatur aperto,  
Inque tabernaculum Iouae conuicia iacet,  
Inque pios, qui tecta colunt caelestia ciues.  
Cum sanctis fera bella geret, quos vincere ferro  
Ioua dedit, late & toti dominarier orbi.  
Inque tribus, linguas, gentes, populosque potentes.  
Et cuncti coluere illam, quicumque volumen  
Ignorant vitæ, quorumque oblita libello  
Nomina sunt Agni illius, qui cæsus ab orbis  
Principio, primus mundi cum surgeret axis,  
Humanam proprio seruauit sanguine gentem.  
Audiat auritus; quisquis captiua triumphat  
Agmina, serui patietur vincula collo.  
Sanguine qui gaudet fuso, humanoque cruore,  
Non aciem ferri, aut cadem vitabit acerbam.*



*Hic pietas, hic se in Sanctis patientia monstrat.*

*Bestia tunc alio ex terra ascendebat hiatus  
Cornua bina ferens, Agnique simillima fronte.  
Sermo Draconis erat; vires, regnumque prioris  
Coram exercebat, mandat cultoribus orbis  
Ut pelagi monstrum pro cæli numine adorent,  
Cuius lethalis curata ex vulnere plaga est.  
Edidit hæc multis miracula maxima signis,  
Fecit & ardenti flammæ discendere cælo,  
Seduxitque homines, primique animalis imago  
Condita, quod nuper lethali à vulnere vixit.  
Quinetiam in factâ inspiravit imagine vitam,  
Effecitque loqui, cultum quicumque negasset,  
Non aliter tantum facinus quàm morte piabat,  
Atque characterem magnos paruosque cœgit,  
Ditè/q; ac inopes, seruos ac libera colla  
Frontibus accipere, & dextrâ præferre patenti.  
Edicto cautum, ne quis diuendere posset  
Aut emeret, nisi signa gerens hæc fronte, notâsque.  
Si nomen numerumque eius tu forte requiras,  
Et sapere exoptas, primum sexcenta recense,  
Sexaginta addas & sex, sic Bellua constat.*

## CAP. XIII.

Agno stante super montem Sion : vnâ cum castis  
suis cultoribus , Angelus vnus Euangelium  
nunciat : Alius Babylonis causam prædicit:  
Tertius bestiam vitari monet. Vox è cælo bea-  
tos illos pronunciat, qui Domini causa mo-  
riuntur. Mittitur postea falx Domini in mes-  
sem, & in vindemiam.

**E**Cce Agnum vidi, stantemque in monte Sionis,  
Centum illi astabant, decies quatuorque piorum  
Millia bisque duo, patris signata sigillo.  
Tum vox audita è cælo, ceu flumina ripis  
Multa fremunt, tonitruque ingentia marmura miscet.  
Audiui & cælo cytharas, & plectra canora  
Ante thronum, lectosque senes, animaliaq; ipsa,  
Psallebantq; nouum carmen, quod discere quisquam  
Haud possit, nisi dena quater, queis millia centum,  
Ac duo bis iungas sancto qui monte manebant.  
Facibus è terræ cunctos hos emerat Agnus;  
Castaq; Virginitas, ac inuiolata remansit  
Nullius polluta thoro; nec femina cuiquam  
Nota fuit, Christumq; Agnum quâcunq; sequuntur  
Primitiæ louæ, ac Agni gens inscia fraudis

A a 2

Atq;

Atq; doli, gens nullius male conscia culpa.  
Angelus inde alius medium sulcabat Olympum,  
Promulgans verbum æternum, & sic voce profatur.  
Discite mortales, Iouæ laudē, que, metūque,  
Iudicij aduenit non euitabilis hora.

Mox alium audiui, cecidit, quæ maxima nuper  
Præcipuas inter Babylon caput extulit vrbes.  
Vix Babylon cecidit, nam Vinum præbuit iræ  
Gentibus, expressit fædo quod corpore scortum.

Angelus insequitur sic tertius ora resoluens;  
Si quis adorarit, quod prodijt æquore monstrum,  
Effigiemq; eius cultu obseruauerit amens,  
Quique characterem dextrâ, vel fronte patenti  
Gestâr it demens, hic pocula plena fuoris  
Ebibet, & Iouæ immensâ se proluet irâ.

Perpetuus cruciatus erit, nec nocte quietem  
Nec luce inuenient, sed torrida sulphure flamma  
Torquebit miseros, fumū, q, ascende ad auras.  
Hic se Sanctorum constans patientia monstrat,  
Hic Iouæ seruat quisquis mandata, probatur;  
Hic probitas, hic alma fides, pietasq; patescit.

Tunc vocem ex cælo me compellasse recorder  
Dicentem, scribes; ô terq; quaterque beati  
Qui Domini causâ vitam cum funere mutant  
Spiritus affirmat; requies nam parva laborum,  
Et benefacta illos, faciunt quæcunq; sequentur.

Aspexi,



*Aspexi, & subito visa est mihi candida nubes,  
Ac homini similis, qui nube infederat albæ,  
Lata corona caput multo redimiuerat auro,  
Atq; manu dextrâ falcem gestabat acutam.  
Angelus inde alius, templi è penetralibus exit,  
Alloquiturque illum qui nubi infederat albæ.  
Nunc age, tempus adest, terræq; immittito falcem;  
Aruit omnis ager campis, maturâq; messis  
Pondere succumbens gravidis flavescit aristis.  
Nec mora, demessa est Cereali munere tellus.  
Caestri è templo tunc Angelus exijt alter,  
Falciger ille etiam, quem sacrâ aduectus ab arâ  
Angelus alloquitur, qui maximus imperat igni:  
Tempus adest, nam iandudum maturuit uua,  
Falce metas botros, & culti iugera Bacchi:  
Paruit extemplo, facta est vindemia terra;  
Vinea falce cadit, magnæ lacus excipit iræ  
Calcandas uuas, procul extra mœnia sacræ  
Calcatus lacus orbis erat, multôq; cruore  
Diffluxit, sanguisq; ad fræna ascendit equorum,  
Per spatium sanguis stadiorum mille cucurrit  
Et sexcentorum, sic torcularia sudant.*

## C A P. XV.

Apparent septem Angeli habentes plagas septem vltimas. Victores bestię Deum laudant. Angelis septem dantur septem diuini furoris phialæ.

**D**Einde aliud signum valde admirabile vidi  
In cælo, septem Angelicâ de gente Miniſtri  
Poſtremaſ plagas completæ celitùs iræ  
Attulerant, vidi Vitrei tanquam æquora ponti  
Mixta igne, aſtanteſq; illos quicunq; triumphum  
Rettulit ex monſtro, vel monſtri nomine, ſiue  
Nominis ex numero, pſallebant carmina Moſis  
Ad cytharas, carmênq; Agni: Tua maxima Ioua  
Sunt opera omnipotens, & mirabilia cuncta:  
Sunt iuſtæ rectæq; via, Rex inclyte Regum,  
Quâcunq; incedis, quis non tua magna timebit  
Numina, quis Iouæ laudémq; decûſq; negabit?  
Solus enim es Sanctus, cunctæ tua numina gentes  
Sacra colent, tandem nam ſunt tua cognita terris  
Iudicia, egregiôq; regi moderamine mundum.  
Deinde tabernaculum cælo apparebat aperto,  
Fæderis æterni teſtis, templôque recluſo  
Cum plagis ſeptem Angelici exiuerent Miniſtri.

Can.

Phial. effusionem C A P. XV. plagæ consequuntur. 37

*Candida vēstis erat puri de flamine lini,  
Ex auro zonæ cingebant pectora, mammis.  
Tunc animans unum ex quatuor mox tradidit illis  
Ex auro phialas, quas Iouæ impleuerat ira.  
Fumabat templum, tanta est præsentia Iouæ,  
Maieſtas, Virtusq; eius, nec limina templi  
Ingressum dederant, dum finiuerunt Ministri  
Angelici plagas, cælestisq; ira quieuit.*

C A P. XVI.

Effundunt Angeli septem commissas sibi diuini furoris phialas, quibus effusis, variæ plagæ in orbe terrarum exoriuntur, ad terrendos improbos, & magnæ vrbis incolas.

**T***U*m vox Angelicos è templo affata Ministros  
Ite, ait, & phialas in terram effundite septem,  
Diuinæ phialas iræ: primusq; repente  
Effudit phialam, quæ noxia vulnera fecit  
Besticulis, cunctisque, eius quos terret imago.  
Altera diffusa in pelagus, tota æquora putri  
Compleuit sanie, ceu pus quod mortua reddunt  
Corpora, nec quicquam ponti sub marmore vixit.  
Tertius in fontes, & flumina mitia terræ  
Diffudit phialam, manabant sanguine riui,

*Clau-*



Clamauitque ipsis qui præsidet Angelus vndis,  
Iustus es, ô Iona, & iudex æquissimus Orbi,  
Qui fueras, semperque idem es, tua sancta veremur  
Iudicia in terris; gauisi sanguine vatum  
Sanguineos potant latices, & plena cruore  
pocula; quem subito sequitur qui sancta tenebat  
Angelus, & fatur, Deus ô cui summa potestas;  
Iudicia in terris tua insta & vera fatemur.  
Angelus hinc phialam quartus diffudit in Orbem  
Soliferum, sequiturque ingens ac torridus æstus;  
Igneus æstus erat, blasphemaque verba loquuti  
Sunt homines, propter missam diuinitus iram:  
Sed mentem in melius non mutauere rebellem,  
Nec laudem, ut par est, dignam tribuere Tonanti.  
Tum regnum super atque thronum, quo bestia sedit,  
Angelus effudit phialam, tenebræq; repente  
Inuasere thronum, & regnum caligine cecâ;  
Compuleratque dolor tacituras mandere linguas,  
Et louæ maledicta dabant, sic Ulcera fæda  
Excruciant miseros, vix è mortalibus unum  
Penituit, fugitque mela commercia vitæ.

Effudit phialam sextus, qui decidit ingens  
Flumen in Euphratis, siccisq; exaruit vndis.  
Vt via quos oriens mittet tranquilla paretur  
Regibus; aspexi, vidiq; ex ore Draconis,  
Et monstri illius magni falsique prophetae,

Pneu-

*Pneumata, ceu ranas tres exiuisse palustres.  
Hæc sunt dæmonia, his signorum mira potestas,  
Miraculisq; Valent, Regesq; in prælia cogent,  
Illius magni, quem fixit Ioua, diei  
Adueniam, furisq; instar, quater ille beatus  
Qui vestitus erit, ne nudum tegmine corpus  
Aspiciant, Videantq; pudenda opprobria carnis.  
Monte Mageddonio, campis ubi Sisara victus  
Occubuit, celebris cernent certamina pugna.*

*Septimus effudit phialam, vastoque resedit  
Aëre, vox Jequitur temploque; audita, thronoque; :  
Factum est, & tandem ceperunt omnia finem.  
Fit sonitus fulgurq; ingens, tonitruoque; tremendum,  
Et terræ motus magnus, non sæcula talem  
Vlla recordantur primæui ab origine mundi.  
Dirupta in ternas tunc est urbs maxima partes,  
Et cecidere omnes habitata gentibus urbes.  
Ac animum subiit memorem Iouæ omnipotentis  
Illa ferox Babylon, cui pocula præbeat ira.  
Disparent montes, non insula credere ponto,  
Diffugitq; petens latebras, magna; talenta  
Grandinis, in cunctos terræ qui tecta colebant  
Deciderant, tantaq; homines mouere procellæ,  
Vt blasphemarent cæli terræq; parentem.*

## C A P. XVII.

Describitur meretrix illa magna, cum qua Reges  
terræ scortantur, ebria piorum sanguine: &  
bestia quæ portat illam: mysterium vtriusque  
& exitium. Postremò Agni victoria.

**T**unc unus, phialam in terræ qui effuderat orbem  
Angelus accessit, dixitque, huc ocyus ad sis,  
Monstrabòq; tibi meretricis fata superba,  
Quæ tumido fastu multis superinfidet undis.  
Vile illud scortum, cunctis se Regibus orbis  
Prostituit, vino temulentos reddidit omnes  
Cultores terræ, meruit quod corpore fædo.  
Haud mora, ab humano procul in loca dissita cultu  
In deserta feror, subitò me spiritus illuc  
Transtulerat, mulier visa est, quam rubra vehebat  
Bestia, nominibus Blasphemis plena, decemque  
Cornua erant fronti, & septem capita alta ferebat.  
Purpureo mulier corpus velabat amictu,  
Coccinea vestis erat, puri non defuit auri  
Copia, gemmarumq; aderat pellucidus ordo.  
Aurea pocla manu fædo scortatio vino  
Polluit, immundis replens, quod abominor, visus.  
Inscriptum fronti Babylon, mysteria disce,

Scorto-



Scortorum mater, meretrix primaria terræ,  
Ebria erat mulier Sanctorum pota cruore,  
Nec me cernentem parua admiratio cepit.  
Angelus hinc, inquit, cur te admiratio tanta  
Corripuit, nam cuncta tibi mysteria pandam?  
Bestia v. sa tibi, non est, sed vixerat olim,  
Atq; iterum ex imo veniens ascendet abyssō,  
Exitiumq; petet, mirabitur incola terræ,  
Nomina qui nescit vitæ descripta libello  
Huc aduerte animum tibi si sapientia curæ est,  
Si septem capitum numerum, & mysteria queras;  
Sunt septem colles, quos muro circumit uno  
Impura hæc meretrix, quæ montibus infidet illis.  
Sunt etiam septem Reges, fatalia quinque  
Debita soluerunt, unus nunc sceptratuetur,  
Nondum alius venit; sed postquam aduenerit, illum  
Ostendent tantum terris crudelia fata:  
Bestia quæ fuerat, non est, hunc esse notabis  
Octauum, quanuis è septem dicere possis.

Cornua fronte decem, totidem sunt sceptratenentes  
Regia, sed nondum regno, sceptrisq; potiti.  
Acceptumq; una regnum cum bestia inibunt  
Concilia, & vires iungent; mens omnibus una,  
Cedere iure suo, & regnum concedere monstro.  
Contra agnum fera bella gerent, sed prælia vincet  
Agnus, & electi cuncti, sanctiq; vocati.

Bb 2

Nam

*Nam dominus noster Reges supereminet omnes.  
 Angelus hinc, inquit, meretrix quibus infidet undis  
 Sunt populi, & gentes, linguæq; & maxima turba;  
 Cornuâque illa decem, tandem dignum in meretricem  
 Concipient odium, desolatamq; relinquent,  
 Et nudam, crudis nec parcat carnibus esca,  
 Assabuntq; etiam, & calido torrebitur igne.  
 Sic placuit Iouæ, Reges sua subdere monstro  
 Sceptra semel, sed cum cepere oracula finem,  
 Tum demum iussit rapidis exurere flammis.  
 Femina visa tibi, totius maxima terræ  
 Vrbs est, quæ Reges supra caput extulit omnes.*

## C A P. XVIII.

Horrendum Babylonis excidium proponitur. Lu-  
 gent negotiatores terræ, quæ ex pompa & luxu  
 eius ditati sunt. Exultant verò omnes electi, ex  
 tam iusta Dei ultione.

**T***Um cælo in terram descendit nuntius alter,  
 Magna cui virtus, totus resplenduit orbis  
 Maestate viri, magnâq; hæc voce profatur:  
 Nunc cecidit Babylon, prauisq; est hospita facta  
 Dæmonijs, nequamq; hæc spiritus incolit antra,  
 Immundæque simul volucres, nam Regibus illa*

Cun-

Cunctis mæcha fuit, mercatorésque beaui  
Diuitys, vinumque dedit, vinumque biberunt  
Omnigenæ gentes, irati ob crimina Iouæ;  
Crimina adulterij meretricis crimina fædæ.  
Mox alia è cælo vox est audita, popelle  
Mi procul egredere in terram, Babylone relictâ;  
Ne scelere illius, plagisque ob crimina multa  
Participes, cumulata eius peccata luatís.  
Nam creuit scelerum numerus, cælestia tangens  
Atria, Ioua memor meretrici digna rependit  
Supplicia, & pænas sceleratâ à gente reposcit.  
Reddite ei duplum, quæ vobis noxia cunque  
Fecerat, eiusdem date mutua pocula vini  
Mensurâ duplâ, quantum sese extulit illa,  
Quantum luxuriæ tribuit, tanto omnia luctu  
Impleat, & misero cruciatu gaudia penset.  
Nâq; animo hæc secum tumido, Regina per orbem  
Præfideo, vidui nec noui tædia lecti,  
Nec dolor alterno vertet mea gaudia luctu.  
Ergo unâ Venere die luctusque, famésque,  
Et mors, & mortis comites, exusta que flammis  
Igne luit pænas, iustus sic omnia vindex  
Constituit scorto, sic stat sententia Iouæ.  
Tum timidi flebunt Reges, & mollis adulter  
Ingemet ad clades, cum fumum ascendere in auras  
Viderit, & dicent, Babylon vrbs maxima terræ



*Vah cadis, & subitâ premeris depressa ruinâ,  
Iudicióque Dei, meritas qui exarsit in iras.*

*Quin mercatores etiam spes perditâ lucri  
Incitat ad luctus, quum merces ampliùs illas  
Nullus emat, merces auro, argentóque refertas,  
Quas merces gemma, & pretiosis serica villis,  
Purpuraque, & rubri commendat gratia cocci:  
Omne thymum, lignum, vasa omnia eburnea, vasa  
Ex ære & ferro, & pario de marmore facta,  
Suffitus, cinnamomum, & redolentia thurâ,  
Vnguenta, & vinum, ac oleum, triticum, similâmq;  
Iumenta, & pecudes, & equos, rhedâsque sequentes,  
Mancipia, ac animas hominum, non ampliùs in te  
Inuenient opera, aut maturo tempore fructus  
Delitias facient, procul à te cuncta recedent  
Egregia, hinc istis ditati mercibus, eheu  
Clamabunt, vrbs magna perit, cui byssina vestis,  
Purpuraque, & coccus velabant tegmine corpus,  
Totâque conspicuis gemmis radiabat, & auro.  
Quomodò diuitias tot, parvâ aboleuerit horâ.  
Necnon & nautæ, qui nauibus æquora sulcant,  
Quique mari quæsum faciunt, incendia cernent  
Illa procul, dicentque, Vrbs magno talis in Orbe  
Num fuit, aut nautas pretijsque, opibûsq; beavit?  
Fœdabuntq; caput cineres, luctûmq; ciebunt.  
Exulta O cælum, Sancti exultate Prophetæ,*

*Exul-*

Exultetque Sacer quem Christus misit in Orbem  
Ille chorus, vestro sumit de sanguine penas  
Nunc Deus, & tumidos vindex vlciscitur hostes.

Angelus inde alius dextrâ saxum arripit ingens,  
In mare proiciens, magni mola ponderis illa  
Visa mihi, ac inquit, Babylon tanto impete magna  
Corruet, & nunquam posthac caput efferet Orbi.  
Non tuba, nec cytharæ, nec musica tympana posthac  
In te festiuâ resonabunt carmina Voce.

Artificum ignorabis opus, mola nulla minutam  
Confringet Cererem, non in te lampadis vsus  
Vllus erit, nulli celebrabunt festa hymenæi.  
Nanq̃ tui quondam, vel magnis Regibus æqui  
Mercantes fuerant, per te seductaque tellus  
Præstigijsq̃ tuis, sanguis super omnia, sanguis  
Sanctorum vatum, & quisquis mactatus in Orbe  
In te est inuentus, loudmque accendit in iras.

## C A P. XIX.

Laudant cælestes Deum , quod vindicarit sanguinem suorum è manu meretricis. Beati scribuntur , qui ad cœnam nuptiarum Agni vocati sunt. Angelus adorari se prohibet. E cœlo summus ille Rex regum apparet. Bellum oritur , in quo apprehenditur bestia, & in stagnum ardens deijcitur.

**T**um vox ingentis turbæ resonabat Olympo,  
 Eia Deum laudate omnes, nam gloria; honósq; ,  
 Virtus, atque salus, Domini sunt omnia nostri:  
 Nam quæcunq; , facit sunt iusta , & Vera per Orbem  
 Iudicia, infamis lata est sententia scorti,  
 Cuius vesana est corrupta libidine tellus;  
 Móxq; , iterum laudate Deum per secula cuncta,  
 Exusta ascendit meretricis fumus ad auras.  
 Tum proni in faciem viginti quattuor vnà  
 Procubuerunt senes, quatuórque animalia Iouam  
 Sessorem solij, magnâ laudantia Voce.  
 Vóxque throno audita est, Iouam laudate, timetis  
 Quicumque illius nomen, ditésque, inopésque ;  
 Et vocem audiui, tanquam quæ flumina murmur  
 Multa cient, vel quæ sonitum procul ære canoro

Dat



Dat tuba, vel fulmen, quod cælo detonat alto.  
Eid Deum laudate omnes, nanque imperat Orbi,  
Et Dominus noster rerum molitur habenas  
Omnipotens, leto celebremus gaudia cantu;  
Nanque Agnus ducet, cui longo tempore, sponsam  
Accepitque, deditq; fidem, se ad coniugis illa  
Aspectum ornavit, sponsæ data byssina vestis;  
Hæc sunt, quæ sanctos homines benefacta sequuntur.  
Tum dixit, scribas; ô terq; quaterq; beati,  
Acciti ad thalamos agni, & conuiuia leta.  
Hæc veri sunt verba Dei, ceciditque repente  
Ante pedes, culturus eram, verum Angelus ipse  
Me vetuit, dicens, sum tantum seruus Iesu,  
Conseruusque tuus, testisque ex fratribus unus  
Veridici Christi, quo cuncta oracula tendunt,  
Fac Iouam metuas, & Iouæ numen adores.

Tum cæli patuere fores, albiq;que repente  
Exit equus, nomen, verax simul, atque fidelis  
Sessori fuerat, pugnat qui, & iudicat æque,  
Lumina flammabant oculis, diademata multa;  
Ornamenta aderant capiti; nec nomina norat  
Præter eum quisquam, rubicundo tincta cruore  
Vestis erat, sermoque Dei pro nomine dictus.  
Ponē sequebantur caelestes ordine turmæ,  
Vestibus ex bysso puro, niueisque vehentes  
Semper equis, gladius prodibat acutus ab ore

Quo feriat gentes, ipse est qui ferrea sumet  
Sceptra manu, gentesq; reget, vincetq; rebelles,  
Calcabitq; lacum magnum, cui vina furoris,  
Iratq; inerunt Iouæ, Iouæ omnipotentis.  
Vestibus inscriptum fuerat, famoriq; recluso  
Insculptum nomen, Regum Rex maximus, atq;  
Supra omnes Dominos: clamabat solis ab Orbe  
Angelus hic, Volucris quæ finditis æthera pennâ  
Huc adsitis aues, vos ad conuiuia magni  
Inuito festina Dei, nam Regia præstò  
Fercula erunt, Regum carnes, hominumq; potentum,  
Bellatoris equi carnes, quiq; infidet illis,  
Libèrque & seruus, vobis præbebitur esca,  
Bestia, tum terræ Reges in bella coëgit,  
Illum aduersus, equo pugnans, qui insederat albo;  
Sed captiua fuit, captus quoq; pseudopropheta,  
Qui vanum, fictis signis, eluserat Orbem,  
Besticoldsque, & quos monstri terreat imago.  
Hi duo in ardentem coniecti sulphure flammam,  
Occisi reliqui ferro, quod sessor acutum  
Ore gerit, Volucres illis saturantur abundè  
Carnibus, & lautis celebrant conuiuia mensis.

## CAP. XX.

Angelus, Satanam vinculis constringit ad mille annos, quibus solutus Gog & Magog, hoc est, occultos, & apertos Ecclesiæ hostes, in Sanctos Dei concitat. Sed Domini vindicta coërcet illorum insolentiam. Aperiuntur libri, ex quibus iudicantur mortui.

**D**Einde alium celso vidi descendere cælo  
Angelicæ gentis, clauem portabat abyssi,  
Inque manu validæ gestabat vincla catena,  
Antiquum serpentem illum ( delator iniquus  
Dicitur, ac Satanas hostis ) dextrâque prehensum  
Nexuit, ac imo nexum conclusit abyssus  
Ne miseras posset Satanas seducere gentes,  
Mansurum per mille annos ; tum postera soluent  
Sacula, & exigui concedent temporis usum.

Mox vidi sedes positas, stabilitaque cælo  
Iudicia, hæc Sanctis fuerat concessa potestas,  
Ac animas hominum vidi, quicumque securi  
Percussi fuerant, dum sacra oracula vitæ  
Prætulerant propriæ, & mundi ludibria spernunt.  
Hi neque besticollæ fuerant, neque Bestiæ imago  
Culta illis, nullus dextrâ, vel fronte character.  
Viuent cum Christo, & regnabunt mille per annos ;



Cætera turba tamen, cognato in puluere, somnum  
Dormiet, haud victura, prius millesimus annus  
Quàm completus erit, hæc est surrectio prima.  
O ter felices homines quæis portio in istâ  
Contigit; haud illos vnquam mors altera lædet;  
Pontifices, Regesque Dei, Christi que, per annos  
Millenos: quos ut currens absoluerit ætas  
Carcere soluetur Satanas, totumque per Orbem  
Cardinibus terræ è quatuor Gogum atque Magogum,  
Innumeras gentes populosque in prælia coget  
Qualis Arena maris numerari nescia ponti  
Spargitur in campos, & latè littora complet.  
Castraque metati, sacram Iouæque per urbem  
Obsidio firmata fuit, sed cælitus ignis  
Depluit, ac hostes flammanti absorbuit æstu:  
Seductor Satanas, in seui sulphuris ignes  
Coniectus fuerat, pænas ibi pseudopropheta  
Ille luit, patiturque immanis Bestia flammæ.  
Ecce thronum magnum, & niueo candore nitentem,  
Et cælum, & tellus, faciem fugere sedentis,  
Machinæque antiqui subitò disparuit Orbis,  
Ingentes populi astabant, & mortua turba  
Ante Deum, magnique aderant, simulatque pusilli.  
Iudicijque liber patefacto tegmine lectus;  
Quemque reum, ex dictis proprijs, factisque peregit.  
At alij patuere Libri, vitæque volumen

*Adfuit, & Christi electos seruauit Iesu.  
Quos mare uel uolunt tumidis absorbuit undis :  
Quos mors abripuit, quos infera regna profundo  
Excepere sinu, cunctos sub iudicis ora.  
Constituent, ut pro meritis condigna reportent.  
Mors in stagnantes damnata est igne paludes,  
Infernusque simul; mors hac est illa secunda.  
Et cuius vita non est in codice nomen,  
Ille, locis penas soluit stagnantibus igne.*

CAP. XXI.

Nouam Ierusalem descendentem è cœlo, sponsam, Vxorem Agni, ac illius structuram describit, pretiosis lapidibus ornatam, cuius templum est Agnus.

**M**ox cœlum & tellus, (nam primus vanuit Orbis,)   
Sunt noua visa mihi; nec vasto gurgite Nerëus   
Amplius extabat, totisque abcesserat undis.   
His oculis vidi Solymæ noua mania sanctæ,   
Comptæ instar sponsæ, summo descendere cœlo.   
Voxque audita polo, nunc Ioua habitacula ponit   
Humanos inter populos, hominumque vocari   
Vult Deus, & populum rursus appellabit amicum;   
Abstergetque oculis lachrymas, non amplius horror

*Mortis erit, tristici cessabit nenia luctu.*

*Nec dolor extabit, nec maestus clamor in ore.*

*Nam primam interiere, throno qui insederat albo  
En noua nunc, inquit, facio quaecunque per Orbem  
Extiterant, iussitque hæc verba fidelia scribam.*

*Actum est; ille ego sum, qui primus, & ultimus, & qui  
Principium & finis, sumque Alpha & Omega solus.*

*Qui sitit, accipiet uina de fontibus unde,  
Et gratis dabo, nec pretio mercabitur ullo:*

*Cunctorum possessor erit, qui vicerit hostem.*

*Propitius Deus illi adero, mihi filius ille*

*Charus erit, sed gens timida, ac incredula turba,*

*Gens execranda, ac effuso sanguine gaudens:*

*Dedita gens scortis, vetitas quæ inquirat in artes,*

*Quique idola colunt, fictâ mendacia fronte*

*Quique tegunt, illis stagnanti portio in igne*

*Dicta est, & morti suberunt post fata secunda.*

*Tunc unus, phialam in terræ qui effuderat Orbem,*

*Accessit, dixitque mihi, tibi protinus Agni*

*Vxorem ostendam, casto quam ducere nexu*

*Decreuit, sociamque thori, propriamque dicauit.*

*Spiritus inde Dei, celsi me in culmina montis*

*Transtulit, ostenditque urbem, quæ maxima visa est,*

*Sanctam, inquam, Solymen, manantem à tegmine cæli:*

*Gloria louæ inerat, monstrabat lumen lassis*

*Chryalli splendens instar ter maxima sanctam*

*Mœnia*



Mœnia cingebant urbem sublimia, muris  
 Bis sex portæ inerant; in quâq; erat Angelus vnus,  
 Atq; Israëlîs descriptæ nomina stirpis:  
 Tres oriens vidit rediuiuo lumine portas,  
 Tres medio caluere die, tres sole cadent e  
 Hesperus aspexit, Boreas tres terruit alis.  
 Bis sex vallati fuerant fundamina muri,  
 Et sacer ille chorus per Christum emissus in Orbem  
 Nominibus descriptus erat, mox ille loquelam  
 Qui mihi contulerat, calamum gestauerat auri,  
 Mensurûsque urbem, portâsq; & mœnia sancta.  
 Vrbs quadrata fuit, longi, lati, atque profundi,  
 Æqualis mensura cubi, duodenâque ritè  
 Angelus explorans stadiorum est millia mensus.  
 Centenis murum cubitois, deciesq; quaternis  
 Quattuor est mensus, mensurâque funditus vna est  
 Angelica, ac hominis; sed murus laspide constat,  
 Vrbs puro constructa auro, vitrôque nitente.  
 Fundatus murus pretiosis vndique gemmis;  
 Fundamentum vnum viridis ponebat laspis,  
 Sapphirus sequitur, lapis à Chalcedone dictus  
 Tertius, at quarto Smarragdus in ordine, quintus  
 Sardonichi similis fuerat, sextûsque locatur  
 Sardius, & nomen puro qui ducit ab auro  
 Chrysolitus sequitur, numerôque Berillus in illo

Octa-

Octauus, nonum redditque Topazius, atque  
Chrysoprasus decimum, lapis vndecimūque Hyacinthus,  
Postremūque Amethystus erat, fundamina complens.  
Bis sex ē gemmis portæ, gemma unica totam  
Complebat portam, purum fora fecerat aurum.  
Templum nullum inerat, Ioua is, cui summa potestas  
Omnipotens Agnus, templi vice munia complet.  
Nil Lunā, nil Sole opus est, sic gloria Christi  
Eminet; atque Agnus clarā sic Lampade fulget.  
Inque illā incedent seruat & lampade gentes.  
Adque ferent Reges illi, laudēq; & honorem.  
Tempore nec stridens claudetur porta diurno,  
Nec nox obscurā tinget caligine terras.  
Et cunctæ gentes magnarum encomia laudum  
Vsq̃ue ferent, nil hāc pollutum, aut vrbe prophanum,  
Aut mendax inerit, sed quorum inscripta libello  
Nomina sunt Agni, qui vitæ continet album.

---

## CAP. XXII.

Ostenditur aquę viuę fluuius, & arbor vitę, sequitur prophetiæ huius conclusio, in qua Ioann. ostendit, verissima esse quę hîc continentur, & iam tertio repetit, dictata hæc omnia ab eo esse, qui est <sup>a</sup> & <sup>n</sup>.

**D**Einde mihi ostendit, viuis manantia lymphis  
 Flumina, chryalli puram referentia formam,  
 Et Iouæ è solio vidi procedere fontes,  
 Inq; fori medio, ac vtriusq; in margine ripæ  
 Arbor erat vitæ, per bis sex tempora lunæ  
 Fertilis, in menses cunctos sua poma ferebat,  
 Et frondes, possint quæ gentibus esse saluti.  
 Nec maledictum inerit, sed Iouæ habitaculum & agni  
 Hic inerit, famuliq; suo seruire Tonanti  
 Contendent, vultumque Dei, faciemq; videbunt.  
 Fronte patente gerent æterni nomen Iouæ,  
 Nec noctem agnoscent, nec cernent lumina solis,  
 Nec lucerna inerit, Iouæ præsentia clarum  
 Lumen erit, regnum per sæcula cuncta tenebunt.  
 Tum dixit, fida hæc sunt & veracia verba.  
 Sanctorum Dominus vatum, quem miserat ille  
 Angelus admonuit, venturo tempore posthæc  
 Quæ citò succedent, quæ proxima viderit ætas.  
 Ecce ego mox adero, istius quicunque libelli

D d

Verba



*Verba obseruarit, felix erit atque beatus.  
Ipse ego Ioannes hæc vidi, ac auribus hausi.  
Et cecidi in faciem pronus, pedibûsq; volutus  
Angelicis, culturus eram; Verum Angelus ipse  
Me vetuit, dicens, sum tantum seruus Iesu,  
Conseruûsq; tuus, Christi; ex vatibus vnus;  
Huius qui seruant diuina oracula libri,  
Æternum solum, cultu dignabere Iouam.  
Tum dixit, caue ne libri mysteria signes,  
Nam breue tempus erit, quò cuncta hæc ordine fient.  
Qui nocet, in noxâ pergat, cupiatq; nocere;  
Qui sordet, sordescat adhuc; sed iustior vsq;  
Iustus erit porrò, sanctus quoq; sanctior vsque.  
Ecce citò adueniam, & iustâ mercede laborum  
Pensabo cunctos, cuiusque ut facta merentur.  
Ille ego sum, rerum qui finis principiumque,  
Vltimus & primus, sumque Alpha ac omega solus.  
Quicumque illius seruant mandata beati,  
Illi ius plenum remanebit in arbore vitæ,  
Nec nisi per portas ipsam ingreditur in urbem:  
Ast incantator, stygio qui carmine gaudet,  
Immundiq; canes, & vilia corpora scorti,  
Ac homicida furens, fusi qui sanguinis auctor,  
Quique idola colit, vel fraudem versat in ore,  
Atque dolos nequit, procul extra mœnia sacra  
Urbis erit, degétque foris, nec limina tanget.*

Ipse

Ipse ego, Dauidicà Iesus de stirpe creatus,  
 Et matutino resplendens lumine fidus,  
 Emisi Angelicâ proprium de gente Ministrum;  
 Qui testaretur diuina oracula cunctis.  
 Spiritus inuitat, venias, & sponsa venire  
 Ipsa iubet, quicumq; audit, sitientia dicat  
 Labra, sitim sedent, viueq; è gurgite Lymphæ  
 Libet aquas qui vult, gratis sine pondere nummi.  
 Contestor, lecto quicumque volumine libri,  
 Addiderit quicquam, vano temerarius ausu,  
 Huic Deus adijciat scriptas hoc codice plagas.  
 Si quis diminuat, vel scripto verba libello  
 Auferet, illius sacrâ radetur ab vrbe  
 Nomen, & è vitæ discerpit lona libello.  
 Hac qui testatur, dicit veracia verba,  
 Aduentus citò noster erit. Te, Christe, precamur  
 Aduentum accelera, & nos in tua gaudia transfer.  
 Gratia vobiscum, sit Christi, semper, Iesu.  
Amen.

FINIS.

The text is extremely faint and illegible, appearing to be a list or index of names and titles, possibly related to the "List of the Members of the Society of the Friends of the African Race" mentioned in the caption.

2. INF




SERENISSIMI AC NO-  
bilissimi, Scotiæ, Angliæ, Franciæ, &  
Hybernæ Principis, HENRICI  
STVARDI *Illustrissimi Herois, ac*  
Mariæ Reginæ amplissimæ filij,  
*Genethliacum.*

A Patricio Adamsono Scoto, Poeta or-  
*natissimo Parisijs conscriptum, & ibi-*  
dem Typis audaciùs commissum,  
*25. Iunij, sexto à partu die.*  
I 5 6 6.



*A*





INCLYTISIMO, AC

*Nobilissimo Heroi, Carolo Walliæ*

*Principi, Duci Cornubiæ, &c.*



GENETHLIACON istud Augustissimi nostri Regis, Inclytissime princeps, statim ab ipso partu Parisijs adolescens author conscripsit, & sub ijsdem quibus nunc titulis tunc typis audens commisit vicesimo quinto Iunij, salutis nostræ anno millesimo quingentesimo sexagesimo sexto; ex quo triplicis Coronæ jura paterna fidens asseruit, quin etiam pacificam Regnorum coalitionem diuino vaticinio apertè prædixit: at non sine vitæ & fortunarum magno discrimine, qui idcirco arcto carceri commissus fuit. Quare quum Genethliacon hoc paternum, secunda hac editione limatum, diuino celsitudinis tuæ oraculo foelicissimo præuium sit, Iure tuo tibi vendicas, vt tandem aliquando, fructus vtriusque efficaces, & vberiores, tempore



suo oportuno percipias, & iisdem in Christo Sal-  
uatore vti frui possis, ad Iehouæ termaximj Glori-  
am, nostrum solamen, Ecclesiæ deniq; & Reipub-  
licæ salutem perpetuam. Vale Princeps op-  
time, veri principis Idæa. Edinoduno  
pridie Cal. Augusti.

1617.

*Inclytæ Celsitudinis vestræ  
observantissimus.*

THO. VOLVSENVs.

SER E-

SERENISSIMI  
AC NOBILISSIMI  
SCOTIÆ, ANGLIÆ, ET  
HYBERNIÆ PRINCIPIS,

Genethliacum.



*Vale iubar solis, campis dum surgit eoīs  
Esse solet, tenebris mortalia  
pectora cecis  
Eripiens, Roseaque illustrans  
Lampade terras :*

*Talis visa tui, Princeps, nascentis Imago  
Scotorum populis : Sic te commendat auorum  
Gloria, dum proprijs meritis æquabis olympum.*

*Iamque adeò passim grauidis pendebat aristis  
Alma Ceres, sterilisque annj leïunia campos  
Liquerunt, Martemque simul ciuilibus armis  
Ardentem, in pacem rerum conuerterat auct̃or.  
Miramur faciles auras, cœlique sereni  
Propitium numen, positosque è littore fluctus  
Aspicimus, vel nunc ferrj miteſcit in aurum  
Durities, redeuntque iterum Saturnia regna :  
Aut magnum heroẽm venturum in luminis oras  
Præſentit Natura parens, qui dicere terris  
Iura queat, dubysque orbem componere rebus.*

*Sic placuit superis. Genus alto à sanguine regum  
Nympha potens, Scotos Mauortia pectora frænat*

## Genethliacum.

Imperio: quondam thalamo sociata Iugali  
Francisco Regi: Nunc forti pectore, & armis  
Magnanimus tenet Henricus: Regumque potentum  
Progeniem, Sponsam Regum, Regum esse parentem  
Dij voluere; Etenim Scotorum fata vetabant,  
Quos vis nulla prius, non ipsi euincere ferro  
Romani poterant, quæ victis præmia belli  
Esse solent, vnam externi parere tyranni  
Imperio: quippe æternum molimina regni  
Dum spacium auricomus Titan percurrit olympi,  
Et peragit natura vices, sub gente futuram  
Stuarda, & Mariæ Diadema manere nepotes.

Ergo Merlini venit iam carminis ætas,  
Qui senior, fatigue Deum non futilis augur,  
Regia nympha, inquit, Gallorum soluet ab aruis  
Et pelagi per mensa vias, ventoque secundo  
Vecta, Caledonias tandem pertinget ad oras.  
Atque illic, virtute patrum fundata resumet  
Sceptra sibi: multosque reget feliciter annos.  
Illa virum virgo felicem fœdere lecti  
Efficiet, sed plus generosa prole beabit.  
O quantos animos parvæ cunabula molis  
Pressa tegunt? Quum tu firmis adoleueris annis  
Parvæ puer, validis tremefactum classibus æquor  
Implebis, finesque tui producere regni  
Fata dabunt, donec defuncti Marte Britanni

Addiscant



## Genethliacum.

*Addiscent vni tandem coalescere regno.*

*Sic cecinit : nec mens illum præsaga fefellit.*

*Nam simul ac Regis nati rumore secundo  
Fama volans, Regni latas afflauerat vrbes  
Tueda amnis, si vera fides memorantibus, ille  
Qui liquido nostros secernit limite fines  
Parte sui, attonitus rerum nouitate, putatur  
In fontes rediisse suos : Pars altera fertur  
Eo commissa mari. Tum protinus alueo  
Tueda pater sicco fluuialia numina Nymphas  
Affatur. Non has superi regnator Olympi  
Perpetuas dederat sedes, nec littora nobis  
Hæc semper pulsanda : alio sub sole penates  
Querendi, vel quæ hybernis nunc accolit vndis  
Vallia, vel quæ defessos Cornubia soles  
Cernit, & occiduum sese protendit in æquor.  
Illic fas nobis placidis decurrere lymphis :  
Scotorumque iterum nostris metabimur vndis  
Imperium. Nam sic rerum moderatur habenas  
Iuppiter, & stabili iusserunt numine Parcæ.*

*Ergo tot monitis Angli cælestibus acti  
Deposuerunt iras animis, ac Regia passim  
Dona parant ; Quicquid fului cumulauerat auri  
Regibus Anglorum, subiectis Gallia rebus :  
Et quæcunque auri peregrinis eruta venis  
Pondera, & Eoæ varios telluris honores,*

## Genethliacum.

Ignotas olim Pelagi quasita per undas  
Hispanæ intulerant tedæ. En qui proxima regni  
Lora tenent procures, fatiſ tibi delita diuûm  
Et ſceptrum & Diadema ferunt: Sat ſanguinis illos  
Pertæſum externi. Numerofî Saxoniſ armis  
Libertas oppreſſa olim: Normannia pœnas  
Satque ſuperque etiam truculento Marte popoſcit.  
At tibi quem pariter vitreis enutriet vlnis  
Alma Thetis, Regni æternos ſubmittere faſces  
Gaudent, & ſolum, cathedræ fatalis honore  
Dignantur. Hoſ tu placido complectere vultu  
Parue puer, caræ quo gaudes oſcula matri  
Iungere, & è mammis ſtillans educere nectar.

Nexæ animo veteris ſubeant diſcrimina belli  
Mortaléſque inimiciæ, multoque tuorum  
Martis opus crudele, vndantes ſanguine campi.  
Non illis impune fuit. Gens ardua bello,  
Viuida quid poſſit Scotorum in prælia virtus  
Senſere, & largo ſaturarunt ſanguine manes.  
Sat Marti, belloque datum: nunc fœdera pacis  
Lætus ini, ac Regniſ tandem prælate Britanniſ,  
Scotum Anglumue tibi nullo diſcrimine habeto.

Dumque hæc cura tenet diuiſoſ orbe Britanniſ,  
Ecce oratores iam læta Subaudia donis  
Inſtruit: & Galli delectæ corpora pubiſ  
Expediunt comiti quo nec præſentior ulluſ  
Conſilio, aut fuluiſ quiſquam conſpectior armis.

Quid

## Genethliacum.

Quid memorem gemmas, pretiosaque dona metalli,  
Quas Tagus, & diues voluit Pactolus arenas?  
Quidue Dioneæ referam velamina tela,  
Obductasque auro vestes, serpentinaque oris  
Fila auri, & Phrygio distinctas pollice lanae?  
Qualia si quondam infelix fecisset Arachne,  
Pallas vel sese dixisset iudice victam.

Ergo illos postquam Regali Regia luxu  
Accipiet, claris maiorum ornata triumphis,  
Galli oratores, antiquæ fœderæ pacis  
Sub Carolo percussa petent. Ne sperne rogantes,  
Neue illis metuas dextram coniungere dextræ.  
Nostra illos iuuat virtus, sensitque paratum  
Non semel auxilium labefactis Gallia rebus.  
Illa memor si fortè hostes periuria gentis  
Sollicitent, nec ius, nec fas, nec numina curent,  
Spectatas vires, atque auxiliaria iunget  
Arma tibi, ut citius possis frænare rebelles.

Iamque ubi tu cæsa firmaris fœdera porcæ,  
Mortales abeant curæ cælestia solum  
Volue animo: Tum te purâ baptismatis undâ  
Suscipient Proceres, ut sacri sanguine fontis  
Ablutus, prisque exutus labe parentis;  
Syncera pietate Deum, ceu dogmata verbi  
Sacra docent, puræque colas vestigia vitæ.

Carpe ergo virtutis iter, sæ unda ministrant

B

Maiores



## Genethliacum.

*Maiores exempla tui. Iam facta parentis  
Cerne oculis, quam sit Diuinæ munere formæ  
Prædita, quam pulchræ fulgent in corpore dotes:  
Quàm non mortalis vultus sub Iudice formæ  
Priamida, inuisos pomi cepisset honores.  
Præcipue, quam sit generoso pectore, quamque  
Regia, quam casti cingant præcordia mores:  
Quàm sit cara suis, quam iuste, & legibus æquis  
Temperet Imperium, ac regni moderetur habenas.  
Hæc tibi sint primis, ô Rex excelsæ, sub annis  
Ætatis primæua tuæ. Nunc imbue pectus  
Nectare cœlesti. Nam postquam adoleueris, arma,  
Atque tibi capienda, quibus pro tempora, clade  
Ciuii, iam dextra rubet, Tu cæde madentes  
Infanda, optata Turcorum strage piabis.*

*Ille, tuis atavis Lotarena ex gente, tyrannus  
Marte furens, regnum Solymæ populatus opimæ  
Abstulit & totum regni ius ponit in armis.  
Sed quid ego tandem tecum priuata recordor?  
Nonne vides, totum quantis terroribus orbem  
Concutit, ut Christum sceleratis obruat armis?  
Non illum ærata turre, non mania cœlo  
Educta, aut largo fluitantes æquore fossæ  
Arcere, aut tantum possunt cohibere furorem.  
Scilicet illi aquilæ cedunt, & lilia forsan  
Æqua nimis, varijsque audax Hispania signis,  
Surgentem*

## Genethliacum.

*Surgentem poterit ne Iubis perferre Leonem?  
Utque unum possit, Nunquid quos Martia gignit  
Scotia, tot vim posse putas tollerare leonum?  
Illa quidem, longo collapsis tempore rebus  
Imperij, & Franci in Gallos crescentibus armis,  
Et dum barbaries domitos oppressit Iberos,  
Et dum præda fuit peregrinis Anglia terris,  
Mutaretque suas nimium Germania sedes,  
Incolumi stetit imperio, regnata per annos  
Mille octingentos. Sed non sine numine diuum:  
Ut regnum antiquum, teque inuiolata tuorum  
Maiorum series rectorem educeret orbi.*

*Interea dum nos speratæ gloria laudis  
Læta manet, Regis nostri celebremus ouantes  
Natalem, quo non illuxit pulchrior, ex quo  
Leucothoes niueo Titan accensus amore  
Oceani totis sese perlauerat undis.  
Ergo iam festâ velentur fronde per vrbes,  
Et cuncti ducant choreas, & carmina dicant,  
Sistra sonent, Lunamque vetent deducere calo.*

*Quòd si non frustra ludit mihi pectus Apollo,  
Atque aliquid nostræ possunt in carmine vires,  
Seu latio aut graio mauius te carmine dici,  
Tum mea Stuardas laudes, & facta per orbem  
Musa ferens, postquam memori sacrauerit æuo,  
Forfitan arctoïum dicent me secula vatem.*





# CATECHISMVS LATINO CARMINE

REDDITVS, ET IN LI-

BROS QVATVOR DIGESTVS,

Patricij Adamsoni Scoti, poetæ

elegantissimi opera, at-

que industria:

\* \*  
\*

AC NVNC DENVVO PER THO-  
MAM VOLVSENVVM RECOG-  
*nitus & expolitus.*

---



---

LONDINI,  
Apud IOANNEM BILLIVM:  
Anno 1618.

CATTECHISMVS

PRIMUM

REDDITVS

PRIMUM

PRIMUM

PRIMUM

PRIMUM

AC RING

AC RING

AC RING



# JACOBI LAVSONII CARMEN.

**S**OL & Adamsonus perfundunt luce corusca  
Æquor, tellurem, fidereùmque polum.  
Ignita Phæbus, perlustrans lampade terras,  
Umbras corporibus pellit, ac ille animis.  
Ergo mare & tellus, & quas tenet igneus orbis  
Celestes animæ, & numina summa poli.  
Iam gaudete nouum vobis luceſſere solem,  
Quodque duos soles quos ferat orbis habet.

## Roberti Pontani Carmen in Catechismum.

**I**nuentis facile esse ferunt superaddere, rerum &  
Fundamenta semel iacta labore sequi.  
Vtilis illa tamen sæpe est industria, notum  
Præsertim splendor si nouus ornat opus.  
Ecce Catechesis, primus quam prodidit auctor  
CALVINVS, sacro magnus in eloquio.  
Hanc Methodum ante alias, vera pietatis amantum  
Concio Christi adum publica, iure probat.  
Hinc varijs variè visum est traducere, Græcè,  
Hebraicè, linguis innumerisque alijs.



Hoc ex parte etiam tentarunt carmine fratres,  
Atque ego perfectè iam prope finieram.  
Vidit PATRICIVS cum Constantinus, opellæ  
Admonitque manum noster ADAMSONIVS.  
Omnia qui melius percurrens, penè retexit:  
Non inuita dedit cui mea musa locum.  
Quicquid id est operæ, docilis pietate iuventus,  
Et nos, & studijs dedicat ille tuis.

DE EODEM.

Cuncti olim vates Scotto cessere poetæ,  
Scottia nunc palmam præripit ipsa sibi.

SERE.

SERENISSIMO PRIN-  
CIPi, IACOBO SEXTO SCOTO-  
RVM REGI INVICTISSIMO.

**S**CRIBIT Iosephus, Mosis parentes ex infantis  
forma coniecturam fecisse, liberatorem eum po-  
puli futurum, eamque ob causam praeceptum ty-  
ranni violasse. Id ut à vero alienum non pu-  
tem, faciunt reliquarum gentium Historia, quae  
in summis viris insignia virtutum seminaria, statim ab ipsis na-  
talibus eluxisse, testantur. Atqui ut rara in nonnullis dotes fue-  
rint, id tamen verè affirmare possim, neminem neq; nostrà, neq;  
patrum nostrorum memoria extitisse, ex cuius indole tanta spes  
Scotiae nostrae, atq; adeo toti Britanniae iamdiu afflictæ ac peri-  
clitanti affulserit. Certè qui Maiestati tuae assistunt, facile vi-  
dent nullam esse virtutem principe dignam, nihil à Iulio Polluce  
in praeclara illa ad Commodum Caesarem adhortatione in Rege de-  
siderari, cuius viua effigies in herbescente ista tua viriditate  
non suppullulet. Accedit tam ingenua, & liberalis educatio, ut  
talpa sit cecior, qui te salutare sydus huic insula exortum esse, non  
prospexerit: In qua ornanda, tametsi praepceptores nactus sis multò  
eruditissimos, ego tamen auctor esse velim eis qui ingenio & do-  
ctrina nonnihil valent, ut certatim industriam suam ad eam  
promouendam conferant. Certè, is mihi scopus fuit, ut cum, ex  
Fabij praecepto, pueri tenerum os, à poeta figurandum sit, haberes  
pietatis rudimenta Latino carmine, quae Maiestatis tuae vocem  
tenellam Deo consecrarent: iuuentusq; te praunte salutaria haec  
seminaria imbiberet. Neq; verò mihi multum in hoc scribendi  
genere tribuo, qui in hac arena iamdudum sim antiquarius, prae-  
sertim in hoc opere, quem mense vno perduxi ad umbilicum.  
Scripsi quidem in Gallia in ipso belli civilis furore, in canaculo

*apud hospitem Biturigensem, quotidiano vita periculo septem  
Menses delitescens, Iobum, & tragediam illius Herodis qui ab  
Angelo percussus teterrimè expirauit, misique Lugdunum ad  
Rouillium, sub M. Iacobi Macgillei, Senatoris tui prudentissimi,  
& macenatis mei beneficentissimi nomine, ex quibus coniectu-  
ram facient eruditi, si grauiora studia me non abstraxissent, po-  
tuisse nonnullam in eo genere laudem consecrari: verum quan-  
tum ciuili scientia, & sacrarum literarum studijs impenderim  
nunquam me penitebit. Nunc equidem habeo in manibus sex de  
Politia Mosaica libros prosa oratione, ex quibus utrumq;, ni fal-  
lor, eleuescet: Eorum partem iure sibi vendicabit vir omni  
laude maior Robertus Pitcarnius, Abbas Dunfermelenensis, tue  
Maiestati à secretis, qui me indies nouis beneficijs, non alio quam  
literarum amore, ornare studet. Certè id mihi semper cura erit,  
ut tue Maiestati quam enixissimè inferuiam, Christiꝫ Ecclesie,  
cui me totum consecraui, operam atq; industriam meam pro-  
bem. Deus Maiestatem tuam diu seruet Regno, &  
Ecclesie incolunem. Vale, Sanctiandrea*

*15. Calend. Mar.*

*1572.*

*Tuæ Maiestatis obseruantissimus*

*PATRICIVS ADAMSONVS.*

*LECTO.*





# LECTORI

BENEVOLO.

**C**ATECHÆSIN hanc, <sup>την συνηνη</sup>  
<sup>της ημερας</sup> complectentem, Eccle-  
siæ bono, in pietatis studioso-  
rum gratiam, Latino carmine  
redditam, In Scotia adolescens  
author conscripsit, & quadraginta quinque ab  
hinc annis, Augustissimo nostro Regi, ab in-  
fantia dicauit; vt ex Fabij præcepto tenerum pu-  
eri os, à poeta figurandum, haberet etiam Maie-  
stas Regia pietatis rudimenta sic edita, quæ  
Maiestatis suæ vocem tenellam Deo consecra-  
rent, Iuuentusque eadem præeunte, salutaria  
hæc seminaria imbiberet. Quæ, quum pieta-  
tis etiam studiosis, non solum apprimè vti-  
lia, verum etiam Christianæ iuuentuti perne-  
cessaria censeantur, vt multorum seriò instan-  
tibus votis satisfacerem; Ex re studiosorum vi-  
sum est, eadem nunc rariora ac studiosis in-  
primis desiderata, typis denuò mandare, & se-

cunda hac editione, multò iam castigatiore e-  
mittere, vt iisdem in CHRISTO Salvatore  
nostro, vt frui possit studiosa Iuuentus. Vale  
pie Lector; & quæ simplicium causa, simpli-  
cius scripta sunt, quo decet candore ani-  
mi lege. Edinoduno, pridie  
Calend. Augusti.

1617.

*Tui studiosissimus*

THO. VOLVSENVS.

**CATE**

# CATECHISMI LIBER PRIMVS

*De fide, Latino carmine redditi,*

*Patricio Adamsono Scoto Poeta  
elegantissimo Auctore.*

## DOMINICA I.

MINISTER.



*Va vitæ humanæ prima est, ac vltima me-  
P V E R. (ta?*

*Nosse Deum. M. Cur nosse Deum?*

*P. Quia conditor ipse est  
Humani generis, nosque hac pater opti-  
mus alma.*

*Luce frui voluit, sese ut fontemque, caputque,  
Et vitæ auctorem digno obseruamus honore.*

*M. Quanam ergo fiunt homines ratione beati?*

*P. Si Dominum agnoscant, eius si gloria pectus  
Occupet, ac toto vitæ resplendeat usu.*

*M. Cur queso hic vitæ statuis momenta beatæ?*

*P. Namque his sublati brutis animantibus esset  
Sors hominis miseranda magis. M. Qui numinis ergo  
Ignarus viuit, nil deploratius illo*

*Esse potest. P. Equidem ut dicis certissima res est.*

*M. Quenam cognitio verè est germana tonantis?*

B 3

P. Quum



## Libër primus

P. *Quum sic nouerimus diuinum numen, vt illi  
Sedulò præstemus qualem debemus honorem.*

M. *Quanam recta via est venerandi numinis, atque  
Quas habeat partes ediffere, & ordine perge.*

P. *Prima est, vt soli fiducia nostra tonanti  
Incubet: vt recto legis sub tramite, quisque  
Dirigat hoc vitæ stadium, pars altera: rebus  
Suppetias petere afflictis, dominique potentis  
Temporibus dubijs, certam implorare salutem,  
Tertia: postremo vt non solum pectore ab imo  
Nouerimus, fontem à Domino manare perennem  
Totius sine fine boni, confessio laudis  
Accedat: Studiumque almi testetur olympi.*

### DOMINICA. II.

M. **M** *Acte esto: verum membra vt per singula porro  
Progrediar, tu quod primū est puer ordine pande.*

P. *Nimirum, vt soli fiducia nostra tonanti  
Incubet.* M. *Id quanam fieri ratione putandum est?*

P. *Sese quum bonitas, & celsa potentia nobis  
Insinuant, summeque bonum, summeque potentem  
Nouimus.* M. *An nil præterea nouisse necesse est?*

P. *Plane inquā. Nec enim caussa est cur maximus ille  
Ferret opem generi impuro, mundoque rebelli  
Explorata Dei bonitas foret: Amplius ergo*

*Poscimus,*

*Poscimus, ut quisque hoc persuasum mente reponat,  
Se carum, acceptumque Deo, qui munia patris  
Impleat, exitioque velit seruare fideles.*

*M. Quinam id constabit? P. Sacri me oracula verbi  
Erudiunt, læsi pacatas numinis iras  
Innocuis nati meritis, patremque benignum  
Constitui, & pleno bonitatem effundere cornu.*

*M. Ergo Deo niti qui vult, addicere Christo  
Se debet, patremque in caro agnoscere nato.*

*P. Omnino. M. Verum quæ summa est cognitionis,  
Illa Dei in Christo, paucis complectere, amabo.*

*P. Symbolum Apostolicum est, ab eorum nomine dictum  
Christicolis, puris scripturæ è fontibus haustum,  
Articulos fidei amplectens, hæc formula nobis  
Expediet quæcunque pios sperare necesse est.*

*M. Quin edis nostræ paucis quæ est summa salutis.*

*¶ Symbolum Apostolorum, seu Articuli Fidei.*

*P. I Nsummum confido Deum Patrem omnipotentem,  
Auctorem Cæli, & terræ. Christumq; in Iesum,  
Unigenam illius sobolem, dominumque piorum.  
Qui sacro conceptus erat spiramine, natus  
Virginis ex utero Mariæ. Tormenta Pilatò  
Iudice perpeßus, crucifixus, mortuus, atque  
Clausus humo, tristes Erebi descendit ad umbras.  
Luce resurrexit ternarediuiuus, ad alti*

## Libër primus

*Teſta poli aſcendit victor: dextraque parentis  
Aſidet, in Cælo, & terra cui cuncta poteſtas.  
Inde olim adueniet cunctos ut iudicet, & qui  
Viuent, & quotquot tam longa abſorbuit ætas.*

¶ *Conſido in ſacrum flamen, ſparſumque fidelem  
In terris cætum credo & communia dona  
Sanctorum, gratisque illis peccata remitti:  
Experrecturam putri de puluere carnem  
Spero, ac in cælis vitam ſine fine beatam.*

### DOMINICA. III.

**M.** *V* *T* *l* *u* *c* *e* *m* *a* *d* *m* *o* *u* *e* *a* *s* *r* *e* *b* *u* *s* *q* *u* *o* *t* *f* *o* *r* *m* *u* *l* *a* *p* *a* *r* *t* *e* *s*  
*Iſta capit? P. Biſ tota duas, quas ordine texam.*

*Prima Deum Patrem ſpectat pars, altera Ieſum  
Chriſtum ſolum eius natum, noſtræque ſalutis  
Hiſtoriam paucò contentam carmine claudit.*

*Tertia de ſacro tractat ſpiramine: Quarta  
Dona Dei in cætum cenſet, quæ Eccleſia dicta eſt.*

**M.** *Cur tribus eſ patris, nati, & ſpiraminis uſus  
Nominibus, quum verè vnus ſimplexque Deus ſit?*

**P.** *Sunt in natura Iehouæ tria perpendenda.  
Nanque Pater rerum eſt auctor, cui fabrica tota  
Eſſe ſuum debet, patris ſapientia natus  
Expers principij: Vis atque potentia patris  
Spiritus ille ſacer, molem qui temperat orbis*

*Cuncta*



*Cuncta fouens, in se constans plenissimus Uno.*

*M. Ergo Dei vis in natura simplici, & una,  
Personas tres esse, nec unam diuidi ab illa  
Naturam triade, ac vnum consistere terno.* (tem?

*P. Hoc ipsum. M. Primam formæ complectere par-*

*P. In summum confido Deum Patrem omnipotentem,  
Auctorem Cæli & terræ. M. Cur nomine Patris  
Appellas? P. Christi haud dubie intuitu, ac ratione.  
Ille Dei verbum æternum, ac ante omnia mundi  
Sæcula progenitum, soboles suprema tonantis  
Paruit in carne hac nostra, generique salutem  
Attulit humano. Deus hinc ter maximus ille  
Si seruatoris pater est, nostrum esse necesse est.*

*M. Quid vult omnipotens? P. Non quòd sine fine po-  
Deliteat cælis, sed quæ moderamine iusto* (testas  
*Temperet hunc orbem, ut nutum tremefacta sequantur  
Aequoraquæ, & terræ, & conuexi pondus Olympi.*

*M. Ergo id vis. Deus ille potens non otia secum  
Pigra colit, Sed mundi huius moderatur habenas  
Imperio, totumque regit liberrimus axem.*

*P. Vera istæc.*

## DOMINICA. IIII.

*M. S Ed cur Cæli, terræque parentem* (patris  
*Auctoremq; vocas? P. Nanque hoc se gloria*  
*C* *Insinuat*

## Liber primus

*Infinuat pacto. Tanta ad mysteria noster  
Sensus hebet, languetque animus, nisi fabrica mundi  
Exprimeret, tanquam in speculo quod scire necesse est.*

*M. Quid cælo, & terra includis, Num cuncta creata?*

*P. Cuncta equidem. Nanq; aut terrena mole grauantur  
Omnia, vel liquidum sese super æthera tollunt.*

*M. Cur solum auctorem vocitas, moderaminis expers  
Num sedet, aut mundi fessas abiicit habenas?*

*P. Absit. Nanque istæ se semper lege sequuntur  
Continua. Nam quod primi sub tempora mundi  
Finxit opus, dextra stabili, cura que tuetur  
Perpetua: Nec enim mundi subsistere moles  
Momento posset, ni vires maximus auctor  
Sufficeret: Deus ille idem seruatque, regitque,  
Imperio, & bonitate orbem, qui condidit: illi  
Naturæ obsequitur studium, pluuiæque monenti  
Dant gemitus, feruet Cælum, stridentque procellis  
Æquora, mox venti ponunt, Ieiunia campos  
Dira premunt, fruges tellus fecunda ministrat.  
Et modo dat vegeto validas in corpore vires:  
Mox agro virtus sublapsa in pectore languet.  
Quid multis? Cernis ne auctori ut fabrica tota  
Militet, ac domino supplex obtemperet uni.*

*M. An vero inferni cætus, & sontica turba  
Imperium agnoscunt? P. Quamuis spiramine sacro  
Abstinet impuros, duris tamen ora lupatis*

*Inijcit,*

*Inijcit, ut sine se nihil unquam auctore capeffant  
Confilij, factive: sed & nolentibus illis  
Imperat, arcani flectens moderamine fræni.*

*M. Quorsum hæc scire iuvat? P. Magni solaminis instar.  
O infortunatum hominem si cæca libido  
Satanae abriperet! Nusquam secura quietem  
Mens caperet: Verum duris religata cathenis,  
Nil audet sine permissu, imperioque tonantis:  
Cui sumus addicti, inque clientelamque, fidemque.  
Hæc res solatur miseros, placidamque quietem  
Impertit sanctorum animis, & gaudia nutrit.*

## DOMINICA V.

*(sum*  
**M. Q***uæ pars continuò sequitur? P. Christumq; in Ie-  
Unigenam patris. M. Quid queso vult sibi pars*  
*P. Nimirum natum patris peperisse salutem (hæc?*  
*Humano generi, quaque id ratione peractum est.*

*M. At peregrinum illud quid vult sibi nomen Iesus?*

*P. Sotera appellant græci, nos voce latina  
Paupertas linguæ prohibet, sed latius illum  
Servatorem appellamus, Quod nominis illi  
Angelus imposuit, Domini præcepta sequutus.*

*M. Hiccine momenti est aliquid? P. vel maxima certe  
Causa subest. Nec enim nati nos nomine ludit  
Omnipotens, voluitque illud veræ esse salutis*



## Liber primus.

*Indicium, nomen quod sese auctore recepit.*

M. *Quid Christi nomen?* P. *Totum in se amplectitur  
Officium, nimirum à caro vinctum esse parente* (eius  
*In munus regale, sacerdotale, propheta.*

M. *Quinam id nouisti?* P. *Sacri me oracula verbi  
Erudiunt, tres esse illos quibus vinctio quondam  
Competeret, Christus quorum omnia munia complet.*

M. *Sed quale hoc chrisma est?* P. *Non quod sub fæ-  
Patribus antiquo fuerat, sed gratia pleno* (dere quondā  
*Diffusa in Christum cornu, à spiramine sacro.*

M. *Quid? quale est regnū?* P. *Non his terrestribus vlla  
Ex parte affine est: verboque, & flamine sacro  
Constat, iusticie studium, & noua gaudia vitæ  
Continet æterna, cœli quæ in sede reposta est.*

M. *Quale sacerdotis munus?* P. *Se sistere coram  
Patre hominum caussa, nobis vt reddere possit  
Propitium. Quid? Quod Christū ipse est victima quæ  
Conciliet, caro à sese ipso oblata parenti?* (nos

M. *Cur vatem appellas?* P. *Nobis quia calitus ipse  
Legatus patris accessit, mentemque parentis  
Integram exposuit mundo, finemque prophetis  
Attulit, atque sibi monet auscultarier vni.*

## DOMINICA. VI.

M. **Q** *Vidnam istæ ad nos?* P. *Christus sua dona fideli  
Largitur populo, quæque ipse à patre recepit  
Participes*

*Participes sua membra facit. M. Quin planius ista?*

*P. Ille sacro affatim perfusus pneumate, nobis  
Impertit quantum satis est, dotesque ministrat  
Cuique suas, illo solum de fonte petenda est  
Viva salus, & quæ sunt spiritualia dona.*

*M. Commoda quæ regno tribuis? P Mens libera sese  
Iusticiæ addicit studio, & virtute supremi  
Fulta Dei, Satanae astum carnisque rebelles  
Illecebras, mundi que huius blandimina vincit,  
Terribiles animi pestes, mutuendaque monstra.*

*M. Fare sacerdoti vires? P. Cum nomine nostro  
Se mediatorum præbet, patremque benignum  
Conciliat, certe ad Dominum tutissima nobis  
Facta via est, ut quisque illum spe plenus adire  
Possit, seque ipsum, quæ est casta oblatio, patri  
Immolet, ac sua cuncta eius consecret honori.*

*M. Restat quid nobis profit Christum esse prophetam.*

*P. Pastoris Christum, & doctoris munere fungi  
Cum dico, id sequitur. Cælestis dogmata verbi  
Sub ferula discenda eius, tantique magistri  
Discipulos, semper caput ad cælestia rectum  
Tollere, nec vani curis torpescere mundi.*

*M. Num recte assumo? Christi tria munera nomen  
Continet, illa parens proli concessit amatæ,  
Ut caput in proprios dona hæc diffunderet artus.*

*P. Perspicue.*

# Liber primus

## DOMINICA. VII.

M. **S**ed cur dicis Christum esse parentis  
Unigenam, qui nos natorum nomine censet?

P. Non id naturæ est munus, nam nascimur iræ  
Progenies, sed nos patris clementia adoptat  
Gratuito in natos. Christus sibi vindicat illud  
Naturæ proprium, ex patria substantia, at ex pers  
Principij genitus, proles verè vna parentis.

M. Vis ne hoc naturæ solius iure in lesum  
Competere, ac nobis eius simus quia membra?

P. Omnino: & quoniam nos hoc dignatur honore,  
E multis primo prognatus fratribus esse  
Dicitur à Paulo verbi præcone fidei.

M. Cur Dominū appellas nostrum? P. Terræque, poliq;  
Imperium à patre obtinuit, rebusque creatis  
Præfidet, angelicas mentes, humanaque corda  
Dirigit, & totum naturæ temperat axem.

M. Quid sequitur? P. Quo pacto vnctus spiramine  
Seruator nobis fuerit, sumptaque figura (natus  
Serui, opus exegit nostræ sub carne salutis.

M, Quidnam illud sacro conceptum ex flamine, natum  
Intacta ex Maria? P. Certe, genitricis in aluo  
Formatum, natura humana ex Virgine sumpta,  
Dauidis ut magni nobis de semine Christus

Esset,



*Esset, sanctorum ut pandunt oracula vatum.  
 Nulla hic sunt sponsi partes, mysteria tanta  
 Sacrum obijt flamen. M. Sed quid vestimine nostra  
 Carnis opus? P. Scelus humana sub carne patratum,  
 Æquum erat ut Christus nostra sub carne piaret.  
 Nec vero Christus mediator iungere patri  
 Nos posset, nisi naturæ communio adesset.*

*M. Ergo salutifero defungi ut munere posset  
 Factus homo est? P. Plane, nobis nam mutua cuncta  
 Ex eius sumenda penu. Nec tristis egestas  
 Depelli, nisi thesauro tam diuite posset.*

*M. Sed quorsum hac per pneuma sacrum, non more sueto  
 Naturæ? P. Ne quæ Christi contagio corpus  
 Pollueret, Nihil humano de semine cretum  
 Labe caret, primique omnes peccata parentis  
 Promeriti luimus. M. Vindex nostræ ergo salutis  
 Immunis sceleris, culpæque, & criminis expers  
 Esse omnis, matrisque Deo sacratus ab aluo  
 Debuit, & nostri labem ignorasse reatus.  
 P. Sanè inquam.*

## DOMINICA. VIII.

*M. S Ed cur post partum mentio mortis  
 Continua, & totus vitæ obliuiscitur ordo?*

*P. Nimirum hic nihil est, nisi fundamenta salutis  
 C 4 Præcipua.*

## Libër primus

*Præcipua. M. Hic Ponticur ergo est facta Pilati  
Mentio, Num nostræ seruit vox ista saluti?*

*P. Historia seriem veram vox iudicis esse  
Arguit, & passum Romano præside signat.  
Tum Christus solum terreni iudicis ante  
Damnari voluit, nos ut patris ante tribunal  
Solueret, ac noxæ sese supponeret omni.*

*M. Atque illum, magna vulgi auscultante corona,  
Innocuum verate statur voce Pilatus.*

*P. Vtrunque admisit. Sed non sine numine iudex  
Sic titubat: culpæ expertem pronunciat esse,  
Ut nostri solum penas subijsse reatus  
Sgnificet. Sed mox idem solenniter illum  
Addicit morti, quo sponforem esse salutis  
Indicet humana, nostro qui nomine pænas  
Pertulit, & plena iam libertate beavit.*

*M. Egregiè. Nam si sceleris, sub labe fuisset,  
Qui ferat auxilium miseris pro fonte necesse  
Censeri fuit, innocuos ut reddere possit  
Quicunque in se plena speque fideque recumbunt.*

*P. Sic habet.*

## DOMINICA. IX.

*M. **A**N patuli suspensum in stipite ligni  
Momentum quoduis habuit? P. Sententia diui  
Expediet*

*Expediet Pauli, crucifixum ut se Patris ira  
Subjceret, factus nostri execratio caussa:  
Deuotum genus hoc, & detestabile cunctis  
Mortis erat, docet ut repetita sanctio legis.*

*M. Hoccine dedecori est Christo? P. Nil laudibus eius  
Imminuit quicquam. Namque hæc dum nomine nostro  
Perpetitur, virtute eius maledictio facta est  
Irrita, non illi quicquam de sorte beata  
Decidit, & soboles patri dilecta remansit.*

*M. Quid sequitur? P. Quoniam peccati præmia morte  
Pendimus, hanc subiit Christus, victor que triumpho  
Duxit. Neue isthæc mortis simulata putetur  
Effigies, tumulo est communi more sepultus.*

*M. Quidnam isthæc ad nos? Christus certamine mortem  
Strauerit, iccirco ne suum cessamus obire  
Quisq; diem, ac fati communem insistere legem?*

*P. Non obstat. Mors nanq; pijs ad cælicaregna  
Pandit iter, carnisq; statim compage soluta  
Carpimus æternæ læti noua gaudia vite.*

*M. Non igitur vanâ trepidant formidine mortis  
Christicole: Dux ille acri de morte trophæum  
Rettulit, æque eius credentes vendicat armis.*

*P. Certa adfers. Nam nos Christi victoria letho  
Eripiet, statuetaq; æterna in sede salutis.*



# Liber primus.

## DOMINICA. X.

M. **Q**uid sibi vult, tristes Erebi descendit ad umbras,  
Infernasq; adiit sedes? P. Hæc clausula nobis  
Innuat, hunc diræ fregisse repagula mortis,  
Tartaraq; aggressum, domitorem tulisse triumphum  
Inferno, & Satana victo, victoq; superbum  
Nequicquam tetri Furijs freudentibus Orci,  
Victorem spolijs rediisse hunc constat opimis.

M. Sed cur attonitus mortem subiturus & Orcum  
Substitit Christus? P. Quoniam Patris ante tribunal  
Pro nobis pænas luit, hoc terrore necesse est  
Afflictum trepidasse animi, ac si conscius esset  
Humani sceleris, hostisq; horresceret iras;  
Hinc illud. Deus, alme Deus, cur tempore in isto  
Linqvis, & extremo natum sic deseris actum?  
Atq; hinc Isaia affirmant oracula Vatis,  
Per cussum dextrâ patriâ, & pro crimine nostro  
Immeritum, pænasquæ dedisse ac vulnera passum.

M. Quâ poterat de diuino dubitare fauore  
Ipse Deus. P. Christus tanto discrimine sese  
Verè hominem monstrat: Deitas occulta latebat,  
Atq; sequestrauit tacitas pro tempore vires  
Quas subito exeruit, victis quicunq; fremebant  
Hostibus, incolumi victore per omnia Christo.

M. Hinc

M. Hinc ergo in promptu est, quāto discrimine Christus  
 Differat impuris, seu qui ad iudicis iras  
 Occlusere aditus animi, Stygioq; tenentur  
 Carcere conclusi: namq; istic tempore paruo  
 Confluxit Christus, Satanamq;, Orcumq;, triumphans  
 Perdomuit Victor, verū illos tormina vexant  
 Perpetua, & nusquam furijs ardentibus expers  
 Fax animi. Christus primo qua protinus ic̃tu  
 Reppulit, ast illos — lethali vulnere perdunt  
 Sulphureis vstos flammis, fornace perenni.

P. Vera quidem, ac Patrem semper fidenter amatum  
 Inuocat. At nequam soboles spem protinus omnem  
 Abijciunt, reboantq; polo execrantia verba.

## DOMINICA. XI.

M. Nunc queso in sumam confer, quae cōmoda Christi  
 Mors peperit? P. Caro primū est oblata parenti  
 Victimā pro fonti mundo, Patremque benignum  
 Reddidit, & sceleris nostri delicta piauit:  
 Deinde etiam in Christi cunctis est morte lauacrum  
 Propositum, quo vitæ omnis contagio nostræ  
 Eluitur: Demū, sceleris nos nullius vsquam  
 Arguet: induc̃ta est sic alta obliuio Patri  
 Pacato Christi merito, & nece suauolente.

M. Estne alia utilitas? P. Sane, si ex corpore Christi

## Liber primus.

*Membra sumus, vetus in nobis crucifigitur Adam,  
Carnisq; exuimur sordes, ne caeca libido  
Imperet, aut mentem sceleratis polluat actis.*

*M. Quid sequitur? P. Terna rediuiuum luce fuisse  
Subq; iugum misisse necem, domitasque furentis  
Peccati vires, duras soluisse cathenas  
Satanae, ac Orcum captum abduxisset triumpho.*

*M. Confert ne hoc nobis? P. Equidem. Nam protinus  
Iustitiae, asserimur: Certo pro pignore seruit (inde  
Vitae immortalis: demum quos munere tanto  
Participat nouitas vitae, ac mutata voluntas  
Dirigit, egregium mandati insistere callem.*

## DOMINICA. XII.

*M. PErge puer. P. Celsum victor conscendit Olympū.*

*M. Siccine Seruator sese in sublime recepit,  
Cesserit omnino ut terris? P. Nil certius, omni  
Mandato functus patrio, humanaque salute,  
Quorsum his momento solo consisteret oris?*

*M. Quanam hinc utilitas? P. Caeli nunc celsa patere  
Atria, peccato primi obfirmata parentis.*

*Quinetiam Patri solum apparere patronum  
Interea, & semper nostra intercedere caussa.*

*M. Num sic in caelo est nobiscum ut desinat esse?*

*P. Nequaquam, fore se semper dum secula constant*

*Cum*



Cum fido asseruit populo: sed corpore tantum  
Calicola est, Virtus mundum latissima complet. (tis?)

M. Quid sibi vult, sedet ad dextram Patris omnipoten-

P. Formula, vulgata de consuetudine sumpta est:

Nanq; hic solennis, procures qui proxima sceptri  
Lora tenent, mos est, regali adiungere dextra.

M. Hocce diuus ait verbi sacra buccina Paulus,  
In caput elatum populo Christum esse fideli,  
Largitamq; potestatem, nomenquè, decusquè  
Egregium, ac laudes quas non communicet ulli.

P. Rem tangis.

## DOMINICA. XIII.

M. **Q**uin nunc rectè te ad proxima confers?

P. Inde olim adueniet cunctos ut iudicet, & qui  
Viuent, & quotquot tam longa absorbuit ætas.

Nam veluti in Cælum quondam spectantibus iuit  
Discipulis, etiam mundo spectante redibit.

M. Sed quinam in mundi poterit constare recessu  
Ut quosdam offendat viuos, anne vnica cunctos  
Mors manet, ac fati non euitabile telum?

P. Vas Domini electum Paulus, quoid soluere possim  
Suppeditat. Quicunq; erit illo in fine superstes,  
Immutatum iri subito: immutatio, mortis  
Instar erit. Nam quodcunq; est in carne caducum

## Liber primus

Exuet, interitūq; procul nos asseret omni.

M. *An nulla Utilitas Christo de iudice manat?*

P. *Nimirum nostræ caussa apparere salutis.*

M. *Atqui terrifico plenum est horrore tribunal.*

P. *Non equidem, Nec enim se alius pro iudice nobis  
Ostendet, quàm qui patroni est munere functus.*

### DOMINICA. XIII.

M. *Quæ fidei est pars terna?* P. *In sacrum credere fla-  
Nam veluti Pater in nato servavit Iesu (men.  
Ascriptos vitæ æternæ, per pneuma salutis  
Participes facit, ac sacro spiramine complet.*

M. *Quinam istuc?* P. *Christi purgatio sanguine parta  
Atq; salutifer à nos pneuma aspergine mundat. (est,*

M. *Planius enarra.* P. *Sacri spiramine flatus  
Cor patet, ut sese Christi ad mysteria tollat:  
Deinde etiam partam Christo moriente salutem  
Spiritus obsignat sacer, & vestigia vitæ  
Munda facit, renouatq, animum ad cælestia regna.*

### DOMINICA. XV.

M. *Enarra quartum membrum* P. *Sparsūq; fidelem  
In terris cætum agnosco. M. Quid nomine cætus?  
P. Electum passim populum, vitæq; beatæ*

*Ascrip-*

*Ascriptum, rudis ante olim cunabula mundi.*

*M. Hocine credendum est etiam? P. Nisi passio Christi Incassum fuerit: Nam quorsum morte salutem Attulerit, Patri si nulla Ecclesia parta est?*

*M. Sic sentis. Formam hanc causam, fontemq; salutis Partibus amplecti primis, qui deinde sequuntur Effectus, tandem postremâ hac parte notari.*

*P. Hoc ipsum. M. Sed quo sancta est Ecclesia sensu?*

*P. Nam quos arcano Pater ipse Volumine vitæ Rettulit acceptos, renouat, iustosq;, piosq; Efficit, atque suo totos consecrat honori.*

*Quinetiam cæcum Christus quem morte redemit Sanctificat, maculaq; expertem, ac labe carentem.*

*M. Cur sparsum cæcum appellas? P. Nam Ecclesia pas- Diffusa in terras, vni<sup>(sine)</sup>us corporis, vni Morigerans capiti, At seiunctos interuallo, Vna fides, spes vna, Deus completitur vnus.*

*M. Quenam communis sanctorum est unio profer?*

*P. Hec pars explanat, quo pacto Ecclesia Christi est Vnita in terris: Etenim per singula membra Participat Christi donis, Communio tanta est.*

## DC MINICA. XVI.

*M. A Nne hic in terris perfectè Ecclesia sancta est?*

*P. Non equidem: Nanq; has vitæ dū carpi<sup>m</sup>⁹ auras*

*D 4*

*Pugna*



## Liber primus

*Pugna manet, semper q̄ acri confligimus hosti.  
Quinetiam infirma est semper, dum mole laborat  
Corporea, non illa prius contagio carnis  
Desinet, aeterno capiti quàm Ecclesia iuncta  
In Cælis, Christo similes exegerit annos.*

*M. Anne fide sola nobis Ecclesia constat?*

*P. Multa quidem passim certò se signa fidelis  
Ostendunt populi, verùm hæc Ecclesia de qua est  
Mentio, secreto electos conamine Patris  
Significat, quam nos nullo comprehendere sensu  
Possumus, & solis fidei spectamus ocellis.*

*M. Quid sequitur? P. Credo nobis peccata remitti.*

*M. Explana. P. Nobis gratis delicta parentis  
Condonat bonitas, meritæq; à tormine pænæ  
Liberat. M. An nostro merito hæc ascribere fas est?*

*P. Egregium meriti nomen: Nos scilicet illud  
Assequimur nexu sceleris! Sed gratia Christi  
Sponte sua tanto dignatur munere: Nanque  
Ille satisfecit Patri, & pro crimine nostro  
Innocuus pænas luit, absoluitq; reatu.*

*M. Cur hic articulus sequitur? P. Non contigit ulli  
Hoc munus, Christi qui non cognouit ouile.*

*M. Ergò hoc seiunctos cætu spes nulla salutis  
Certa manet. P. Verum, Quum quisquis scismate fædus  
Tàm sacrum abrumpit, spem vitæ protinus omnem  
Proijcit, excelsique aditum præcludit Olympi.*

DOMI-

## DOMINICA. XVII

M. **Q**uoniam finem imponis? P. Corpus de pulvere surget,  
Et nos æternæ potiemur gaudia vitæ.

M. Quorsum hæc conducunt? P. Certe, nihil esse beati  
Omnino in terris, longe extra hæc mænia mundi  
Fœlices regnare animas: hic degimus æui  
Exiguum, extorres: illuc nos tendere vela  
Conuenit, haud vani scopulis hærescere mundi.  
Interea ne mens nobis sub mole fatiscat  
Corporea, meditari istæ noctesque, diesque,  
Conuenit, & mundi insultus superare ferendo.

M. Quoniam surgemus pacto? P. Gens mortua, corpus  
Quisque suam arripiet, mutata conditione  
Natura remanente. Etenim corruptio sola  
Desinet, haud ulli posthac obnoxia fato.  
At verò, quicumque extrema in tempora mundi  
Inciderint, illis subita immutatio mortis  
Instar erit, Christo ut venienti occurrere possint.

M. Annon cum iustis simul impia turba resurget?

P. Plane omnes inquam: Verùm cultoribus æqui  
Cælesti in patria non enarrabile munus  
Propositum est, illos tormenta æterna fatigant.

M. Cur hic sub finem solius mentio Cæli  
Facta fuit? P. Fidei succincta hæc formula tantum

E

Pertinet

## Liber primus

*Pertinet electum ad populum, concessaque gratis  
Dona Dei, procul à cætu seimcta prophano.*

### DOMINICA. XVIII.

**M. E**X fundamento hoc, fidei finitio quæ sit  
Collige. P. Diuini persuasio certa fauoris,  
Nixa Dei verbo, quo se pro Patre recepit,  
Ac seruatore dilecta in prole futurum.

M. Estne Dei donum? P. Omnino, spiramine sacro  
Perficitur, sic me diuina oracula passim  
Erudiunt, doctique ipso cognoscimus vsu.

M. Quinam istuc? P. Nec enim fidei ad mysteria qui-  
Infirmo penetrare animo, diffidere nobis (mus  
Ingenitum est, nisi quòd stolidos fiducia nostri  
Efferat, aut vano spes ficta à numine pendet.  
At vero ut primum sacra aspirauerit aura,  
Diffugiunt mentis nebule, penitusque sub imo  
Corde fides, sese Christi ad mysteria tollit,  
Obsignatque animum spes non infirma salutis.

M. Quenam est vtilitas fidei? P. Nos reddere iustos  
Ante Deum, & vitæ hæredes sine fine beatæ.

M. Annon id factis tribuis vestigia recta  
Quum sequimur, nulli prorsum confinia labi?

P. Non equidem. Nec enim perfectum insistere callem  
Concessum est homini: Semper sub mole laborat  
Corporea, fideique vno fulcitur asylo.

DOMI-



## DOMINICA. XIX.

M. **N** Il factis tribuis meriti? P. Gens perdit a tantum  
*Proficimus factis æternæ ad tormina pæne.*

M. Sic sentis nihil à nobis procedere iusti,  
 Acceptumue Deo, sacra dum afflauerit aura  
 Spiritus, & Christi bonitas coniunxit ouili  
 Membra suo: Quis enim viuum fetente lacuna  
 Exhaust laticem? Quis praua ex arbore fructus  
 Egregios, putriue vnquam turgescere trunco  
 Viderat insignes, mala ad redolentia gemmas?

P. Sane inquam, & quanuis facta excellentia sæpè  
 Perstringant oculos hominum, sordescere certum est  
 Ante Deum, Mentis qui imo penetralia fundo  
 Discutit, & mundum sibi cor ante omnia poscit.

M. Falsum ergo est meritis nos conciliare fauorem  
 Numinis. P. Haud dubiè talis præsumptio, plane est  
 Impia, solius bonitas æterna parentis  
 Id Christi tribuit meritis, quanquam omnia nobis  
 Imputet, ac nulli peccatum ascribat auitum.

M. Quonam igitur pacto fidei nos munere iusti  
 Reddimur? P. Vt primum fiducia nostra recumbit  
 Pollicitis Euangelij, nos protinus arram  
 Iustitiæ arripimus, quam Verbi oracula nobis  
 Leta ferunt, fideique almo comprehendimus vsu.

# Liber primus

## DOMINICA. XX.

M. **N**osne iterum ex flatu geniti, Christi que fidelē  
Transcripti in numerum, quæ sunt accepta tonāti  
Perficimus? P. Bonitas Patris sua dona fauore  
Prosequitur: sed sic nostræ contagio carnis  
Polluit, ut meritis nil quicquam ascribere fas sit.

M. Qua ratione placent ergo? P. Nos munere tanto  
Sola beat fidei virtus, contendere summo  
Iure Deum nobis nolle, ac peccata remitti  
Gratuitò, Christi que aboleri sanguine crimen.

M. Cur rectè facimus, si non ascribimus illis  
Iustitiam, aut vitæ meritum sine fine beatæ?

P. Magna quidem est operi merces, quæ tempore vitæ  
Percipitur: Maior Cœli quæ in sede reposita est.  
At non hæc operi tribuo: Clementia Christi  
Sontibus ignoscit, propria sub tegmine velat  
Iustitiæ, laudemque omnem sibi vendicat uni.

M. Estne fides factorum expers? P. Clementia Christi  
Non homines solum Satana ex hoste recepit,  
Mortisque edomuit furias, patremque benignum  
Reddidit, & læsi pacavit numinis iras:  
Quinetiam nostras sacro spiramine mentes  
Imbuit, ut legis nusquam recta orbita nobis  
Excidat, atque pios vitam formemus in vsus.

Certe

*Certe hæc diuelli nequeunt, qui facta, fidemque  
Separat, haud illi Christus dignoscitur vnus.*

*M. Ergo boni est quicquid fidei ex radicibus imis  
Pullulat, P. Accedo, atque istæ primaria caussa est  
Cur Euangelium in binas diffindere partes  
Sueuimus, in fidei donum, ac veram metanoëian.*

## DOMINICA. XXI.

*M. Q Venam est hæc? P. Cum nos sceleris formidine  
Ducimur, & miro recti flagramus amore. (vera  
Inijcimus carni frenos, nos, nostraque cuncta  
Abijcimus, mentem vt sacro moderamine flectat  
Spiritus, inque Dei totam, transformet amorem.*



LIBER SECVNDVS  
DE LEGE, PATRICIO  
Adamfiono auctore.

M. **E**ccine diuini quaeso est pars altera honoris?  
P. Sic inquam: Monitis summi parere tonantis.  
**N**on equidem quæ nos vani phantasma cere-  
Edocet: At quæ lege sua testata reliquit. (bri

M. Quid lex contineat profer? Distincta duabus  
Est tabulis, sic magna Dei prudentia Mosi  
Tradidit. In prima, qua sit ratione colendus  
Quattuor exponit monitis: pars altera senis  
Præscribit, quæ sint vicinis mutua iura.  
Inde solent rectè ista decem præcepta vocari.  
M. Commemora, & dena hæc mandata ex ordine profer.

DECEM MANDATA.

P. **A**duerte Israel, memorique hac mente repone.  
Sum Dominus, Deus ille tuus, qui Ægyptia solui  
Vincula, qui Pharij eduxi tellure tyranni:  
Ante oculos aliena meos ne numina habeto.  
¶ Sculptile ne faxis vllum, simulacraue rerum  
Quæ sunt in Cælo supra, aut tellure premuntur  
Inferius, liquidoue animans sub marmore serpit.  
Ne coram inclines, nullo dignabere cultu.

Nanque

Nanque ego sum aeternus vester Dominusque Deusque,  
 Zelo ardens, Patrum in natos delicta rebelles  
 Vici, cor. Quæ me Soboles pro more parentum  
 Oderit, interno, & quarto luet ordine pœnas.  
 At quem capit amor nostri, legisque lubenter  
 Obsequitur monitis, eius millesima cernet  
 Progenies, quàm larga adsit clementia nobis.

¶ Ne sume incassum Iehouæ venerabile nomen :  
 Nam contemptorem Dominus non linquet inultum.

¶ Sabbata sanctificato memor, sex ritè diebus  
 Indulgeto operi, Iehouæ lux septima magni est  
 Sacra quies, nullos illa exercere labores  
 Fas est, tibi, nec nato, natæ, famulone,  
 Ancillæue, Bouiue, Asinoue, aut iure recepto  
 Hospitij: Nam sex terræque, polique diebus  
 Machina conflata est, septena luce quieuit,  
 Sacrauitque diem ventura in sæcla beatum.

## SECUNDA TABVLA.

**P**atrem prosequere & matrem reuerenter honore,  
 Longæuam vt felix possis traducere vitam,  
 In sancta, Iehouæ concessa munere, terra.

¶ Ne quenquam occidas, alieni fœdera lecti  
 Ne violes, furto abstineas, ne testis iniquus  
 Vicino sis innocuo: Nec testis propinqui

## Liber primus

*Concupias, iunctamue thoro, famulumue ministrum,  
Ancillamue, Bouem, aut Asinum, aut quod dicere possit  
Iure suum, nullo illius flagrabis amore.*

### DOMINICA. XXII.

M. **E**xplana nobis primum. P. *Prefatio legi  
Præposita est: Nam dum Domini se voce potenti  
Nominat, haud dubiè laudem sibi vendicat vni  
Figendi leges, nosque his parere lubenter  
Inuitat, nobis sese cum prædicat alium  
Esse Deum, sæuique iugo seruasse tyranni.*

M. *Atqui hæc, quæ dicis, Pharij in ditione tyranni  
Hebræo acciderant populo, Quidnam attinet istud  
Ad nos, Iudæi qui non censemur appellæ?*

P. *Non equidem inficior: Verum nos durior olim  
Oppressit Pharaë, quanto mens corpore distat.  
Ille sua nobis virtute repagula fregit  
Infera, captiuasque animas é carcere sæuo  
Eripuit peccati, & libertate beavit.*

M. *Quid caussæ est cur primo istæc in limine legis  
Commemoret? P. Nos vt Domini præcepta lubentes  
Amplectamur, Certè indignus munere tanto est,  
Vltrò qui Domino nolit parere monenti.*

M. *Quid primo poscit monito? P. Obseruemus honore  
Se solum. M. Quidnam quæso deposcit honoris?*

P. So-



P. Solus adorandus Deus est, fiducia solum  
 Nostra petat, nomen Domini est in vota vocandum,  
 Non aliud, laudisque sibi quod vendicat Oni  
 Præterea, haud ulli fas est ascribere cuiquam.

M. Cur ait ante oculos? P. Quoniam penetralia cordis  
 Impatient illi, externos impendere cultus  
 Non satis est, animi toto conamine amandus  
 Est Deus, & nobis integra mente colendus.

## DOMINICA. XXIII.

M. **P**erge puer. Quænam est primi lex altera saxi?

P. Sculptile ne faxis ullum, simulacraue rerum  
 Quæ sunt in Cælo supra, aut tellure premuntur  
 Inferius, liquidoue animans sub marmore serpit.  
 Ne coram inclines, nullo dignabere cultu.

M. Anne omnis præcepto isto prohibetur Imago?

P. Non inquam. Sed nè effigies delineet vlla  
 Arte Deum, idoloue eius simulemus honorem. (fas est

M. Quinam istuc? P. Nec enim cuiquam componere  
 Mortali æternum, quodq; omni est labe remotum  
 Polluta numen non corruptibile massæ.

M. Num sentis quòd nulla illum reuerentia tangat  
 Diuinæ maiestatis, qui fictile quicquam  
 Comparèt, ac rebus similem putet esse caducis.

P. Hoc ipsum. M. Quemnam vetuit concedere cultum?

P. Ne precibus coram inuigiles, ne poplite flexo

F

Præterea,

## Liber secundus

*Prætereas, signone villo digneris honoris.*

*M. Haccine sculptorum, & pictorum industria lege  
Cauta fuit, ne quis naturam effingere fuco  
Audeat : An potius sacros ne prostet in vsus  
Effigies, cultune villo simulacra feramus ?*

*P. Hoc solum. Nanq; ut solidum sibi poscit honorem  
Mandato Dominus primo, sic regula cultus  
Hæc sequitur. Nam nos mentem ad celestia rectam  
Tollere : Nec factis animum prosternere rebus  
Conuenit, aut summum extra sese quærere numen.*

### DOMINICA. XXIIII.

*Q Vid sequitur? Terret minitanti voce rebelles.  
Nanque ego sum æternus vester, Dominusq;, Deusq;,  
Zelo ardens, patrum in natos delicta rebelles  
Vlciscor, quæ me soboles pro more parentum  
Oderit, in terno, & quarto luet ordine penas.*

*M. Cur nomen sumit Domini ? P. Vt se esse potentem  
Significet, sibi qui soli nomenque, decusque  
Afferat, & digna plectat mercede rebelles.*

*M. Zelotypum appellat ? P. Riualet agnoscere hono-  
Non patitur, qui nos sacratofœdere iunxit (ris  
Connubij, mentesque sibi distonderit vni.*

*M. Cur addit patrum in prauos delicta nepotes  
Vlturum? P. Vt nos à cultu deterreat isto.*

*Si nostri sumus inmemores, spes cara nepotum  
Commoueat, nostro penas ne crimine pendant.*

*M. Hæcine iustitiæ quadrant, sicne arbiter æquus  
Est Deus, ut patrum in natos delicta rependat?*

*P. Conditio est spectanda hominū, quos primitus omnes  
Diuina scelus admissum subiecerat ira.*

*Hos si natura patitur sordescere face  
Omnipotens, Quis iure illum contendat iniquum?  
Nam veluti quosdam corruptæ ex agmine massæ  
Liberat, & patrio sobolem dignatur amore:  
Sic alios odit ventura in sæcula iustus  
Arbiter, & merita in natos accenditur ira.*

*M. Num terret solum Dominus? P. Promissa sequuntur.  
At quem capit amor nostri, legisque lubenter  
Obsequitur monitis, eius milleßima cernet  
Progenies, quàm larga adsit clementia nobis.*

*M. Hoccine iustorum quisquam pietate meretur  
Ut sobolem possit, quanuis seruare rebellem?*

*P. Non equidem. Verùm bonitas immensa tonantis,  
Quo patres semel est ipsos amplexa fauore,  
Prorogat in sobolem: Nec eos terrestribus auget  
Muneribus solum: sed sacri afflaminis aura  
Sanctificat, Domino ut possint parere monenti.*

*M. At non hoc semper pacto succedere certum est.*

*P. Agnosco. Nec enim sese liberrimus auctor  
Obstrinxit nobis: Quin sæpe ex face parentum*



## Liber secundus

*Electam statuit sobolem, ac de semine iusto  
Rejcit: arcana est eius reuerenda voluntas.  
At non incassum nobis promissa, minasque  
Accidere, assiduo rerum cognoscimus usu.*

*M. Cur in mille Deus bonus est: generatio finit  
Quarta minas? P. Certè in partem propensior illam est,  
Tardior ad penas: sic sacro carmine Dates  
Psalmodographus, Domini bonitatem ad sidera tollit.*

### DOMINICA. XXV.

*M. **P**erbelle, Nunc ad mandatum accedito ternum:  
P. Ne sume incassum lehoue venerabile nomen.  
Nec vero hac solum Dominus periuria nobis  
Lege vetat, sed verba etiam temeraria damnat.*

*M. Num semper iurare nefas? P. Quandoque licebit,  
Ut veri constare fides, cum temporis illud  
Exposcit ratio, & firmari fœdera amoris  
Leta queant, carosque inter pax duret amicos.*

*M. An solum mandato isto iurare prophanum est?*

*P. Non equidem: Quouis diuino nomine abuti  
More vetat, castumque illi deposcit honorem,  
Ne verbis temere effusis contemnere nomen  
Tam sacrum, & paruo duci videamur amore,  
Exemplique ad vicinos contagio serpat.*

*M. Quinam id continget? P. Toto si pectore numen  
Accipimus,*

*Accipimus, linguamque eius sacramus honori.*

*M. Quid sequitur? P. Dominus contēptum haud linquet*

*M. At qui diuinis monitis parere recusant (inultum.  
Non impunè ferent. Cur isti clausula legi*

*Apposita est, leges spectans communiter omnes?*

*P. Vt doceat quā magna suum reuerentia nomen,*

*Postulet à nobis, Ultorem se fore dicit*

*Eius, sacrilego quicumque id polluit ausu.*

## DOMINICA. XXVI.

*M. E* Dictum legis sequitur nunc ordine quartum.

*P. Sabbata sanctificato memor, sex ritè diebus*

*Indulgeto operi, Iehouæ lux septima magni est*

*Sacra quies, nullos illâ exercere labores*

*Fas esto, tibi, nec nato, natæ, famuloue,*

*Ancillaue, Boui, aut Asino, vel iure recepto*

*Hospitij: Nam sex terræque, polique diebus*

*Machina conflata est, septena luce quieuit,*

*Sacrauitque diem ventura in sæcla beatum.*

*M. Num mandat sex continuas ex ordine luces  
Insudare operi. P. Certè, concessa facultas*

*Est faciundi operis: Tantū lux septima cauta est.*

*M. Ergo putas una mandatam luce quietem?*

*P. Lex, si corpoream modo vis spectare quietem,  
Hebræi est solum populi, veterisque figura*

## Liber secundus

*Faderis: At Christo veniente euanuit Umbra  
Protinus, & pompæ externum disparuit agmen.*

*M. An nil præceptum hoc deleta continet Umbra?*

*P. Tres eius causas numero. Nam spiritualement  
Significat primò requiem: Mox, ordinis ergo  
In catu colitur sacro: postrema, labores  
Assiduos, fessi ut possit lenire ministri.*

*M. Quanam est hac requies quam dicis spiritualement?*

*P. Quum carnis cessant artes, domitæque faceffunt  
Illecebræ, ac sancto clauum moderamine flectit  
Spiritus, atque animi studium sibi dedicat omne.*

*M. An lucem requies solùm hac de postulat vnâ?*

*P. Perpetuò est celebranda homini, dum terminus æui  
Venerit, ac fati suprema accesserit hora.*

*M. Quà fit ut vna dies diuturna hac otia nobis  
Significet? P. Satis est his si respondeat illa,  
Nec simile ex omni quadrare est parte neceffe.*

*M. Septimacur typica est? P. Perfectio sæpe notatur  
Hoc numero: Toto nimirum tempore vitæ  
Duratura quies. Nec verò tempore finem  
Accipiet, tandem non cessatura colemus  
Sabbata, & optati requie potiemur Olympi.*

### DOMINICA. XXVII.

*M. C*ur sese in medium adducit? *P. Sex ipse diebus  
Paulatim hunc orbem statuit, lux septima nobis  
Proposita*



*Proposita est, in qua vasti miracula mundi  
Contemplemur, & ipsius memorata sequamur  
Exempla artificis: Quid enim plus poscere votis  
Quis possit, conformem illi quam degere vitam?*

*M. Hebdomadenè istac vna meditatio solùm  
Est contenta die? P. Certe, noctesque, diesque  
Postulat, & nostri cursum sibi vendicat æui.  
At, quale ingenium nostrum est, obliuia mentem  
Corripiunt, curaquè nimis torpemus inertì.  
Ergo vnā solers Domini prudentia lucem  
Constituit nobis, in qua solùm istud agamus.  
Atquè hic est, de quo supra prædiximus, ordo.*

*M. Quisnam est illius quem narras ordinis usus?*

*P. Vt credens Christo populus reuerenter in vnum  
Conueniat, verbo vt diuino aduertere possit,  
Et precibus nauare operam, fideiquè latentis  
Indicia, externo testata relinquere cultu.*

*M. Vltima quæ causâ est? P. Vt quos sub iure potestas  
Detinet alterius, lucis solamina sacre  
Expectent, operum immunes: Lex commoda spectat  
Publica: Quis famulis diuturna ad munia vires  
Suppeterent? Verum illius spes certa quietis  
Sex operi cogit promptas impendere lucas.*

*M. Nunc restat num quo pacto lex pertinet ista ad  
Christicolas. P. Dudum Christo cessisse figuram  
Diximus, is solidum est corpus, præsentia cuius*

## Libert secundus

*Discuſſit typicas Veteri ſub federe nubes.*

M. *Quidnā ergo remanet?* P. *Certe, quem diximus ordo  
Vt ſacros celebrent catus, Verbiq̃ue fideli  
Præconi auſcultent, communia vota frequentes  
Concipiant, fidei adiungant ſignacula verbo.*

M. *An nulla eſt ſumbræ vtilitas?* P. *Nos tramite recto  
Dirigit ad Chriſtum, cuius iam munere, carne  
Perdomita, puræ ſemper leta otia mentis  
Excolimus, requiémque illam ſperamus Olympi.*

### DOMINICA. XXVIII.

M. **A** *ltera diuinæ ſequitur modo pagina legis. (re.  
P. Patrem proſequere & matrem reuerenter hono-*

M. *Quidnam hoc mandato tibi vox deſignat honoris?*

P. *Scilicet Vt patrum natos reuerentia tangat  
Debita, mandatis Patrijs parere neceſſe eſt,  
Auxilíoque iuuare inopes, humilique parentes  
Obſeruare animo. M. Pergas. P. Promiſſa ſequuntur,  
Longæuam Vt fœlix poſſis traducere vitam,  
In ſancta, Iehouæ conceſſa munere, terra.*

M. *At quonam pacto longæuæ tædia vitæ  
Muneribus numeras? Heu quanta incommoda ſecum  
Vitatrabit, Quantos aufert mors vna dolores!*

P. *Non ibo inficias, Verum productio vitæ  
Electo populo, Domini manifeſta fauorem*

*Indicat.*

*Indicat. An nihil est tam longo tempore præsens  
Sensisse auxilium: Ad vitam quodcunque necesse est  
Ex eius fluxisse penu: atque incommoda mundi  
Spe vitæ alterius sancto contemnere fastu?*

*M. An valida est contra ratio, quos stamina vitæ  
Parca necant, iratum illos sentiscere numen.*

*P. Absurda omnino est, sæpe ex hoc corpore caros  
Euocat imprimis famulos, ne sordibus istis  
Assuescant, patrioque statim potiantur Olympo.*

*Atqui hoc promisso pugnat. P. Quaecunque recepit  
Facturum Deus, hac semper sub conditione  
Accipio, nostræ terrestria dona saluti  
Si profint, cuius Domino primaria cura est.*

*M. Quid? Num nulla manent natos tormentare belles?*

*P. Æterna haud dubiè: Nec verò tempore in isto  
Impunè est illis, Quosdam mors abripit atra  
Ante diem, quosdam meritis dignissima finis  
Accipit, & vitam probrosa morte relinquunt.*

*M. Hiccinè de sola sermo est Cananitide terra?*

*P. Iudaico certe populo, Nos latius illam  
Accipimus: Quaecunque etenim tellure moramur,  
Tota Dei est, soloque eius nos munere habemus.*

*M. Nilne hac in lege est aliud? P. Fit sola parentum  
Mentio, sed simili reges ratione colendos  
Discimus, & quoscunque aliquo præcellere honore,  
Ille dedit, cuncta est à quo stabilita potestas.*



## Liber secundus

### DOMINICA. XXIX.

(quam.

M. **M** Andatum exponas sextum. P. Ne occidito quen-

M. Si iugulo abstineas enssem, si dextra vacarit  
Sanguine, num satis est? P. Mentem sibi postulat auctor  
Integer, integram: fraterni nominis osor

Ante Deum, si facta absint, hac lege homicida est.

M. Estne odio caruisse satis? P. Dilectio nobis

Est opus, alterius semper quæ commoda spectet.

M. Quæ lex septena est? P. Alieni fœdera lecti

Ne viola. M. Quenam est huius sententia legis?

P. His verbis impura omnis scortatio nobis

Interdicta fuit: Nec vero pellicis artes

Ferre potest legis nostræ castissimus auctor.

M. An nil præterea in lege est? P. Ante omnia cordis

Munditiam, & rectam purgato in corpore mentem

Postulat: Ille sacer flatus qui corpora nostra

Incolit, haud vlla patitur sordescere face.

### DOMINICA. XXX.

(ueto.

M. **Q**uodnam mandatum octauum est? P. Furtoq; ca-

M. An solum hac Dominus manifestas lege rapinas,

An fraudis vetat aucupium? P. Quæcunque paramus

Illicite, seu vi spoliū tentamus aperta,

Seu

*Seu fraude aggredimur, vel iniquas teximus artes,  
Et quicquid legis nostræ non approbat auctor.*

*M. An tantum alterius res contrectare vetamur  
Inuito Domino, ut iuris scripsere periti?*

*P. Mens semper primas poscit, ne fraudibus ullis  
Aspiret, fratrumque velit ditescere damno.*

*M. Quid faciundum ergo? P. Contentus vivere discat  
Quisque suo, & proprio vitam perferre labore.*

*M. Mandatum nonum sequitur. P. Ne testis iniquus  
Vicino sis innocuo. M. Num iudice coram  
Non aliàs, testis periuria damnat iniqui?*

*P. Qui famam alterius minuit, nomenque, decusque  
Vellicat, & maledicendi studio osque tenetur,  
Peccat in hanc legem: Nam qui rumoribus ullis  
Vicinum ledit, feda ad periuria tandem  
Prouolat: & Dominum perfrieta fronte negabit.*

*M. Num mentem sanam poscis? P. Vel maxime, & eius  
Hæc paucis vis est: Non solum ledere verbis  
Abstineas, caue ne ducat te praua voluntas.  
Quinetiam famam semper tueare memento  
Alterius, teque illius ne subtrahere laudi.*

## DOMINICA. XXXI.

*(pinqui  
M. V Entũ ad postremam est legem. P. Nec tecta pro-  
Concupias, iunctamue thoro, famulumue ministrum,*

## Liber secundus

*Ancillamue, Bouem, aut Asinum, aut quod dicere possit  
Iure suum, nullo illius flagrabis amore.*

*M. Cum lex tota animum spectet, cur unica tandem  
Clausula in effraenes animi est dilata furores?*

*P. Responsum in promptu est: Nam tota lege voluntas  
Perfecta à nobis petitur: Nunc motio quæuis  
Irrita, consensus expers, & nescia facti*

*Damnatur. M. Num si qua leuis tentatio mentem  
Punxerit, ascribes vitio? P. Corruptio certe  
Naturæ hanc peperit, cuius scintillula nulla est  
Quæ non cum Domini sacrata lege repugnet.*

*M. Sic sentis, tres esse gradus. Tentatio prima est,  
Consensus mentis sequitur, quem perficit actus.  
Hos supra damnant leges, Tentatio tandem  
Hic vetita est, Tanta est sacræ perfectio legis.*

*P. Non alijs certè cupissem exponere verbis.*

*M. Num potis es totam paucis comprehendere legem?*

*P. Non id difficile est: Nam toto pectore amandus  
Est Deus, atque par in nobis vicinus amore.*

*M. Quisnam amor ille Dei est? P. Caro quum noscimus  
Solum pro Domino, pro Seruatore, parente, (illum  
Prosequimur què humiles cultu, & confidimus vni.*

*M. Pectore cur addis toto? P. Ne affectio praua  
Implicitet, aut mentem à Domini seducat amore.*

DOMI-



## DOMINICA. XXXII.

M. **A**ltera pars sequitur. P. Miro ut flagramus amo-  
 Quisq; sui, certè quæ sunt nocitura cauemus (re  
 Commoda se et amur: Sic nobis regula vitæ  
 Vicini in caro debet consistere amore.

M. Quisnam proximus est? P. Non solum sanguine, &  
 Iunctus amicitia, peregrinis incola terris, (arcta  
 Atque adeò hoc seuus nomen sibi vendicat hostis.

M. Copula quæ est? P. Firma haud dubiè quàm nulla  
 Impietas, certis naturæ astricta catenis. (resoluet

M. Sic sentis, si quis fraterni nominis osor  
 Extiterit, scelus esse eius, sed vincla manere,  
 Communis tamen à nobis seruanda fauoris.

P. Hoc ipsum. M. Num quisq; suam componere vitam  
 Debet ad hanc normam? P. Certe: sed ferre recusant  
 Infirmi pondus humeri: Non extitit usquàm  
 Sincerus legis custos, perfectio tanta est.

M. Cur quæso petitur plena observatio legis  
 Quæ fieri nequeat? P. Certè ad præcepta tenemur  
 Omnia: Nam nostri est sceleris quòd simus inepti.  
 Verùm, si studium nobis, & prompta voluntas  
 Adfuerint, totòque illuc conamine mentis  
 Nitimur, haud dubiè quanuis perfectio longè  
 Abfuerit; nullo astrictos nos crimine censet.

## Liber secundus

M. *Hic* de cunctis sermo est, solūmue fideles  
Respicit. P. *Haud ullus poterit sine flamine sacro  
Impleri vel legis apex. Quid si unica posset  
(lausula? Nimirum diuina subiaceret ira  
Quem minimus calle à recto subduxerit error.*

### DOMINICA. XXXIII.

M. **H**inc non difficile est sacra duo munera legis  
Colligere, ex hominum distincta conditione.

P. Non equidem: Nam qui legi parere recusant  
Arguit infidos sceleris, prætexere culpæ  
Nil patitur, causasque aufert, sic mortis odorem  
Ac instrumentum, verbi pia buccina Paulus  
Nominat: Ast alios longè se pandit in usus  
Credenti populo. Primum, nos lege magistra  
Ducimur ad Christum, lex nescia reddere iustos  
Ad Seruatoris fontes nos tota relegat.

Tum carnis reprimit fastum, dum crimina ponit  
Ante oculos, humilique monet contendere voce  
A Domino veniam, & vires, ut quisque monenti  
Pareat, & vitam ad rectos accommodet usus:  
Postremo fræni est instar, ne colla capistro  
Libera, dediscant Domini perferre timorem.

M. Non ergo frustra nobis perfectio legis  
Proposita est, instar metæ quo tendere quisque

*Debeat,*

*Debeat, ac aucto semper procedere passu,  
Gratia cuique sua est, verum meta omnibus una.*

*P. Sic est. M. Sed nunquid perfecta est regula legis?*

*P. Omnino, certe facienda, cauendaque cuncta  
Continet: haud illi nostri phantasma cerebri  
Assuere integrum est: Domino neque gratior vlla est  
Victima morigerum quam se præbere monenti.*


*M. Si lex perfecta est, quorsum non rara Prophetis  
Concio, quæ monitis constet, solamina crebra  
Misceat, an reliquis scriptura euannit usus?*

*P. Absit: Nam legis concepta est formula paucis,  
Quæ sese reliqua scriptura interprete pandit  
Latius. M. An legem officium præscribere sentis  
Cuique suum? P. In genere: at nobis scriptura relicta est,  
Ex qua quisque suum possit dignoscere munus  
Planius, & vitam ad rectam componere normam.*



LIBER TERTIVS DE  
ORATIONE, PATRICIO  
Adamsonio auctore.

DOMINICA. XXXIII.

M.  *At multis tibi diuini pars altera honoris (gas  
Tractata est: Nunc ad ternam descendere per-*

P. *Suppetias Dominum afflictis deprecere re-  
Atque vnum nostrae fontem implorare salutis. (bus,*

M. *Num solum votis petimus? P. Sibi vendicat vni  
Hanc laudem, Haud tali quenquam dignatur honore.*

M. *Num fas est hominum, si res modo tristior vrget,  
Implorare fidem? P. Quidni: At discrimine longo  
Hec distant, Dominum quoties in vota vocamus,  
A solo auxilium petimus, fiducia solum*

*Respicit: ast homini quando est concessa facultas  
A Domino, vt nostris possit succurrere rebus,  
Non homini id tribuo, Certe Deus ipse ministrat  
Caelitus, humane tantum moderamine dextrae.*

M. *Num grates referendae illis qui haec munera nobis  
Suppeditant? P. Certè naturae lege tenemur.  
At vero quos hoc Dominus dignatur honore  
Vt sua dispensent dona, obseruare profecto  
Imperat, & vincolo nobis magis alligat arcto.*

M. *Hinc planè apparet, quod nemo in vota vocandus  
Angelus*

*Angelus est, nullus vitæ munere functus.*

*P. Certa adfers: Nec enim mandata prouincia cuiquā  
Sanctorum à Domino est, nobis ut pondere pressis  
Ferret opem, Satis est illis desigere vultus  
In lehouæ decus immensum, laudésque parentis  
Ætherei, gratis animi percurrere plectris.*

*Nec vero angelicos flatus seruire saluti  
Humanae inficior, iustorum sistere vota*

*Ante Deum agnosco, sed laudem respuit illam  
Nuntius, insignem Domini quæ spectat honorem.*

*M. Sic statuit fateor, Sed si quid protinus istis  
Non quadret, nunquid Domini est violata voluntas?*

*P. Omnino: Nec enim quicquam gens credula poscit,  
Arbitrium præter Domini: Quicumque creatis  
Nititur, & voti lehouam defraudat honore,  
Seu Sanctos vocet, aut flatus in vota ministros,  
Perditus idoli est cultor, laudémque tonantis  
Destruit, & vani capitis noua numina fingit.*

## DOMINICA. XXXV.

*M. Quid rectus votorum usus? Num lingua sonare  
Sola preces, debentue alto procedere corde?*

*P. Cor semper primas poscit, nec munere linguae est  
Semper opus, purius Deus ipse est Spiritus, & vult  
Corde coli puro, quum certe tempore in omni,*

H

Præcipue,

## Libert tertius

Præcipuè, quando coram nos sistimus, atque  
Præsentem affamur precibus, promissio facta est  
His solùm, vero Dominum qui corde vocarent :  
At lingua blatero non ventis irrita solùm  
Verba dat, irati deposcit numinis iras.

M. Quæ cordis quæso in votis affectio grata est ?

P. Cum nostri propter delicti tædia, mente  
Angimur, hæc sceleris vero depressa dolore  
Ingemit, & Venia non ficto flagrat amore.

M. Hæcine debemus nobis, an numinis illud  
Est opus ? P. Haud dubiè dona hæc Pater ipse ministrat  
Cælitus : indignum, nobis quam segnia torpent  
Pectora, ni sancti flatus accenderit ardor.

M. Num sequitur, resides nequaquam in vota parandos  
Esse animos flatumque illum debere supinos  
Expectare sacrum ? P. Certè cum corda laborant  
Frigore, poscendus Deus est ut flamine sacro  
Imbuat, ac puro torpentes concitet æstu.

M. An nullus linguae in precibus sese exerit usus ?

P. Haud pauci, retinet vocis prolatio mentem,  
Ne facile à Domino meditatio nostra fatiscat :  
Tum lingua auctoris laudem, ac præconia magni  
Testatur, gratæque canit modulamine vocis,  
Sapè etiam linguam vehemens affectio pulsans  
Pectoris, in verba haudquaquam meditata resolvit.

M. Nam profunt quicquã peregrinae murmura linguae ?

P. Ridicula



*P. Ridicula haud dubie, Ceu personata theatri  
Actio, quam ficto mimus simulauerit ore.*

## DOMINICA. XXXVI.

*M. P. Endemus ne animi, an certa spe vota paramus?*

*P. Spe certa. Nobis esto hac certissima semper  
Regula, iustorum surda non negliget aure  
Vota Deus, tribuetque illis quodcunque putarit  
Vtile. Sic Paulus fidei procedere puro  
Fonte preces scribit, fidei persuasio certa est.*

*M. Qui titubat, dubioque animi qui fluctuat aestu,  
Assequiturne aliquid precibus? P. Sunt irrita certè  
Vota eius, quæ nulla Dei promissio fulcit.*

*At Christus quicquid Patrem credendo petamus  
Se concessurum sacrata voce recepit.*

*M. Vnde homini queso manat fiducia tanta  
Mancipio sceleris, Domino se ut sistere coram  
Audeat, ac illum certa spe in vota vocare?*

*P. Infirmas primum mentes promissio verbi  
Occupat, hoc Domini sancit clem. ntia fœdus,  
Non nostri ratio meriti, promissio postquam  
Accepta est animis, tum sanctus anhelitus ipsum  
Ad Patrem propius recto nos tramite ducit.*

*At vero horrendum ne mens sibi conscia numen  
Esse putet, Christus nobis occurrit Iesus:*

## Libertus tertius

*Ille genus nostrum, putris modoreptile terræ,  
Conciliat Patri dilecti nomine Nati.*

*M. Sunt ne eius solum facienda in nomine vota?*

*P. Omnino. Quæcunque pijs promissio facta est  
A merito pendet dilectæ munere prolis.*

*M. Non ergo fastu nimium se tollit inani  
Fidentisque animi est, Christo qui fretus Iesu  
Cælestem votis Patrem compellat amicis.*

*P. Haud penitus: Nanque ipsius Velut ore' precamur  
Qui nobis patefecit iter, qui vota parenti  
Grata facit, nostroque illi se nomine sistit.*

## DOMINICA. XXXVII.

*M. N* Vm præscripta ulla est orandi formula, vel nos  
Quod cupidam venit in mentem deposcere par est?

*P. Mens humana quidem cæcis occlusa tenebris  
Quid petat, ignara est, at prava affectio mentis  
Frænanda est, arctis ne quò defleat habenis.*

*M. Quid faciendum ergo? P. Domino parere monenti  
Conuenit, is certe nobis quodcunque necesse est  
Consciis, oblata dextra nos tramite recto  
Dirigit, ut solum præeuntis verba sequamur.*

*M. Quodnam præscriptum est eius? P. Qui oracula sa-  
Voluerit, haud illi votorum incognitus usus  
Esse potest. Verum nobis ut certa maneret*

*Formula,*

*Formula, vel paucis verborum carmine claudit.*

*M. Quin effers. P. illam Christo didicere Magistro  
Discipuli. Hæc inquit vestris sit formula votis.*

## ORATIO DOMINICA.

**A**lme Parens noster celsi super atria Cœli,  
Sanctificata tui Maiestas nominis esto.

Adueniant tandem sperati gaudia Regni:  
Utque tibi Cœli gaudent parere cohortes,  
Sic tua per terras fiat sacrata voluntas.  
Da nobis hodie diuturni pabula victus:  
Debita condona nobis, debentibus ipsi  
Ex animo cunctis ceu condonare solemus.  
Ne nos in cæcas Satanae inducito fraudes,  
Sed serua à prauo: Regnum sine fine perenne  
Est tibi, cuncta potestas, cunctaque gloria, fiat.

*M. Ut facile expedias, dic quot comprehendere possis  
Articulis? P. Bis ter: Tantum tres ordine primi  
Ad Domini laudem spectant, qui deinde sequuntur  
Nostra quidem sese paulatim ad commoda flectunt.*

*M. An quicquam petimus quod nobis vtile non sit?*

*P. Quod Domini laudem spectat, sic omnia versat  
Infinita Dei bonitas, ad nostra redundat  
Commoda: Nam quoties sancto celebratur honore*

H 3

Diuinum



## Liber tertius

*Diuinum nomen, nos eius munere Sancti  
Reddimur, aduentu regni nos leta coronat  
Gloria, sed mera nunc nobis obliuia debent  
Nostrum esse, ut solum Domini spectemus honorem:  
Ac etiam quamuis illi qui deinde sequuntur  
Articuli, nobis profint, ante omnia laudem  
Respiciunt, celsique decus sublime tonantis.*

### DOMINICA. XXXVIII.

M. **A**d formam accedo, Cur sese voce parentis  
Nominat? P. Haud dubie cari vox plena fauoris  
Intrepido iubet esse animo, & formidine pulsa  
Non secus ad Patrem caros quam accedere natos,  
Fidentesque magis: Si nos ab origine prauis  
Consulimus propriae soboli, Quae cura parentis  
Aetherei, nostros se prouida didit in usus?

M. Num quod conclusum est supra, Vota omnia Christi  
Inniti merito, euinces ex voce parentis? (set

P. Firma quidem ratio est: Nec enim nos nomine cen-  
Natorum omnipotens, nisi Christi ex corpore membra  
Simus, & in caros nati coalescimus artus.

M. Cur nostrum Patrem appellas, quem quisq; vocarit  
Iure suum? P. Certè nostrum non conuenit ulli  
Priuato duci studio, communia fratrum  
Commoda, debemus nostris proponere votis.

M. Quid

M. Quid sibi vult quod ais, celsi super atria Caeli?

P. Incōprehensibilem, atq; æternum, ac omnipotentem.

M. Quorsum istuc? P. Sursum nostras attollere mentes  
Instruimur, ne de Domino carnalia fingant  
Somnia, Vcl nostro pendamus numina captu.  
Quin illum cuncti Caeli, terraque penates  
Obseruent, Dominumque humili vereantur honore.

## DOMINICA. XXXIX.

M. Quid primò petimus? P. Iehouæ laudemq; decusq;  
Per cunctas passim mundi splendescere partes.

M. Num capit augmentum, aut decrescit celsa tonantis  
Gloria? P. Non in se, Verùm vt perfectio cuncta  
Laudis inest illi, sic omni nube remota  
Optamus toti decus illucescere mundo.

M. Quid regni nomen sibi vult? P. Constare duabus  
Partibus agnosco. Primùm, spiramine sacro  
Imperat electis: Tum gens malè credula, sceptri  
Sentit onus, Nihil vt fastu prodesse superbo  
Numinis inuictæ virtuti obsistere discat.

M. Quid petimus regni aduentu? P. Incrementa fidelis  
Vsque gregis, numeroque auctum ditescere donis  
Cælitus: vt que adsit eorum quæ terreat orcum  
Iustitia, & gentem perdat sine fine rebellem.

M. Num fiunt, hæc, inque dies? P. Quadam tenus il.

## Liber tertius

*Haud fieri ignoro. Verùm perfectio regni  
Non prius extremo cani quam in limine mundi  
Adueniet: celsus iudex sublime tribunal  
Ingrediens, sibi subiciet terramque polumque,  
Atqui illi tum cuncta gerent obnoxia morem,  
Ut sit perfectè Deus omnia in omnibus Unus.*

### DOMINICA XL.

M. **Q**uo sensu petis ut fiat diuina voluntas?

P. Nimirum ut totus natura pendeat ordo  
A Domino, atque eius se Ultrò submittat habentis.

M. Num sentis illi fieri nil posse repugnans?

P. Non petimus solùm ut fiant arcana tonantis  
Consilia, & quicquid secum decreuerat olim,  
Quin illi dura quicquid ceruice resistit,  
Conterat, ut Domino nemo parere recuset.

M. Num sic orando, proprijs affectibus Ultrò  
Cedimus? P. Omnino, nec solùm vota rogamus  
Irrita sint, quaecunque animis affectio prauis  
Suppeditat, ve: ùm ut sacro spiramine mentes  
Imbuat, ut nostra ex renouato pectore semper  
Vota fluant, norma & pietatis consona fiant.

M. Quid sibi vult hic cum terras componit Olympo?

P. Non aliud studium est illis qui calica longè  
Templa colunt, Domini ad nutum noctesque, diesque

*Morigera*



*Morigerae Caeli gaudent parere phalanges:  
Tale ego per terras studium mortalibus opto,  
Vt Domino penitus se quisque addicat, & ultro.*

## DOMINICA. XLI.

M. **A**ltera pars sequitur, quæ sese ad nostra remittit  
Commoda, Quid tibi vis panem poscendo diurnum?

P. Non nudum solum victum, & vox panis amictum  
Significat, Verum vitam quodcunque quietam  
Reddit, & à Domino noster de postulat usus.

M. Cur victum petis assiduo sudore parandum?

P. Cura Deo grata est, sed quorsum cura nisi adsit  
Gratia, perpetuò humano diuina labori?  
Nec vero nos pane alimur, sed prouida nutrit  
Dextra Dei, panique suos accomodat usus.

M. Cur nostrum appellas, vel cur deprecimur illum  
Si est noster? P. Summi certe bonitate parentis  
Fit noster: Verum nos ista voce monemur  
Vivere contenti nostro, non querere quæ sunt  
Alterius, fuciue aliorum incumbere rebus.

M. Cur hodie panem petis, adiungisque diurnum?

P. Vocibus his geminis frugales esse docemur,  
Quod satis est petere, & certo moderamine victum.

M. Num diues cuius multas industria brumas  
Despicit, annonamque in tempora longa reponit,

I

Postulat

## Liber tertius

*Postulat, inque dies victum? P. Nec pauperis horti  
Agricola, aut cui lauta domi est prouisa suppellex  
Ex rebus capiunt fructum, nisi dextra bearit  
Omnipotens, vires illis infensor omnes  
Eripit vt visum est, iterum virtute potenti  
Imbuit, vt Dominis profint qui munera norunt  
Esse Dei, & grato auctorem reuerentur honore.*

### DOMINICA. XLII.

*M. Quidnam contineat iam quinta petitio fare?*

*P. Vt clemens nobis Dominus, delicta remittat.*

*M. Nemone tam iustus veniâ quin indiget ista?*

*P. Nemo vsquam, forma hæc Christo præscripta magi-  
Discipulis, populo est passim mandata fidei: (stro*

*Nec vero sacrum Christi cognouit ouile*

*Qui veniæ vocem ignorat. Num oracula passim*

*Sacræ canunt? Quicumque vno se à crimine mundum*

*Dixerit, is multis reus est in millibus, ante*

*Iudicium illius trutina qui examinat æqua.*

*Sola ergo nobis Domini clementia asylum est.*

*M. Quonam condonat nobis dic crimina pacto?*

*P. Sic vt verba sonant voti: Nam debita Christus*

*Nostra vocat, Quoniam peccato debita mortis*

*Premia sunt, tetricæ manent nos torminare regni,*

*Quæ Domini nobis bonitas immensa remittit.*

*M. Num*

M. Num gratis nobis isthæc clementia præstat  
Sola Dei? P. Certè, Nec enim nos soluere quicquam  
Pauperies ingrata finit : Nos cedere oportet  
Porro bonis, veniæque vnam sperare salutem.

M. Quanam hinc vtilitas? P. Caros nos esse parenti,  
Non secus ac omni si crimine vita careret,  
Nec pœna solum expertes, sed certa manere  
Gaudia, cælesti nobis in sede reposta.

M. Verùm quod sequitur, nos condonare solere  
Num meriti est instar? P. Solus nos crimine Christus  
Liberat, à merita solus nos morte redemit:  
Verùm cum nobis illatæ obliuio noxæ  
Serpserit, haud dubiè tum mansuetudine Christum  
Exprimimus, cuius populum nos esse fidelem  
Testamur, firmatque animos ea tessera nostros.  
Sic contra innuitur, summo contendere iure  
Velle Deum, & rigidam nobis exponere litem,  
Ex animo offensas ni deponamus inulti.

M. Num sentis quoscunque animi vindicta furentis  
Exagitat, fratrum ut nequeant ignoscere culpæ,  
Ætherei prorsum natos non esse parentis.

P. Arbitror, & certè vera est sententia Christi,  
Quæ mensura tua est, eadem te iure manebit.



## Liber tertius.

### DOMINICA. XLIII.

M. **Q**uid porro sequitur? P. Satanae abducere fraudes  
Ut velit, atque astu mentes seruare maligni,  
Nec vero seiungo isthæc: pars Ultima primam  
Explicat, & iure optato concluditur Uno.

M. Quæ vis illius est? P. Sceleri ne laxet habenas  
Omnipotens, ne de nobis infirma triumphent  
Agmina, neu carnis sese Victoria iactet:  
Quin adsit potius nobis, ut vindice dextrâ  
Protegat, & contra tam sauos muniat hostes.

M. Quinam id perficitur? P. Sacri moderamine flatus.  
Illius auspicijs freti fidenter in hostem  
Irruimus, tergum trepidè fugientis auerni  
Cedimus, & scelus, & carmen calcamus inermem.

M. An cunctis dux ille opus est? P. Certamina cunctos  
Dura manent, cunctos rugientis more leonis  
Circuit horrendus daemon, sine viribus ullis  
Utque imbellè pecus, Ni nos Deus instruat armis  
Ad pugnam, propriâque manu fulciret inermes.

M. Quid tibi significat nomen, tentatio? P. Fraudēs  
Demonis, infidiasque omnes quas ne ctere nobis  
Assolet, haud dubiè nos illuc prona voluntas  
Dirigit, ut nullo flabello accenderit hostis.

M. Cur Domino fraudes tribuis, quas perditus ille

Sata-

*Satanas, imis Orci sudauerat antris?*

*P. Ut Dominus populum Satanae ex iure fidelem  
Vindicat, haud vlla patiturque labascere fraude,  
Sic quos exodit, non illis abstrahit auram  
Caestem solum, quae nobis gratia dicta est,  
Luminibus captos reddit, ne cernere possint  
Rectum iter, inferno reprobos punire tyranno  
Tradit, & ad cunctas Cacodæmonis obijcit artes.*

*M. Quid sibi vult tandem quae adiecta est clausula, Reg-  
Est tibi, cuncta potes, tibi cunctaq; gloria fiat. (num*

*P. Hic iterum instruimur, nostris fundamina votis  
In solo querenda Deo, nec fidere nostris  
Viribus: ac veluti primas sibi postulat auctor.  
In precibus, postrema eius sic clausula laudes  
Praedicet, ac sanctum resonet super omnia nomen.*



*M. An nil praeterea nobis deprecere fas est  
Quam quod succinctus formae praescripserit ordo?*

*P. Non opus est iisdem verbis, nec more precandi  
Perpetuo, sed nulla Deo est oratio grata  
Quae non huc velut archetypum referatur ad vnum:  
Regula namque pijs haec est certissima votis.*

# LIBER QVARTVS DE SACRAMENTIS, PATRICIO

Adamsono auctore

## DOMINCA. XLIIII.

M.  *Res modo diuini cultus ex ordine partes  
Emēsus, Nunc quartā auibus felicibus adde.*  
P.  *Vt nos auctorem, fontem, causamq, salutis  
Esse Deum, Non solā ima de pectoris arca  
Nouerimus, verū externe confessio laudis  
Accedat, Dominique palam testemur honorem.*

M. *An nulla hic norma est?* P. *Certè præconia laudum  
Omnia, quæ sancti quondam cecinere Prophetæ.*

N. *An nulla huc Domini concepta petitio tendit?*

P. *Prima quidem: Nam cum sancto vt celebretur ho-  
Diuinum petimus nomen, Facta omnia laude (nōre  
Prosequimur: Iudex si fontes vindicet æquis  
Iustitiam efferimus, si crimina nostra remittat,  
Quam gratum dicat nobis clementia carmen!  
Si seruat promissa Deus, seruata fidelem  
Pacta docent, Veraxque eius constantia laude  
Digna sua est: Demum vastus quod continet orbis  
Diuinæ præ se fert passim encomia laudis:*

M. *Quidnam ex prædictis infer?* P. *Vitā esse perennem  
Nosse Deum viuum, & Christum quem misit Iesum,*

*Nos.*



*Nosse, inquam, ut semper merito obseruemus honore,  
Ut Seruatorem, Dominum, Patremque benignum.*

## DOMINICA. XLV.

M. **Q**uamvisnam aditus recto nos illuc tramite sistet?

P. *Hac fini, nobis sacri mysteria verbi  
Tradidit omnipotens, hac certè ianua vera est,  
Limina qua Cœli nobis augusta pateſcunt.  
Nec vero obscurum est verbum, spiramine sacro  
Imbuti, paucis vates clausere libellis.*

M. *Qui verbo utendum est, Ut fructum carpere possis?*

P. *Debemus primum amplecti ceu calica magni  
Dona Dei, tum nos humiles submittere mentes  
Conuenit, & pectus sacrata ardescere flamma:  
Postremò penitus nostris infixæ medullis  
Vox Domini vitæ fructus producat amenos.*

M. *Heccine sunt nostri ingenij?* P. *Nullatenus inquit,  
Sed Deus in nobis sacro spiramine complet.*

M. *Num nostrum est aures doctrine aduertere sacre  
Assiduò, & legis sacratum euoluere corpus?*

P. *Omnino, seu nos priuati tegmine muri  
Claudimur, imprimis cum Christi Ecclesia in unum  
Cogitur, ut verbi caelestes imbibat haustus.*

M. *Non satis est ergo si quem meditatio pascat  
Grata domi, sacros cœtus celebrare necesse est.*

## Liber quartus

P. *Omnino, si libertate Ecclesia Christi  
Gaudeat, aut crudus nos non detterreat hostis.*

M. *Quæ ratio est?* P. *Christo nobis parere monenti  
Conuenit, ut cæcum populus reuerenter in unum  
Se sistat, verbique simul mysteria discat:  
Sic etenim crescit sacrati gloria Templi,  
Puraque caelestis retinemus dogmata verbi.*

M. *Ergone pastorum nobis opus esse labore  
Atque ministerio sentis?* P. *Vel maxime, ab ore  
Veriloquo illorum nobis pendere necesse est:  
Nam qui despicit hos, Christum contemnit Iesum  
Pastorum caput, & sacro seiunctus ouili est.*

M. *Num satis est semel hanc doctrinam hausisse salutis?*

P. *Non rectè est cepisse satis: Nos pergere porro  
Conuenit, & Christi nunquam tædere magistri.  
Porrò illum fidis munus mandasse ministris  
Nouimus, utque suo cunctas in nomine gentes  
Instituant, subeatque vices doctrina magistri.*

### DOMINICA. XLVI.

M. *AN solo Verbi Dominus se dogmata monstrat?*

P. *Sacramenta pio coniunxit mystica verbo.*

M. *Quid Sacramentum est?* P. *Diuini externa fauoris  
Indicia appello, Verbum nunc mollit usus,  
Visibili signo quæ spiritualia adumbrant*

*Munera,*

*Munera, & obsignant nostræ promissa salutis.*

*M. Atqui hæ sunt flatus partes, nos reddere certos  
Ante Deum, & solida spe confirmare salutem.*

*P. Agnosco. Verùm magno hæc discrimine distant:  
Solut enim Dominus sacro torpentia flatu.*

*Corda mouet, cæcæque hominum illucescere menti*

*Est eius solius opus, firmare salutem*

*Non alius poterit dubio ne fluctuet æstu:*

*Sacramenta autem quid sunt nisi inania tantum*

*Symbola, ni Christus vires accommodet auctor,*

*Ac instrumenta hæc ad sacros applicet vsus.*

*M. Cur ergo instituit Dominus? P. Quò fulcra mane-  
Infirma nobis fidei, si terrea abesset* (rent

*Congeries, Qualesue animicælestibus essent,*

*Vana rudimenta hæc fierent: Nunc corpore pressi*

*Talibus omnino, mentem ad sublimia fulcris*

*Tollimus, & Cæli dotes comprehendimus altas.*

*Atque adeo est, Domini quasi persentiscere fœdus*

*Vtile, quo melior mentes fiducia firmet.*

## DOMINICA. XLVII.

*M. C*um Sacramenta in nostros prouiderit vsus  
*Hoc exercitium num prætermittere fas est?*

*P. Non equidem: Nam qui fastu contemnit inani  
Auctorem spernit Christum, veniaque recusat  
Spem stolidus, sacrique extinguit flaminis ignes.*

K

M. Quo-



## Liber quartus

M. Quomodo nos animi reddunt mysteria certos  
Quæ sumunt etiam pravi communiter omnes?

P. Quamuis gens expers fidei sibi Symbola reddat  
Irrita, & oblata spernat promissa salutis,  
At qui participat verè, Christumque requirit  
In Sacramentis vis effectusque sequuntur.

M. Quomodo in his Christus nobis quærendus Iesus?

P. Visibili primum mentes defigere signo  
Non patitur, quasi vis illic occulta lateret,  
Clausæ in externis esset virtus elementis:  
Sunt fulcra hæc tantum fidei, quibus aduolet alis  
Ad Christum, viuoque eius de gurgite libet  
Fontis inexhausti laticem, lymphasque salutis.

M. Sacramentorum verus si postulat usus  
Rite fidem, Cur hæc fidei munimina dicis?

P. Non satis est primum fidei contingere limen,  
Pergendum est porro, fidei incrementa petenda  
Ex Sacramentis. Diuus signacula Paulus  
Illa vocat, nostræ firmanant quia pacta salutis.

M. Hocine diuinis prorsum est diffidere pactis  
Externi nobis fulcimina quærere signi?

P. Infirma est fateor fidei, perfectio verum  
Non hominum cuiquam mortali in corpore constat,  
Corruptæ insedit sic diffidentia carni.  
At nos his contra fulti contendimus armis,  
Inque fide semper passu procedimns aucto.

DOM

## DOMINICA. XLVIII.

M. **Q**uot Sacramenta in credenti Ecclesia habemus?

P. Omnino duo, quæ cunctis communia Christus Instituit, Baptisma inquam, sacramque synaxin.

M. Quid simile est illis, quonam discrimine distant?

P. Baptismo Christi nobis reſeratur ouile  
Occluſum prius, extorres admittimur albo  
Seruorum, atque manu propria in penetralia ducit.  
At nobis poſtquam ſacrata in tecta recepit  
Suppeditat victum aſſiduò, quem myſtica cæna  
Exhibet, æternæ præbens pia pabula vitæ.

M. Verùm hæc vt pateant melius, Baptisma ſeorſum  
Aggrediar. Quidnam ſibi vult Baptisma? P. Duabus  
Partibus id conſtat. Nanque & peccata remitti  
Noſque iterum ſancto naſci ſpiramine ſignat.  
Nec vero caret hoc cauſſa: Nam vt corpore ſordes  
Eluimur cunctas mundæ purgamine lymphæ,  
Sic animi eſt veluti quædam quoque lotio, Chriſti  
Sanguine, quæ veniæ peccatum obliſſerat amne.

## DOMINICA. XLIX.

M. **Q**uopæcto ſimilis lymphæ eſt, iterum genitura?

P. Quod caput immerſum tegitur ſtillantibus vndis

K 2

Id

## Liber quartus

*Id sceleris prorsum labi nos esse sepultos  
Significat: verum subito quum se exerit vndis  
Forma nouæ vitæ est: Certè hic quem diximus ortus  
Partibus his constat, tota vt corruptio cesset  
Mortua, & integræ carpamus gaudia vitæ.*

*M. Num nostras purgat mentes respersio lymphæ?*

*P. Nequaquam, solo Christi perfusa cruore  
Pectora deponunt maculam, respersio flatus  
Est munus, nobis illud Baptismi figurat.*

*M. An nihil in lymphæ nisi vis externa figuræ est?*

*P. Eff:ctus certè sequitur, promissa fidelis  
Irrita non sinit esse: Deus, peccata remittit  
Protinus, & recto moderatur tramite vitam:  
Nam quamuis sibi non fidi mysteria reddant  
Irrita, credenti rectus sentiscitur vsus.*

*M. Vnc è nouus nobis partus? P. Quia mortuus olim  
Ipse resurrexit Christus, mors eius Adamum  
Affixitque cruci veterem, clausitque sepulchro.  
Qd vero vitæ nouitas non ficta sequatur,  
Id nobis tribuit rediuiui gratia Christi.*

*M. Quinam hæc contingunt? P. Chris: i vestimur amictu  
Et sacrum induimus flamen, nisi corde prophano  
Oblatum signo Domini aspernemur amorem.*

*M. Quid superest ergo Baptismo vt rite fruamur?*

*P. In veraque fide, respiscendique recumbit  
Toto animi studio, rectus Baptismatis vsus.*

*Primum,*



*Primum, certa animos firmat fiducia Christi  
Sanguine, ne scelerum infirmos per terreat horror;  
Tum sacrum flamen vitæ moderatur habenas,  
Et fidei educit gratos è palmitibus fructus.*

## DOMINICA. L.

**M** *Cum res sic habeat, cur lymphis parua lauamus  
Pignora, cur teneris infantes tingimus annis?*

**P.** *Non opus est semper præeat fiducia præsens,  
Et resipiscendi studium Baptisma: sed illa  
Rite petuntur ab his qui sunt ætate capaces:  
At pueris postquam veniens adoleuerit ætas,  
Baptismi vim nosse sui satis esse putamus.*

**M.** *An nihil hic esse absurdi ratione probabis?*

**P.** *In promptu ratio est: Nam circumcisio signum  
Federis antiqui fuerat, quod protinus omnes  
Infantes primis Domino sacrauerat annis.  
Quid? quod diuinus Paulus fidei esse sigillum  
Patribus affirmat veteris sub tegmine legis?*

**M.** *Estne eadem ratio?* **P.** *Certè, Promissio facta  
Israeli olim, Nunc Christi munere toto  
Orb. valet, mundi que plagas complectitur omnes.*

**M.** *Par nè igitur signi est usus?* **P.** *Conclusio certa est:  
Sic texo. Populo quondam promissio facta  
Israelitico, Nunc Christi munere nobis*

## Liber quartus

*Auctior est: Verum, soboli ni signa paterent,  
Esset conditio renouato fœdere peior,  
Et Christi aduentus minuisset dona salutis.  
Atque equidem non parua animos fiducia fulcit  
Cum nostros illi infantes curæ esse videmus.*

*M. Sic populi Hebræi, sentis, infantibus olim  
Corporis impresso testatum stigmatæ fœdus,  
Æquum igitur Christo exhibito quoque pignora nostra  
Diuini externum sentiscere pignus amoris.*

*P. Sic prorsus, Nam cum Baptismi munia certum est  
Vimque eius teneris communem infantibus esse,  
Iniusta est certè externi priuatio signi.*

*M. Cur ergo teneros sacro libamine natos  
Tingimus? P. Hæredes eius testemur ut esse  
Quem nobis Domini bonitas promisit amoris:  
Utque ipsi matura olim quum venerit ætas  
Percipiant, promantque sui Baptismatis vsum.*

### D O M I N I C A.   L I.

*M. Nunc super est nobis sacram tractare synaxin,  
Quidnā significet? P. Christi nos corpore pasci, ac  
Sanguine, ut illorum nostras communio mentes  
Educet in vitæ spem, solamenque beatæ.*

*M. Cur panis corpus signat vinumque cruorem?*

*P. Quòd panis carni confert, è corpore Christi*

*Mens*

*Mens capit, æterna nimirum pabula vitæ.  
Ac veluti nobis grati vis læta lyei  
Corda fouet, pectusque hilari libamine firmat:  
Sic animis quoties virtus sublapsa resurgit,  
Effuso vires Christi de sanguine manant.*

*M. Num sentis verè nos corporis, atque cruoris  
Participes fieri? P. Nil quicquam certius illo est.  
Nam cum de Christo nostræ spes tota salutis  
Pendeat, ac eius nobis accepta feratur  
Iustitia, integrum mentes apprehendere Christum  
Est opus, vt solidæ carpamus pabula vitæ.*

*M. Sed nunquid Christus nobis est munere mortis  
Traditus? P. Haud dubiè, sed quorsum passio prodest.  
Ni fructum latebris animi sentiſcimus imis?*

*M. Num fidei hoc tribuis? P. Non solum quatenus eius  
Credimus in mortem, & rediuiui munera Christi  
Speramus nobis vitam allatura perennem:  
In nobis habitat Christus, nos membra subimus,  
Ille caput, firmaque sibi compagine iungit  
Quosunque æternæ dignatur munere vitæ.*

## DOMINICA. LII.

*M. Num solum extremæ hoc præstat communio cenæ?*

*P. Non equidem. Certè sacrati concio Verbi  
Nos Christo adiungit, nos ossa ex ossibus eius  
Reddit, & in carnem verè coalescimus vnæ.*

K 4

Quin



## Liber quartus

*Quin vitæ sese, verbi hoc fit munere, panem  
Nominat, ac Cælo dicit venisse supino.*

*Atque alibi, fidos secum coalescere in unum,  
Æthereo veluti coniungitur ipse parenti.*

M. Num quid præterea Cænæ communicat usus?

P. Baptismo, Christi, fateor, Vestimur amictu,  
Vox Euangelij nos uno corpore iungit.

*Verùm hæc vberius sacræ communio Cænæ  
Exhibet, ante oculos mortis mysteria pandens.*

M. Dic ergo in sacro quid pignore panis habemus?

P. Vt Christi æterno semel est oblata parenti  
Victima, sic eius nobis communicat esum  
Vt Credenti parta reconciliatio profit.

M. Quid vero in vini patera? P. Demonstrat Iesum  
Crimine pro nostro largum fudisse cruorem  
Potandum nobis, fructum ut sentire queamus.

M. Hinc facile apparet sacræ mysteria Cænæ  
Nos veluti dextra, ad Christi deducere mortem.

P. Omnino, Siquidem sola hæc æterna saluti  
Victima suffecit nostræ, Nihil amplius ergo  
Nunc superest, tanto nisi dono ut rite fruamur.

M. Num Christum fas in Cænâ est offerre parenti?

P. Non ita: perpetuo Christus se iure Sacerdos  
Obtulit, haud alias iterum mactandus ad aras.  
Ille suæ nobis esum tantummodo carnis  
Imperat, atque fide sacrum potare cruorem.

DOM.

## DOMINICA. LIII.

M. **C**Ur duo signa adhibet? P. Certè sic mentibus agris  
 Consuluit, panemque simul Vinumque ministrat,  
 Ut plenam à Christo norint sperare salutem.

M. Num calicis cunctos spectat communiter vsus?

P. Haud dubiè, Christus proprio sic imperat ore,  
 Cuius mandatis scelus est immane reniti.

M. Num Cæna istarum rerum est umbratile signum,  
 An verè, nobis præstat quodcunque figurat?

P. Non vana verax nos Christus imagine ludit,  
 Vimque adhibet signis, nosque eius corpore vero  
 Vescimur, & sacri potamus sanguinis undam.

M. Què fieri hoc poterit, Christus quum calica Patris  
 Regna colat, longè peregrinis disita terris?

P. Hæc sacri vis est flatus quam nulla capedo  
 Separat, ut spatio iungat distantia longo.

M. Non ergo Christi sentis sub pane latere  
 Corpus, nec viuum calicem præferre cruorem.

P. Non equidem, Sursum nostras attollere mentes  
 Conuenit in Cælos, Vbi Christus regnat Iesus,  
 Vndè etiam adueniet iudex equissimus olim.  
 Nos illuc ferimur fidei pernicibus alis,  
 Et Christi haurimus sudantem vulnere costam.

M. Sic sentis, binas Cænæ mysteria partes  
 Amplecti: primam externo constare elemento  
 Pane inquam & vino: celestis gratia, pars est  
 Altera, & oblatis nobis pia munera Christi.

L

P. Certa

## Liber quartus

P. *Certa adfers. Quin & nobis hoc pignore constat  
Experrecturum tandem de pulvere corpus,  
Quatenus aeternæ percepta est arra salutis.*

### DOMINICA. LIIII.

M. *Q* *Visnam germanus Cænæ præscribitur usus?*

P. *Divinus monstrat Paulus: tentetque, probetque  
Quisque inquit sese, Cænæ qui pabula sacra  
Expetit, ac epulis vult dignè accumbere tantis.*

M. *Quinam id constabit?* P. *Si nos viuacia Christi  
Membra sumus, fidei primum tentanda latentis  
Vis est, num tota ad Christum fiducia tendat.  
Tum, num pæniteat scelerum, veniaque parata  
Spes animo fixa est: cari postrema propinqui  
Pars etiam inuidiæ expertem deposcit amorem.*

M. *An perfecta fides, & par dilectio nobis  
Poscitur?* P. *Integram certè, fucoque carentem  
Querimus, at longe nostras perfectio vires  
Exuperat, Nec eam Cænæ depostulat usus.  
Quin etiam incassum Christus mysteria Cænæ  
Instituit, si quem perfectio tanta bearet.*

M. *Non ergo à sacro Cænæ depellimur usu  
Imperfecto animi vitio?* P. *Nam mentibus ægris  
Subsidium est, fulcitque pio medicamine vires.*

M. *Non alios servire putas mysteria in usus?*

P. *Sunt equidem externi nobis insignia cultus,  
Queis soli nomen Christo tribuisse Magistro  
Testamur, fictosque orbis contemnere diuos.*

M. *Quo*



M. Quo tandem numero est, hæc qui mysteria temnit?

P. Non ego christicolam credo, sacræne dicatum  
Militia, qui Sacramento astringere sese  
Nolit, & egregijs fidei vestirier armis:  
Exauكتورandus certè est, qui signa negabit  
Sacra sequi, atque pio clam sese surripit albo.

M. Num toto semel hæc sumpsisse in tempore vite  
Sufficiet? P. Semel imbatum suffecerit undis,  
Nec fas est iterum sacro Baptismate tingi.  
At sacræ non hoc poscunt mysteria Cænæ.

M. Quæ ratio est? P. Aditus nobis Baptismate Christo  
Panditur, inque eius tincti censetur ouili:  
At semel admissis, diuturni pabula victus  
Suppeditat, crebròque suis alimenta ministrat.

## DOMINICA. LV.

M. Quidnam ille est fidis qui Sacramenta ministrat?

P. Cui mandata palam est Sacri prouincia verbi:  
Nanque hæc continua secum compage coherent.

M. Hæccine Scriptura nobis testante probabis?

P. In promptu est. Proprio Christus sic imperat ore  
Ite, Salutifera hæc toti præconia mundo  
Pandite, credentes quicunque aduerterit aures,  
Et sacri tinctus fuerit libamine fontis  
Saluus erit: quid quod postrema munere Cænæ  
Defunctus, sua nos memores vestigia mandat  
Pone sequi: Ast illic Christus se rite ministrum  
Præbuit, & caris Cenam diuisit amicis.

## Liber quartus

M. Num qui sacra pij pastores symbola tractant  
Non habito quo suis delectu admittere fas est?

P. Infantes quoniam solos Baptismatis vnda  
Tingimus, haud vllum fas est secludere lymphis.  
At sacrum caueat pastoris cura synaxin  
Polluat, aut cunctis prostent mysteria Cena,  
Quos praua impietas Christi secluserit albo.

M. At qui ipse in Cena non dedignatus Iudam est?

P. Vt verum fatear, tamen haud eruperat eius  
Impietas, Christus tectum quod corde latebat  
Conscius, At reliqui nil cognouere ministri.

M. Quonā igitur numero est nobis simulator habendus?

P. Non est arcendus Cena dum tecta pate scat  
Impietas, Verū sacros ne illudere catus  
Pergat, poscendus Deus est ut detrahat ori  
Personam, scelus ut toti se proferat orbi.

M. Quid si ipsi tandem sit non ignota ministro  
Impietas, quid si monitus rescuerit ante?

P. Non equidem satis est, certè res testibus ista  
Indiget, & sacri iusto moderamine catus.

M. Sancta igitur Christi num debent ordine certo  
Templa regi? P. Quidni. Totius nomine catus  
Insignes pietate viri censoria sumant  
Munera, ne sceleris quoquā contagio serpat.  
Hij procul à sacris epulis arcere prophanos  
Debent, Christicolas inter qui noxia gignunt  
Scandala, & irritant supremi numinis iras.

FINIS.

DE PAPISTARVM  
SVPERSTITIOSIS  
INEPTIIS.

Patricij Adamsonij Scoti,  
Poetae carmen.

MATTH. 15.

Omnis plantatio, quam non plantauit Patèr  
meus Cœlestis, eradicabitur.



LONDINI  
Apud Ioannem Billium,  
Anno 1618.



AD LECTOREM  
PIVM.

**S**uperioribus his diebus, quum in Septentri-  
one peregrinarer, promouendi Euangelij  
gratia, ne in summo ocio nihil agerem, Pa-  
pismi crassiores aliquot abusus carmine descripsi.  
Ea verò ne clam apud Papistas Abirdonenses latè-  
rent, in lucem ædenda curaui, neue tantillū fructus  
qui ex his versibus prodire poterit, alijs eiusdem  
sectæ hominibus, inuiderem. Tuum autem erit  
candide lector, beneuolo hos versus animo ample-  
cti, donec cultiora de rebus grauioribus in manus  
tuas veniant. Datum Sanctiandree 4. Calendas  
Septembris: Anno 1564.

*Ex paedagogio.*

Vale.

# AD PAPISTAS ABIRDONENSES.

**D** Emiror quæ vos Papistæ infania vexet,  
Aut quo transversæ rapiantur turbine mentes:  
Vt spreto Domini verbo, iussisque tonantis,

Papistæ  
infani.

Humanas alto figatis pectore leges.

Papa caput cætus vestri est, qui temperet orbem,  
Iura ferat, cælum pendat, dominetur Olympo;

Dist. 40.  
cap. 6. Papa.

Exoluatque animas pœnis, atque imperet Orco.

Scilicet id monstri tetro quod Tartarus ore

Expuit, ac atris ructavit faucibus, ille

Apoc. 9.

Perditus, & quo non Christo capitalior hostis,

Tantus erit Christumque suo spoliabit honore.

At vero vobis quæcunque est forma colendi

Numinis, & quicquid pro religione tenetis,

Fluxit ab hoc monstro, & cecum manavit in orbem.

Parturit nãque hoc monstrum, peperitque per orbem

Idola, erexitque omnes veneranda per aras:

Pepererunt  
Papa mof-  
coli.

A que illis falso fieri miracula finxit,

Vt genus humanum mira deluderet arte.

Atqui id lege Deus vetuit. Scelerisque nefandi

Exod. 20.

Artificem, terrena ausum simulacra tonanti

Deut. 4.

Ponere, vel formam rebus finxisse creatis,

Psal. 115.

Vt Satane in laqueos princeps turba inscia veri

Irruat, utque colat sculptum de marmore numen.

L 4.

Talem.

# Ad Papistas

Isa. 44.  
Idolum ma-  
gu porten-  
sorum quam  
perit lo-  
anna Papa  
faminini  
generis. dist.  
23. can.  
prohibes.

Missæ, The-  
atrum  
spectacu-  
lum.

Sacerdos  
est incanta-  
tor.

Simiam  
emulatur  
sacrificus.

Cauda sa-  
crificiere-  
tis.

Talem inquam artificem Deus execratur, opusque.

Præ reliquis verò horrendum, ac mirabile visu

Idolum, plena postquam intumuisset ab aluo

Emisit: quod passim omnes pro numine adorent.

MISSA illi nomen, quam non nisi vertice raso

Bellua, Papalique oleo perfusa celebrat.

Res arcana quidem, sed qua non aptior vlla

Fabula, si ridere velis, spectanda theatro.

Sternitur altare, attonitus longo ordine circum

Stat populus, pergit tum personatus ad aram

Histrion se inclinans terræ, tum pectora planctu

Tacta gemunt, mæret populus, templumque remugit.

Tum verò innumerum crucibus signare recurvis

Altare, & crebro videas dare frigida saxo

Oscula, seu magicas incantamenta per arteis.

Nam modò qui vidit, clausis conuiet ocellis,

Quique prius vasto repleuit templa beatu

Subticet, & presso canonem dimurmurat ore.

Et modò distendit latè, modò brachia nectit,

Et modò ad hanc partem altaris, modò vergit ad illam:

Et modò se ad populum, modò se conuertit ad aram.

Pendula tum cauda, & dimisso syrmate lambens

Tellurem, ad clunes, paucis tinnitibus æris

Erigitur, populumque ad seria sacra frequentem

Conuocat, ille autem tensis ad sidera palmis,

Numinis aduentum fixisque expectat ocellis.

Tum



Tum verò geritur res augustissima, nanque  
 De modico fit pane Deus, (Christumq; relictâ  
 Sede poli, paucis verborum murmure, cœlis  
 Euocat, & panis tereti concludit in orbe.  
 Iamque nouum numen supra caput altius effert,  
 Et calicem, sonitu quem coniurauit anhelâ.  
 Turba autem seductâ, Deum sub pane latentem,  
 Prona colit, trepidansque illi largitur honorem.  
 Indè suo mystes colludit numine, tanquam  
 Quem catus apprêndit murem, prius ordine certo  
 Circuit, & gessit prædâ colludere, quem post  
 Deorat, atque auidè subitus præcordia condât.  
 Non aliter mystes sese oblectatur in isto  
 Numine, dum varijs imitatur protea formis.  
 Et modò veste tegit munda, modò veste relectâ  
 Effert, & patulas educit numen ad auras.  
 Hisque ubi defunctus curis, dat membra quieti,  
 Ut somno fessos paulatim emolliat artus.  
 Vidi ego quondam infans, primæque ætate iuuentæ  
 Ad musas quum me puerum misere parentes,  
 Sacrificum postquam somno destertuit, alta  
 Voce, suam lænam passim ingeminare per aras.  
 Quin & odoriferi efflauit crepitacula thuris,  
 Et sacro sacras aras perfudit odore.  
 Quis crepitus mihi tunc animis dixere leuamen  
 Esse pijs, vexat quas Purgatorius ignis.

M

Sacrifici  
 hac ratione  
 superant  
 Angelos.

Figura ro-  
 tunda est  
 capacissima.

Sacerdos  
 Cato com-  
 paratur.

Dormit sa-  
 crificus.  
 Dur. rat.  
 lib. 4. Rub.  
 de sen.  
 thuris.

Crepitus  
 sacrifici re-  
 frigerat  
 animas in  
 Purgatorio.

Quas

## Ad Papistas

Quas flatus iuuat, ingentemque refrigerat aestum.

At postquam somno satis, & se gestibus istis

Indulsiſſe videt, ſequē expleuiſſe choreis:

Diuiſio Dei  
miſſatici  
prohibetur  
de conſ. diſt.  
21. ca. Quā  
omne.

Tum crucibus calicem ſignat, tum fiſſile numen

Partitur, pars Una iacens ſubmerſa falerno,

Sulphureo manes merſos ſolatur in igne.

Quæ reſtant, conuexa poli, & terrena, colentes

Significant animas, quas omnes dente tenaci

Deuorat, atque auida myſtes ingurgitat aluo.

Oſ non com-  
minuetur ex  
illo Exod.  
12.

Tum lambit digitos, digitis tunc obſerat aures,

Ne colluſa crepent Chriſti quæ conterit oſſa.

Iam Vero ad finem properant myſteria: tanquam

Quem canis in campis leporem venaticus urget,

Eluſis tandem cunctis ambagibus, ore

Corripit, & naſtus leporem, prædæque potitus

Deſinit, atque illic capiunt ſpectacula finem.

Non aliter myſtes quum longa indagine cinxit

Altare, & plenis Velis per munda cucurrit

Atria, iam naſtus numen, lingensque cruorem,

Concludit Miſſam, toto ſe corpore vertens

\* alias Ad populum, pocloque illis \* valedicit inani.

Se Vero populus qui ſcenica ſacra frequentat,

Quot graditur paſſus tantum meruiſſe ſalutis

Credit, totque animas purganti abſoluere ab igne:

Pape pro-  
dij: ex in-  
ſeris.

O cæcas hominum mentes, O peſtora dira

Tacta lue! quiſnam tenebroſo Damonis antro

Exijt,

Exijt, infecitque istis erroribus orbem?  
 Natus erat Christus pura de Virginis aluo,  
 Pro mundo passus semel est, nunc incolit astra:  
 Num fiet de pane iterum mactandus ad aras,  
 Eque Sacerdotis fædo exhalabitur ore?  
 Ergo Creatori nulla est obnoxia lege  
 Turba istæ: quos ille semel seu cætera cuncta  
 Fecit, vi talesque semel produxit in auras.  
 Hij vero cunctis Christum de pane diebus  
 Efficiunt, redduntque Vices, vincuntque creando.  
 Omnia præclare; nisi quod gens effera, numen  
 Quod fecit, coluitque, voraci absorbeat ore;  
 Et cacet, & paruo momento in stercora vertat.  
 Absit, & à vobis procul hæc commenta faceßant.  
 Nanque sua in cæna Christus charissima mortis  
 Pignora, panem illum, nobis Vinumque reliquit.  
 Non ut cælestem induerent mortalia Christum,  
 Non ut pro populo mystes offerret ad aras,  
 Non ut pro scabie sacraret ouilia missis;  
 Non etiam ut magna vulgi comitante caterua  
 Compita lustraret numen: vel pyxide clausum  
 Contraheret vermes; ut post altaria tandem  
 Hæretico Vitam miseram finiret in igne.  
 Cur ergo corpus vocitat? quia mystica signa  
 Sape à signatis desumunt nomina rebus.  
 Nec nos nuda tamen vobis sic signa fatemur:

M 2

Matth. 1.  
Hebr. 7.

Cruelitas  
Papæ  
in su-  
um Deum.  
Matth. 26.

Concilia  
Aureli.  
cap. 5.

Corpus  
Christi in  
cena.

Sed



## Ad Papistas

Sed verbo coniuncta Dei quodcunque figurant  
Efficiunt, & nos sacramento corpore Christi

Confessio  
Berengarij.

Vescimur, atque fide in corpus coalescimus unum.

Vos illic stomachum, dentes, atque ora paratis.

Nostra fidem, purumque animum doctrina requirit.

Iesaja 56.  
Matt. 23.

Carne inopis vesci princeps, populique cruorem

Pauperis ebibere arguitur, quum saeva Tyrannis

Illius, premit angusto sub tegmine plebem

Emungitque bonis, & opes exhaurit egenti.

Non aliter, si praua licet componere rectis

Christum edimus, quum nos inopes ditissima Christi

Munera, caelestem vitam patrisque fauorem

Placati accipimus, tranquilla & pace beamur.

Ergo abeant nugae quas turba Scolastica finxit

Et Sorbona loquax tumido delitigat ore:

MISSA abeat, repetat Romam: tuque aurea Papae

Progenies, scelerum excoctrix, & crimina purgans

Flamma vale: quoniam carnis compage soluta

Luc. 16.  
cap.

Scandimus in caelum, aut tenebris inuoluimur atris.

Nam meritis nostris patet atri ianua ditis.

Nec nos nostra tamen sublimis ad aethera virtus

Euehit, aut meritis patet alti ianua caeli.

Rom. cap. 3.

Sic etenim Christus gratis venisset in orbem,

Mortuus & frustra passus tormenta fuisset.

Vaticinium  
Lutheri.

Bergensi, si vera fides memorantibus, augur

Colle sedens, signa obseruans coeuntia signis,

Et

Et totum pluuiæ cælum concurrere nexu,  
 Imbriferis orbem periturum dixit ab Ondis.  
 Qualis erat terræ facies, quum tempore Noah,  
 Iuppiter ex altis iaculatus nubibus imbrem,  
 Perdidit humanam gentem: nisi semina mundi  
 Arca animas octo tumidis seruasset in Ondis.  
 Iamque dies funesta aderat, pars culmina montis  
 Scandere, pars curuis committere Vela carinis  
 Credere se pelago, & latum Volitare per æquor.  
 Abdere sese antris alij, mens omnibus Una  
 Venturam sperare necem, tum callidus ille  
 Papæ hostis, rimam occultam Lutherus in vnda  
 Perforat, illa autem laxis decurrit habenis,  
 Sternit iter cursu, tum subter lapsa meatus  
 Terrestres, cursum purganti: sistit in igne.  
 Sulphuris extinguit Venas, flammamque calentem  
 Obruit, illa autem Vi circumfusa paludis  
 Algebit semper glaciali frigore Vineta:  
 Nec misero manes posthac assabit in igne.  
 At bellè vobis ista ratione triumphum  
 Occinitis. pleno cur fusa est copia cornu  
 Sanguinis è Christi venis, quum guttula mundum  
 Vna redemisset? passa est cur turba piorum  
 Martyrium propria qui plus meruere salute?  
 Cur? nisi Papali sint exuperantia facta  
 Credita thesauro, post dispensanda per orbem?

M 3

Scilicet

Achilles  
 Papista-  
 rum vnde  
 parte in-  
 dulgencia.

## Ad Papistas

Scilicet intererit Christus nil Martyre, cuius  
Sanguine placatus Pater est, mundoque rebeli  
Pax data, & eterna sancitæst fœdere, quique  
Non gutta sese, sed pleni sanguinis unda,  
Morigerum ad mortem voluit præstare parenti.

*Apo. 4.*

Illi autem Christi quos longa, & candida Vestis  
Circuit, haud sese meritos quid tale fatentur.

Sed strati ante pedes agni posuere coronas,  
Et prece nocturna laudant, laudantque diurna.

At te Papa ferox, monstrum crudele, tuamque

*Apo. 6. ca.*

Deuouet exitio gentem, pia turba sub ara  
Degens, & pœnas effusi sanguinis à te  
Postulat, & lachrymis Dominum compellat obortis.

Quin Deus exurgis noster, quin vindice dextra  
Deprimis hostiles turbas, gentemque rebellem

Conteris, an semper mortem patieris inultam  
Sanctorum, rabies quos sustulit Antichristi?

Ille tuas leges, sacri dictamina Verbi

Spernit, dumque tuus vult esse Vicarius, ecce  
Vt totum proprias sub leges miserit orbem.

*Arma pa-  
pistarum.*

Quas nec Scriptura, nec vult ratione tueri,  
Sed ferro: sæuoque parat defendere marte.

Quin Deus exerces iram, celsumque tribunal  
Conscendis iudex, vt tandem pondere eodem

Accipiat quo mensus erat: mundusque perosus  
Iustitiam, sanctosque tuos intelligat illos

Esse



Esse tibi cura, quorum tua dextra causam  
 Vindicet, ac hostes aeterna nocte sepultos  
 Mittat ad infernum, ac Erebi detrudat ad umbras.  
 Sed tua fraus recto Phariaeos agmine patres  
 Insequitur, cæsis qui Mausolea Prophetis  
 Erigere, & damnare patrum sic facta solebant:  
 Cum tamen ad sese missos gens impia vates  
 Mactaret, vatumque maderent sanguine dextræ,  
 Non aliter passim sacras simulacra per ades  
 Extruis, atque calent altaria thure Sabæo  
 Sanctorum, miris quorum monumenta decoras  
 Portentis, quorum afflictis vis nomina rebus  
 Auxiliumque, & opem populum implorare per aras.  
 Scilicet illorum cadem execraris, & illos  
 Carnifices, ausos manibus violare nefandis  
 Corpora sanctorum, & crudeli tradere morti:  
 Cum tibi gens nulla est, fera bestia nulla, nec ullum  
 Portentum, cuius non est cessura Tyrannis.  
 Non tot clara micant Hyberna sydera nocte,  
 Nec tot alic pisces æquor, nec copia arenæ  
 Tanta, per vndosi dispersa est littora ponti:  
 Quot tua dextra animas crudeli morte peremit  
 Æterna, ingentem turbam, qui dogma sequuti  
 Pestiferum, fictis Dijs libauere per aras,  
 Proque Deo vero panem & simulacra colebant.  
 At quamuis lentis sanctorum corpora flammis

Matth. 23.

De conf.  
 dist. 2. cap.  
 Semel.

Papa Im-  
 manis bel-  
 lua.

Matth.

M 4

Tradita

## Ad Papistas, &c.

*Tradita sunt, animæ, felici pace fruuntur,  
Utque tuæ tandem videant spectacula ruina,  
Voce vocant Dominum cæloque erebòque potentem.*

*Ille autem quanuis lentè irritetur ad iram  
Cum furor ardebit, pensabit pondere pœna, &  
Supplicij gravitate moram: tum celsa peribit  
Gloria quæ multis, Babylona, euexerat annis.*

*Apoc. 18.*

*Instar erit Sodoma, quæ prauus spiritus antra  
Incolet, & lustralis aquæ si mille culullos  
Dispergas, latebris non coniurabis ab illis.  
Ergo omnes propriæ quos tangit cura salutis  
Aufugite à Sodoma, & procul, O procul este profana  
Agente: & solùm conuerso pectore Christum  
Seruatorem orbis, fontem, autoremque salutis  
Credite, qui mundi per cuncta pericula saluos  
Ducet, & aterna tandem vos sede beabit.*

V A L E T E.

**CONFESSIO FIDEI, ET  
DOCTRINÆ, PER ECCLESIAM RE-  
formatam Regni Scotiæ receptæ; Exhibitæ  
ordinibus Regni eiusdem in publicis Par-  
liamenti (vt vocant) comitijs, & eorum  
communi consensu approbatæ, vti  
certissimis fundamentis verbi  
Dei innixæ, & con-  
sentaneæ,**

**Per Patricium Adamsonum descripta,**

*Anno salutis nostræ millesimo quingentesimo  
septuagesimo secundo.  
1. Cor. 3.*

Fundamentum aliud nemo potest ponere,  
præter id quod positum est: Quod  
*est Christus Iesus.*



L O N D I N I  
**Apud Ioannem Billium.**  
Anno 1618.







## ORDINES AC STATUS

Regni Scotorum qui Christum pro-  
fitentur, cæteris Scotis, Regnis item & Natio-  
nibus exteris eundem Christum Iesum  
proficientibus, gratiam, misericordiam &  
pacem à Deo Patre Domini nostri Iesu  
Christi, una cum Spiritu iusti-  
ciæ, ac recto Iudicio.

**I**am pridem optabamus, fratres Charis-  
simi, ut eius quam profiteamur, ac  
propter quam ignominia & periculis to-  
ties obiecti fuimus doctrina ratio (si fieri  
posset) orbi terrarum clara existeret. Sed  
is fuit Sathanae furor, non modo aduersus nos, sed ad-  
uersus ipsum Iesum Christum, & aeternam eius nuper  
hic renatam veritatem, ut ad hunc vsq; diem non licu-  
erit (id quod vnice optabamus) nostram vobis hisce de  
rebus dilucidè explicare sententiam. Maior enim (ut  
arbitramur) Europæ pars non ignorat, quibus toto supe-  
riore anno fuerimus afflicti calamitatibus. Nunc au-  
tem cum immensa Dei bonitate (qui saepe premi, nun-  
quam

quam penitus opprimi suos patitur) tranquillitatis, & libertatis non nihil illuxerit, non potuimus nobis temperare, quò minus hanc breuem, & dilucidam ederemus Confessionem eius doctrinae, quae nobis promulgata fuit, quamque nos & persuasam habemus, & profitemur: partim ut medicaremur fratrum nostrorum animis, in quibus adhuc proculdubio inhaerebant Vestigia Vulnerum, quae ex eorum qui nondum rectè loqui didicerunt, scurrilibus acceperant conuitijs: Partim ut os obstrueremus quibusdam impudenter blasphemis: qui, quae nec audierunt vnquam, nec satis intellexerunt, ea confidenter damnare non erubescunt. Neque tamen id eò facimus quòd aliquando fore speremus, ut inueterata illa pestis, hac nostra simplici, & nuda confessione sanari possit. Praesertim cum non ignoremus suauem Euangelij odorem, filijs perditionis litiferum futurum: sed quòd fratrum infirmorum rationem habendam ducere-mus: cum quibus sententiam nostram, velut ex intimis animi penetralibus prolatam, communicandam esse putauimus, ne videlicet perturbarentur, aut etiam auferrentur variorum rumorum ventis, quos Sathan aduersus nos excitat, ut nostrum illud sanctum, ac pi-um eluderet consilium. Denunciamus igitur, omnesque adeò rogamus, si quis aut caput aliquod, aut etiam sententiam cum sancto Dei verbo pugnantem hìc animadu-  
uerterit,



uerterit, ut pro sua humanitate, proque eo amore, quo Christum, Christiue gregem prosequitur, nos per litteras admoneat. Id qui fecerit, sanctè ei repromittimus, nos eidem aut ex ore Dei, hoc est, ex sacra Scriptura oraculo satisfacturos, aut quod secus à nobis dictum demonstrauerit, emendaturos. Deum enim nostrorum consiliorum consciū attestamus, quòd ab omni praua hæresi, atq; adeò erroneæ assertionis authoribus, animo abhorremus: quod cum summa humilitate Euangelij Christi puritatem amplectimur, qui vnicus est nostrorum animorum cibus: atque id eò usque carus, ut decreuerimus omnia quæ possunt humanitus euenire potius experiri, quàm ut nos eo cibo fraudari patiamur. Persuasissimum enim id habemus, quod quemcunq; Christi puduerit, aut qui eum coram hominibus negauerit, hunc ille coram Patre, sanctisque eius angelis negabit. Atque ideò eiusdem Domini nostri omnipotentis Iesu Christi præsentis ope freti, in animo habemus, in huius nostræ fidei, cuius Capita sequuntur, confessione perseverare.

N 3

CON-



# CONFESSIO

F I D E I.

*De Deo.*

C A P. I.



Onfitemur, atq; agnoscimus vni-  
cum Deum : cui vni adhærere, Deut. 6.  
Isai. 44.  
vni seruire, quem vnum colere  
debeamus. In quo vno colloce-  
mus omnem spem salutis. Eun-  
dem etiam credimus æternum, infinitum, im- Deut. 4.  
mensum, incompræhensibilem, omnipotentem, Matth. 25.  
inuisibilem, essentiâ quidem vnum, in tres autem  
distinctum personas, Patrem, Filium, ac Spiri-  
tum Sanctum. Per hunc Deum asseueramus at- Psalm. 16.  
que etiam credimus, quæcunque visibilia aut in-  
uisibilia Cælo terraque continentur, creata esse,  
constare, & inscrutabili eius prouidentia regi &  
gubernari : Omniaq; eó referri, quò eius æternæ  
sapientiæ, bonitati & iustitiæ visum est : Nempe  
ad gloriæ Maiestatisque ipsius illustrationem.

*De creatione hominis.*

C A P. II.

**C**Redimus item & confitemur, ab hoc nostro  
Deo, hominem, id est humani generis pri-  
mum.



## CONFESSIO

*Gen. 1, 2, 3.* primum parentem Adamum ad imaginem & similitudinem ipsius fuisse creatum. Item ab eodem, sapientia, imperio, iustitia, libertate arbitrij, & perspicua ipsius cognitione donatum : adeo ut in vniuersa hominis natura nihil animaduerti posset, quod non omni ex parte foret absolutum. Ab hac autem dignitate, & naturæ perfectione, vir mulierque exciderunt : vir à muliere, mulier à Serpente decepta : vir, mulieris voci obtemperans, vterque coniuratione inita aduersus Dei Maiestatem, qui aperte antea mortem eis comminatus fuerat, si de arbore vetita gustassent.

*De peccato originali.*

### C A P. III.

*Ephes. 2.  
Rom. 2.* **H**Ac imperij contemptione, quod Originale peccatum vulgò dici solet, imago Dei in homine penitus oblitterata fuit, eaque contemptio, ipsum hominem totamque eius posteritatem ita Deo inimicam, Sathanæ mancipium, & peccato reddidit obnoxiam, ut sempiterna mors dominata fuerit, atque adeo in posterum dominatura sit in omnes, qui non fuerint, sunt, aut erunt diuinitus regenerati. Hæc autem regeneratio, est actio Spiritus Sancti, qui in corda eorum, quos  
Deus

Deus elegit, constantem inserit fidem de promissis, quæ Deus verbo suo nobis reuelauit : qua fide Iesum Christum, omnemque gratiam & beneficentiam in Christo nobis promissam apprehendimus.

*De reuelatione promissorum.*

C A P. IIII.

**C**onstanter enim credimus, quod post formidabilem illam, atque horrendam hominis ab obedientia Dei defectionem, rursus Deus Adamum requisierit, vocauerit nominatim, accusauerit, conuicerit : denique promissione illa gaudij plenâ, cum sic consolans promisit, futurum ut semen mulieris caput Serpentis contereret, hoc est, vniuersa Diaboli opera destrueret, ac euert- *Gen. 3. 4.  
12. 15.  
Isai. 7. 8.* ret. Hæc promissio, ut alijs atq; alijs temporibus sæpe repetita fuit, ac dilucidius explicata, ita cum summa lætitia recepta, & constanter credita est ab omnibus fidelibus, ab Adamo ad Noam, à Noa ad Abrahamum, ab Abrahamo ad Dauidem, ac reliquis deinceps patribus, qui vixerunt sub lege fideles, vsque ad Incarnationem Christi. Hi, inquam, omnes iucundissimos Iesu Christi dies viderunt & gauisi sunt.

O

De

# CONFESSIO

*De perpetua successione, incremento & præseruatione Ecclesiæ.*

## CAP. V.

**I**llud quoq; constanter persuasum habemus, quod Deus cunctis deinceps ætatibus, ab Adamo ad Iesu Christi aduentum in carnem, Ecclesiam suam præseruauerit, erudierit, multiplicauerit, honore affecerit, decorauerit, & à morte ad vitam euocauerit. Euocauit enim Abrahamum è patria, ac maiorum suorum sedibus: Eum erudiit, semen eius multiplicauit, multiplicatum mirabiliter præseruauit: mirabilius etiam, è seruitute ac tyrannide Pharaonis exemit. His (posteriores Abrahami intelligimus) leges suas, instituta, & ceremonias dedit. Hos ad possidendam terram Canaan introduxit. His Iudices, his Saullem, his Dauidem Regem dedit: cui promisit è fructu lumborum eius futurum, qui perpetuò super Regium eius Thronum sederet. Ad hanc ipsam gentem diuersis subinde temporibus misit Prophetas, qui eam in viam Dei sui reducerent: à qua sæpe ad idolorum cultus deflexerant, & quanquam ob proteruum iusticiæ contemptum, sæpe eos potestati inimicorum permiserat (quemadmodum antea per Moysen comminatus erat)



erat) adeo vt sancta ciuitas euerfa fuerit, templum incensum, ac vniuersa eorum regio per spacium septuaginta annorum in vastam redacta solitudinem: nihilominus misericordia adductus, *Esd. 1.* eos Hierosolymam reduxit: ac ciuitate instaurata, templo restituto iuxta promissionem eis factam, aduersus omnes artes, atque oppugnationes Sathanæ, aduentum ibi Messiae expectauerunt. *Agg. 1. 2. Zachar. 2.*

*De Incarnatione Iesu Christi.*

C A P. V I.

**C**Um plenitudo temporis venisset, Deus Filium suum, æternam suam sapientiam, & gloriæ suæ substantiam misit in hunc mundum. *Gal. 4.* Isque filius, cooperante Spiritu Sancto, humanam assumpsit naturam ex foeminæ, eiusdemque Virginis substantia. *Luc. 1. 2.* Atque ita editum est iustum illud semen Daudis, Angelus ille magni consilij. Idem verus fuit Christus in lege promissus: quem nos agnoscimus & confitemur Emanuel, verum Deum, verum hominem, vnâque, quæ ex duabus perfectis naturis constet, personam. Hac itaque nostra confessione damnamus perniciosam & pestilentem Arrij, Marchionis, Eutychis, Nesto-

## C O N F E S S I O

Nestorij, & aliorum id genus hominum, hæresim, qui aut æternitatem diuinitatis eius negant, aut humanæ naturæ veritatem: aut vtrunque in eo naturam confundunt, aut separant.

*Cur oporteat mediatorem & pacificatorem, Verum esse Deum, & Verum hominem.*

### C A P. VII.

**A**Gnoscimus item & fatemur, hanc maximè admirabilem diuinitatis cum humanitate coniunctionem, ab æterno & immutabili Dei decreto profectam: vnde omnis nostra salus emanat, ac pendet. Idem enim sempiternus Deus, ac Pater, qui ex mera sua gratia nos in Christo Iesu Filio suo elegit, antequam mundi iacta essent fundamenta, eum nobis caput, fratrem, pastorem, ac magnum animorum nostrorum Pontificem designauit. Sed quia tam auersa, atque inimica peccatis nostris erat Dei Iusticia, vt nulla per se caro ad Deum peruenire posset, Deum filium oportuit ad nos descendere, & corpus è nostro corpore, carnem è carne, os ex ossibus assumere, atque ita idoneum Mediatorem & pacificatorem inter Deum & hominem fieri. Qui potestatem daret ijs qui in eum crederent, vt filij Dei

Joan. I.

Heb. 2.

Joan. I.

Joan. 20.

lij Dei fierent, quemadmodum ipse testificatur : vado ad Patrem meum, & Patrem vestrum, Deum meum, & Deum vestrum, ac per hanc sanctissimam fraternitatem, quicquid in Adamo amiseramus, iterum nobis est restitutum. Ideoque Deum Patrem nostrum appellare non dubitamus, non tam quod ab eo creati sumus (id enim nobis cum reprobis est commune) quam quod indulserit, ut vnicus eius filius, frater nobis fieret : idque nobis gratificatus est, ut hunc vnum interpretem & pacificatorem, ut est superius memoratum, agnosceremus & amplecteremur. Præterea necesse erat, ut qui verus Messias & Redemptor esset futurus, idem verus homo & verus esset, Deus : quippe qui pœnas esset pensurus, quas nostro delicto commeriti eramus, & ante tribunal Patris sese repræsentaturus esset, ut in pœna luenda pro nostro delicto & inobedentia, nostram sustineret personam : ac morte sua, mortis Authorem superaret. Et quia nec sola diuinitas pati, nec sola humanitas vincere mortem poterat, vtranque in vnâ coaptauit personam : ut alterius infirmitas, morti quam commerueramus, esset obnoxia : alterius, id est diuinitatis inuicta & immensa vis, de morte triumpharet : nobisque vitam, libertatem ac perpetuam pareret victoriam.

*Isai. 53.*



# CONFESSIO

## *De Morte, Passione, & Sepultura Christi.*

### C A P. VIII.

*Heb. 10.*

*Isai. 53.*

*Deut. 21.*

*Gal. 3.*

*Heb. 10.*

**I**tem asseueramus, & pro certo persuasum habemus, quod Dominus noster Iesus Christus, Patri sese victimam ultro pro nobis obtulerit: quod à peccatoribus contumelijs sit vexatus: quod pro nostris peccatis vulnera passus, quod cum purus, & innocens Dei Agnus esset, ad tribunal terreni iudicis fuerit damnatus, vt nos ante tribunal Dei nostri absolueremur: quod non modò mortem in Cruce atrocem, & Dei ore execratam subierit: sed, quam peccatores meruerant iram Patris, ad tempus tulerit. Nihilo tamen minus asseueramus, quod in medio etiam dolore & Cruciatu, quos animo pariter & corpore pertulit, (vt peccata hominum plene lueret) semper vnicè charus & benedictus Patri filius esse perseuerauerit. Deinde, fatemur atque etiam affirmamus, nullum post illud pro peccato restare sacrificium. Si qui autem contra affirmant, nihil dubitamus eos blasphemos aduersus Christi mortem, & æternam eius purgationem, ac satisfactionem, per quam sua morte Patrem nobis placauit, asserere.

*De*

*De Resurrectione.*

## CAP. IX.

**P**RO certo etiam credimus, quod quatenus fieri non poterat, ut mortis dolores perpetuam haberent potestatem aduersus authorem vitæ, Dominus Iesus, qui Cruci affixus, mortuus & sepultus fuerat, quiq; ad inferos descenderat, iterum surrexit, ut nos iustificaret: & authore mortis (cui æque ac morti eramus obnoxij) deuicto, vitam nobis restituit. Scimus etiam Resurrectionem eius fuisse confirmatam acerbissimorum ipsius inimicorum Testimonijs. Item Resurrectione mortuorum, qui apertis sepulchris reuixerunt, ac in vrbe Hierosolyma compluribus se videndos exhibuerunt. Confirmata est etiam testimonijs Angelorum. Item Apostolorum, qui eum viderunt & contrectarunt: aliorum item complurium, qui post Resurrectionem, consuetudine eius vli familiariter cum eo ederunt & biberunt.

*De Ascensione.*

## CAP. X.

**N**Eque dubitamus quin idem corpus, quod ex Virgine natum, cruci affixum, mortuum,

O 4.

&amp; re-

## C O N F E S S I O

& resuscitatum fuerat, in Cœlum ascenderit in eodem corpore, nostro nomine, & ad nostri consolationem, accepit omnium potestatem in Cœlo & in terra: & Regno suscepto sedet ad dextram Patris, patronus, & vnicus intercessor pro nobis. *Matth. 28.*  
Atque hanc gloriam, honorem & prærogati- *1. Ioan. 2.*  
uam, ille vnus è fratribus tenebit, donec ponat *1. Tim. 2.*  
inimicos suos scabellum pedum suorum. Ibi- *Psal. 110.*  
credimus vsque ad vltimum iudicium, futurum: *2. Thes. 1.*  
ad quod exercendum, credimus constanter eun-  
dem Dominum nostrum Iesum Christum visi-  
bilem, & qualis erat cum ascenderat, venturum:  
ac tum omnia instauratum, & redintegratum  
*Apo. 20.* iri, vsque adeò, vt qui tolerarant vim, contume-  
lias, iniurias, iusticiæ ergò, beatæ illius quæ ab  
initio promissa est immortalitatis fient heredes.  
*Isai. 66.* Contra proterui, inobedientes, crudeles, violenti,  
impuri, Idololatæ ac cætera impiorum genera  
conijcientur in carcerem tenebrarum exteriorum,  
vbi nec vermis eorum morietur, nec ignis  
extinguetur: Cuius iudicij exercendi dies, eiusq;  
memoria, non solum nobis pro fræno est, ad vo-  
luptates carnis coercendas: sed inæstimabilis eti-  
am animi confirmatio, quæ nos ita corroboret,  
vt neque minis Principum terrenorum, neque  
mortis huius momentaneæ admoto metu, nec  
præsentia



præsentia vlla periculi commoueamur, vt beatam illam dirimamus societatem, quæ nobis vt pote membris conflata est cum capite nostro, & vnico intercessore Iesu Christo. Quem nos profitemur & asseueramus esse Messiam in lege promissum, vnicum Ecclesiæ suæ caput, iustum nostrum legislatorem, vnicum nobis summū Pontificem, Patronum, & pacificatorem. Eius hos honores, atq; hæc munera, si quis hominum aut Angelorum arroganter & superbè sibi attribuat, cum nos aspernamur, & detestamur velut blasphemum aduersus supremum nostrum Rectorem, & Redemptorem Christum Iesum.

Coloss. 1.  
Heb. 9. 10.

*De fide in Spiritum Sanctum.*

C A P. XI.

**H**Æc nostra fides, eiusque certitudo, non à Carne & Sanguine proficiscitur. Hoc est à nulla, quæ in nobis est, vi & potentia naturali: sed ab inspiratione, & instinctu Sancti Spiritus, quem nos item Deum confitemur æqualem Patri, & Filio: qui nos sanctificat. Qui omnem in nobis veritatem operatur. Sine quo perpetuò maneremus inimici Deo, & Iesum Christum filium eius ignoraremus. Natura enim ita sumus

P

mortui,

Matth. 16.

Ioan. 14. 15.  
16.

## CONFESSIO

mortui, obcœcati, deprauati, vt neque stimulis confossi quicquam sentiamus, neque lumen oblatum videamus, neq; cum voluntas Dei reuelata est nobis, ei assentiamur: nisi Dei Spiritus & mortuos ad vitam reuocet, & à mentis nostræ oculis tenebras discutiat, & contumaces flectat animos, vt sanctæ ipsius voluntati pareamus. Et quẽadmodum confitemur à Deo patre nos creatos, cùm antea nihil essemus, ab Iesu Christo redẽptos, cum inimici essemus: Similiter fatemur, nos a Spiritu sancto renatos, & sanctificatos esse, nulla ratione habita meritorum nostrorum, siue quæ regenerationẽ præcesserint, siue quæ sequatur. Atq; vt hanc rem paulò explicatius dicamus, quemadmodum non inuiti, nosmetipsos omni Creationis & Redemptionis nostræ gloria spoliamus: ita Regenerationis & Sanctificationis nostræ, ne minimam quidem partem nobis nostrisque meritis arrogamus. Nam naturæ nostræ, sponte, ne ad cogitandum quidem quicquam boni sumus idonei. Sed is, qui bene operari in nobis cœpit, idem solus etiam opus continuat, ad gloriam & laudem nominis sui: quippe qui sua munera nobis gratis impartitur, non meritis vendit.

De

*De Causa bonorum operum.*

## CAP. XII.

**I**Taque bonorum in nobis operum causam esse asserimus, non arbitrij nostri libertatem, sed Spiritum Domini nostri Iesu Christi, qui in cordibus nostris per veram habitat fidem: eaque edit opera bona, quæ à Deo præparata sunt, vt in eis ambulemus. Quamobrem blasphemum esse dictu constanter asseueramus, in cordibus eorum in quibus Spiritus Sanctificationis non *Ioan. 15.* est, Christum inhabitare. Idcirco etiam non veremur affirmare, in Homicidis, in Violētis, in his *Ephes. 2.* qui veritatem per vim opprimere contendunt, in Adulteris, in Fornicatoribus, aut alioqui impuris, in Idololatrīs, in Ebriosīs, in Latronibus, alteriue cuius flagitio aut sceleri deditis, neque veram inesse fidem, neque vllam Spiritus Domini Iesu scintillam, quādiu in sua nequitia obstinatè perseuerant. Quia cū primū Spiritus Domini nostri Iesu Christi (quem electi Dei fili *Gal. 5.* li per fidem accipiunt) hominis cuiuspiam corpus possidet, eum continuò hominem regenerat, ac *Rom. 8.* renouat, adeò vt quæ antea oderat, amare incipiat, quæ antea amauerat, odisse. Hinc autem in



## C O N F E S S I O

Filijs Dei, perpetuum illud bellum Spiritus aduersus carnem proficiscitur: dum caro, ac homo animalis, suæ corruptioni consentiens, suæ naturæ consentaneas appetit voluptates, rebus aduersis contrahitur, secundis attollitur, ac singulis momentis pronus ad offensionem diuinæ Maiestatis inclinatur. At quod inhonestis voluptatibus obsistimus, quod ante Deum ingemiscimus, ab hac seruitute corruptionis liberari flagitemus, denique quod ita de peccato triumphemus, ut in hoc mortali corpore regnum non obtineat, id à Spiritu Dei est, qui Spiritui nostro testificatur, quod Filij Dei sumus. Homines autem carni obnoxij qui Spiritu Dei carent, hoc etiam bello carent, vitio sitati suæ obsequuntur: & quò Sathan, & praua libido impellit, eò auidè sine vlla pœnitentia ruunt. Filij vero Dei, ut ante dictum est, aduersus peccatum pugnant, suspirant, & ingemiscunt, quoties vitiorum illecebris sese titillari ac sollicitari sentiunt. Et si quando cadunt, per veram & minime dissimulatam pœnitentiam resurgunt: ac ne id quidem faciunt suis viribus, sed Christi Iesu Domini nostri, sine quo nihil omnino possent.

*Ioan. 15.*

*Quæ.*

*Quæ opera apud Deum habentur bona.*

## CAP. XIII.

**F**Atemur item & pro certo tenemus, quod sanctissimas, Deus, leges homini dederit, quæ Exod. 20. non modo vetent opera omnia, quæ diuinam eius offendunt Maiestatem, sed ea iubeant quibus Deut. 4. gaudet: quæque se remuneraturum pollicetur. Eorum autem operum duo sunt genera: altera ad Dei referuntur honorem, altera ad proximi utilitatem, vtraque fidem & authoritatem assumunt, ex voluntate Dei nobis reuelata. Deum venerari, honore prosequi, eum in omni labore & molestia inuocare, sanctum nomen eius reuereri, verbum audire, audito parere, Communionem Sa- Eph. 6. cramentorum eius vti; hæc sunt, quæ priore tabula præcipiuntur opera. At patrem, matrem, reges, magistratus, omnesque, qui ius & potestatem in nos habent, honore afficere, eos amare, eis opitulari, dictis, factis, audientes esse, quoties cum Dei præceptis non pugnant, vitæ bono- Ezech. 22. rum adesse, tyrannidem opprimere, ab infirmioribus, vim improborum defendere, corpus no- Ierem. 22. strum sanctum ac purum seruare, sob. ièque, & temperanter viuere. In omnibus dictis, factisq; Isai. 50.

## CONFESSIO

1. Thess. 4.

iure æquabili cum omnibus vti, & omnem proximi offendendi libidinem cohibere, hæc sunt opera posterioris tabulæ, Deo imprimis grata ac accepta, vtpote ab ipso imperata: horum autem contraria, in vitiorum genere sunt, Deo inuisa, ingrata, eumque ad iram incitantia. Quale est, non cum solum inuocare cum res postulat. Nolle verbum eius reuerenter audire, aut etiam aspernari ac parui pendere. Idola aut venerari, aut apud se habere. Cultum Idolorum fouere ac tueri. Nomen Dei venerabile parui facere. Prophannare, abuti, aut contemnere Sacramenta à Domino instituta. Non parère, ac etiam resistere ijs, quibus authoritas data est diuinitus, præsertim, quamdiu intra iuris, & muneris sui terminos sese continent. Cædem facere, aut quò fiat coire, & consentire. Odium conceptum continere. Pati, vt innoxius fundatur sanguis, cum impedire possis. Ac breuiter quicquid aduersus præcepta prioris aut posterioris tabulæ committitur, id peccatum esse asseueramus: ac tale peccatum, quod iram odiumque Dei aduersus hominum ingratitudinem accendat. Itaque iuxta nostram sententiam, ea opera bona sunt, quæ ex fide proficiscuntur, ac fiunt iuxta præcepta Dei, qui lege lata quid fieri vellet disertè cauit. Contra,



tra, ea opera dicimus mala, non modo quæ aperte cum verbo Dei pugnant : sed ea etiam quæ in rebus quæ ad pietatem ac Dei cultum spectant, nullum aliud habent firmamentum, nisi ab hominis opinione & commento. Huius enim generis opera, Deus, ab initio usque semper reiecit, & aduersatus est : uti ex Esaia Propheta, & his Christi verbis edocti sumus, frustra me colunt, docentes doctrinas & præcepta hominum.

*Legem esse numeris omnibus perfectam, homi-  
nes autem imperfectos.*

C A P. XIII.

**L**egem Dei maximè iustam, æquabilem, & perfectam agnoscimus & fatemur, ea iubentem, quæ si perfectè pleneque præstarentur, vitam dare possent, & ad æternam nos perducere foelicitatem. Sed nostra natura adeò est corrupta & infirma, ut nunquam ad opera legis perfectè præstanda simus idonei. Nam si peccatum nos habere etiam post regenerationem negemus, nosmetipsos decipimus, & veritas Dei non est in nobis. Propterea necesse erat, ut Christum, qui legis est finis, & consummatio, cum sua iusticia & satisfatione appræhenderemus: qui in liber-

*Rom. 7. 10.*  
*Psal. 19.*  
*Deut. 5.*  
*Gal. 3.*  
*Ioan. 2.*  
*Ephes. 1.*  
*Rom. 4.*

P 4. tatem.

## CONFESSIO

ratem nos asseruit, ne in execrationē, ac maledictionem Dei incideremus, etiam si opera in lege iussa non omni ex parte plenē perfectēque faceremus. Deus enim Pater, in corpore Filij sui Iesu Christi nos intuens, imperfectam nostram obedientiam boni consulit, & pro perfectā habet: operibusque nostris, quæ multis maculis polluta sunt, filij sui iusticiam prætendit. Neque tamen ita nos emancipatos dicimus, ut nullam legi obedientiam debeamus. Obedientiam enim deberi supra, apertē sumus confessi. Illud autem affirmamus, neminem vnquam præter vnum Christum ita legi paruissē, parere, aut pariturum esse, quemadmodum lex exigit. Sed cum omnia fecerimus, procumbamus oportet, ac fateamur ingenuē, seruos nos inutiles esse. Quapropter quicunque operum suorum merita ostentat, aut in operibus supererogationis vllam collocat fiduciam, is se sciat id iactare, quod omnino nihil est, & spem salutis in Idololatria exitiabili collocare.

*De Ecclesia.*

C A P. XV.

*Matth. 28.* **Q**uemadmodum credimus in vnum Deum Patrem, Filium, & Spiritum Sanctum, ita firmissimē

missimè tenemus, quod ab usque rerum initio <sup>Ephes. i. 7.</sup>  
 fuerit, nunc extet, ac futura sit usque ad mundi  
 finem vna Ecclesia, id est vnus cœtus & multi- <sup>Col. i.</sup>  
 tudo hominum à Deo electorum, qui rectè ac  
 pie Deum venerantur & amplectuntur, per ve-  
 ram fidem in Iesum Christum qui solus est ca-  
 put eius Ecclesiæ: quæ & ipsa Corpus est, & spō-  
 sa Christi. Eademque est Catholica, hoc est v-  
 niuersalis: quia omnium ætatum, Nationum,  
 gentium, & linguarum electos continet, siue illi <sup>Apo. 7.</sup>  
 Iudei sint, seu Gentes, ijsq; communio est, & so-  
 cietas cum Deo Patre, cumq; eius filio Iesu Chri-  
 sto per Sanctificationem Sancti Spiritus: atque  
 ideò non hominum prophanorū vocatur com-  
 munio, sed Sanctorum, qui etiam Hierosoly- <sup>Ephes. 2.</sup>  
 mæ cælestis sunt ciues, fruunturque bonis maxi-  
 mè inæstimabilibus, nempe vno Deo, vno Do-  
 mino nostro Iesu, vna Fide, & vno Baptismo.  
 Extra hanc Ecclesiam nulla est vita, nulla æterna  
 fœlicitas. Idcirco plane ex diametro abhorremus  
 ab eorum blasphemijs, qui asserunt cuiusvis se-  
 ctæ, aut Religionis professores fore saluos, modo  
 vitæ suæ actiones ad iusticiæ, & æquitatis nor- <sup>Ioh. 5.</sup>  
 mam conformauerint. Nam vti absq; Iesu Chri-  
 sto nulla est vita, nulla salus, ita salutis eius nemo  
 erit particeps, nisi quem Pater dederit Filio suo

Q

Iesu



## CONFESSIO

Iesu Christo, quique ad eum dum tempus habet, adueniet, eius doctrinam profitebitur, & in eum credet. Cum adultis autem parentibus, pueros etiam compræhendi intelligo. Hæc Ecclesia inuisibilis est, vni Deo cognita, qui solus nouit quos elegerit. Hæc æque continet electos, qui iam decesserunt (quos vulgo Ecclesiam triumphantem appellant) ac eos qui nunc viuunt, & aduersus peccatum & Sathanam præliantur, eosque qui post nos futuri sunt.

*De immortalitate animorum.*

### C A P. XVI.

*Apo. 14.*

**E** Lecti qui iam decesserunt laboribus liberi, pace, & tranquillitate fruuntur, non quòd dormiant, aut obliuione sopiantur, vt fanatici quidam affirmant: sed quod ab omni metu, cruciatu, & tentatione sint exempti, quibus nos ac cæteri omnes Electi Dei sumus obnoxij, quamdiu hac vita fruimur: ideòque nomine Ecclesiæ militantis censemur. Contra verò, reprobi & infideles, qui decesserunt, in ijs molestijs & cruciatibus degunt, quæ verbis exprimi non possunt. Neque enim aut illi ita sunt sopiti, vt omni sensu, aut hi vt sensu poenarum careant: vt indicat

*Apo. 7.*

cat Iesu Christi parabola, quæ Lucæ 16. est. Item Luc. 16.  
 ut illa testificantur animorum verba sub altari  
 clamantium, O Domine, qui Sanctus es & iu- Apo. 6.  
 stus, quoad vsque non iudicas, & vindicas san-  
 guinem nostrum de ijs, qui habitant in terra?

*Quibus indicijs vera Ecclesia distinguatur à falsa,  
 & quis in Ecclesiastica doctrina con-  
 trouersijs sit index.*

## C A P. XVII.

**Q** Via Sathan ab initio semper laborauit, ut pe-  
 stilentem Synagogam, verę, Dei, Ecclesię ti-  
 tulo insigniret, animosque crudelium homici- Gen. 4. 21.  
27.  
 darum accendit, ut veram Ecclesiam, eiusque  
 membra premerent, turbarent, & infestarent  
 (velut Cain, Abel: Ismael, Isaac: Esau, Iacob: Matth. 23.  
 totusq; Sacerdotum Iudaicorum ordo, primum  
 Christum ipsum, deinde Apostolos eius Capi- Ioan. 11.  
 tali odio sunt persecuti) imprimis necessarium  
 videtur, veram Ecclesiam ab impura Synagoga Act. 3.  
 certis & manifestis distinguere indicijs: ne in  
 cum incidamus errorem, ut alteram pro altera  
 cum nostro amplectamur exitio. Notas autem,  
 & indicia, quibus immaculata Christi sponsa, ab  
 impura illa & abominanda Meretrice ( Eccle-  
 siam

## CONFESSIO

fiam impiorum intellige) discerni possit, asseueramus, neque ab iniquitatis prærogatiua repetendas, nec à successione perpetua Episcoporum, nec à certi loci designatione, nec à multitudine hominum in eundem errorem consentientium. Cain enim, ætate & primogenituræ prærogatiua, Abel & Seth anteibat. Item Hierosolyma cætera totius orbis oppida. Huc accedebat in Sacerdotibus ab Aarone vsque, perpetua familiæ & successionis series: maiorque erat eorum numerus, qui Scribas & Phariseos sectabantur, quàm qui Iesum Christum, eiusque doctrinam ex animo probabant. Neque tamen arbitramur quemquam cui purum & solidum sit iudicium, commissurum vt vlli ex ijs, quas modo commemorauimus, Ecclesijs, Dei nomen attribuat. Igitur quam nos veram Dei Ecclesiam credimus & fatemur, eius primum est indicium, vera verbi diuini prædicatio, per quod verbum, Deus ipse sese nobis reuelauit: quemadmodum scripta Prophetarum & Apostolorum nobis indicant. Proximum indicium est, legitima Sacramentorum Iesu Christi administratio, quæ cum verbo & promissionibus diuinis coniungi debent, vt ea in mentibus nostris obsignent, & confirment. Postremum est Ecclesiastica disciplina seuerè, & ex verbi diuini

Joan. 1. 16.



uini præscripto, obseruatio: per quam vitia reprimantur, & virtutes alantur. Vbicunque hæc indicia apparuerint, atque ad tempus perseuerauerint, quantumuis exiguus fuerit numerus, proculdubio ibi est Ecclesia Christi: qui iuxta suâ promissionem in medio eorum est. Non illam dicimus vniuersalem Ecclesiam, de qua superius Rom. 4. facta est mentio: sed particularem. Tales erant Corinthia, Gallogræca, & Ephesina, aliæq; complures, in quibus verbi ministerium, à Paulo fuerat plantatum, quasque ipse, Dei Ecclesias vocat. Huiusmodi Ecclesias, qui in regno Scotorum nomen Christi profiteamur, in oppidis, vicis, alijsque locis in quibus veræ pietatis cultus est restitutus, nos habere asseueramus. Ea enim in ijs doctrina traditur, quæ Dei verbo scripto continetur. Noui & veteris Testamenti eos intelligimus libros, qui ab infantia vsque Ecclesiæ semper habiti sunt Canonici. Quibus in libris, omnia quæ ad humani generis salutem sunt necessaria, asserimus sufficienter esse expressa. Huius Scripturæ, interpretandi potestas, penes nullum est hominem, siue is priuatam, siue publicam gerat personam. Nec penes vllam est Ecclesiam: quacunque illa siue loci seu personæ prærogatiua sibi blandiatur. Sed penes Spiritum 1. Cor. 3. Act. 16, 38. Act. 20. Dei,

## CONFESSIO

1. Cor. 2.

Dei, cuius instinctu, illa ipsa Scriptura confecta est. Igitur cum de Scripturæ sensu, & interpretatione, aut loci alicuius, aut sententiæ quæ in ea continetur, cōtrouersia oritur, aut cum de collapsæ disciplinæ emendatione agitur in Ecclesia, spectare debemus, non tam quid homines qui nos antecesserunt, dixerint aut fecerint : quàm quid perpetuò sibi consentiens Spiritus Sanctus in Scripturis loquatur : prætereà quid Christus ipse fecerit, aut fieri iusserit. Illud enim omnes vno fatentur ore, Spiritum Dei (qui & vnitatis item est Spiritus) nunquam secum pugnare. Itaque si qua cuiusvis doctoris aut Ecclesiæ, aut concilij interpretatio, decretum aut opinio cum expresso Dei verbo, quod in alia Scripturæ parte continetur pugnaverit, luce clarius est, eam nec esse veram explicationem, nec mentem Spiritus Sancti : quantumvis eam concilia, regna, & nationes probauerint ac receperint. Nos enim nullam interpretationem recipere, aut admittere audemus, quæ pugnet aut cum aliquo ex præcipuis fidei nostræ capitibus, aut cum perspicua Scriptura, aut cum Charitatis regula.

De

*De Scripturæ authoritate.*

## CAP. XVIII.

**Q**uemadmodum credimus & confitemur, ex Scripturis diuinis Dei cognitionem abundè hominibus tradi, ita affirmamus atque asseueramus, à nullo hominum, aut Angelorum, sed à Deo solo Scripturæ authoritatem pendere. Igitur qui tantam esse Scripturæ authoritatem volunt, quantam illi Ecclesiæ concedunt suffragia, eos constanter asserimus, aduersus Deum blasphemus esse, aduersus veram Ecclesiam contumeliosos: quæ sui sponsi, sui que pastoris vocem 1. Tim. 2. audit, eique obtemperat: neque tantum sibi assumit, vt Domina eius videri velit. Ioan. 10.

*De concilijs generalibus, deque eorum potestate, authoritate, & causis cur cogantur.*

## CAP. XIX.

**Q**uemadmodum quæ ab hominib<sup>9</sup> pijs legitimè ad generale Concilium conuocatis, nobis proposita sunt, ea non temerè, aut præcipitanter damnamus, ita nec sine iusta examinatione recipere audemus, quicquid generalis Concilij nomine nobis obtruditur. Quippe cum homines



## CONFESSIO

1. Tim. 4.

eos fuisse constet, qui in manifestos inciderint errores, idque in rebus non minimi momenti. Itaque, sicubi Concilium, perspicuo verbi diuini testimonio sua decreta confirmat, statim ea reueremur, atque amplectimur. Sed si homines noua fidei dogmata, constitutionesue cum verbo Dei pugnantes edant, ijsq; interim nomen Concilij prætendant, ea nos penitus reiicimus, atque recusamus, tanquam doctrinam Diabolicam, quæ à Dei verbo, ad constitutiones & doctrinas hominum, animas nostras auocent. Causa igitur cur generalia Concilia cogerentur non ea fuit, vt leges, quas Deus non iussisset, velut perpetuò duraturas rogarent: neque vt noua de fide dogmata comminiscerentur: neque vt verbum Dei, auctoritate sua confirmarent: multò etiam minus vt pro verbo Dei, aut verbi diuini interpretatione nobis obtruderent, quod neque Deus antea voluisset, nec per Scripturas suas nobis indicasset. Sed cogeantur Concilia ( de ijs loquimur quæ hoc nomine censerì merentur ) partim vt hæreses confutarent, partim vt publicam fidei suæ confessionem, ad posteros transmitterent. Atque horum vtrunque faciebant, ex verbi diuini scripti auctoritate. Non autem quod putarent huius conuentionis causa, hac se prærogatiua

tiua donatum iri, vt errare non possent. Atque hanc præcipuam illis fuisse causam existimamus publicorum conuentuum. Erat & altera illa ad disciplinam ordinandam : vt in Ecclesia (quæ Dei familia est) omnia honestè, atque ordine gererentur. Nec hoc tamen in eum sensum accipi volumus, vt credamur existimare vnâ aliquam legem, & Ceremoniarum ritum præscribi posse, qui omnibus & locis, & sæculis conuenire possit. Nam vt Ceremoniæ omnes ab hominibus excogitatæ, temporariæ sunt, ita cum temporum momentis mutari possunt, & mutari etiam debent, quoties earum vsus superstitionem potius alat, quam Ecclesiam ædificet.

*De Sacramentis.*

C A P. XX.

**Q**uemadmodum Patres qui lege viuebant, præter eam veritatem quæ Sacrificijs repræ- *Gen. 17.* sentabatur, etiam duo præcipua habebant Sacramenta, nempe Circumcisionem, & Pascha : quæ *Exod. 12.* quicumque spreuisset, in populo Dei non censebatur : ita nunc quoque Euangelij tempore nos *Mat. 26, 28* duo quidem Sacramenta, eaq; sola agnoscimus, atque à Christo instituta fatemur : vsumque ho-  

R
rum

## CONFESSIO

rum omnibus imperatum, qui inter corporis eius membra cenſeri volunt, ea ſunt, Baptiſmus & Cœna, ſeu menſa Domini Ieſu, quæ & communio Corporis & Sanguinis eius nuncupatur. Hæc autem Sacramenta tam veteris quam noui Teſtamenti, inſtituta credimus à Deo, non modò vt viſibile diſcrimen eſſent, quo populus Dei ab ijs diſcerneretur, qui fœdere nobiſcum inito non continebantur: ſed etiam vt filiorum ſuorum fidem erga ſe Deus exerceret: & per horum Sacramentorum participationẽ obſignaret in mentibus noſtris promiſſionum ſuarum fiduciam: eius item. coniunctionis, vnionis, & ſocietatis, quæ eſt omnibus electis cum capite ſuo Ieſu Chriſto. Itaq; maniſeſtiſſimæ vanitatis eos damnamus, qui affirmant Sacramenta nihil aliud eſſe, præterquam nuda ſigna. Sed perſuaſiſſimum habemus, per Baptiſmum nos in Chriſtum inferi: Chriſti iuſtiæ participes fieri, per quam peccata noſtra tegantur: propter quam, veniam & gratiam impetremus. Item quod in cœnæ rectò & legitimo uſu, Chriſtus ita nobiſcum ſeſe iungat, vt fiat animarum noſtrarum verus victus, verum alimentum. Neque conſeſtim vllam naturæ panis, in Corpus Chriſti, aut vini in eius Sanguinem, tranſubſtantiationem imaginamur: quem-





## CONFESSIO

dimus, & bibimus eius sanguinem, eisdem & nos  
prærogatiuis donamur. Quas ut non eo solum  
tempore nobis donari fatemur, neque vi solum  
& potestate Sacramentorum, sic in recto cœnæ  
dominicæ usu, talem fidelibus cum Christo con-  
iunctionem esse affirmamus, qualem humana  
mens capere nequeat. Quin illud quoque affir-  
mamus, quanquam fideles aut negligentia, aut  
infirmirate conditionis humanæ impediti, in ip-  
so actionis eius momento, eum quem vellent  
fructum è Cœna Domini non percipiant, ve-  
rum tamen, velut vitale semen in vberem terram  
iactum, aliquando in frugem erumpet. Spiritus  
enim Sanctus, qui à vera Christi institutione  
nunquam potest excludi, non committet, ut hu-  
ius mysticæ actionis fructu, fideles frustrentur.  
Hæc autem omnia manare dicimus è veræ fidei  
fontibus, per quam Iesum Christum apprehen-  
dimus: qui vnus Sacramentorum suorum effe-  
ctum in nobis producit. Itaque quicumque nos  
calumniantur, tanquam Sacramenta dicamus,  
aut credamus nuda modo signa esse, non modò  
aduersus nos, sed aduersus veritatem, sunt contu-  
meliosi. Illud autem ingenuè confitemur, nos  
magnum discrimen facere, inter elementa signo-  
rum Sacramentalium, & æternam Iesu Christi  
sub-

substantiam. Neque enim cum signis exhibemus honorem, qui rei quæ per ea significatur, est exhibendus: neque rursus ea contemnimus, aut vana & inutilia esse arbitramur: sed post diligentem nostri examinationem, illis reuerenter utimur. Persuasum enim habemus ex verbis Apostoli, quicumque ex illo Pane edit, aut ex illo Calice bibit indignè: eum esse reum corporis & sanguinis Iesu Christi. 1. Cor. 11.

*Derecta administratione Sacramentorum.*

C A P. XXI.

**A**D rectam Sacramentorum Administrationem, duo arbitramur esse necessaria: alterū, ut ea ministratio per legitimos fiat ministros. Legitimos autem eos esse asserimus, quibus verbi prædicatio commissæ est: in quorum ora, Deus exhortationis indidit Sermonem, modo legitimè ab aliqua electi sint Ecclesia. Alterum autem, ut sub ea elementorum forma, & in eum morem administrentur, quem Deus instituit. Alioqui enim, vera Christi Sacramenta esse desinunt. Ea-que causa est, cur in Sacramentorum participatione, à Papistica Ecclesiæ Communione abhorremus. Primùm, quòd eorum ministri Christi ministri non sunt, & (quod longè detestabilius est) foeminis, quas Spiritus Sanctus ne



## CONFESSIO

docere quidem in Ecclesia patitur, illi permittunt, ut etiam Baptismum administrent. Deinde, quod utrunque Sacramentum ita suis commentis adulterarint, ut eius Ceremoniæ, quæ à Christo peracta est, nulla pars antiquam & genuinam suam retineat puritatem. Nam oleum, sal, spiritum, cæteraque id genus in Baptismo, mera sunt hominum commenta. Panis veneratio, adoratio, per vrbes & vicos gestatio, in pixide conservatio, non est Sacramentorum Christi usus, sed prophanatio. Christus enim dixit comedite, &c. Hoc facite in mei memoriam. His verbis atque hoc mandato, Panem & Vinum in Corporis & Sanguinis sui Sacramenta sanctificavit, ut alterum ederetur, alterum biberetur ab omnibus: non autem ut servarentur ad venerationem, utque instar Dei adorarentur: quod hætenus à Papistis est factum. Iidem quoque Sacrilegio se alligarunt, cum alteram Sacramenti partem, hoc est sacrum Calicem populo subtraxerunt. Præterea, ad rectum Sacramentorum usum, illud quoque est necessarium, ut intelligatur quem ad finem tam minister, quam qui Sacramenta accipit ea referant. Nam qui Sacramentum accipit, si secus atque oportet de fine eius senserit, ibi Sacramenti quoque usus & fructus cessat: quod

quod & in Sacrificiorum reiectione est euidens. *Psal. 50.*  
Item si doctor falsam doctrinam palàm obtru-  
dat, quanquam Sacramenta sint à Deo instituta,  
tamen quia impij alio, quam quò Deus voluit ea  
referant, ei sunt ingrata & detestabilia. Id au-  
tem vltuuenire asserimus, in Sacramentis Eccle-  
siæ Papisticæ. Tota enim Ceremonia à Christo  
instituta, tam in forma exteriori, quam in fine, &  
fructus opinione, penitus est adulterata. Quid Ie-  
sus Christus egerit, quid fieri præceperit, id per-  
spicuum est ex Euangelistis, & Paulo. Quid Sa-  
cerdos agat ad aram nihil opus est commemo-  
rare. Finis & causa cur Christus ea instituerit,  
& cur nos item eisdem, & eodem modo vti de-  
beamus, his verbis disertè exprimitur: hoc facite  
in mei memoriam: quoties de hoc Pane ederi-  
tis, & de hoc Calice bibetis, annūciabitis, hoc est,  
efferetis, vulgabitis, prædicabitis & prosequ-  
mini laudibus mortem Domini donec veniat.  
Sed quid Sacerdotes missando spectent, quam  
opinionem de Missa velint haberi; ipsa Missæ  
verba, ipsi doctores eorum iudicabunt: quippè  
qui tanquam conciliatores Ecclesiæ, cum Chri-  
sto Sacrificium offerant Deo propitiatorium pro  
peccatis viuorū & mortuorum, hanc nos eorum  
doctrinam velut contumeliosam aduersus Iesum.

R 4.

Christum.

## CONFESSIO

Christum reijcimus, & detestamur: quippe quæ vnico Sacrificio semel ab eo, pro omnibus qui sanctificabuntur ablato detrahat, & velut parum efficax in eum vsum coarguat.

*Quibus communicari Sacramenta debeant.*

### C A P. XXII

**B**Aptisimum existimamus, non minus Communicandum infantibus fidelium, quàm ijs, quibus est rationis & iudicij vsum. Itaque damnamus errorem Anabaptistarum, qui ante fidem, & rationis vsum, negant ad pueros pertinere Baptisum. Coenæ autem dominicæ participes esse debere eos modo credimus, qui in familia fidei contineantur: quique sese ipsi probare & examinare possint, non modo in ijs quæ propriè ad fidei causam spectant, sed etiam quæ ad officium erga proximum pertineant. At qui edunt & bibunt ex hac sacra mensa, interim fidei vacui, aut à fraterna charitate alieni, hi indignè edunt. Hanc igitur ob causam, in nostris Ecclesijs Ministri & publicè & priuatim de fide & vita eorum cognoscunt, qui ad mensam Domini Iesu Christi accedunt.

*De*



*De Magistratu Ciuili.*

## CAP. XXIII.

**A**Gnoscimus item & confitemur, Imperia, Regna, Dominatus, & Ciuitates, diuisas & institutas esse à Deo. Item Imperatoribus in sua imperia, Regibus in regna, Ducibus & Principibus in Dynastias, aliisque Magistratibus in suas Ciuitates, ius & potestatem esse ex ordinatione & instituto Dei, ad gloriæ ipsius manifestationem, & singularem humani generis vtilitatem, & commoditatem. Itaque quicumque id agit, vt iam diu corroboratum inter homines ciuilem ordinẽ aut tollat, aut conturbet, eum nos asserimus non modò humani generis esse inimicum, sed aduersus expressam Dei voluntatem, impium gerere bellum. Prætereà asserimus atque affirmamus, ijs qui authoritate iusta funguntur, omnem laudem, honorem, & reuerentiam esse deferendam: proptereà quod, cùm vices Dei inter homines gerant, in eorum concilijs, Deus ipse assideat: ac de ipsis iudicibus & principibus (quibus gladium dedit vt bonos tueantur, & in noxios animaduertant) ipse iudicabit. Prætereà affirmamus, Regum, Principum, aliorumque Magistratum, vel præcipuum esse munus, vt

S

religionem

## CONFESSIO

religionem puram tueantur, adulteratam maculis purgent. Neque enim ad ciuilem modò ordinis conseruationem, sed ad religionis etiam tutelam sunt instituti, vt Idololatriam, omnemq; superstitionē in ea oborientem opprimant. Quod in Dauide, Iosaphat, Ezechia, Iosia, alijsque rebus intueri licet, qui ob vehemens studium in puritate Religionis tuenda, singularem consequuti sunt laudem. Ideoque profiteamur, & palam affirmamus, quicumq; Magistratui in mora est, quò minus suum exerceat munus, is ordinationi Dei resistit, neque à scelere excusari potest. Præterea affirmamus, quicumque auxilium, consilium, operamq; suam negat Magistratui, ad officium vigilanter & ex fide faciendum, Idem suum auxilium, consilium & operam Deo negat, qui per Magistratum, (qui vices eius in terris explet) ea ipsa à nobis exposcit.

*De beneficijs liberaliter Ecclesiæ concessis.*

C A P. XXIII.

**Q** Vanquam verbi diuini syncera prædicatio, Sacramentorum legitima ministratio, & disciplina, conuenienter verbo Dei exercita, sint certa & minime fallacia veræ Ecclesiæ indicia, non continuò tamen, quicumq; in hunc cœtum nomen dedit, sit electum Iesu Christi membrum.

*Matth. 13.*

Scimus

Scimus enim lolium, zizania, aliasq; id genus frugum pestes, vnà cum tritico feri, copioléq; posse crescere. Hoc est, impios posse in eundem cum Electis cœtum coire, & assiduè cum eisdem, verbi & Sacramentorum beneficijs vti: verùm huiuscemodi homines, qui ad tempus, neq; id quidem ex animo veritatem profitentur, retrò abeunt, neq; ad finem vsque perseuerant. Ideóq; nullus ex morte, Resurrectione & Ascensione Christi, fructus ad eos pertinet. At qui & animo persuasum habent, & ore constanter confitentur Dominum Iesum Christum, eo, quo superius diximus modo, hæc haud dubiè recipient beneficia. Primùm, in hac vita peccatorum condonationem: idque duntaxat in Sanguine Christi. Adeò vt quanquam peccatum remaneat, & continenter habitet in hoc mortali nostro corpore, non tamen imputabitur nobis: sed condonabitur, atq; operietur Christi iusticia. Deinde in generali illo iudicio rediuium cuiq; suum restituetur corpus. Mare enim suos reddet mortuos, 1. Cor. 15. terra item quos sinu suo clausos tenet, ac sempitern⁹ ille noster Deus, manum suã super puluerem extendet, surgentq; mortui in eo ipso quod quisq; tulerat corpore, sed iam immortalis & incorruptibili, vt recipiant iuxta opera sua, aut gloriã, aut

S 2                      pœnam.



## CONFESSIO

*Matth. 25.* pœnam. Nam crudeles, flagitiosi, Idololatræ, quique rerum partim inanum, partim etiam impiarum studio in hac vita tenebantur, ad ignis extincti supplicium damnabuntur: ibique semperternis cruciabuntur pœnis, non modò corpora, sed etiam animæ, quas in seruitutem Diabolo, in omnem immunditiæ & nequitiae vsum addixerant. At qui in bonorum operum exercitio, ad finem vsq; perseverabunt, Christumq; fidenter profitebuntur, eos persuasissimum habemus, in gloriam, honorem, & immortalitatem assumptum iri: vt viui perpetuò regnent cum Christo: cuius corpori glorioso, omnes electi eius conformabuntur, cùm is rursus in iudicio comparebit, regnumque Deo Patri tradet, qui tum erit & in perpetuum perseverabit in omnibus & per omnia Deus in æternum benedictus: Cui cum Filio & Spiritu Sancto, omnis honor, & gloria, & nunc & in æternum. Amen.

*Exurge Domine, & confundantur inimici tui. Fugiant à facie tua qui oderunt sanctum nomen tuum. Da seruis tuis virtutem, vt cum omni fiducia verbum tuum eloquantur, omnesque Nationes veritatem tuam agnoscant, & amplectantur. Amen.*

FINIS.

Assertiones quædam,  
*Ex alijs eiusmodi innumeris erroneæ, per Andream Meluinum, nouam & inauditam Theologiam profitentem, in suis prælectionibus de Episcopatu, pro certis & indubitatis in medium allatæ, ac palam affirmatæ, in Scholis Theologicis fani Andrea, Regni Scotiæ metropoleôs: Unâ cum orthodoxis censuris, & impugnationibus doctissimi Præsulis Patricij Adamsoni, eiusdem sedis Archiepiscopi dignissimi, ibidem ex tempore, doctè quidem, piè & grauiter exagitatæ, ac in ipsius Præsulis prælectionibus Scholasticis, in utranque Apostoli ad Timotheum, fusius delineatis.*

1. *Assertio.*

Veteres omnes Doctores, senserunt Episcopatum, humanum esse institutum, Dei quæ verbo, non inniti præfidentiam.

*Censura.*

*Assertio temeraria, & tam verbo Dei scripto, quàm veterum Doctorum & Patrum auctoritati, ex diametro pugnans.*

2. *Assertio.*

Par est, omnium Pastorum & Ministrorum potestas & iurisdictio; Neque ordinis & disciplinæ gratia, vllum est discrimen.

Cen-

Censura.

*Temeraria assertio, & anabaptismo affinis.*

3. *Assertio.*

Actorum 13. Manus Paulo & Barnabæ impositæ fuerunt à Presbyterio Antiocheno, non solenni precandi formula, & symbolo eos commendandi Diuinæ gratiæ; sed officij, & Apostolatus ergò.

Censura.

*Apostolos ab hominibus, aut per homines auctoritatem vocationis accepisse, erroneum est.*

4. *Assertio.*

Subscriptio Epistolæ posterioris ad Timotheum, primum Ephesi electum Episcopum, eiusdem fidei est, qua Domini Ioannis Missa Biblijs præfixa: Neque illi magis, quàm huic fides adhibenda.

Censura.

*Impudens assertio, Sacræ Scripturæ auctoritatem, atq; Ecclesiæ orthodoxæ, Patrum, ac Doctorum sententias, funditus conuellens.*

5. *Assertio.*

Gregorius Nazianzenus, Præfidentiam damnat, in oratione contra Maximum; dum ait, Vtinam non esset præfidentia.

Censura



### Censura.

*Scilicet, qui Constantinopolitanae sedi praerat, Praesidentiam damnat: & non potius patheticè hæc loquitur, Iobi more, (Utinam natus non fuisset) Quod ex orationis serie certum est.*

### 6. Assertio.

Epiphanius, & Augustinus, Aërium damnantes hæreseos, quod paritatem in ministerium primus introduxisset, & Episcopum Presbytero dixerit equalem: Ipsi potius hæretici dicendi sunt.

### Censura.

*O præclarum, & diuinum ludicem, ac vitulâ dignum, si cum quopiam certaret; qui tantos & tam orthodoxos Ecclesiae approbatos Patres, suo temerè iudicio, hæreseos damnare non erubuerit!*

### 7. Assertio.

Aërius, vir fuit frugi, & austeræ sanctimoniae: Qui autem eum hæreticum esse putant, falluntur: & Aërij nomen pro Aëtio legunt, cum affines literæ, R & T sint, & facilis ab vna in alteram sit lapsus.

### Censura.

*Aërius, multarum hæreseon antesignanus fuit, Arrianus syllabicus damnator nuptiarum, qui aliquid possiderent, non recipiebat in communionem. Aëtius fuit Eunomianus: Aërium autem tueri, crassa est, & supina*

*Veteris historiae ignoratio. O antiquitatis insignem & reconditum inuestigatorem!*

8. *Affertio.*

Aërius, rectè orationem pro mortuis reprehendit, Epiphaniúsq; hoc nomine meritò damnádus est, quasi superstitionis illius fautor & propugnator, quæ in Papismo obtinet.

Censura.

*Eucharisticas tantùm preces, pro mortuorum martyrum constántia intelligit Epiphanius; & pro, propter significat, Petrusq; Viretus, Epiphanium sic explicat.*

9. *Affertio.*

Doctores, separatim habent à Pastoribus munus, non functione solùm, sed etiam personis disjunctum: Pari sunt cum Pastoribus potestate: Procuracionem habent disciplinæ Ecclesiasticæ, pari cum Pastoribus autoritate: & in Ecclesijs docere, & verba ad populum facere possunt suis auspicijs, nullâ Pastorum veniâ.

Censura.

*O ridicula & temeraria assertiones, nullis scripturae testimonijs, nullis fulcris, nullis orthodoxis innixæ scriptoribus: deliria somnia. Cur nõ addit iste Doctor eorum esse munus, scismata gignere, Ut & ipse, qui nouam docet & inauditam Theologiam.*

10. *Affertio.*

Deus, in mundi exordio, cum Adamo, Docto-  
rem & catechisten egit. Quî enim sciret ea, quæ  
cum diebus quinque antecesserant, nisi Deo do-  
cente? Et quomodo fæminam, ex ossibus & carne  
suâ scire potuit, nisi Deo docente et instruente,  
aut matrimonij leges nouisse?

Censura.

*Rudem hominem initio creatum, qui creationis bene-  
ficio hæc non amplecteretur, nouâq; doctrina tum opus  
habere, Cabbalisticum est, & Thalmudicum.*

11. *Affertio.*

Quum serpentem Deus alloquitur, et ei male-  
dicit, eum attestatur contra homines, quemad-  
modum in Prophetis, cœlum et terram.

Censura.

*Cœlum & terra, cum sua munera obeant Deo man-  
dante, rectè testes à Creatore compellantur, quod nihil  
affine habet cum serpentis anathemate.*



Deus in mundum exordio, cum Adamo Docto-  
rem & carcerem egit. Qui cum sciret ea, quae  
cum diebus quingentis antecesserant, nisi Deo do-  
ceretur, et quoniam odo laudant, ex offibus & carne  
hunc hunc potuit, nisi Deo doceretur et illustraretur,  
aut maxime omni lege novisset.

## Conclusio.

Patet enim in his etiam, quod in his  
scio hoc non manifestetur, non ad, sed in his  
habere, Cabbalisticum est, et Thabulicam.

## 11. Affertio.

Quia spiritum sanctum habent, et ei magis  
dicit, cum angelis contra homines, quod  
modum in Proprietate, et in etiam.

## Conclusio.

Quia etiam cum his magis obant Deo magis  
dante, et in his et in his, et in his, et in his,  
esset habet cum his, et in his, et in his.









# DILECTIS IN

Christo fratribus suis,

*D. D. Roberto Pontano, & Nicolao*

Dalglescheo, Ecclesiæ Scoticanæ Pastoribus,

Ac Ecclesiastico Comitiorum Publicorum

*Edicto, In Septentrionales Scotia Regni par-*

*tes emissis, ad Papismi facem ibidem Re-*

*stinguendam, Prudentissimum & Sa-*

*luberrimum authoris consilium*

*complectens, de Ecclesia eiusdem*

*politia & moderatione.*



Edditæ sunt mihi vestræ Literæ,  
Ex quibus intellexi vos profecti-  
onem instituere in Septentrio-  
nem, Synodj mandato; ad colli-  
gendas illic Ecclesiarum reliqui-  
as, & Papismi facem, quæ nunc ibidem exarde-  
scit restinguendam: Vtinam prosperè vobis, ve-  
stra cedat legatio, adeò vt non radices solùm, sed  
omnes renascentis Papismi fibras præcidere pos-  
sit; Meum autem hac in re Consilium vltro





# DILECTIS IN

Christo fratribus suis,

*D. D. Roberto Pontano, & Nicolao*

Dalglescheo, Ecclesiæ Scoticanæ Pastoribus,

Ac Ecclesiastico Comitiorum Publicorum

*Edicto, In Septentrionales Scotiæ Regni par-*

*tes emissis, ad Papismi facem ibidem Re-*

*stinguendam, Prudentissimum & Sa-*

*luberrimum authoris consilium*

*complectens, de Ecclesiæ eiusdem*

*politia & moderatione.*



Edditæ sunt mihi vestræ Literæ,  
Ex quibus intellexi vos profecti-  
onem instituere in Septentrio-  
nem, Synodj mandato; ad colli-  
gendas illic Ecclesiarum reliqui-  
as, & Papismi facem, quæ nunc ibidem exarde-  
scit restinguendam: Vtinam prosperè vobis, ve-  
stra cedat legatio, adeò vt non radices solùm, sed  
omnes renascentis Papismi fibras præcidere pos-  
sitis; Meum autem hac in re Consilium vltro



*Magistra-  
tus civilis  
authoritas  
pernecessa-  
ria, in omni  
Ecclesie re-  
gimine &  
moderati-  
one.*

vobis offero, vt præter Synodi mandata, Diplo-  
ma Regium impetretis : Sic enim fiet, vt maiore  
authoritate, minore etiam periculo, in ijs Regio-  
nibus versari possitis. Mihi verò altius repeten-  
ti, longè melius consultum Christianæ Rei-  
publicæ videtur, si probi & eruditiviri, Ecclesi-  
asticæ inspectionis munera, non extraordinariâ  
legatione, sed perpetuâ & constanti functione  
tuerentur, quique herbescente Lolio, id statim  
in ipso ortu extinguerent. Verùm cùm Episco-  
porum legitima & Orthodoxa authoritas, Syno-  
dorum vestrorum decretis labefactata sit, Et  
nunc inueterato malo qualitercunque tandem  
subueniendum sit. Gratulor eam vobis prouin-  
ciam obtigisse, qui ætate, grauitate, consilio, &  
eruditione sic muniti estis, vt aduersarij sint pri-  
mo congressu clypeos abiecturi : Quod fælix  
faustumque. Ite ergò auspice Christo. Quod au-  
tem remoram vobis iniectam scribitis, partim  
exiguitate pecuniæ ad sumptus tollerandos, par-  
tim difficultate conflandi æris, nisi à me repre-  
sentetur nomine tertiæ : Sic habete; Pudere me  
mirum in modum, Quum Papistis & Iesuitis  
abundè suppetat, ad suas superstitiones augen-  
das, ad corrumpendam Iuuentutem, & occulta  
belli

belli semina serenda, cò rem Ecclesiasticam in Scotia deuenisse, vt præinopia, hostium conatibus obuiam ire non possitis. Ad me verò quod attinet, si priuato impendio vtendum est, tametsi nummosus non sim, tam necessario operi, tempore tam oportuno minimè deessem. Tertiæ autem nomine quod petitis, penes me non est Tertiæ partis procuratio, nisi Patricij filij natu minimi nomine: Eam ego pensionem redemi, plus quatuor mercarum millibus, alioqui mihi meisque malè vertat; præter eam pecuniam quam Glencudonius, ærarij Ecclesiastici præfectus, nuper eodem nomine, adulto Rege extorsit. Hæc autem ad vos scribo, vt intelligatis quanta mihi meisq; liberis iniuria fiat. Quum Scaccarij moderatores, vestra pietate, & prætextu sanctæ legationis, ad eos spoliandos abutantur; Præsertim, quum in vobis amicis & propinquis meis summum præsidium ad eos tuendos semper posuerim. Hac de re tota, sum acturus cum Serenissimo nostro Rege, post biduum aut triduum; Quod vbi fecero, intelligetis quid à me sperare possitis, sperare autem potestis quæcunq; iusta, aut equa sunt, omniaq;

T

quæ

quæ ab amicissimo fratre præstari debent co-  
que qui ne vitam quidem ipsam tanti putat, ut  
eidem non præferat pietatem, & huius causæ,  
ad quam vos athletæ comparati estis, victo-  
riam. Bene valete. *Id. Maijs.*

1586.

*Dilectus vester frater & co-  
operarius in Christo Iesu*

PATRICIVS ADAMSONVS.

SE.



36

SELECTIONA QVÆDAM  
EX ALIIS PERMVLTIS,  
Authoris Epigrammata.

VALTERI MILLEI MARTYRIS  
in Scotia Epitaphium.

**N**on nostra impietas, aut acta crimina Vita,  
Armarunt hostes in mea fata truces.  
Sola fides Christi, Sacris signata libellis,  
Quæ vitæ causa est, est mihi causa necis.

DOCTISSIMI PRÆSVLIS, AC VIRI  
Vnde quaque ornatissimi, D. Ioannis Iuelli,  
Episcopi Sarisburiensis,  
Epitaphium.

**C**Altha, velut flores, tenebris sub noctis opacæ  
Occulit, & tristi nubilat ore caput.  
Leta sed optatos Phæbi se pandit ad ortus,  
Et folia auricomi flectit ad ora Dei:  
Sic te, dum Mariæ Regnum Caligo teneret,  
Externo, fama est, delituisse solo.  
At raras dotes, patriæ in, Regina, theatrum  
Produxit, radijs, Elizabetha, suis.  
Tu Christum, Præsul, verum es Titana, sequutus,  
Voce salutiferum, testificante, inbar.

T 2

At

## Epigrammata.

*At veluti Sol iste tuus, non occidet vnquam,  
Sic, nunquam pietas interitura tua est.*

IOANNIS LYNDÉSII, AB EO-  
dem Comarchæ, Epitaphium.

**F**unde pias lachrymas, funus qui hoc triste videbis,  
Et pudeat ficcis præterisse genis.

*Lyndesie flos ille Domus, & nobile pignus,  
Morte citâ, at famâ nunquam obiturus, obit.*

*Rarus frontis honos, & ameni gratia vultus,  
In celso nusquam corpore nœuus erat.*

*Mens pia, & inscriptum generoso pectus honesto,  
Iunctæque cælesti cum pietate fides.*

*At nunc, sydeream cæli conscendit in arcem,  
Inter honoratos excipiendus auos.*

*Nunc cinis, & tristi, mortis de carcere, liber;  
Sub pedibus, terras spectat, & astra suis.*

*Et Domino fruitur, mortem qui extinxit, Iesu,  
Nam via iam vitæ est, quæ via mortis erat.*

CARMINA PAPAM LAV-  
dantia non incusantia.

**I**Taliæ decus est quouis nec tempore Papæ  
Gloria decrescet quæ modo splenduerat.

*Eximia illius vana scet gloria nunquam  
Maxima laus crescet ac decus egregium.*

Impe-

Imperium stabile & constans teneas nec inane  
 Nomen vel paucas sub pede diuitias.  
 Clauigerum Ioua non Dæmon te fecit haberes  
 Limina cæli non ditis ut Imperium.  
 Clauigerum sibi te Christus non pessima mundi  
 Gloria te seruum iam sibi constituit.  
 Promeruit tua laus regnum nunquam quod abibit  
 Gloria sit stabilis nec citò dispereat.  
 Lex pia non mala fraus Christi non propria fecit  
 Subdere te mundum sic tibi morigerum.  
 Propterea tibi sit Cælum non Tartara sedes  
 Sydera non Orcus sint tibi delitia.

SACRIFICORVM LAVS  
 non vituperium.

Sacrificos pia lex Christi non perfida Papæ  
 Sanctio Missas tot sibi constituit.  
 Progenies pia non Papali ex face creata  
 Sorde sine est vlla non sine munditie.  
 Concelebrant sacra nec peruertunt mystica cæna  
 Symbola nam Christo non sibi crediderant.  
 Artifices tamen hî nouerunt condere numen  
 Flabile nec frustra vel male Sacrificant.  
 Erigitur Deus hic turbis spectandus honore  
 Dignus latriæ non dape dedecoris.



## Epigrammata.

*Religio sacra nos docuit non fabula nasci  
Numina verborum vi Cruce murmuribus.*

### EPITAPHIUM ABBATIS CROSSAGVEL.

1564.

*V*Æ mihi quòd Papæ dederam nomenque fidemque,  
Væ mihi quod Christi strenuus hostis eram:  
Væ vobis Papistæ omnes, nisi tempore vitæ  
Vos Christum amplexi Pontificem fugitis.

AD FRATRES SOCIETATIS IESV  
ementito nomine nuncupatos, qui se omnia  
gratis facere iactitant, Adhortatio, vt Reg-  
nis discedant gratis, vt & inde cædes &  
prælia regnis migrent.

*D*iscere qui gratis soliti, gratilque docere;  
Ædificare domos, fucorum aluaria, gratis;  
Iustitiæ sanctam gratis corrumpere dextram;  
Edicta intrepidi contemnere Regia gratis;  
Testamenta senum captare, & prædia gratis;  
Pauperibus docti legata auertere gratis;  
Qui populi mores turbatis, & otia gratis;  
Insidias struitis, reuuentes munera gratis;  
Cum tactæ nares, lucri maioris odore;  
Cantatis gratis, gratis plorare iubentes,

Sedibus

*Sedibus antiquis mira quos pellitis arte:  
 Fas quibus est gratis pueris orbare parentes:  
 Vos ego adoro lubens, O Seruatoris Iesu  
 Fælices socij, & fatui noua numina Sacli,  
 E nostro ut migrent cades, & prælia regno;  
 Omnia qui facitis gratis, discedite gratis.*

AD ILLVSTRISSIMVM ET SERE-  
 nissimum Principem, Iacobum sextum Sco-  
 torum Regem, Adhortatio, quâ se audiri  
 postulat, grauiissimis aduersariorum  
 odijs & iniquis calumnijs la-  
 cessitus author, allo-  
 quens Musam.

**A**uspicijs i musa bonis, pete limina Regis,  
 Difficiles aditus non habet ille locus.  
 Inuenies illic castas, tua vota, sorores,  
 Musarum Princeps præsidet ipse choro.  
 Cùm te lugubrem, cùm tristia viderit ora,  
 Inquiret subita, quæ tibi causa viæ est.  
 Tu veniam præfata prius, pedibusque voluta,  
 Pro Domino lachrymas dixeris esse tuo.  
 Abiecit musas, spretisque Heliconida lymphis,  
 Et luctu & lachrymis vix superesse putes.  
 Nescio quid toto suspirat pectore Regem,  
 Regem sole nouo, sole cadente vocat.

Ne

## Epigrammata.

Nec petit ille nefas, iusta libramine lancis:  
Postulat imperij iura, fidemque tui.  
Siue illum occultis technis gens subdola vexet,  
Seu premat opprobrijs Meluiniana cohors.  
Audi illum, Rex, audi, inquam, si vera recordor,  
Haud unquam causa defuit ille tuae.  
Cum quondam assereret, triplicis tua iura Corona,  
Parrisijs arcto carcere vinctus erat.  
Et quum differeret, tua magna encomia laudans  
Londini, applausus lata Theatra dabant.  
Tempora quid memorem, quorum pars magna fuisti  
Inuidiosa, quibus fidus athleta fuit.  
Sic proprias exhausit opes, impendia nulla  
Rettulit: hac aula gratia sola fuit.  
Quod te per musas, geniumque, & debita fatis  
Regna tuis, nostri nunc miserere precor.  
His dictis, postquam surgentes ordine musas  
Viderit ad lachrymas ingemuisse tuas,  
Et tristi aspiciens BARTASSIA NUMINA vultu,  
Haud dubie votis annuet ille tuis.  
Tu voti compos, caueas ne deside pennâ  
Segnior in laudes repperiare suas.

AD



AD EVNDEM REGEM INVI-  
ctissimum, Iacobum sextum, Scotorum  
Regem, Iani Calendæ. 1588.

**S**um tibi, sum, Princeps, redeuntis tempore Iani,  
Heroo Iobum carmine pollicitus.

Squalet adhuc pauper, nec fædos exuit artus,  
Et toto regnat corpore dira lues.

Nec ficti, ut par est, miseri solantur amici,  
Bellaq; crudeli sauius hoste gerunt.

Impia nec coniux, verbis defistit amaris,  
Illita lethifero pocula felle bibit.

Non tibi tristitiam, sub Iani offerre Calendis  
Ausim, non ira iurgia famineæ.

Non fictos socios, nec territa membra pauore;  
Letitiam & ludos Ianus amare solet.

At mox Ioua, iterum Iobo sua pignora reddet,  
Et dupla faciet prosperitate frui.

Tum tua, Rex, forsan non dedignabitur ora  
Melpomene, Heroam percutiente lyram.

Crede mihi, cum penè suo Sol decidit axe,  
Inferniq; ruens terruit arua poli;

Exiguâ noster Helicon exaruit vnda,

Nec poteram in numeros sollicitare lyram.

At nunc quum rediens rediuiua lampade Phæbus,

Suppeditatq; suam promptus Apollo chelyn;

V

Comptior

## Epigrammata.

*Comptior ut Iobus metro, quàm diuite gaza,  
Conspēctum subeat, Rex IACOBĒ, tuum.  
Intereà, fēlicem annum, fēlicius ævum,  
Et vitæ, & Sceptri gaudia longa precor.  
Et fortunatas in secula multa Calendas,  
Quas vicibus Ianus fertq; refertq; suis.  
Detq; Deus quodcunq; velis, quodcunq; peroptas,  
Et mihi det, vatis te meminisse tui.*

AD EVNDEM REGEM INVICTIS-  
simum, in Threnos Ieremiæ carmine red-  
ditos, Iani Calendis. 1520.

**A**ccipe Iirmijæ, Princeps, lamenta Prophetæ,  
Fatidico vates quæ pius ore canit.  
Accipe quas patriæ lachrymas, Orbiq; parentat,  
Flebile diuini carmen oloris habe.  
Cum Solymem cecidisse vides, mortalia nulla  
Crede, diu stabili posse manere loco.  
Cum perijt Solyme, scelerati rudera mundi  
Mirum est peccati mole perire sui?  
Altera sed Solyme est, quæ Christi Ecclesia fertur,  
Sæua procelloso quam quatit unda mari.  
Quam contra infidijs, sinuosus dimicat anguis,  
Regnaq; Tartareo commouet imalacu.  
Illam inuicta fides, clypei munimine sacri  
Protegit, & galeam crista salutis amat.

Thorax

*Thorax iustitiæ est, veri sunt cingula lumbis,  
Verbi acies sacri, bellicus ensis adest.  
Gestantur pedibus lætæ sandalia pacis,  
Quæ Crucis in ligno cuderat arma Deus.  
His Satanae furias, his iras despicit Orci,  
His semper victrix in sua castra redit.  
Hanc, Regem nutrire æquum est, dextrâque tueri,  
Regno propitium qui cupit esse Deum.  
Huc contende, Heros, solida hæc, en gloria sola est,  
Quæ dederat Christo subdere Sceptra Duci.  
Est etiam Solyme, sublimibus alta columnis,  
Quâ, via stelliferum lactea sulcat iter.  
Hanc tibi ne optarem vetuit fausto omine Ianus,  
Tempora qui retrò, quique futura videt.  
Dum famâ impleris terras, virtutibus astra,  
Iuncta quæ sint Sceptris utraque regna tuis.  
Dum fælix soboles numerosa gestiat aula,  
Et spes perpetui longa nepotis erit.  
Dum numeres multos generoso Marte triumphos,  
Nestorij quæ æques tempora longa senis.  
Dum Solymæ vindex quæ terræ militat oris,  
Cælestis Solymæ ciuis adesse velis.  
Sic Bifrons, Phœbique novæ fulsere Calendæ,  
Et flamma exarsit candidiore dies.*



## Epigrammata.

IN PARPHRASIN APOCALYP-

seôs , à Serenissimo Rege IACOBO Magnæ

*Britania, Francia, & Hyberniæ Rege, fideiq;*

defensore , &c. Doctissimè &

accuratissimè Editam. .

**E**Cce alas senas Cherubin, solioque vehentem,  
Vt reseat Iudæ, mystica signa Leo.

Clangentesque tubas septem, tonitruque tremendo

Perdita regna hominum, perdita regna Dei.

Exulat ut Cælo serpens, Ecclesia pugnam

Sustinet, & victrix sub Cruce bella gerit.

Imperium Romanæ Urbis, veterisque, nouæque,

Hæc Agnum simulat, sed simulachra colit.

Vox Euangelij resonat, Babylonque repente

Corruit, exhaurit pocula plena furor.

Funduntur septem phialæ, quos bestia signat

Hos ira, & Iouæ tristia tela manent.

Hæc illa est meretrix, septem quæ collibus Urbis

Insidet, infami mollis adulterio.

Hæc Regum domitrix sanctorum imbuta cruore,

Facta est immundis hospita spiritibus.

O ter felices, quos Agni accumbere mensæ,

Et sacris sponsæ contigerit thalamis.

Corpora quæ tellus, quæ vastum absorbuit æquor,

Iudicio sistet mors rediuiua Dei.

Tellu-

*Tellurem, cælumq; nouum, gemmisq; micantem*  
*Sponsam Agni, & Solymæ mænia celsa piæ.*  
*Hanc urbem viui latices, flumenque perenne*  
*Irrigat, hanc vitæ fertilis arbor alit.*  
*Nil templo, nil sole opus est, sic gloria Christi*  
*Eminet, & celsa fundit ab arce iubar.*  
*Magnus Ioannes, rapido de fulmine natus,*  
*Æthereo immensum sic tonat axe Deum.*  
*Quemque nouo vidit radiantem lumine Christum*  
*Monte Tabor, Cælo hic splendidiore videt.*  
*Quippe sinu Christi recubans, mysteria suxit*  
*Ardua, & arcani mystica regna poli.*  
*Hæc, hominem superans, hæc, ipsum ingressus Olympum*  
*Explicat, hanc laudem Rex IACOBVS habet.*  
*Fulminis hic etiam natus, sed fulmine maior,*  
*Fulgetra cælesti splendida luce ferens.*  
*Hic Rex auricomi capitis si sceptrâ teneret,*  
*Nil opus ariolis, nil Daniele foret.*

ILLVSTRISSIMÆ AC ORNATIS-  
 simæ Heroinæ MARIE D. O. M.  
 Gratia Scotorum Regina  
 Epitaphium.

*Ornarant Mariam triplicis Diademata Regni;*  
*Scotica iure soli, Gallica iure tori.*  
*Anglica restabant, tantæ mors æmula laudis*  
*Obfuit, ut soboli ius cluat imperij.*

## Epigrammata.

EIVSDEM PIENTISSIMI AC DO-  
ctissimi Præsulis moribundi, Apostrophe  
ad suam Animam.

**O** Anima, assiduâ vitæ iactata procellis,  
Exilij pertæsa grauis, nunc lubrica tempus  
Regna tibi, & mundi inuisas contemnere sordes:  
Quippe parens rerum, cæco te corpore clemens  
Euocat, & Verbi crucifixi gratia, Cæli  
Pandit iter, patrioque beatam limine sistet.  
Progenies louæ, quò te cælestis origo  
Inuitat, fælix perge, æternumq; quiesce.

Exuuie carnis, cognato in puluere Vocem  
Angelicam expectent; sonitu quo putre cadauer  
Exiliet rediuiuum, & totum me tibi reddet.  
Ecce beata dies: Nos Agni dextera, ligno  
Fulgentes Crucis, & radiantes sanguine viuo  
Excipiet; Quàm firma illic, quàm certa capeffes  
Gaudia, fælices inter, nouus incola, ciues.

Alme Deus, Deus alme, & non effabile Numen,  
Ad te vnum & trinum, moribundo pectore anhelò.

EIVS-



EIVSDEM PIENTISSIMI  
Præsulis Epitaphium.

**Q**uisquis ab extremo veniens oriente viator  
Pergis ad Oceani, qua Sol cadit aureus, undas:  
Seu procul à medijs calidis humoribus austru  
Tendis, hyperboreo rigidum contingere littus  
Frigore, & insano ventos aquilone furentes,  
Excitus fama ingenti, quæ tanta sub auras  
Fertur, & immensum latè circumuolat Orbem  
Magna sonans, magnum assiduo vigil aëra cantu  
Dum stridens mouet, atq; solo expatiata repente  
Sublimem excelso tollit super æthere magnum  
Regni Primatem doctum, prob, funere ademptum,  
Mutasse & roseum pallenti morte colorem:  
Hic consistite. Vides atro de marmore limen  
Vicinum, tumulumq; grauem, quo membra sepulchro  
Mortua conduntur, magni post funera Patris:  
Liuida prob hominem mors corripit, occidit vnâ  
Occidit Aonidum clarum decus: ipsaq; acerbo  
Fleuit inexpletum mastissima Scotia casu:  
At passim errantes lachrymas fudère Camenæ,  
Et genus Aonidum vates & quisquis amenum  
Facundo volucris fontem bibit ore Caballi.

## Epigrammata.

*Nec minus attonita gemuit pars maxima plebis :  
Indeploratum non hunc in nocte supremâ  
Religio pietasq; sinunt, & numina Diuûm.  
Sic humana Erebi rapit implacal ilis atra  
Omnia nocte lues, sic altum exangue soporem  
Corpus humo carpit gelida, mane/que sepulti.  
Fama sed æternum durat, multoque superstes  
Viuit inextincto per secula nomen honore.*

THO. VOLVSENVS.

parentauit.

---

EIVS-

# Epigrammata.

## *Eiusdem aliud,*

### De vita & morte Authoris.

**N**aturâ Orator suadens, suavisque Poëta,  
Mystica diuini defungens munia verbi  
Sex & vicenis annis, ac munere sacro  
Præsulis Andreiæ fani sacratus, in alti  
Immortale decus Iouæ, populique salutem.

Multa hic perpeffus Christi sub marte cruenta:  
Decubuit mœrore animi: quique omnia pridem  
Pertulit inuictò constantis robore sensus,  
Non tulit immites mystas: hinc lenta sequuta est  
Tabes, lethifico carpens præcordia morsu.  
Occidit: haud facile æqualem cui nostra tulerunt  
Secula, degeneri sensim euanentia prole.  
Agnoscent docti iacturæ vulnus acerbæ;  
Præsulis & funus, prob incassum, lumine lugent:



# Epigrammata.

## Eiusdem in eundem:

**E**heu, quàm varijs fors casibus omnia mutat,  
Quàm felix aliquid non finit esse diu.  
Terra quoque & cælum modò rident, & modò lugent,  
Forma nec in rebus permanet vna suis.  
Eheu quæ decus mors abstulit inuidæ, vatem  
Quem genitum doctâ Pallade nemo neget.  
Atqui ubi in humanis nulla est constantia rebus,  
Quid spe fallaci pascere vota iuuat?  
Quò vigor ille animi? quo strenua corporis illa  
Dexteritas abiit? quo nitor ille tuus?  
Hæc simul inuoluit crudelibus Atropos umbris,  
Nullaque sunt de tot signa futura bonis.  
Te venerande parens, animæ documenta ferentem  
Optima, diuino sensimus ore loqui.  
Nunc tecum occubuit trina præstantia lingue,  
Et cecidit priscâ cum pietate fides.  
Græcia te luget lachrymis, Heber, atque Latinus,  
Interitumque gemit terra Britanna tuum.  
Illa tamen nobis restant solatia, quod te  
Erepto, superest pars quoque magna tui.  
Viuat enim, viuetque diu tua gloria, cuius  
Viuida scriptorum surgit honesta manus.

Mut-

## Epigrammata.

Multos prisca viros insignes, protulit ætas,  
Extincto quorum corpore, fama iacet.  
Mortalique manu totum quaecunque per Orbem  
Sumptibus immensis structa fuere cadent.  
Hoc facit annorum series, nisi temporis atros  
Exuperent morsus, scripta diserta virum.  
At tibi si nequeo vitæ immortalis honorem  
Non permansuris tradere carminibus.  
Si mea iam notis sparsere liquoribus ora,  
Cum Musis Nymphæ quæ loca sacra colunt.  
Qualiscunque mihi libato venit ab amne,  
In laudes surget spiritus ille tuas.  
Et memor officij semper, gratusque, piusque,  
Incidam tumulo talia verba tuo.  
Hic iacet ANDREIÆ Præsul meritisimus Orbis,  
Adami Sobolis, Patriciæque notæ.  
Cuius recta fides, ingens prudentia, fidum  
Consilium, gravitas digna Catone fuit.

# Epigrammata.

Eiusdem.

*Patricius iacet hîc , Adami : cætera norunt  
Et Tagus, & Ganges ; forsan & Antipodes.*

Eiusdem.

*Hîc situs est Vates , cuius si cuncta perissent,  
Virtutum septem dix sat erunt tumuli.*

D. ELI-



## Epigrammata.

D. ELIZABETHÆ Arthuræ, Charissimæ ac Lectissimæ olim Coniugis eiusdem Patricij Adamsoni, Sancti andræ Præsulis, Quæ eo statim demortuo, nimio dolore fracta, concessit Olympo.

### EPICEDIVM.

**E**Cce virum Angelicæ, iam iam rapuere cohortes,  
Turba eheu, letho, segnis inersque meo.  
Quin potius nostræ rumpantur stamina vitæ,  
Sit mea cumque meo, vitæque morsque viro.  
Cur mea fata sinunt, tanto superesse dolori?  
Cur tua summe Deum, dextera cessat iners?  
O me utinam letho, comitem tibi fata dedissent,  
Heu vitæ quondam, spēsque, salusque mea.  
Ne quam iunxit hymen, diuelleret Atropos à te,  
Sed coniuncta forent funera nostra tuis.  
Nunc se uos inter gemitus, lachrymasque relinquo,  
Nec sine te grata est vita futura mihi.  
Ipsa dolore graui nimium confixa reseruo,  
Fortunamque timent ista subire meam.  
Et mihi vir tecum moriendi iura negantur,  
Parcaque non gratam prorogat usque diem.  
Vos precor, ô superi, si quid pietatis & æquie est,  
Si flectunt vlla Numina vestra preces;

## Epigrammata.

Ante oculos Vestros inter penetralia mortis  
Sint coniuncta suis funera nostra rogis.  
Icta manu, iurata fide, rata numine teste  
Fœdera coniugij, rupta fuere mei.  
Quàm procul & Dominum misera seiunxit amanti,  
Cum patrios adiit nobilis Umbrapolos.  
Et quoniam prohibent aliter me Viuere fata,  
Et de me certa est alea iacta manu:  
Ecce vocat quocunque, viam dux præuius: ecce  
Vsque sequor coniunx; Uxor, & vsque comes.  
Seu cæli secat astra super, seu denia terra,  
Distrabor, & terram versus & astra super.  
Latitæ, luctusque, locus communis, & unus;  
Cumque meante meo, cumque cadente cado.  
Contiguumque latius lateri fit, dextera dextra,  
Cippus, & vna quies, vnus, & vnus amor.

Charissimæ Socrui,

Tho. Volusenus,

æternâ, mærens, mactat amicitia.

IACO.

## Epigrammata.

Iacobi Adamsoni, filij eiusdem D. ELIZABETH  
ex Presule primogeniti, virtutis & expecta-  
tionis magnæ, qui statim parentibus  
vitâ functis, fœliciter expiravit.

### EPITAPHIUM.

**M**ATRIS imago patri, genitoris imago parenti  
Vnus eram, talis forma, vigorque fuit.  
Atropos eripuit, genitoris ne domus olim  
Me crescente, alijs inuidiosa foret.  
Sed mihi quos rapuit, secat illa parentibus annos,  
Vita erat vnde mihi, mors sit & inde, iuuet.

Eiusdem, in eundem

### EPICIDION.

**N**ON quisquam ingenio melior, non promptior ore,  
Gratior aut vultu, non vi præstantior, altos  
Se celerem super edere equos, iaculumque, sudemque  
Amento, atque agili procul exturbare lacerto,  
Altaque vibratum per nubila condere discum,  
Spartanaque artes versare, dolosque palestra.  
Et foueam ingentem saltu transmittere, & undis  
Insurgentem amnem volucris superare natatu.  
Cretensi de more alter non rectius arcum

Ten.



## Epigrammata.

Tendit, & in gyrum balæares torquet habenas,  
Sulphureoque graues longè iacit impete glandes;  
Artibus & diuersa nouis, nemo acrius arma  
Tractat, & hostiles fallit magis impiger ictus.

Te renuente tamen, non ulla resistere Virtus  
Eualeat, licet ipsi omnes tua numina contra  
Tendamus superi, totusque repugnet Olympus:  
Tu genitor da posse, tuam cum fata minantur  
Imploremus opem, tu res amplectere nostras.  
Ille diu vixit, qui dum cælestibus auris  
Vescitur, implet onus laudis, cælumque meretur.

Tho. Volusenus

mærens sacrauit.

EIVS-

*Eiusdem.*

In obitum Viri verè probi, pij & docti, *Roberti Rolloci* Gymnasiar-  
chæ Edinburgeni, ac ibidem Pastoris, Epitaphium.

**T** Vnunc exuuias liquisti corporis huius  
Rolloce, ast summo lux nova iuncta polo.  
Fulisti inter nos lumen radiantius, et nunc  
Astra tuo aspectu languidiora micant.

*Eiusdem in eundem.*

**V**ixisti Christo, vixti Roberte Camenis,  
Téque vetat Christus, téque Camena mori.

*Eiusdem.*

In pientissimi, ac Doctissimi senis obitum, *Roberti Pontani*  
Pastoris Edinburgeni, Epitaphium.

**Q** Væ te stante stetit sacrorum curia, tecum  
Heu! Pontane, cadit, téque iacente iacet.

*Eiusdem*

IN AVGVSTISSIMI ET INVICTISSIMI PRINCIPIS,  
IACOBI Magnæ Britanniae, Galliae, & Hyberniae Regis, fideiq;  
defensoris, In Scotiae Regnum reditum  
13. die mensis Maij. 1617.

**Q** Veritis unde nouo diffusum lumine Cælum  
Rideat, inuisas quidue fugarit aquas?  
Cur liquidus nullis agitetur flatibus aër?  
Cur placidum tacitis stet mare littoribus?  
Almae cur posito tellus squallore vire scat,  
Et se purpureis floribus induerit?

**X***Quid*

## Epigrammata.

Quid quæque exultet ramis frondentibus arbos,  
Cur solitum repetat garrula carmen auis:  
Non hic causa fuit, mutato sydere Phœbus,  
Nec vaga roriferis Cynthia luminibus.  
Sed modò cum redijt Rex nostras magnus ad oras,  
Reddidit aspectu cuncta serena suo.  
Quin Rex humanos meritis superauit honores,  
Mirantur quæ nouum sæcula nostra Deum.

Ad Eundem Sereniss. Regem, Edinodunum, Regni  
Regiam ingredientem, 16. Maij 1617. eiusdem.

**D**eseruit solito formosior æquora Titan,  
Illuxit votis sæpè petita dies;  
Quâ tu Scottigenæ gentis moderator & auctor,  
(Cui dedit omnipotens sceptrâ verenda frui.)  
Dirigeres nostras iter expectatus ad oras,  
Regiâque intrares hospita tecta Patrum.  
Quid potuit nostris contingere gratius oris?  
Quidue tuo maius numine terra dare?  
Interea, letis clamoribus insonat æther,  
Et tibi fert patrios obuia turba Deos.  
Vndique concurrunt in te sua lumina pascunt,  
Exoptat longos & tibi quisque dies.  
Augurijs sibi quisque animum felicibus implet,  
Et suscepta tuo nomine vota facit.  
Vnum omnes pariter te pascere fata loquuntur,  
Quo duce, Papalis fax scelerata cadat.

Nulla



Nulla tuis poterit maiorum gloria rebus  
 Æquari, & cedent cuncta trophæa tibi.  
 Viue diu felix, Superi tua vota secudent,  
 Ut subeat solidum terra Britannia iugum.

INCLYTISIMO AC NOBILISIMO HEROI,  
 Carolo Valliæ Principi, Duci Cornubiæ, Salutatio  
 Tho. Volufeni.

Salve magne puer, stellis fœlicibus orte,  
 Fatidicis vatum nobilitate modis.  
 Cui bene disposito coeuntia sidera cursu,  
 Promittunt sceptris omnia leta tuis.  
 Tu genus à prisca qui ducis origine Regum,  
 Imperioque refers aurea secula tuo.  
 Quò te fata vocant pergas, tibi lata parantur  
 Imperia, & generi nomina magna tuo.  
 Salve magne puer, Regis magni inclyta proles,  
 Brittanni ac magni spesque decusque soli.  
 Chære nepos Regum, toto quos orbe potentes  
 Ac meritis claros cernimus esse suis.  
 Nulla tibi generis potuit contingere maior  
 Gloria, ni Cœli missus ab arce fores.  
 Eid age, cresce puer, certissima cura Deorum;  
 Blanditiæ magni deliciaeque patris.  
 Qui propriâ gaudes virtute excellere, cuius  
 Gloria nullius crescere laude potest.  
 Quo nihil à superis optet Brittannia maius,  
 Tradere quo melius nil potuere Dei.

## Epigrammata.

*Restat adorato Ioue, Numina cuncta precari,  
Vt longos viuas, secula multa, dies.  
Sanguinis ut vestri crescat numerosa propago,  
Inclytæque illustres turba sequatur auos.*

Vaticinium de Carolo, ex Sanguine Caroli Magni, & Regum  
Galliæ oriundo, nunc verò Numine bene propitio, tan-  
dem feliciter orto.

**R***egibus è Gallis orietur Caesar, & ex te  
Carole: deque tuo nomine dictus erit.  
Hesperiam Latiumque reget, rigidosque Britannos,  
Addet & imperio Gallicæ regna suo.  
Sacra per hunc olim rursus victura resurgent,  
Et vetus Imperij restituetur honos.  
Tunc populus veniet, duce nullo, cui caput usquam  
Non erit: hinc luctus damnaque sacrificis.*

Eiusdem in diem Natalem Inclytissimi ac Nobilissimi Herois  
Caroli Valliæ Principis, Ducis Cornubiæ, &c.

**S***pargite Io flores, ter Io, ter dicite carmen,  
Ter sonet auratâ casta Thalia fide.  
Spargite Io magni redolentia munera Phæbi,  
Latæque cum sancta fundite verba prece.  
Iam procerum gaudete cohors veneranda Britannum,  
Natalem nostri Principis ecce diem.  
Dicit Io, iam dicit Aue, blandoque precatu,  
Dirigit ille tuos, Carole, ritè pedes.  
Temperat ac motus varios, arcana recludens  
Fata, Sibyllinis nobiliora notis.*

*Iam*

Iam latare sacris Soboles Britannica verbis,  
 Te penes est magni gratia pacta Dei.  
 Rideat omnis ager, tibi rideat omnis Olympus,  
 Et patris, & Matris gaudia magna puer.  
 Fœlix matre puer, fœlix patre, & altera, & alter,  
 Prole, thoro, vobis terra beata tribus.  
 Hic castæ Aonides, castâque & Pallade Phœbus,  
 Sceptraferâque habitat Iuno verenda manu.  
 Dulcia sepositis agitemus gaudia curis,  
 Carole macte, tuum nomen ubique sonet.  
 Natalem cuncti mecum celebrate coloni,  
 Et positis sulcis undique cesset opus.  
 Hunc nitidi, servate diem, vinclisque solutis  
 Demant servitio libera colla boues.  
 Nunc agitate choros, & carmina dicite leti,  
 Nec nitidum sacro stet sine flore caput.  
 Tibia nunc hilaret bifori conuiuia cantu,  
 Atque habeant nullum verba iocosa modum.  
 Nunc proferre decet quos misit Eous odores,  
 Quosque Hispana nouo puppis ab orbe tulit.  
 Tu quoque qui magni nunc incolis ora Britanni,  
 Carole, natali munera solve tuo.  
 Viue diu, similisque tui generosa propago  
 Finit extremum non nisi sera diem.

Eidem Illustrissimo ac Nobilissimo Heroi, Carolo Valliæ Prin-  
 cipi, Duci Cornubiæ, &c. Iani Cal. 1618.

Eiusdem.

Q<sup>uæ</sup> mihi sunt Musæ comites, vatumque Camena,  
 Quæ fallit dulci carmine Pallas iter:



## Epigrammata.

Quique suis nondum radijs vada cæcula soluit  
Delius, astricto continuata gelu:  
At fauet, & claro nitidus me spectat Olympo,  
Dum Phæton teos acrius vrget equos.  
Hi saluere nouis cupiunt te mensibus anni,  
Carole, Britanni gloria magna soli.  
Hinc, dys si qua fides, si vera oracula Phæbi,  
Laudibus est ingens Gloria parta tuis.  
Te manet, O Cælo Princeps dignissime, munus  
Ætherei in terris imperiale Iouis.  
Hoc obeas, subsintque tuæ magnalia curæ  
Altiùs, auspicijs læta futura tuis.  
Nec mihi dux Pallas, nec qui vix equore vultum  
Extulit, & claro Cynthius ore nitet:  
Nec mihi sint Musæ comites: Helicon Thaliam  
Deneget & sacras fons Heliconis aquas:  
Ipse bifrons Ianus geminam sub tempora frontem  
Contrahat, & mensi nolit adesse suo,  
Si tibi, qui motu astrorum nouus incipit annum  
Felicem, auspicijs non precesse bonis.  
Hic tibi lætus eat: nostris ea numina votis  
Nec desint, quorum te sibi iunxit amor.  
Omnia ab ætherea qui dat Pater optimus arce,  
Quique iubet clarum te decus esse tuis.  
Annuat ille precor, Iani tibi, magne, Calendis  
Carole: (nec vanum hoc mensibus omen eat.)

*Vt Rex, ut Proceres, quorum tua gaudet amore  
 Virtus, ipsa ut te Patria, semper amet.  
 Læta diu terris seruent te sæcula, Cælum,  
 Donec in extincto lumine sydus ames.*

*Eidem.*

*Inclutissimo Heroi, CAROLO VALLIAR Principi,  
 Duci Cornubiæ, &c. Carmen eiusdem.*

*O Prima nostri gloria sæculi,  
 Stirps alta Regum, Carole, qui prior  
 Assurgis inter digniores  
 Conspicuis pietate Reges.  
 Te missum Olympo, dulce sororibus  
 Solamen ipsis, præsidium, decus:  
 Fautore passim te, canora  
 Læta sonanda lyra poëtis.*

*O viue felix, optime Principum:  
 Te fata seruent incolumem, cui  
 Semper Camenarum patrono  
 Dulce canat mea musa carmen.*

*In Eduardi Farfaxi, viri Patritij, Eboracensis, ac Poëtæ insigni-  
 nis, Satyras; Censura Tho. Voluseni.*

*ET Phæbum, castasque doces Farfaxe, sorores,  
 Salsa verecundo verba lepore loqui.  
 Vlla nec in toto prurit lasciuia libro,  
 Pagina nulla minus, quam tibi vitæ proba est.*

*In obitum D. Margaritæ Fouleia, Lectissimæ coniugis D. Tho.  
 Hamiltonij, à Binnie Domini Carmen Lugubre.*

*Impia te postquam, duri violentia fati  
 Eripuit charo, chara Fuleia viro.*

*Hanc*

# Epigrammata,

*Hanc voluit, tecum licuisset ponere vitam,  
Morte vel in lucem se renocare suâ.  
Coniugio felix sponsus, felicior olim;  
Nunc sine te mæstis linquitur in lachrymis.*

Eiusdem in Bathsæ Reginaldæ Virginis Londinensis Philologæ,  
& Philoglottæ Raræ, 16. ætatis suæ anno, Encomium.

**A** Emula Pieridum, & magna certissima cura  
Palladis, en patriam virgo quæ tollis ad astra,  
Eximiâ virtute tua, cui non tulit ætas  
Nostra parem, Reginalda, O quid Bathsua, dicam?  
Te chorus Aonidum secreta per auia ductam  
Pierios haurire lacus, umbrasque subire  
Lauriferi nemoris, sedesque habitare beatas  
Permittit, comitemque sacri iubet agminis ire.  
Hinc fluit ingenuus vigor, hinc sublime videmus  
Ingenium, hinc nitidi facundia prouenit oris.

Siue libet faciles numeris includere versus,  
Libera seu pedibus componere verba solutis,  
Siue quid ipsa par as Graia non inscia linguae;  
Quòd si Pegasidum vestigia clara sequenteis  
Miramur, colimusque viros; quàm iusta puellam  
Gloria, tale aliquid meditantem ad sidera tollet?  
Perge puellarum decus, & quâ dextera monstrant  
Numina, carpe viam; atque animi bona, (quod facis) alto  
Imperio, atque opibus Regum potiora superbis,  
Et niueo, roseoque magis pretiosa colore  
Esse puta; & musas, pulchrosque amplectere honores  
Palladis, hæc tristeis nobiscum ferre Procellas  
Fortuna poterunt, quoties contraria surget;  
Illacitò effugiunt, nec qui certamina segnes  
Prospiciunt, sed qui pugnant, meruere coronas.

VIRI



VIRI, SVA ÆTATE LITERATIS-  
simi, ac verè pij, Florentij Voluseni, Scoti,  
de Tranquillitate Animi.

Ode Dicolos Distrophos, priore versu Glyconico,  
posteriore Asclepiadeo: vt illa Horatij.

*Sic te diu potens Cypri,  
Sic fratres Helena lucida sydera.*

*Nihil esse in hac vita requietis, præter id, quod  
à Sapientia & pietate proficiscitur.*

Carmen cultum, doctum atque pium.

**Q***uid vos, O superi boni,  
Quid rerum genium criminor amplius  
Falsò? sum dubio procul  
Infelix opifex ipse mihi mali.*

*Frustrà querito, qui sciens  
Haurire ex tenebris lucem, & in horrida  
Mortis regno habitans miser,  
Vitam, vel solidas delicias moror.*

*Mella, absynthia non dabunt,  
Vuas nec tribulus: sic mala gaudia  
Vitæ qui sequitur brevis,  
Is fructum petit ex arbore non sua.*

Y

Forma-

## Epigrammata.

Formarum iste decor fugax,  
Auri qui nitor effulget in ædibus  
Altis, stemmata regum, opes:  
Luxus, delitias, insuper addito:  
Quicquid luminibus vides,  
Et quicquid manibus tangis amabile,  
Cuncta hæc pulvis & umbra sunt,  
Et noctis brevis huius, mera somnia.  
Quod iam præterijt, nihil.  
Est ventura voluptas citò transiens,  
Mox ad præteritum venit:  
Et tu, quod nihil est, tam cupidè petes?  
Inunc, I miser, & leui  
Ventotende plagas (quodq; alius, nisi  
Demens Hercule non velit)  
Umbra, quæ fugit, amplectere, si vales.  
Nolenti quod abit tibi,  
Id tu linquere debes etiam volens:  
Et prudens ea querere,  
Nolenti nequeant quæ tibi præripi.  
Quid prodest homini, rogo,  
Lucrum totius orbis cum opibus suis:  
Si post hoc breue temporis  
Punctum, spes animæ nulla relicta su?

Quanto

Quantò nunc sapientius  
Is vitam instituit, qui studijs pijs,  
Et vita innocua sibi  
Munit, cùm migrat hinc, ad superos viam?  
Gustum si interea cupis  
Vera letitia, vel bona tempora,  
Liber sollicito metu  
Componas modicus voti animum tuum.  
Gyrum si finis egredi  
Hunc extra rationis, tibi quos ciet  
Æstus, quos strepitus parit?  
Et viues miser, & turpiter inquires.  
Si plenam requiem voles,  
En, compendia tam difficilis via  
Dat sacrae studium Crucis.  
Felix est, animi quem studium hoc iuuat.  
Non hunc diuitiæ tenent,  
Curæ & generis vulgi, & amor grauis:  
Sed recti decus, & viris  
Quæ magnis solet aether dare præmia:  
Quas nos appetimus, velut  
Commoti furijs delicias, fugit:  
Sanè, non secus ac cruces,  
Et mentis remoras, scandere dum volet.



## Epigrammata.

*Quæ nos prima velut bona  
Miramur, penitus spernit: & omnia,  
Tanquam stercora, negligit:  
Vnum quò valeat Christum adipiscier.*

*Quod vulgus graue iudicat,  
Hic perfert alacris: nec solidum putat  
Vllum (vt cætera suppetant)  
Huic, cui Christus abest, affore gaudium.*

*Tantum Christe, Crucem tuam  
Letus cogitat, in qua sub imagine  
Mortis, conspicit abditam  
Et vitam, & superum perpetuum decus.*

*Sic (quod non temerè solet  
Aut multis dare (cælum) mel hic ex petra  
Ipsa sugit, & ampliter  
Duro ex saxo oleum, cùm lubet, elicit.*

*Huic soli meritò datum  
Vitæ tempus, & æuum placidè fluit  
Clausum pectore, qui tenet  
Cunctorum instar & hoc pondus habens, bonum.*

*Extra se quid enim volet  
Quidquam, qui pretiosum illud, & omnium  
Per dispendia querere  
Quod solum deceat, margaritum tenet.*

*Quantis*

Quantis hei mihi fluctibus  
Iactantur reliqui, sæpè quibus sua  
Et vota exitium afferunt,  
Et curas rediuiuas sine termino?

Summum sæpè vocat diem  
Illum, degeneris qui generis timor  
Est communis: & exitus  
Ingratas lacrymans increpitat moras.

O Nunc, O Utinam furor  
Hic me corripiat: sic cupiam libens  
Illò pergere, quò velim  
Nolim, perbreue post tempus eundum erit.

Præsens auolat, altera  
Instat vita: viam non aliam Pater  
Ducentem huc docuit, nisi  
Quæ chari posita est in Cruce Filij.

Quî nunc luminibus queas  
Siccis aspicere hæc impia vulnera,  
Auctor quorum es, & è quibus  
Ingrato tibi, tam grata fuit salus?

Tu, qui sollicitus fugis  
Quod durum est, celer in mollia disfluens:  
Qua communia præmia  
Poscis fronte, laboris subiens nihil?

## Epigrammata.

*Si non tanta potes pati,  
Id saltem effice, ne dissimilem sui  
Prorsus cernere te queat  
Is, quo cum petis olim fore particeps.*

*Quod Phæbum propius refert,  
Verè lucidius dixeris: & niuis  
Quæ sunt alba modò, locum  
Inter candida primum sibi vendicant.*

*Hæc rursus mage dulcia  
Sunt, quæ mella imitantur redolentia.  
Et plus illa volucra,  
Quæ contendere cùm auris leuibus queant.*

*Ergo dispeream, nisi  
Quò CHRISTO fueris consimilis magis,  
Hòc præstantior exeas.  
Is princeps decoris totius est typus.*

*Persuasum quibus est ita,  
Cùm res difficiles acriter opprimunt,  
Hoc solamen habent pium,  
Quod CHRISTVM referant hoc melius modo.*

*Rari sunt genus hoc viri,  
Excellens animi quos vigor eximat  
Ex vulgo: quia pulchrares  
Semper rara erit, & difficilis simul*

*Sed*



*Sed nobis stolidis venit  
In mentem propè nunquam pietatis, &  
Quod sint omnia Vanitas,  
Donec mors inopina impulerit fores.*

*Tum primum sapere incipis,  
Damnans præteritam vitam, & inania  
Serò gaudia, quæ quidem  
Toto pectore paulò antè adamaueras.*

*Tum CHRISTVM pauidus vocas:  
Cuius tu, incolumi dum tibi res tuæ  
Florerent, meminisse vix  
Dignabare, Quid hic sit meriti, vide.*

*Istuc cum facias metu,  
Hunc nunquam (bonitas illius est ea)  
Frustra amplecteris: attamen  
Id multò satius, quò citius facis.*

*Si quâvis aliâ studes  
Vndâ extinguere flammâ sitis, aut via  
Diuersa requiescere  
Queras: vndâ opera omnis cum oleo perit.*

## Epigrammata.

EIVSDEM FLOR. VOLVSENI.  
AD EGREGIVM ET SINGVLAREM  
virum, Antonium Bonuifium, virum Patri-  
cium Londinensem, Prosopopeia;  
de virtute & laude.

**D***Vm totam erraret, fortè incommitata per urbem  
Virtus, nec laudum præmia iuncta forent,  
Hospitium multos & supplex sepe rogavit:  
Qui daret hospitium, non tamen ullus erat.  
Adfuit haud multò post laus, (res mira) repente  
Laudis in amplexus, Urbs furibunda ruit.  
Non secus illa tamen, nuper quæ exclusa manebat,  
Atque iterum in solum est ire coacta nemus.  
Verùm ubi laus, Dominam Virtutem sensit abesse,  
Ad Dominam ingrata rursus ab Urbe venit.  
Vtraque post veniens Bonuifi tendit ad ædes:  
Hic Virtus, pulsa laude recepta fuit.  
Nam fraudem ille timens, blanda sub fronte, recede  
Laus (ait) hinc, studijs insidiosæ bonis.  
Illa refert, frustra me Antoni excludere curas,  
Quandoquidem virtus hic generosa manet.  
Consequor inuitam Dominam quocunque mearit,  
Nec nisi Virtuti sum bene fida comes.*

EIVS.

## EIVSDEM,

## LAVDES ET COMMODA INSVLÆ

Britanniæ, deque lana eiusdem insulæ quàm optima & plurima, cunctis exportata gentibus, cum deploratione status Christianismi, cuius intestinâ discordiâ hostis publici potentia obfirmatur.

**R**egna foret nimium longum memorare propinqua:  
 Hac se vestit Arabs, & cui rigat arua quotannis  
 Nilus, ab excelso delapsus vertice montis:  
 Qui Libyam longo tractu diffundit adustam.  
 Vitur hac pariter veteris gens culta Damasci,  
 Et Cilicum pubes, Cydno perfusa nitente:  
 Se tegit hac Thracum genus, & quicumque tyrannum  
 Agnoscunt Scythicæ fœcis, cui dudum orientis  
 Imperium nostri discordia contulit orbis.  
 Nunc ne sit simplex dementia, rursus eundem,  
 Qui genus excindat nostrum, nostrosq; penates,  
 Viribus armamus nostris, vtróq; vocamus,  
 Haud secus ac si ensen strictum quis porrigat hosti:  
 Protinus hoc, dicens, ferrum in mea viscera conde.  
 Securi interea, nos inter stringimus enses,  
 Et placet in bellum plus quàm ciuile geratur.

Z

Nec



## Epigrammata.

*Nec nos sacramouent communia, nec pudor ullus,  
Non sociæ duræ clades, & funera gentis,  
Non temerata Dei templa, heu, cultusque, sed omnis  
Christi extinctus honos: quodq; est vel dicere tantum  
Grande nefas: pietas miserè pessundata sensim,  
Ingenuaq; artes expulsa, & præmia laudis.  
Ille vbicunq; fuit victor, rerumq; potitur.  
Nec lacrymæ quondam, quos iam deuicta datura est  
Posteritas, frustra queritans pertæsa tyranni  
Crudele imperium, nec non passura libido  
Barbara, quicquid erit sæui quod iusserit hostis:  
Heu quoties cupient, ut belli authoribus huius  
Sit malè, per quos non venienti occurrere damno  
Est licitum, & primi cursus frenare furoris.  
Impia tunc dicent hæc arma fuisse, viròsque,  
Nòsq; sibi nimium malè prospexisse nepotes.*

EIVSDEM.

AD AMICVM IUVENEM, IN AMO-  
res prolabentem, ut se contineret,

ADMONITIO.

*E* Cquid amas, qui corpus amas, nisi putre cadauer  
Quod tegit in paucos blanda figura dies?  
Negligis infelix animum, licet omnis in ipso  
Sit positus nostræ nobilitatis honos.

*Hic*

*Hic sapit, hic potis est rerum cognoscere causas,  
Et terris positus se super astra vehit.*

*Nec levis hæc, quam adfert animo sapientia, laus est,  
Si rerum expendas callidus ingenium.*

*Non habet hoc quicquam, quanuis habet omnia, maius  
Aurea qui cæli dirigit astra Deus.*

FLORENTII VOLVSENI CON-  
clusio, de animi Tranquillitate.

**F**lorentius Volusenus in suo opere de animi Tranquillitate. Hæc (inquit) quæ verè bona sunt, sapientia, moderatio, & magnitudo animi, etsi inter ea alia alijs præstent : omnia tamen ob id vnum bona & excellentia sunt, quia illorum possessione, atque usu, proximè referimus illud summum, atque vnum bonum, Deum : talemque ipsa animo nostro, status dignitatem conferunt, ut ille interim nihil euariet ab illa, quæ in Deo inest, immò quæ ipse Deus est, bonitatis forma, quæ sic dicitur. Ad hunc quò propius vnum quodque tanquam pulchri atque boni *αγαθόν τι* accesserit, hoc venustius est, atque amabilius. Ex hac autem notione, quæ in promptu est, euestigio consequitur, illa etsi magna, immò ingentia bona sunt, non tamen prorsus & absolutè, esse propter se ipsa expetenda,

## Conclusio.

Seneca,  
Plutarchus.

Cicero.

Seneca.

sed referenda esse ad Deum ipsum. Nisi fortè tam vecordes simus, vt hic imaginem potius, quàm rem, (quod quidem sine summo scelere non fit) completendam putemus. Seneca & Plutarchus grauissimis in isto argumento tractando, vtuntur sententijs, sed fortassis minus distinctè ac distributè collocatis. Cicero, qui sibi laudem aptè, distinctè, ornatèque dicendi, suo iure, nec sanè immerito vendicat: etsi distributius ijs, quos commemorauimus, in Tusculanis quæstionibus disputat: cogitur tamen in eodem denuo locos incidere, quos (verbo absit inuidia) ornatius sæpè, quàm acutius tractat. Non sine voluptate vidi Lugduni, Guilielmum Pagetum, potentissimi Anglorum Regis legatum, ætate quidem Iuuenem, sed ingenio atq; sapientia maturrimum: fuit ille totus demersus in lectionem Senecæ, eò vnicè delectabatur: quod certè argumentum est solidissimi iudicij: quandoquidem Seneca autor est vndecunque grauissimus. Sed immensi operis esset de singulis quid sentiam pronunciare. Omnia cùm lustraueris, ex solis sacris literis est solida lectionis vtilitas. Fac tibi esse sexaginta Reginas, octoginta concubinas, & adolescentulas quarum non sit numerus: hoc est vt tibi sint omnes & eruditionis & facundiæ opes, quas profani scriptores suppeditant: vnica tamen sacrarum literarum com-



commentatio debet esse, columba tua, perfecta tua, vnica matri suæ, & electa genetrici suæ. O fœlices eos, quorum ea est vitæ ratio omnis, vt ea lucem non reformidet. Verùm illud longè splendidius est, eam tibi cogitationum puritatem, & dignitatem esse perpetuam, vt vel fronte pingi quicquid cogites non recuses, qui pectoris tui arcanis patefactis, admirabilior existeres, interim Sileni in morem neglectus. Cùm contrà alij sint, qui foris niteant: animus, qui verus homo est, si acutis & puris luminibus cerneretur, conspueretur ab omnibus. Salutares sanè sunt hæ, & magnificæ cupiditatis frænandæ rationes. Sed ea est præstantissima, quam religionis suppeditat doctrina, de vitanda turpitudine, ob eam præcipuè causam, ne illi (hoc est, Deo) displiceamus, à quo vno nobis est omne quod placet. Huc pertinent & autores, qui nobis legendi sunt. Si de his, qui extra Religionem sunt, sit sermo: si non tam linguam expolire, quàm animum virtute collocupletare cupias, nostra quidem sententia ex Græcis legendi sunt, Plato, Plutarchus, Xenophon: ex Latinis, Cicero, & Seneca: Naturas rerum, arte & methodo tradit Aristoteles. Plinius naturæ Historiam,

Græci legendi.  
Latini legendi.

## Conclusio.

riam, & citra illam doctrinæ methodum copiose conscripfit. Sed morum disciplinam quærenti; ex nostris, veterum scripta sunt anteponenda: spirant enim germanum quiddam in Christianismo, & erudita quadam simplicitate nituntur. Methodum tamen sæpè in eisdem desidero. Recentioribus, qui sunt innumeri, & methodus quædam est, & acuminis sanè plurimum: sed magna est rerum ieiunitas, & sæpissimè in ludicris & friuolis, ambitiose ostendant ingenium. Si quando illis sacra tractantur, nullæ sunt flammæ, nullus impetus orationis, quò accendatur ad rerum amorem lector. Ex vno propè Aristotele barbarè intellecto, omnis illorum commentatio est composita. Placent sanè & illi, Augustini de Ciuitate Dei, libri. Erasmus Roterodamus, vir fuit foelicissimi ingenij, tenacis memoriæ & plurimæ lectionis, doctissimus vtriusq; linguæ, qui si plusculum Philosophiæ imbibisset, & paulò accuratior fuisset in Romani sermonis puritate, nihil neq; nostra, neq; superiora secula vidisset, quod sit cum illius scriptis (vt equidem arbitror) conferendū. Singularis planè est, & in Ciuilibus, & in Christianis moribus fingendis artifex. Atque de his hætenus Florentius

*Authoris  
iudicium  
de Erasmo.*

rentius noster. De quo plura videre volens, legat accuratè in opere suo, de animi Tranquillitate, in formam dialogi redactò, Lugduni conscripto, eo fortassis doctrinæ acumine, nitore, stilo, ac linguæ puritate, iuncta etiam sincera pietate, quâ suæ ætatis rariores, & nostræ ætatis recentiores perpauca, eundem æquasse putem. De quo videre licet testem auctoratum, omni exceptione maiorem, virum suæ ætate doctissimum ac disertissimum, Iacobum Sadoletum, Cardinalem, & Episcopum Carpentoraetensem, Italum, Epistola sua 16. lib. Epist. 6. ad Lotharingium Cardinalem, de eodem Florentio Voluseno, eiusq; doctrina & virtute incomparabili. Et Epistola sua, 13. Româ scripta ad eundem Florentium Volusenum, libro Epist. 16. Et Epist. 3. & 6. ad Paulum Sadoletum; ubi de prima notitia, & congressu primo Florentij Voluseni cum Iacobo Sadoletto, Italię. Cuius prudentiam, modestiam, singularem humanitatem, ac doctrinam admiratur, & prædicat; cuius sermonem, latinitatem, & ingenium vndique redolere affirmat: præter singularem pietatem, supra quam in homine perfecto, nihil desiderari potuit; adeò ut in Italo homine vix talem expectare potuerat. Accedit etiam & Iulij Cuspij Calabri, eximij, grauis & docti viri, de Florentio nostro authoritas,



### *Conclusio.*

& iudicium, in opus suum, de Animi Tranquillitate, præfixum, hoc carmine sic inscripto.

IVLII CVSPII CALABRI,  
Ad Lectorem, Decastichon.

**P**AUCA tibi, Lector, dicam, quæ pauca notato:  
Me certè inuenies non nisi Vera loqui.  
Magna quidem, ut nosti, res est, facundia, maior  
Doctrina est, pietas vincit utranque tamen.  
Hæc simul, ut cernis, tria per se singula magna  
Hoc licet exiguum quàm bene iungit opus.  
Singula sic magnâ cùm sint dignissima laude,  
Sat liber hic laudis quid mereatur habes.  
Sed quia vix habitant tria, quæ modò diximus, vnâ:  
Vix erit & index qui queat esse libri.

De quo hæc tria verè hoc carmine prædicantur, quæ in vnum rarò cadunt; facundia, Doctrina, & Pietas: quæ tria completum & perfectum hominem reddunt, doctum, pium, & prudentem. Quàm verò honorificè & condignè, de ipsa Britannia Insula, Australisque eiusdem partis incolis, & de vtriusque gentis coälitione, hæc ipsius verba perspicuè declarant. Popula-  
ribus

ribus meis, hoc est Scotis, quos Latine Caledonios populos dicas, non possum non bene cupere. Nihil enim patriâ dulcius, ut est apud Homerum. *ἄνθρωποι τὰς ἀνθρώπων πατρίδα αἰὲν αἰὲν ἐν ἀγαθῶν καί.* Anglo-  
rū verò semper in me singularis fuit humanitas, & eorum plerisq; beneficijs, non vulgarib<sup>9</sup> sum deuinctus. Prætereo florentissimi Regis gratiam, per quem sanè non stetit, quò minus ipse iandudum omnibus eis ornamentis, quæ à fortuna proficisci possunt, sim ampliter collocupletatus. Impiæ illa atque intestina bella, quibus Insula, omnium quas sol (quod satis constat) videt, siue soli genium, siue gentium præstantiam spectes, longè princeps & clarissima, assidue concutitur, non prius, quantum coniecturâ arbitror, finē inuenient, quàm ex duobus Regnis vnum conflatur: aut certè gentes eæ, vrrinque in eam, quæ Christianos decet, hoc est, in sanctam, atque indissolubilem quandam adducantur concordia, aut coalitionem. Quod faustum felixq; sit, & suo tēpore oportuno faxit Deus.

FLOR. VOLVSENI ORTVS,

*Vita, & mors.*

**H**ic noster, Florentius Volusenus, Natione Scotus, parentibus ingenuis, Morauia pro-

A a

uincia

### Conclusio.

uincula nat<sup>9</sup> ad Loffæum amicum, amantissimum,  
disciplinis liberalibus in Patria educatus; Qui  
vbi complures annos Philosophiæ operâ dedis-  
set, in Gymnasio Abredonensi, deinde Lutetie  
est eruditus, ibique Eboracensis Cardinalis Vo-  
luseni, fratris filium in disciplina habuit; à quo  
multis beneficijs honorificè cumulatus fuit.  
Post, cum patris mors, à puero illo Florentium  
distraxisset, ad Bellaium Parisiensem Episc. se  
contulit: Cum quo, itinere in Italiam, Romam  
versus proficiscens, Iacobum Sadoletum Episco-  
pum Carpentoraetensem, visendi studio du-  
ctus, & ab eodem humaniter exceptus; haud  
multo post tempore, præsul ac consules Carpen-  
toraeti, ob singularem viri virtutem accensurunt  
omnes desiderio retinendi hominis, ad publi-  
cam liberalium artium professionē obeundam:  
Res pacta est, tanta ciuium voluptate & gaudio,  
(teste pio præfule) vt omnes nouam felicita-  
tem, vrbi exortam esse putent. Quin circumfe-  
runtur sermones, quos cum consulibus habuit,  
ita liberales atq; ingenuj, vt nil possit supra. Hic  
vbi complures annos in Italia, Gallia, alijsq; Eu-  
ropæ nationibus exteris, transegisset, tandem in  
patriam rediens, ad Rhodanum, eius uicem, **I**  
fatis superisque feliciter concessit. De quo sic  
noster



FLORENTIO VOLVSENO SCO-  
to, Georgius Buchananus.

Et Vt ait Gregorius ille Nazianzenus,

Αὐτὸ δ' εἶναι πᾶσι πεπεισμένους ὅτις ὦκα θύοιτες.

Homerus, hominum genus *εὐχνοει*, hoc est, folijs, aut frondibus simile esse ait: in quam eandem cogitationem incidit præclarissimum illud tolerantiae exemplum, Iobus, cum illud scriberet, contra folium quod vento rapitur, ostendis potentiam tuam. David Hierosolymorum Rex, & Esaias, natum longè nobilissimi hominem florem agri, dicunt; atq; omnem eius quæ ex carne est gloriam, perinde ac tœnum subito exarescere. Pindaro poetæ *οὐρανίου* est homo, hoc est, umbræ somnium. Iobus, fugere eundem

**A2.2.**

air,

## Conclusio.

ait, velut ymbrá. Et Hesiodo  
Homo, est vermis & ymbrá solúm. Sed quid  
opus est, citandis quibuscunque huiusce verita-  
tis testibus, tempus extrahere, cum oculis vide-  
amus, quàm citò nobis pereat hæc rerum facies?  
Quare in dies, ac horas, fixè ac seriò expectandū  
illud vitæ momentum, in quo misella hæc anima  
est efflanda, vt tandem aliquando, ad optatam  
illam æternitatis Ianuam foeliciter aspiremus,  
in vnico Salvatore nostro Iesu Christo.

Cui cùm Patre, & flamine Sacro, sit

omnis honos & gloria,

in æternum.

Amen.

FINIS.



# ERRATA.

## In Prologo Jobi.

Pag. 1. l. 21.  
Etenim ex recta  
5. 3. Prologum

## In epist. ad Lectorem.

2. 15 insequi  
ibid. antepenult. *φωσος* *αυγ*  
11 2. *μωρε* *πρωτης*

## In lib. Job.

3. 13 H. locausta que  
13. 8. quicquid  
14 9 fidens  
15. 16 perrennem  
20. 4. reque  
25. 11. querimonias  
26 21 querimoniarum  
ibid. 23. responsionis & pars  
ibidem ead. *εις* *αυτης*  
31. 5. committit  
ibid. 18. amicos  
43. 13. a. ducit que  
ibid. 21. servandum  
47. 5. Tum his  
ibid. 32. dolosa  
50. 8. lethai  
ibid. 32. descendit  
54. 17. accipitis  
56. 3. felices  
57. ult. per amicos  
59. 18. oculos  
62. 16. in iustos  
63 18 loquitur  
70 4 nec ipse Topaz  
73. penult. vipera  
76. 18. quæstibus  
77 19 diffideret  
80. 15 muteque  
89. 19 iniquis  
92 ult. expertatus  
93 14 nunc cana  
98 11 stimulo

## Lib. Threnor.

1. 1. querimonias  
7 ult. di. nullo  
8 15 nimis  
13 13 atrescent  
13 23 laco  
14 16 rideant  
19 1 furui

## Corrigenda.

Etenim ut ex recta.  
Prologo.

imitari  
*φιλανθρωπ*  
*μωρε*

holocausta.  
quicquam  
fidens  
perennem  
iræque  
querimonias  
querimoniarum  
responsionis pars  
*εις* *αυτης*

committit  
amicos  
obducit que  
sternendum  
Tunc his  
doloso  
lethai  
descendit  
admittitis  
felices  
*φιλανθρωπ*  
oculos  
in iustos  
loquitur  
non ipse  
vipera  
quæstibus  
diffideret  
muteque  
iniquis  
tuo  
num cana  
stimulo.

querimonias  
demisso  
furens  
arescent  
lacco, metrice, gentis, libera.  
videant  
furui,



Pag. lin.

[1. 18 scrutentur

3. 8. percipere  
13 18 milles  
15 13 verere  
21.1 vastatrice  
36.19 regi  
48.5. famorique  
50.10 populoque  
59.19. illi

5.11. sacerdoti  
ib. 39. deferis  
3.25 sacra  
10 antepensile. quum  
11 34 penetrare  
13 6 metanoecian  
14 4 interno  
Dom. 16. 17. nexu sceleris  
Dom. 46. 1 dogmata

2 18 liciferum  
Cap. 3 titulo capitis, peccato  
4 3 horrendum

puritatem

Fol. 67. pag. 2. 19. Britaniz  
ibidem 14. Euangelij

*Epigram. Thio Voluseni, Epitaphio tertio in authorem, litora P. vers. 5.*  
inuidia

76 9 neglectis  
ibid. 37. accendat  
78 1 Calydonios  
ibid. 11 impie  
79 9 vitat  
vit. 6 expectantes

*Apoclypsos Prologh*

*Libri.*

*Catecheseos.*

*Confess. fidei.*

*Affertione Meluin. 6.*

*Epigrammatum Authoris.*

*Conclusione operis.*

*Corrige.*

exquirantur

perciperem  
milles  
vrere  
vastatrices  
regis  
femorique  
populoque  
illis.

sacerdotis  
deferis  
sacra  
quin  
penetrare  
metanoecian  
in terno.  
nexu sceleris  
dogmate.

lechiferum  
peccato  
horrendum.

puritatem.

Britanniz,  
Euangelij.

inuida.

neglectus  
accendatur  
Caledonios  
impia  
Et ut ait  
expectandum.









